

地 610
939

合肥關仲韓先生遺箸

新田大記

光緒丁未冬至桐城張祖翼題

合肥關仲韓先生遺箸

新畹田日記

光緒丁未冬至桐城張祖翼題

叙

咸同之際海內初定者儒碩德以文學相尙恪守師承并有述造中朝薦紳亦相沆瀣東南大吏如曾文正沈文肅丁文誠張文達諸公莫不初下轡軒即闢書局甄采古籍校理祕文所以餉遺學子綿衍薪傳至深遠也合肥闕仲韓先生以諸生從軍積功被薦作令吳中峻邁清剛不偶於世與高安高碧湄 心齋歸安楊季遠峴江山劉泖生履芬山陰傅星槎 維祚諸寓公以學行相砥厲壇坫斯崇物望攸屬同光之間江南學人所謂五君子者也高楊長於金石考訂之學傅劉兼擅詩古文辭而先生則博綜史例奄有三長屹屹窮年積稿甚夥顧以輕率流傳有乖亭林良工示璞之旨遂扁篋衍不鉞棗梨先生賃廡予家垂二十載 仁俊勝衣就傅拜省光儀泊乎壯年敬承馨欬歲丙戌先生歸道山予始從哲嗣新甫司馬 濬鼎獲讀茂陵之書編年紀事之作義疏旁證之文動盈篋笥蔚爲巨觀其已編定者有因是閣詩古文詞集各若干卷譚小錄一卷

已刊行者有六友山房外集一卷此外則以新疆大記及徽縣略志回回事略等六卷尤爲切要山川能語幅員旣長懷恤緯之殷憂獻固圉之長策思深哉有心矣記中博稽前志辨證傳聞不以大荒而不論不以既往而不徵窺其深衷蓋諗知羈縻勿絕之非計而諷當事者以力征經營杜塞外患也今先生謝賓客而天山之下圖籍改色詩云惟彼聖人瞻言百里彼中興諸老之汲汲於崇尚儒術豈故爲是宏獎風流援引氣類而已哉亭林有言文須有益於天下讀先生斯記固知與樊川罪言同有取爾也文孫鼐初上舍繹遊予門牆十餘年今留學日本將以大記先付印以廣其傳書來乞序爲述其先德及吳下舊聞以報之儻亦先生所默許者乎

光緒丁未十二月

吳縣王仁俊敬題於武昌存古學堂

新疆大記

卷首

造像

略例

目錄

書後

緒論

卷一

道里記上

卷二

道里記下

新疆大記 總目

卷三

城郭記上

卷四

城郭記下

卷五別記

回回事略

準噶爾事略

準噶爾舊疆考附

卷六別記

徽縣略志

先王父是因是公畫像

清乃神定乃天
 耶勞乃身禿乃
 顛耶乃必鬍而
 牽驚不驚耶乃
 昔美而文骨則
 堅耶乃若藪有
 麟而螻弗仲耶
 乃若齷有罇而
 鐸則宣耶冠耶
 紳耶貞不絕俗
 之仙耶
 光緒壬午因是
 翁自題時年六
 十有二



光緒丁未孫男鐸敬謹付印

略例

一本書專爲考索新疆方輿道里而作刺取前史以爲左證道里記上下二卷專紀今地名之道里附以沿革考證城郭記上下二卷專紀古地名之城郭引據前史皆以天山南北路區畫疆宇秩然不紊

一紀西域疆土以蒲昌海天山爲樞紐則四方皆有紀極一出關由安西州迤至極西北境是爲天山南路一由鎮西廳迤西北而至伊犁是爲天山北路南再分葱嶺南北中三路北再分伊犁東西兩路

一記中考訂疆域於距離里數最爲詳核惟與他輿圖不無小異者蓋輿圖通例每方百里計以鳥道此則悉據實測也又城堡附近諸地名往往與他書及圖所載小異者他書泛及諸方容有漏略此則專詳西域故也至名都重鎮則印證他書無不符合

一人名地名全係譯音列代正史及西域記水道記等書往往互異如土爾番

作土魯番衛拉特作瓦刺古朗吉作布隆吉之類披圖對音易滋舛午今悉依欽定譯音以衷一是仍注舊音以便鈎考間有地名隱僻不易對音者苟音義可通即據他本採入

一譯音與舊音亦有不可盡明者如巴爾庫勒舊音爲巴里坤然今制於其地置領隊大臣仍以巴里坤字繫銜想可互通未敢率改

一回回與準噶爾諸部皆別爲事略以紀其種族之盛衰風俗之習慣與其疆域大勢史傳舊聞別附雜篇以供蒐討

一徽縣爲隴西故地典午以來戰爭起伏蓋西北一大樞紐也記新疆之外兼述徽境爲略志一通記其道里疆界而注重兵事旁及人物俾論世之士有所引據

一記中次第悉依原目不敢有所羸雜惟原目道里記後別有沿革記子目相同今則省併爲一又徽縣略志本無子目茲之分列四類係重校時所定

一本書草創於咸同之間故於近年建置多未箸錄然山川方隅固亦按圖可指願以異日蒐探同光以來掌故沿革之關於新疆者別爲今記以承其後

一原稿附圖一卷精確詳慎皆據實測而得間有缺佚亦不敢妄有增益致改舊觀圖中小印二枚一曰沈份私印一曰培園沈君蓋當年爲先王父分任編測者又原書經徐君文賁字十樵者校勘一過茲敬錄於此

光緒丁未冬次孫鐸校竟敬記

原圖因在東付印無從參校未敢率爾刊行擬於回國後精校覆繪再版加入附記

新疆大記目錄

因是閣遺書之一

道里記第一

天山南路

安西州 玉門縣 敦煌縣 哈密廳 關展廳 哈喇沙爾 庫車
阿克蘇 賽喇木 拜 烏什 喀什噶爾 葉爾羌 和闐

道里記第二

天山北路

鎮西廳 迪化州 奇台縣 阜康縣 昌吉縣 綏來縣 庫爾喀
喇烏蘇 塔爾巴噶台 哲克得里克 額爾齊斯 伊犁東路 伊
犁西路

城郭記第一

天山南路

伊吾盧 哈密 東且彌 西車彌 卑陸 卑陸後國 劫國 郁

立師 狐胡 車師前部 高昌 輝和爾 亦都護 哈喇和卓

土爾番 焉耆 危須 尉犁 山國 烏壘城 輪臺 默爾奇斯

獨山城 巴什伯里 龜茲 養夷 溫宿 姑墨 塔什罕 賽藍

博哈爾 尉頭 沙鹿哈雅 樓蘭 婁羌 鄯善 吐谷渾 且末

乙弗敵 精絕 小戎 戎盧 渠勒 扞彌 于闐 皮山 莎車

幹瑞 失刺思 亦弗思罕 俺的干 西夜 以下為葱嶺南道 烏秣 蒲

犁 喝盤陀 俱蘭 賧彌 烏菴 尉賓附 小勃律附 疏勒

依附 以下為葱嶺中道 無雷 識匿 難兜 大夏 附月氏 捐毒 以下至康

居為葱嶺北道 休循 康居附 大食 賽瑪爾堪 喀什噶爾 迭里密

渴石

城郭記第二

天山北路

車師後國 烏貪訾離 西蒲類 移支 東蒲類 烏孫 匈奴

鮮卑 高車 蠕蠕 悅般 鐵勒 薛延陀 同羅 僕骨 多覽

葛 斛薛 阿拔 契苾 拔野古 白霽 北突厥 拔悉密 葛

邏祿 回紇 西突厥 石國 沙陀 回鶻 西突厥 謙州以下

為回紇 益蘭州 吉里吉斯 烏斯 撼哈納 嶺北行省 瓦剌


別記第一

回回事略 準噶爾事略 準噶爾舊疆考附

別記第二

徽縣略志

一沿革 二兵事 三人物 四雜記



書後

右 先王父因是公遺著新疆大記稿六卷圖一卷光緒丙戌 先王父見背

先君夙嬰疾病常在壯蓐未遑校刊賚志沒地 鐸少而失學不自樹立家又
屢空不足以竟先人未竟之志十年以來耿耿明發載書遠遊冀有所遇偶有
見聞足資參證隨時記錄久而成帙頃歲留東棘心時局披覽新圖輒多變色
向之回疆今爲俄域西鄰虎眈中原獅伏石田成腴名都易姓求所謂若布魯
特若霍罕若安集延若哈薩克若布哈爾等等者皆已名從主人不復地從中
國可勝歎哉蓋新回諸疆於我盛時喁喁內響乾隆中葉命將出師祇在撫循
未勞剪伐雖袤延數萬里已隸版圖而教養所施不被徼外輓近以來通儒相
望亦復儕以大荒存而不論中朝失馭遂絕羈縻俄人智取力征經營不數十
年舊觀頓改今之讀史者將欲逾天山跨葱嶺問炎劉之西域畧却特之藩封
輒復悵望窮邊傷懷陵谷厓飶糠及米之憂作亡羊補牢之計有以哉有以哉

中原苦邊患久矣長城竟海蒲陶入漢降及晉唐胡蕃馭還二千年來之戰局西北實始終之固不獨伊川野祭武靈蠻靴之足供慨歎也先王父碑精史學志在澄清道光末造杖策從戎盾鼻旄頭多所記述此新疆大記者屬草兵間原非定本斧落徽引有待親歷高志不遂遽棄人間其他譔筭雖自勘定亦不欲早付剖氏殆軍中記實多與官牘不符或於時賢故實多所觸迕未可知也鐸祖庭逮事虛受楹書竊謂此記宜公當世論古則資對鏡知今則畀方針記中詳列里程明辨向背既異經生稽古之談更祛大漠迷方之惑鐸復別疏緒論附麗於篇綜述方輿旁參綽度敢云貫串聊代引嚶都無義例之依不免雜糅之誚又篇末回疆故地多入強俄證以近日輿圖理宜刊落惟參考攸資固有取爾存之後幅以當續貂自餘舛午知甚叢沓通方諸彥倘糾正之戊申五月次孫鐸校印訖並記

緒論

合肥閻鐸初

新疆全境東界安西州東北界哈薩克部西南界布魯特及克什米爾伯特等部南界西藏東南界青海蒙古東西七千餘里南北三千餘里週積二萬餘里新疆各城與京師距離里數

伊犁一萬六百十里

塔爾巴噶臺一萬二百八十里

庫爾喀喇烏蘇九千五百五十里

烏魯木齊八千八百四十里

古城八千三百五十里

木壘八千百七十里

巴里坤七千五百十里以上北路之道里

喀什噶爾一萬二千二百二十八里

英吉沙爾一萬二千五百八十里

葉爾羌一萬二千二百二十八里

和闐一萬三千三十八里

烏什一萬一千五十八里

阿克蘇一萬八百十八里

庫車一萬十八里

喀喇沙爾八千九百五十里

吐魯番七千九百三十里

哈密七千百八十里以上南路之道里

道里既定經度可稽以伊犁言之日行晝夜出入時刻惟二分與京師同春分後晝刻漸長於京師秋分後晝刻漸短于京師冬至為短之極日出遲十三分日入早十三分較之京師晝刻短一刻十一分冬至後漸贏至驚蟄日出遲二分日入早二分春分適與京師合夏至為長之極日出早十三分日入遲十三分較之京師晝刻長一刻十一分夏至後漸縮至白露日出早二分日入遲二分秋分又適與京師合至於節氣中氣交入時刻伊犁與京師較早九刻二分其南北兩路則喀什噶爾早伊犁二刻三分早京師十一刻五分英吉沙爾早伊犁二刻早京師十刻十一分葉爾羌早伊犁一刻九分早京師十刻五分阿克蘇早伊犁十二分早京師九刻十四分和闐早六分早京師九刻八分以上皆視伊京俱早者也哈密遲伊犁三刻三分早京師六刻巴里坤遲伊犁三刻

早京師六刻二分木壘遲伊犁二刻五分早京師六十刻二分吐魯番濟木薩
遲伊犁二刻早京師七刻二分烏魯木齊遲伊犁一刻十分早京師七刻九外
喀喇沙爾遲伊犁一刻五分早京師七刻十二分塔爾巴哈臺遲伊犁一刻二
分早京師八刻庫爾喀喇烏蘇遲伊犁九分早京師八刻八分庫車遲伊犁三
分早京師八刻十四分

漢書西域傳稱山北六國後漢書又稱車師六國六國者車師前後及卑陸且
彌蒲類移支即今之巴里坤烏魯木齊也其西爲烏孫其北爲匈奴五單于地
即今之伊犁塔爾巴哈臺也乾隆二十二年平準部定新疆北路分建城邑伊
犁之城九烏魯木齊爲腹地立郡縣設屯堡尤多其都統所駐曰鞏寧城提督
所駐曰迪化城乾隆三年建鞏寧東路城堡十有四古城領隊大臣駐孚遠巴里坤
領隊大臣駐會寧鎮西府治鎮西西路城堡亦十有四庫爾喀喇烏蘇領隊大
臣駐慶綏精河糧員駐安阜南路城一喀喇巴爾噶遜守備駐嘉德土魯番領

隊大臣駐廣安綏靖城塔爾巴哈臺所建也

巴里坤東至哈密所屬羊圈溝塘二百里西至烏魯木齊所屬之濟木薩塘九百里南界哈密北界喀爾喀在肅州北一千七百九十里與哈密皆以天山爲界山陽爲哈密山陰即巴里坤也東門外有漢永和三年敦煌太守裴岑紀功碑天山之山顛有唐貞觀十四年姜行本紀功碑蓋巴里坤爲自古戰守阨隘之地乾隆三十八年設鎮西府領宜禾奇臺兩縣尋降府爲廳省宜禾縣

古城曰孚遠西至濟木薩六十里東至奇臺縣九十里南阻松山北界沙山西北通科布多

烏魯木齊係準噶爾舊地東界哈密所屬之羊圈溝塘一千四百六十七里西界伊犁所屬之瑚素圖布拉克臺一千四百四十里南界喀喇沙爾所屬之蘇巴什臺八百二十里北界塔爾巴哈臺所屬之烏爾圖布拉克臺八百卅五里東北界科布多所屬之鄂倫布拉克臺八百四十里所轄領隊大臣五道員一

庫爾喀喇烏蘇曰慶綏城精河曰安阜城自精河西三百二十里瑚素圖布拉克臺爲伊犁界南皆大山庫爾喀喇烏蘇所屬土爾扈特其游牧之地曰濟爾噶朗距城八十五里東至奎屯河邊定界西至固爾圖托多克兩軍未至之中立界南至南山北至戈壁湖灘精河所屬土爾扈特其游牧之地曰託里距城九十里東界精河城北界喀喇塔拉額西柯淖爾南界伊犁哈什圍場山陰西界托霍木圖臺

塔爾巴哈臺舊爲準噶爾游牧之地乾隆二十九年參贊大聞綽勒多由烏魯木齊率兵六百屯雅爾地方建城並派京健兩營兵三千駐劄三十一年阿桂以冬令雪大奏移進二百里於楚呼楚之地築一城即綏靖也東至科布多界烏隆古河八百里北至科布多界額爾齊斯河六百里南至伊犁界阿魯沁達蘭三百八十里西至愛古斯哈薩克部落四百餘里所屬有厄魯特（在城東南）南巴爾魯克毛海柯凌賽爾等處距城百餘里夏季於雅瑪圖策勒克等處距

城三百里編六佐領)有察哈爾(在拜興圖一帶一佐領)有土爾扈特(在霍克博賽里地方)有哈薩克(西北卡倫外游牧九十餘戶七百餘口)

喀什噶爾徠寧城東至英阿瓦特回莊二百五十里與葉羌爾連界(自英阿瓦特莊以東皆戈壁凡六百里至蔡爾羌所屬之巴爾楚克臺)南至和什爾塔克腰臺四百廿里與葉爾羌連界(喀什噶爾之南為英吉沙爾以係屬城故舉葉爾羌為界)西至烏帕特卡倫一百二十里與布魯特喀爾提錦部落連界(路通安集延)北至伊斯里克卡倫一百七十里與布魯特冲巴噶什部落連境

喀什噶爾所轄回莊

賽爾滿城正西二里

霍爾罕城西五里

阿爾斯阿圖什城東北七十里

玉斯圖阿原圖什城北五十里

阿爾瑚城東北八十里

木什素魯克城西北八十里

烏帕爾城西南
百里

塔什密里克城西南一百
五十里

牌素巴特城正東一
百六十里

罕愛里克城正西
三十里

伯什克勒木城東北
三十里

托古薩克城正西
三十里

阿爾瓦城正東
三十里

和巴爾布依城東西
八十里

岳普爾瑚城東南
二百里

塔斯渾城正南
八十里

今之新疆即漢書之西域稱南有大山東扼玉門陽關西限葱嶺葱嶺為南北

大山之宗而南北大山新疆兩路之所由分也大地之山發脈于岡底斯山

在西寧西南五千
五百九十餘里山有四幹其西北趨者為僧格喀巴布山在和闐
正南西北千八百餘

里為齊齊克里克嶺喀什嶺又西為和斯魯克嶺又北折為吉布察克山

又折而東為阿喇古山復東為喀克善山凡周環千八百餘里總名為葱嶺

從葉爾羌之南分支東行者為南山東出金城與漢南
山屬終南山也至烏什阿克蘇北分支東

行者是為北山第漢書云傍南山北為南道傍北山為北道是二道皆在北山

之南今則南路在北山南北路在北山北也

自伊犁惠遠城東北行一千九百五十里至塔爾巴哈臺城此軍臺路程其由卡倫行者自惠遠城二百五十里至干珠罕又一百二十里至烏蘭布喇又九十里至沁達蘭又百四十里至阿魯沁達蘭又百里至莫多巴爾魯克又九十里至巴巴爾魯克又九十里至額爾格圖又八十里至察罕托海又百二十里至瑪呢圖又百三十里至塔爾巴哈臺共一千四百三十里

在漢爲匈奴地其東北與科布多以額爾齊斯河爲界西及塔爾巴哈臺東北皆哈薩克也自惠遠城東行六百五十里經土爾扈特游牧至精河城又東四百十里至庫爾喀喇烏蘇城西南有地名鄂壘札拉圖

又東經綏來昌吉二縣七百十里至烏魯木齊哈密城即古車師後王庭其前王庭即今吐魯番也

漢書西域傳車師後王國治務圖谷今巴里坤西二百五十里有務塗水塘或

以爲即古車師後王國所治第漢時都護所治在今車爾楚其地距吐魯番近距巴里坤遠而漢書云交河城西南至都護治所千八百七里務塗谷西南至都護治所千二百三十七里是古務塗谷近于交河城非今之務塗谷也烏魯木齊東南越齊克達巴罕五百三十里至吐魯番

宋史高昌傳王延德使高昌師子王邀延德至其北庭歷交河州按交河縣即吐魯番北庭即烏魯木齊所云經柳谷度金嶺者當即齊克達山一帶也

又東行一千三百三十里至巴里坤南爲天山即古祈連山北爲巴爾庫淖爾即古蒲類海迤北喀什喀爾界此北路疆域也

巴里坤踰天山三百三十里爲哈密城即古伊廬其山道極險峻盤道數十折衛以欄楯雍正十一年兵部員外阿炳安所闢也

唐元和郡縣志伊州治伊吾縣領柔遠納職二縣天山亦名折羅漫山在伊吾縣北一百三十里今哈密城北百十里爲天山是古伊吾縣治在今哈密城南

矣又拘密山在納職縣北百四十里又北二十里抵蒲類海又柔遠縣柳谷水有東西二源出縣東北天山南流十五里合流是納職縣治在今橙槽溝南北柔遠縣治在今塔勒納沁城左右也

哈密西行折而北踰烏克克嶺行兩山中以避風戈壁之險出山至鹽池經關展城至吐魯番凡七百五十里其地爲唐安樂城

唐交河縣治崖兒城崖兒即雅瑚音之訛

其東七十里

爲喀喇和卓即大明州治也又東五十里爲魯克沁即漢柳中地戊己校尉所治魯克沁即魯克察克元史作魯古塵

準噶爾本元阿魯臺部也即厄魯特聲之譌

噶爾丹者北厄魯特之汗也左翼圖謝圖右翼車臣皆喀爾喀部蒙古與厄魯特爲鄰

乾隆四十七年侍衛阿瀾達窮河源考其濫觴自葱嶺始按其極星之出地高下定以中星之偏東偏西考喀什噶爾河源當極星四十度八分中星偏西四

十三度二分葉爾羌河南源當極星卅六度六分中星偏西卅九度葉爾羌河西源當極星卅七度至卅八度中星偏西四十二度和闐河東源當極星卅六度中星偏西卅五度和闐河西源當極星卅六度中星偏西卅六度八分阿克蘇河東源當極星四十一度八分中星偏西四十七度其四河交匯當極星四十度四分中星偏西當三十五度五分自此東流達於羅布淖爾其地當極星四十度至四十度五分中星偏西廿八度至廿七度又東經吐魯番城其地當極星四十三度中星偏西二十六度又東經關展城其地當極星四十二度八分中星偏西三十五度又東經哈密城其地當極星四十二度八分中星偏西廿一度八分自羅布淖爾伏流一千五百里而出於阿勒坦噶達素齊老乃爲黃河考古說之異同彰河宗之靈蹟皆資西域之地圖以爲定論

天山以南悉爲回疆乾隆二十四年平定後建八城曰喀什噶爾爲疏勒國曰英吉沙爾爲依耐國曰葉爾羌爲莎車國曰和闐爲于闐國曰阿克舒爲溫宿

國曰烏什爲尉頭國曰庫車爲龜茲國曰喀喇沙爾爲焉耆國皆漢時城北諸國境也惟其地名悉改沿回語今爲通譯於下喀什者各色也噶爾者磚房也謂居民富厚多磚房也英吉者新也沙爾者城也言其地新建城也葉爾者地也羌廣也言其地寬廣也和闐爲古于窰之譌阿克者白蘇水也謂其地昔有水患以水得名也烏什即烏赤山名也其地山石突出城居山上故以山名庫謂此地車謂智井言其地有智井也喀喇黑色也沙爾城也其城歲久而色黑言古城也以上八城分駐辦事領隊大臣英吉沙爾附喀爾噶爾和闐附葉爾羌阿克蘇先附烏什嘉慶二年始分而總其事於喀什噶爾參贊大臣喀什噶爾英吉沙爾葉爾羌烏什阿克蘇五城有滿營綠營兼駐和闐庫車喀喇沙爾三城有屯田餘城則無阿克蘇又有織局

喀什噶爾烏什阿克蘇又有布魯特喀喇沙爾土爾扈特和碩特此其大略也布魯特分東西二部其首領謂之比次者爲阿哈拉克齊每部落之首領無額

數以曾經出力或有勳伐者爲之亦父子相繼有罪則除其相去遠近哈薩克左部則阿迪勒所轄衛遜諸鄂托克附伊犁喀郭羅勒鄂倫及鄂爾果珠勒卡倫伊巴克所轄索宛托克附伊犁沁達蘭卡倫俱有所近幹理所轄阿塔海瑚蘭素諸鄂託克爲較遠右部則江霍卓卓勒齊所轄奈曼諸鄂托克附塔爾巴哈台爲最近其西部額勒里汗弩喇麗汗處極西爲最遠

布魯特在漢爲休循捐毒二國在唐爲大小勃律乾隆二十三年大軍討逆回波羅尼都霍集占將軍兆惠捕伊犁餘孽旋師道經布魯特界酋長圖魯起拜等願內附霍集占在葉爾羌與官軍抗拒波羅泥都將自喀什噶爾往援布魯特以兵攝其後乃止波羅泥都之衆不敢進

烏什逆回賴黑木圖拉滋事巴布敦偕安集延貿易回人問道赴霍罕乞援且譌言惑衆布魯特比齊里克齊誘巴布擒之遣其弟喀爾捫都縛獻今則布魯特霍罕安集延哈薩克布哈爾諸地全爲俄人取去茲就昔時內附者論列

之

布魯特各部落

沖巴噶爾部落 在喀什噶爾城東北巴爾昌卡倫至西北喀浪圭卡倫以外

通霍罕

希布察克 英吉沙爾城東南鐵列克卡倫至西北圖木舒克卡倫以外及喀

什噶爾西南伊勒古楚卡倫內一帶游牧通拔達克山布哈爾等地方

薩爾特 在喀什噶爾西南伊勒古楚卡倫外

奈曼 在喀什噶爾西南伊勒古卡倫外游牧通巴達克山布哈爾地方

喀爾提錦 同前在玉都巴什卡倫外游牧通霍罕達爾民斯霍占等地方

提依特部 在喀什噶爾東北伊蘭烏瓦斯卡倫外游牧通奇里克布庫部

圖爾額依格部 在喀什噶爾西烏帕喇特卡倫連提依特部

蘇勒圖部

岳瓦什 喀浪圭卡倫通瑪爾噶朗霍罕

額德格納 與岳瓦什同在喀浪圭卡倫外相距八站

察哈爾薩雅克 圖舒克塔什倫外連薩雅克部落

薩雅克 通哈薩克

巴斯奇斯

蒙額勒多爾 伊蘭烏瓦斯卡倫奇里克布庫部落

色勒庫爾 在葉爾羌城西南亮噶爾卡倫外通英吉沙爾城南烏魯克卡倫

奇里克 在烏什城西沙圖卡倫外鄂斯塔勒地方通伊犁

胡什齊 哈克沙勒地方通喀什噶爾

薩爾巴噶什 亦名布庫部落在伊犁西南鄂爾果珠勒卡倫外特雅爾圖淖

爾南岸

哈薩克爲漢康居非大宛也所部本回種伊犁之西有塔什罕者與哈薩克同

族乾隆三十二年阿布賽遣都拉特柯勒至伊犁呈遞以霍罕伯克頗爾德泥
強占塔什罕阿布賽以阿布勒必斯帶兵奪回塔什罕求借兵二萬以攻城

該部落向傳圖記二枚一在阿布賽處一在都拉特柯勒處可以交換

城郭居者為塔什罕游牧者為哈薩克其部有三曰左部亦曰東部曰右部亦曰中部曰

西部

哈薩克三部之部落

阿卜賴 瓦理 阿布賽 幹理 阿帕斯 蘇勒坦柯喇依以上左部 脫

卜柯依 色莫柯依 托布柯依 都爾損以上右部 都爾遜庫楚克

阿迪勒薩滿 頭克占以上西部

哈薩克內有伊克準都木達準巴罕準三部

伊克準即衛遜鄂託克向無管束之人有事則在阿布賽博羅持阿布勒必斯

等處詢行

都木達準即奈曼阿爾呼勒兩鄂托克又巴罕準即阿勒沁鄂托克考其地望
伊克準即左部都木達準即右部巴罕準即西部也

其汗近族之臺吉日蘇勒坦亦曰蘇爾統

大興徐松漢書西域志補注有三十六國考今附錄於此並與荀悅漢紀等書
參互考證之

婁羌荀悅漢紀次第一 案婁羌國以下次第依徐注而記荀紀次第於下

樓蘭即鄯善國 且末荀作沮沫次第二 小宛 精絕荀第三 戎廬荀第四 扞

彌荀廿六爲次 史記作扞架索隱扞架國名也
大國第一 今名寧彌

渠勒荀第十 于闐荀廿七爲次大國第二 皮山 荀第六 烏秣荀第七 西夜

荀第八 子合 蒲犁荀第九 依耐荀第十 無雷荀第十一 難兜荀作難完第

廿八爲次大國第三 大宛 桃槐荀第十三 休循荀第十四 捐毒荀第十二

莎車荀第廿一次大國第四 疏勒荀第十五 尉頭荀第十六 姑墨 溫宿荀第

三十次大國第五 龜茲荀第世三次大國第六 尉犁荀第世四次大國第七 危須

荀第世五次大國第八 焉耆荀第三十二次大國第九 姑師荀第廿七有車師國徐松補注云宣帝時破姑師分

以為車師前後王及山北六國則孝武時有姑師而無車師前後國及山北六國車師都尉國車師後城長國烏貪訾雖亦建國於元帝時屬賓鳥弋山離安息大月氏康居五國不屬都護輪臺為漢所滅小金附漢不禁車師之伐其不屬漢可知皆所不當數也

黑山 孤胡 第廿五 劫 第廿四 渠犁 烏壘

按荀紀二十七小國小者七百戶大者千戶耳次大者九國小者千餘戶大者六七千戶與漢書同者共二十七國別有五國與漢書異今附列於後

烏貪第十七 卑陸第十八 渠類谷 第十九 隋立師第二十 單桓第二十一

今回疆地即漢三十六國古蹟外喀爾噶部科布多城塔爾巴哈臺城皆古匈

奴右部

新疆大記

因是閣遺書之一

合肥闕鳳樓仲韓

道里記上



天山南路

安西州

東至肅州
南至南山

西至流沙州界
北至哈密州界

東至三道溝
南至南山

西至蘆草溝
北至半池泉

安西州漢敦煌地治在嘉峪關西六百五里距京師六千三百十里治之東七

十里爲小灣堡

經乾溝安家窩踰河而至

又五十里雙塔堡

雍正六年築城西南境有雙塔故名又西三十里地名渠口

又四十

里古朗吉

舊音布隆吉地多檉柳有泉初爲安西鎮城後改柳溝衛治今廢其西爲窟窿河東爲十道溝

又七十里柳溝堡

即四道溝康熙五十

七年建柳溝所雍正五年升衛移治古朗吉改舊所爲堡是爲安西東境

自此北行四十里爲灣橋堡

由此西北行九十里爲東黃蘆岡又九十里尖

山子又九十里茨窩泉又九十里東長流水又一百里白茨灘又一百里馬蓮井別自東長流水西北行五十里青山子又七十里烏拉天泉又北七十里蘆岡泉接哈密界

治之西

九十里爲百齊堡

漢廣至縣地在新瓜州西北六十里雍正十三年移城於此西北三十里爲舊堡又北爲火燒林其東十里爲梧桐林

治之西南

三十里爲新瓜州舊爲安西衛治雍正十三年築正堡居內附之回民別於頭堡數里之內改築新瓜州城以鎮撫之又四十五里爲古

瓜州有城又西四十里蘆草溝與敦煌之甜水井接界治之南九十里爲踏實堡晉新鄉縣地南倚南山東

北有特布忒河其西百里爲樹溝又西接敦煌界迤東五十里苦峪有土城東南境平地于峪頃東北二百里舊有河通蘇賴昌馬兩河會合處今涸自此

折西南行至石包城在山谷間北距治二百九十里壘石爲城有藥泉城北五里爲得勝塾又一百五十

里紅柳園又八十里大泉又西北九十里爲馬蓮井爲安西北境北接哈密之星星峽路當孔道

(建置)我朝定鼎瓜沙以西咸屬邊外赤金安西沙州皆舊所靖逆衛柳

溝所康熙五十七年始設雍正三年置安西鎮安西同知初治古朗吉六年建安西鎮于大灣移治新城領靖

逆初註通判領柳溝所三年改隸安西廳柳溝赤金安西沙州五衛所十三年土爾番酋長額敏

和卓率所部回民來附以舊安西衛治築新瓜州以居之屬沙州乾隆二十

一年大功耆定詔升州縣升安西鎮爲安西府二十四年以赤金靖逆兩衛

地改置玉門縣以沙州衛改置敦煌縣以安西柳溝兩衛改置淵泉縣安西

府領縣三淵泉與安西府同城嗣移府治于敦煌三十七年復移治于淵泉

三十八年改安西府爲直隸安西州裁淵泉縣爲州治隸縣二玉門敦煌謹遵

欽定西域圖志疆域山水各門編次並採冊說下做此

考試初准衛屬文武童就肅州試取進附肅州學管轄乾隆八年於五衛適中之安西衛設學統轄五衛生員二十年設安西府即設府學嗣是玉門敦煌同建廟設學三十八年改府爲州併歸州學學政按臨肅州文武生童仍就肅州考試

(沿革)安西古西戎地漢武置酒泉郡縣九福祿表是樂涓天依玉門會水

池頭綏彌乾齊

表是天依今高臺境內福祿今嘉峪關至玉門縣界地俱屬肅州

後元年復分酒泉郡置敦煌郡縣

六敦煌冥安効穀淵泉廣至龍勒晉以敦煌之深泉冥安廣至宜禾伊吾五

縣分酒泉之沙頭縣別置會稽新鄉凡八縣爲晉昌郡張駿分酒泉爲沙州

張祚又以敦煌郡爲商州隋復爲敦煌郡領三縣敦煌常樂玉門唐置瓜沙

二州分領壽昌晉昌常樂酒泉福祿敦煌玉門縣凡七五代時回鶻黨項分

侵其地後周稱涼州絕於中國獨瓜沙二州終五代常來宋景祐初西夏陷

瓜沙肅三州盡有河西故地元太祖二十二年始破其城尋立瓜州屬沙州

路明爲赤斤蒙古沙州三衛地成化後土爾番侵掠遂以居民徙居塞內至嘉靖間以嘉峪關爲中外巨防云

（輿圖考證）安西州屬全境乃有漢晉敦煌一郡之全而兼酒泉郡之半有唐瓜沙二州之全而兼肅州之半隋之敦煌一郡實與今之所屬相準州之本境所轄爲漢冥安淵泉廣至三縣地漢書敦煌在酒泉西淵泉最東西曰冥安又西北曰廣至又西南曰敦煌今州東爲柳溝城左右爲十道溝水西南有黑水橋亂泉子諸處當爲漢淵泉縣地州城北有蘇賴昌馬兩河合流西注爲南藉端水南藉端即冥水當爲漢冥安縣地漢廣至隋唐爲常樂縣東至瓜州一百五十里今州之西北一百五十里爲百齊堡當爲漢廣至縣地是今安西州全境乃屬漢時之三縣廣至晉分爲四曰廣至宜禾新鄉伊吾在晉則又兼有六縣地新鄉晉昌唐廣至分縣在敦煌南通典新鄉距州治九十里與今之城南九十里踏實堡相合宜禾伊吾晉書在敦煌北伊吾

以伊吾盧故地得名附近敦煌北境則宜禾一縣當在州東北境今以百齊堡求之皆境地毗連若晉之晉昌隋之長樂唐之晉昌長樂尤與本境疆域相準也

玉門縣

東至肅州南至雪山

西至三道溝接安西州境北至鹽池

玉門縣

康熙五十七年
建靖逆衛治

漢酒泉郡地在嘉峪關西二百九十里距州治三百一十

五里治之東六十里爲高見灘

東北境五十里有古塔地名塔兒灣

又三十里爲赤金峽又二十

里爲赤金堡

舊赤金衛治南山麓其泉北流環堡左右又北數里合流入花梅子初建玉門治於此

又九十里驢馬城

踰赤金湖火燒鑿至其地

又三十里惠回堡

即回回墓故地而墓不可考

又五十里雙井

爲玉門東境距嘉峪關四十里

治之南爲仙

姑廟迤西南三十里龍王廟

在兩河之間爲蘇賴昌馬會合處

治之北爲沙岡坡

渠流自此西折入布魯湖

治

之西五十里爲三道溝

西與州境之柳溝堡接界

迤北爲布魯湖

(建置)舊爲赤斤蒙古衛人

本朝改曰赤金設千戶所康熙間增築靖逆

城設衛而赤金所並升衛乾隆二十四年裁兩衛地置玉門縣

初治赤金衛嗣移治靖逆爲今

縣隸安西府嗣改直隸安西州以縣屬焉

(沿革) 玉門漢舊名

師古曰漢罷玉門關屯徙其人於此置縣

三國因之晉分會稽縣屬晉昌郡前

涼置寧涼郡迄隋改玉門縣屬敦煌郡唐屬肅州酒泉郡開元中沒于吐蕃置玉門軍天寶中廢宋入西夏元屬肅州路明於其地置赤金蒙古衛

(輿圖考證) 縣治全境所轄為漢天依會水池頭玉門安彌乾齊六縣地酒泉郡領縣九樂涇最東次福祿次表是次天依在玉門之東會水池頭在玉門之西西與敦煌接樂涇表是福祿今屬肅州境天依即後漢延壽博物記延壽縣南有石漆元和志石脂水在玉門東南八十里證諸紀載則漢之天依延壽在今玉門縣東南境池頭會水淵泉以水得名關關十三州志衆水所會曰會水地多流泉曰淵泉今蘇賴昌馬合流分注靖逆舊城之東西又西經十道溝水至柳溝以方位考之則靖逆城當屬漢之池頭十道溝當屬漢之會水地柳溝故城當屬漢之淵泉地漢書地理志會水縣注乾齊與

安彌地接會水在東北乾齊安彌在西南則乾齊安彌又當在十道溝南境無疑若晉之玉門仍漢之舊僅有舊赤金衛地隋玉門西與常樂接唐玉門西與晉昌接常樂晉昌爲柳溝安西二衛地隋唐與之接壤是已兼有赤金靖逆之地與今縣境大率相準至於玉門縣東關亦稱玉門關高居誨記自肅州渡金河百里出天門關又西百里出玉門關即指玉門故縣與敦煌西之古玉門關無涉玉門漢屬酒泉至隋始併入敦煌肅州志指爲敦煌者尤非也

敦煌縣

東至甜水井接安西州界 西至古營盤 南至南山 北至青紫峽接哈密界 西北至哈喇淖爾

敦煌縣漢敦煌郡在安西州治西南二百七十里治之東四十里爲新店又三

十里屹搭井又折東北四十里爲空心路又三十五里爲甜水井

東與州境之蘆草溝接界

治之東北四十五里爲黃墩堡

有城雍正五年築其東少南九十里接州屬之百齊堡自此西北行三十里踰河又十里爲庫克砂石入

哈密舊道地屬隋涼興縣

又西北行一百五十里爲青墩峽

敦煌北境入峽口西北行市於兩山之

百十三里治之西北二百七十里為哈喇淖爾州境三河會歸瀦為大澤其東南境為呼羅

蘇台舊對音葫蘆斯太黨河支流地濱哈喇淖爾東距城二百里又西南三百餘里至色爾騰海治之西少南一百五十里為古

玉門關漢武帝時置關外有五峯為赴車師及疏勒之道所謂北迫巴布彥拉克在其西南又折東南行二十里紅山為古陽關

任黨河西有三斷石即三隴治之南一百三十里為黨城漢効殺縣地在黨河口又西十里有古城又西一百二十

五里有古營盤亦稱古城居高原之上南臨高山治之西三十里為沙墩又十里古

營盤又西南一百七十里為巴彥布拉克自玉門關西行為白龍堆沙形如臥

龍起伏綿延西又西為流沙沙多土少東西數百里渺無垠溪顏師古曰南北盡流沙之地二十里東西數百里禹貢餘波入于流沙是也白龍堆南

為色爾騰海敦煌境外三百餘里有廣澤又八十里為小色爾騰海為漢鄯善國地又西北為噶斯東距色爾騰海七百里有廣澤地名噶斯淖爾

為漢且末國漢書尉犁東南與且末接以上尉敦煌縣皆境外地

（建置）初設沙州所治舊城在黨河之西雍正三年升沙州衛築新城即今

縣治乾隆二十四年西域平以其地置敦煌縣衛裁二十七年移安西府來

治三十七年復移府治于淵泉三十八年改設安西直隸州敦煌與玉門同

屬焉

〔沿革〕敦煌古三危地春秋謂之瓜州漢分酒泉置敦煌郡

應劭曰敦大也煌盛也

領

縣六一曰敦煌與効穀龍勒同郡而分縣後漢因之晉隆安中分置陽關蒲昌二縣後魏分効穀置効穀郡分龍勒置壽昌縣張駿改爲沙州張祚又以敦煌置商州至後周改曰鳴沙而敦煌郡名古今不易隋大業初復縣名曰敦煌唐武德中以龍勒故地復析置壽昌建中二年陷吐蕃大中間張義潮以瓜州來歸建德軍旋改歸義元至元復立沙州明永樂間置沙州衛後以土爾番侵掠屢勤征討沙州衛爲最西則最先廢

〔輿圖考證〕縣治全境所轄爲漢敦煌効穀龍勒三縣地漢敦煌郡東則冥安淵泉廣至爲安西州地西則敦煌効穀西南則龍勒効穀本漁障澤元封六年崔不意爲漁澤尉教民力田以勤効得穀因以名縣今縣西境之黨河有農田水利之益當爲漢効穀縣地龍勒都尉治又云龍勒有玉門關至唐

爲壽昌縣元和志稱去州一百十里本漢龍勒今以古營盤一帶廢城基址審之亦約略可考是今之敦煌兼有効穀龍勒敦煌三縣地矣隋復縣敦煌已兼有効穀龍勒兩縣地自唐析置壽昌于是敦煌僅兼効穀則今之敦煌縣境實與隋之疆域相準而於唐則又兼有壽昌也至明之安定阿端曲先三衛尤在今敦煌縣西南境外

又案古三危山即今敦煌縣南境之山迤西爲鳴沙山又西爲流沙所謂餘波入於流沙者也白龍堆爲流沙東境象形以名其沙今敦煌之西南境之巴顏布拉克以西流沙極目蜿蜒出沒之狀猶有存者魏略三隴沙與今三隴山近似山海經流沙出鐘山西行又南行至崑崙墟西南入海崑崙指今青海之庫勒坤山而言庫勒坤譯言崑崙在西寧邊外一千四百五十里正當敦煌西南境也漢元鳳四年傅介子殺樓蘭王更立其弟尉屠耆名其國爲鄯善漢書出玉門關西行爲鄯善又云地近白龍堆是已何又稱去陽關

一千六百里以周書鄯善北即白龍堆西北有流沙數百里之文相證則知鄯善即白龍堆路流沙在白龍堆西鄯善在白龍堆南而流沙宜在鄯善西北隋書有蒲昌海大業中伐土谷渾以其地置鄯善郡是蒲昌海爲鄯善西境唐書伊吾郡納職縣以鄯善城置益都納職北接伊吾是鄯善爲伊吾西南境合考羣書以今色爾騰海以東爲鄯善地方隅無不符合則一千六百里之文之訛不辨可知鄯善西爲且末今噶斯淖爾在色爾騰海西七百里是當爲西北舊壤漢書北接尉犁又云尉犁東南與且末接尉犁在今哈喇沙爾南境噶斯又在其東南則正所謂東南與且末接者若依漢書鄯善去陽關一千六百里則且末應得二千三百里其境當在尉犁焉者西南何又云東南與且末接哉今統漢書形勢考之則陽關西南爲婁羌正西爲鄯善婁羌之西爲且末且末之南爲小宛皆在烏壘水偏東南境故皆西北至都護治所且末之西爲精絕精絕之南爲戎盧皆北與烏壘城相直故皆北至

都護治所精絕之西為扞彌扞彌之南為渠勒渠勒在烏壘偏西南境漢烏壘在天山南路海都郭勒側則噶斯淖爾正其東南境其為且末之地無疑西則為精絕當治所之正南西與于闐接壤矣

哈密廳 東至搭勒納沁接喀什爾喀界 西至哈喇都伯接關展界 東南至星星峽接安州界 北至天山麓西府界

哈密漢伊吾盧地在安西州西北八百七十里距京師七千一百八十里治之

南六十里為柳樹泉 隴河至其地 又六十里哈什泉又東南一百三十里酤水又

八十里大泉又七十里博羅圖阿瑞 接敦煌界 自柳樹泉東南行一百三十五里

為格子烟整 即柔遠故城由黃蘆岡長流水行至此 又一百八十里為星星峽 由苦水沙井子行至此接西安州境 城東

八十里為賽巴什 地以湖名北為牛毛湖有屯田 又東少北行一百三十里為多都摩垓又東

北七十里為德都摩垓 有泉即塔勒納沁之北流是為哈密西北盡境又東北一百二十里接宜禾屬之圖古里克

自此折東南行三十里為塔勒納沁 地以山名有土城屯田 又南行二百五十里至半池

泉 由沙泉瑣瑣阿卜行至此為哈密東境南接安西州界 城西六十里為蘇木哈喇垓 即頭堡 又二十里阿斯塔

納又折西北行四十里託郭樓三堡有白楊溝柳樹泉又西南二十里拉布楚喀

又二十里哈喇都伯五堡迤北二十里有大泉流水成渠自此七十里入南境察罕

和羅海猶云白峯迤西俱臨大磧托郭樓之西七十里鴨子泉又西少北八十里為瞭整又

西九十里至梧桐窩為哈密西境不當孔道又南行九十里三間房設卡倫于距城四百五十

里其中瞭整北行七十里為塔槽溝在和洛圖達巴北麓有泉東北流入宜禾境之延

路

自察罕和羅海西行七十里為內勒袞地多沙磧有水草又六十里為阿薩爾圖南有澤名

沙拉淖爾又六十里伊里克庫本又六十里察克瑪克拉什地無水草又五十里額什墨

此則磧之內微有水草又西一百五十里至洪入關展境

建置康熙三十五年回酋額貝都勒拉遣使貢駝馬及地三十六年復遣

子郭帕伯克擒噶勒丹子色布騰色勒珠爾來獻其地始內屬舊城康熙五

十六年築新城雍正五年築初設副將一員駐防五堡屯種其回民設總理

回衆郡王一員管轄乾隆二十四年西域蕩平始設哈密廳以新城爲通判治二十九年設哈密辦事大臣統理諸務以下章京驍騎校筆帖式俱自京調往其聽差委員及巡檢各官如今制

(沿革)漢伊吾盧地本匈奴呼衍王庭東漢時始內附爲伊吾三國及晉屬鮮卑北魏入蠕蠕太和間以城內附隋稱伊吾尋附突厥唐置伊吾郡屬伊州貞觀四年突厥頡利亡以其地置西伊州領縣三伊吾桑遠納職納職今安西州境地五代爲胡廬磧宋則復爲伊州後入於回紇元末以威武王納失里鎮之明永樂四年立哈密衛旋爲土爾番所據後復以城印來歸至嘉靖中閉嘉峪關遂置哈密不問

(輿圖考證)漢明帝取伊吾盧地遂通西域于闐諸國班志謂鄯善北通伊吾自伊吾北通車師南北相直則其鄯善南伊吾北尙屬伊吾西境則知漢所取伊吾境地甚廣若魏高祖以伊吾五百里封高昌王去高昌四百里所

謂五百里地在高昌東南四百里外可知今自關展東行四百里至哈密適四百里外而自哈密至博羅圖敦煌交界四百餘里至蘆岡泉與安西交界五百餘里應即當時欲封高昌王地又蠕蠕邊界西抵焉耆南臨大磧而常所會庭在敦煌之北當焉耆大磧東南境今自星星峽博羅圖西北分道以達於哈密皆其地也今之哈密唐之伊吾在伊州郭下柔遠在伊州東南今屬星星峽至哈密東南境蓋即全境按之今之哈密止有唐之伊吾柔遠兩縣地其察罕和羅海一路以南之大磧即屬唐之莫賀延磧高昌王突騎支請開以便行人者在宋則爲大患鬼魅磧王延德高昌紀行無水草載糧以行凡三日息鬼谷口避風磧凡八日至驛田寺正其境也至唐書載伊吾七城明成化十八年哈森夜襲哈密城敗之乘勢連復八城今哈密四城凡五堡得五城其東境亦多回民聚處七城八城之舊大概可見

關展廳

東至塔呼接哈密界 西至伊拉里克接哈喇沙爾界
南臨沙磧 北至博克達鄂拉接迪化州界

關展漢車師前庭地在鎮西府西南七百里去哈密九百三十里距京師八千

一百一十里治之東二十里為特庫斯有北流水名巴哈言小也又二十里特斯又三十里

為齊克塔木又一百四十里為納呼四面皆山西谷口隘而深為關展東境關隘又七十里為塔呼當

道接鎮西府之托來達巴一百四十里治之南二十里為洪當山谷口自南莫賀延碩以抵其境自此折西行二十里

楚輝又西北四十里色爾啟布在金嶺下不當孔道自楚輝西五十里為魯克察克戊己尉校

治唐柳中地東有長河為境內一最大聚落又西北二十里洋赫又三十里哈喇和卓水源出金嶺經滲金口流入境內即唐高

昌又五十里阿斯塔克又西北十里為玉門口舊有關名古玉門為土爾番哈喇和卓往山北路東北兩山陡立入谷西

北行十餘里出北口又東北十五里至森尼木又折西南三十里為勒木不西南行四百里至羅布淖爾唐蒲昌地自阿斯塔克

西北五十八里為土爾番北倚金嶺氣候溫煖無雨雪唐高昌有安樂城即其遺址又西北三十里為招哈和

屯唐交河城北倚金嶺峰巒層疊又西南十五里雅木什東倚金嶺西北望都魯達巴又五里安濟彥又二十

里布干川北有泉名哈畢爾喝南流成大澤又六十里為托克三又西四十里伊拉里克北直都魯達巴為關

展西盡境距城四百五十三里自此入谷口屬境外地城之西少北八十里為迪木齊木西境皆平田應為漢車師後城長國地南

距魯克察其東南谷內為雅圖庫在色爾啟布北山口內七里東行有歧路轉而西北會於迪木齊木有小城其東北二十

五里為罕都西南小山有兩壑相傳漢時所築並訛傳名其地為漢壑自迪木齊木西行三十五里為蘇巴什

有小堡迤西北入北山口東西石壁峭立或沙坡斜倚谷間水流甚急艱於行俗名土城溝又西北三十里有森尼木有城城西有長河南流又

六十里圖穆塔克又一十里為布拉克地有水泉距城二百五里又北為塔里朗其西南為雅圖又西南踰嶺乃抵安濟布彥

自森尼木折東北行一百里為汗和羅山形環抱地勢幽廠為土爾番北鄙不當孔道自伊拉克西

行四十里入蘇巴什塔克谷口谷內有兩大石入谷行十里微有水草又西五十里至納林奇喇

塔克東谷口山峰最高處名額爾坤達巴入谷迤西南有翠如屏又西南九十里至庫木什阿克瑪塔克入

行十里遍谷皆淺水山勢漸隘經沙灘又二十里又一百二十里至額格爾齊塔克自庫木什

南谷口西行至此山下踰此西行至烏沙克塔勒唐置守將於此有廢城當即張三城

(建置)城郭多於南山而關展為尤甚然其左右各城先經避患皆遷附甘

肅沙兩州乾隆十九年封莽噶里克為扎薩克公總理回務駐土爾番並設

協理回務圖撒拉克齊一員令舊時遷附回民仍復故土廿一年將軍和起

追叛賊巴雅爾至關展公額敏和卓以兵四百及莽噶里克呢瑪扎哈沁諸部來會莽噶里克呢瑪兵叛將軍倉猝遇害叛賊等尋即伏誅遂設辦事大臣並以都統駐防其境復封額敏和卓子素賚璫於土爾番廿六年置關展廳駐同知屬巴爾庫勒道官制兵防如今制初開屯田地三萬四千二百餘畝二十六七年裁歸回部郡王所屬回民承種歲納額租如額

哈密關展兩廳各有回部郡王是皆歸誠著績累受封爵是以子孫承襲非如各部之阿奇木隨時陞調去留者其哈密之五堡關展之六城悉為郡王所屬案吐魯番等處嗣改設領隊大臣一員餘待考

(沿革) 漢車師前王地元封二年擊破姑師分為前後王及山北六國都立師卑

陸前後東西且彌劫國以都尉治之 其車師前王治交河城地節二年以車師西走烏孫詔鄭吉

田渠犁車師元康中徙其國令居渠犁以車師故地與匈奴元初三年始置

戊己校尉居車師前部高昌壁晉為高昌郡張軌呂光沮渠據河西皆設太守統之魏為蠕蠕所并唐貞觀中拜侯君集為交河大總管討李文泰破其

地皆州縣之置安西都護府天寶中置西州交河郡領縣五柳中前庭交河蒲昌天山安史亂其地遂陷宋入回鶻元太祖五年平其地以達魯花監之尋設萬戶府明改曰火州後土爾番舊音土魯番強旋爲所據

（輿圖考證）闢展北屏天山南臨沙磧自多倫達巴分支西來環帶諸城爲金嶺古稱赤石山境跨金嶺之南北凡五百里自闢展西南至伊拉里克爲漢車師前王城越金嶺以北自迪木齊木西至布拉克爲車師後王城及山北六國地漢書卑陸國治乾當谷後國治番渠類谷郁立師國治內咄谷西且彌國治兌虛谷劫國治丹渠谷皆在兩山之間故以谷名又稱卑陸且彌劫國治天山東蓋以博克達鄂拉南北綿亘百里金嶺以北諸城居其東境故曰在山東六國金嶺南北皆是即所謂自高昌壁北通金滿城者也若天山以北乃匈奴鐵勒所居非車師六國地不得誤會山北六國之文而求之博克達之陰也柳中爲戊己校尉所居唐之五縣交河前庭柳中皆屬車

師前王境交河與前庭同治柳中居其東即今之魯克察克諸城交河居其西今之招哈和屯諸城天山在北以天山得名今之金嶺以北諸城蒲昌以蒲昌海得名在前庭東南約自勒木丕城迤東南經羅布淖爾一帶今自洪求之其跡較然唐書地理志前庭縣注本高昌是唐初置高昌縣即隋高昌國都可知今安西至關展取道哈密折而西南不涉流沙龍堆之地考之於古則有數道一自伊吾西行隋高昌傳從武威有捷路度沙磧千餘里四面茫然無谿徑故客商往來多取伊吾是也一自敦煌度莫賀延磧北行唐侯君集伐高昌至磧口攻田地一作城北城是也王延德使高昌始歷伊州次納職縣至鬼谷口避風驛澤田寺寶藏六種以抵高昌則自伊吾復繞道南行折而西北仍從莫賀延磧以抵其境者也今之取道哈密或即漢魏時之故道歟

哈喇沙爾

東至烏沙克塔勒出蘇什巴塔克口東北至察罕通格出納林奇喇塔克口接關展界西至納第格郭勒接庫車界北至天山踰山接迪化州綏來縣界南

踰沙山至
羅布淖爾

哈喇沙爾漢焉耆在關展西一千六十里距京師九千一百六十里城之東八

十里為特伯勒

迤東至楚輝一帶為古危須國地

又東十五里哈噶爾齊

踰奇爾歸圖郭勒至其地

又三十里

楚輝

在烏沙克塔勒西察罕通格西南其南北兩山道至此會而為一

又五十里為烏沙克塔勒

自蘇巴什入谷西行至此山道三百七十里

自楚輝東北行七十里為察罕通格

自納林奇喇塔克納經博羅圖塔克谷口循博羅圖郭勒踰塔什海至其地有廢城城東有泉委折

而南經烏沙克塔勒城東分導溉田

城西南四十里為碩爾楚克

東北二十里有舊城

又二十里博爾海自

碩爾楚克南行五十里為哈勒噶阿瑞

漢尉犁

又西南七十里為庫隴勒

山勢峻險古焉

耆以西關隘山南海都郭勒繞而西流山林瀕河處左山右河徑極險窄河岸南為庫隴勒城其東境傍山六十里為庫輒場

又迤西一千七十里為

車爾楚

踰海都郭勒而至此以西在唐為河西境

又一百四十里策特爾

漢烏壘城為都護治於西域為中唐河西烏壘州

又七

十里英噶薩爾又一百二十里為玉古爾

漢輪台地

自英噶薩爾北行三十里為

鄂頗爾

(建置)哈喇沙爾為西域回部關隘乾隆二十三年始入版圖設辦事大臣

駐防其地舊有城在海都郭勒西南二十里久廢築新城於哈喇沙爾爰是設兵開屯所屬庫隴勒玉古爾兩處地畝令本處回民承種二十六年各設

三品阿奇木一員管理以下伯克各設九員如今制

回疆伯克回部職官舊有等階伯克乃其總名阿奇木統理城村大小事務職繁權重為伯克之冠伊沙噶協理阿奇木辦事職任亦重位次之以下遞相等差各有專任其職司徵收糧賦者曰商管理地畝者曰噶匪納齊總理刑名者曰哈子阿奇木首領曰都爾噶司疏濬灌溉之務曰密喇布司巡緝訪捕之務曰帕察沙布管理匠役營造者曰訥克布管理經典整飭教務者曰茂特色布司售授田園房產掌質劑治爭訟兼收其稅入者曰木特幹里司教習經管事務曰匝布梯墨克塔布司商賈貿易者曰克勒克雅喇克辦理頭目詞訟者曰斯帕哈子辦理細民詞訟者曰拉雅哈子職理稅務者曰巴齊吉爾理差課事者曰阿爾巴布司果園事者曰巴爾瑪塔爾經理各處文移記檔分撥官項事務者曰都官安設臺站修整兵械者曰哈喇都官分領回衆頭目職如千總者曰明其徵輸糧賦者曰多博曰玉資曰鄂爾沁司修甲造械者曰哲博司驛館米芻者曰什和勒辦理工程者曰克圖瓦爾司市集者曰巴匪爾巡察街道園林曰賽特里承辦採玉事務者曰哈什掌宴會牲宰果品之屬者曰鄂克他塔克奇自撫定西陲仍其舊名而寵以新秩自三品至七品不等詔爵授祿以受地為差三品伯克每員給二百怕籽特瑪怕種地畝種地人百名四品每員給一百五十怕特瑪籽種地畝種地人五十名五品給一百畝種地人三十名六品給五十畝種地人十五名七品給三十畝種地人八名其密喇布伯克各員專司灌溉原有例分地畝不另撥給祇撥種地人各

屯民自準夷底定疆宇廓清爰各屯兵註守招集回民及甘州民戶分地而居而於烏魯木齊伊犁諸處計畝耕作以屯墾之丁男作新疆之戶藉也山南雖村城繹絡幾於烟火相望然哈喇沙爾與

關展哈喇和卓諸處居民久經遷徙全部歸誠後亦如山北之移民開屯漸歸殷庶其庫隴勒玉古爾承種回民曰情蘭回子俱置伯克管理於乾隆二十七年復分撥二百餘戶赴伊犁西路試墾均各計戶授田俾安樂業云

所屬夷人乾隆三十六年土爾扈特渥巴錫自俄羅斯率屬來歸封爲土爾扈特漢安置部落于接爾之巴噶台之依札爾地方居住並賞給牧地三十八年以依札爾之天氣極寒難以耕種遂移住大裕勒都斯其莫們圖之在托里者四十年亦移其地和碩特部恭格隨渥巴錫歸誠封爲和碩特部落貝勒安置部落于小裕勒都斯居住去伊犁馬行十三日京差侍衛三員管理其人每年秋烏什參贊大臣至哈喇沙爾巡察一次

(沿革)漢焉耆治員渠城西南至都護治四百里其國近匈奴刦殺都護但欽王莽不能討天鳳五年五威將王駿以龜茲莎車數部兵入焉耆永和六年班超發龜茲鄯善八國兵討焉耆斬其王更立於是西域五十餘國悉皆內屬晉太康中其王遣子會入侍及會立襲滅龜茲據其國遣子熙歸本國爲王楊宣經理疆域熙率羣下悉附于晉魏書其王姓龍名鳩斯卑那即前涼所討龍熙之後世祖遣萬度屠其城其王莽龜茲隋大業中入貢猶稱漢時舊國唐書突厥傳有特厖勒居焉耆城稱葉護是焉耆已屬突厥貞觀十

八年滅焉耆置焉耆都督府開元中以焉耆備四鎮五代及宋西州以西統爲回鶻所有天聖熙寧間入貢者七降及元明屬巴什里舊音亦力巴里明吏稱其南接于資北連衛拉特西抵賽瑪爾堪東抵哈喇和卓疆域尤廣云

(輿圖考證)哈喇沙爾四山環抱海都河環帶其間縱橫四五百里當爲焉耆全境漢書山國東至危須二百四十里南至尉犁二百六十里而尉犁在焉耆南危須在焉耆東境界毗連厥後盡爲焉耆所并其在於初則焉耆危須衛犁皆在大山環抱之中後史咸稱其四面有大山者舉其既并之後言之今考烏沙克塔勒至哈喇沙爾得四城危須國當在於是後漢書焉耆西南至都護治所四百里尉犁西至都護治所三百里是尉犁在焉耆南百里之國與今之哈勒噶阿璊方隅相合焉耆正南海水瀾漫必無容國之地其云南至尉犁二百六十里恐必西南字之訛况班超討焉耆自西而來先至尉犁界焉耆王廣絕葦橋以拒漢軍則焉耆與尉犁西有水道中隔今城南

海都郭勒旋折當年形勢猶有存者晉楊宣經理疆域次焉耆進屯鐵門擊遮留谷以據尉犁鐵門遮留固在尉犁之西晉鐵門應即唐鐵門關其在庫隴勒塔克迤西爲焉耆西境關隘明甚若輪台即古侖頭東南與渠犂接亦瀕河之地李廣利屠之其國并於龜茲後漢屯田之使於斯托處烏壘城屬河西境與渠犂田官相近于西域爲中故都護治焉後漢莎車攻殺龜茲乃分其地爲烏壘國在唐以之爲河西烏壘州烏壘爲河西最東之境在今爲策特爾東踰河至庫龍勒三百里正合漢書尉犁西三百里之文南行則瀕額爾勾國勒爲漢渠犂國地魏略渠犂爲龜茲所并是則今哈喇沙爾四面據山是爲漢以後焉耆舊壤而西則兼有龜茲正不得以焉耆一國之地當之矣唐貞觀十六年滅焉耆置焉耆都督府渠犂都督府皆以舊地名之烏壘州輪台州爲河西諸胡內屬州十二州之二均隸北庭而輪台縣與輪台州非有兩地縣視州境爲尤廣也宋咸平中回紇遣使入貢稱其國東至

黃河西至雪山有小郡數百龜茲亦回鶻別種自是曰西州回鶻或曰龜茲
 回鶻蓋自西州以至龜茲為今闢展西至庫車之地皆屬回紇故其名通用
 特焉耆之號無存耳古員渠城漢書去海十餘里今哈喇沙爾城南去博斯
 騰淖爾止四里則員渠城應尤在城之北境云海水曲入四山之內周匝其
 城三十里乃約略其詞實則山中之水經流城南出注于海云爾

庫車四至
 關

庫車漢龜茲在哈喇沙爾西九百十里距京師一萬八十里城之東南六十里

為托和爾又折東北一百四十里阿巴特東接玉古爾一百里為庫車東境城之東南二十里

為裕赤哈喇又南二十里哈喇阿薩爾又三十里為常格盧舍比密一大村落又東南三

十里特勒伯不通徑足自裕赤哈喇迤東南行十里為阿勒玉蘇布其西南四十

里為羸和東北距城七十里自常格折西少南行四十里為特集克南傍烏恰特達里雅東北距城一百里

城之西南十五里哈魯納斯又南十五里庫克體騫又南十里達烏圖東北距城

四十里又東南
三十里至常格 城之正北少西九十里為額什克巴什 地以山名額什克巴什郭勒發源於北山之南麓

城西北六十里為奇里什又西北為沙爾朗 境當阿勒坦呼蘇鄂拉南麓距城一百里

沙雅爾北距庫車一百五十里踰烏恰特達里雅而至城之東一百二十里

為托伊博羅多 踰河至其地東接哈喇沙爾界 城之東南四十里為喀伊木阿塔 南臨大河城之不通徑路

西南四十里為查盤又四十里為葉勒阿里克又折西八十里葉伊勒干又

二百五十里為古斯孔郭爾勒 迤西一帶屬沙雅爾境外地為漢姑墨南境唐書自撥換西南渡渾河是也 城之東北三

十里為坡斯 東北接庫車屬之羸和 城西北四十里為庫克布伊 東傍烏恰達特達里雅 又西南五十

里為庫爾哈齊 舊音卡魯瓦乞距城五十里 又西北為托木洛克 由此通賽喇木拜城路 城之南為塔里

木 南濱塔里木郭勒 城西南一百四十里為塔木根庫勒 在噶爾哈齊之南臨沙磧

〔建置〕境在第納爾郭勒西二百五十里城周四里餘東南南北三面形圓西

面形方逆回霍集占自伊犁釋歸舊部盡褫其舊時伯克以其黨為之乾隆

二十三年六月大兵討霍集占至庫車逆回自葉爾羌來援敗之於烏恰特

達里雅以殘兵逃入庫車城大兵攻圍不得出至七月後乘夤夜西遁將軍雅哈爾善之坐罪以此其逆黨阿布都克勒木猶死守未下攻之閱三月以城降圍庫車時沙雅爾逆黨布爾什木聞風震懾挈其妻子逃奔阿克蘇舊伯克烏恰墨第卓子阿三和卓詣軍門投誠至是全境俱內屬二十四年設辦事大臣統理其印房章京筆帖式各員皆自京調往並設管理回民阿奇木二員以下各伯克如今制

〔沿革〕庫車爲龜茲舊壤漢龜茲治延城南與精絕東南與且末西南與扞彌北與烏孫西與姑墨接東至都護治烏壘城三百五十里元康中絳賓偕烏孫公主女入朝賜印綬東漢建武中莎車攻龜茲兼其地自立其子則羅數歲國人殺之向匈奴請更立遂以國人身毒爲王自是屬匈奴晉太康中遣子入侍尋爲焉耆龔滅據其國後龜茲復立北魏世祖討平之唐曰屈茲亦曰邱茲太宗時臣西突厥佐焉耆叛貞觀中討之別立王尋徙安西都護

于其國統于寘疏勒碎葉號四鎮高宗時置都督府領九州儀鳳時陷入吐蕃長安元年復之置安西都護府宋咸平中西州回鶻入貢或稱龜茲回鶻元屬巴什百里至元二十年置宣尉司後復立元帥以監屯田明永樂時遣使入貢

〔輿圖考證〕今之庫車古之龜茲按之列史道里方隅爽然不失今城之北去額什克巴什鄂拉一百二十里即魏書云在白山南一百七十里唐書北倚阿剌田山亦云白山者也南有額爾勾郭勒橫亘於前東歸羅布淖爾距孔道二百餘里即魏書所謂南三百里大河東流號計式水者也姑墨溫宿尉犁漢以後不著於史魏略云皆屬龜茲是在三國時已兼有今之阿克蘇烏什地而考其南境則晉魏周隋間尙涉今之哈喇沙爾西境所謂東西拓地千里者唐阿史那社爾討龜茲破五大城遣使諭降小城七百七百之舊難以悉考如今之沙雅爾賽喇木拜諸城其在五大城數內大略可觀已至

於葉伊勒干布古斯孔郭爾南濱塔里木謬斯騰是漢之姑墨南境為今之沙雅爾西南境地殆即水經注所謂河水東經姑墨國南唐地理志所謂自撥換西南渡渾河云

阿克蘇 東至庫什塔木接拜城界 西至哲爾格哲克得接烏什界 南至葉爾羌喀什噶爾界 北至木素爾鄂拉接伊犁西路界

阿克蘇漢溫宿地在拜城西四百里距京師一萬七百九十里城之東一百里

為扎木 其北一百里 又八十里為哈喇裕勒袞 東距拜城屬之雅哈阿 又一百里為察

爾齊克城東南五十為帕巴滿 西北有河東南流至庄 北分兩河東西環之 迤東十里雅爾巴什又

三十里赫色勒 東有泉 南流 又東南五十里齊托克喇克 自帕巴滿迤東至此俱在 阿克蘇郭北岸五十里 城

之南十里為額格爾齊又折東南行六十里為喀勒喀勒 在阿克蘇郭 勒南五里 又西南

三十里為科布魯克 在托什干達里雅北十 里西北距城八十里 自喀勒喀勒東南行五十里為庫木

巴什又東五里伯什阿里克又十里呼木阿里克又十里和卓巴斯噶克又

東南二十里哈喇塔勒 自科布魯克迤東一帶俱在托什干達里 雅北岸自此而踰南岸距城一百五十里 又折西南二十里

爲烏珠瑪地在南岸又西五十里爲托來自烏珠瑪西北行三十里爲英額阿里

克又西四十里賽阿里克自哈喇塔勒迤西至此皆在托什干達里雅南岸西北距城百一十里自英額阿里克南行

一百里爲都齊特南接業爾羌屬之伊拉都城西南三十里爲托克坎呼木阿里克勒下流介居兩河之間又

南行十里爲哈喇木克齊踰兩河而至任額爾格齊西南距城四十里又五十里爲薩克薩克踰托什干達里雅至

其又折西行五十里阿克雅爾又西北五十里爲哲爾格哲克得托什干達里雅西南又西

接烏什之噶斯干界距城一百四十里自阿克雅爾西南九十里伯列阿里克西境向山又西南四十里

納喇奇恰特南臨大山爲阿克蘇西南盡境自哈喇木克齊西北行八十里爲得布特爾又

西二十里爲拉齊又二十里吐爾伯特又二十里拜林自哈喇木克齊至此皆在托什干達里雅北岸自

鄂拉齊北行二十里爲阿喇勒在呼木阿里克西南十里又西二十里爲

韋特特爾又折南行爲察克喇克托什干達里雅北岸東距城七十里自阿喇勒北行二十里爲

超達爾踰呼木什阿里克郭勒而至東南距城六十里其南行八十里爲愛呼爾在城之西南城之北二十

里爲哈爾噶額密什自札木東北行六十里爲亮格爾赫色勒東北九十里西南距城一百六十里

又東北行八十里圖巴拉克又八十里玉斯屯託海又七里為塔木哈他什

自此北行百里在在皆冰俗謂冰山又二十里稱雪海人馬艱于行 又一百二十里為噶克察哈爾海 接山北伊犁界 自亮格

爾南行八十里為木賽喇木西北二十里為伊勒噶齊

賽喇木

案一統志為賽里木台回城東至赫色勒郭勒 西至哈喇烏蘇 南至木素爾郭勒 勒隴河接沙雅爾西南境外地 北至天山接伊犁界

賽喇木古俱毗邏城東北距庫車城二百一十里距京師一萬二百九十里城

之東二十五里為赫色勒城之西一十五里為布干 在哈喇烏蘇支河之西 又西南五里

濟爾噶朗又五里他爾阿里克 南傍哈喇烏蘇 又十里托克三 西接拜界 又折北行一十

二里為布隆又東一十五里哈喇都伯又東北二十里堪齊塔木又東二十

五里為明哲克得 迤東一路為賽喇木北境 又五里為雅哈阿里克又五里為拉布帕爾

拜 東至哈喇烏蘇 西至什哈喇勒台接阿克蘇界 南至木素爾郭勒隴河接沙雅爾界 北至天山隴山接圖斯庫勒南岸地

拜古阿悉言城在賽喇木西九十里距京師一萬三百八十里城之東一十五

里為色勒克恰特又東南五里吹置又東五里阿特巴什又十里推格博尼

東傍哈喇烏蘇南臨木素爾郭勒為拜極東境又折南行五里為奎裕巴克自色勒克恰特北行五里為

蘇爾滾又一十里為喀資干又十里伯里葉克齊自蘇爾滾東北行五里為

托木碩克又五里為雅爾圖喇又十里伊密什又北五里為英額亮格爾為拜

極東北境自喀資干迤西五里為鄂爾塔克齊又五里阿斯屯海里瑪又十里為

塔克齊其地依山又五里為玉斯屯海瑪里喀資干迤西一帶為北境城東南一十五里為雅

哈阿里克舊訛稱噶哈里在哈布薩朗郭勒下流北岸又五里為都爾伯勒津在木爾郭勒北岸城之西三十里

為什喇哈勒臺諭哈布薩朗郭勒至其地迤西北五十里為葉伊勒干又西十里為庫什

塔木自葉伊勒干南行五十里為雅哈阿里克濱木素爾郭勒南岸為古姑墨國地又南行二百里至塔里木謂斯騰

(建置)自庫車西出為賽喇木拜阿克蘇古龜茲西境赫色勒哈布薩朗阿

蘇克三郭勒托什干達里雅經流環抱於三城之間而阿克蘇為尤大城在

拜城西四百里有三城東西連峙以一大城垣環之所踞高崖二十餘丈洵

形勝也先是逆回於各城置以心腹為脅制庫車之圍霍集占西遁至阿克

蘇回衆即協力與逆酋拒戰並逐其所置伯克獻誠請降其賽喇木伯克阿
爪斯等傾心向化同時內附乾隆二十四年設辦事大臣一員賽喇木英噶
薩爾卡倫侍衛各一員並設阿克蘇賽喇木拜城英噶薩爾三四品阿奇木
伯克各一員其分理各城村伯克遞有等差三十一年以原駐辦事大臣歸
併烏什餘如今制

額徵自阿克蘇以西諸部原墾民田及歸民墾種籽種地畝各按其地之高下以定歲入分數其額
賦概徵普爾回人以一錢爲普爾普爾謂文每文直銀一分初以五十普爾爲一格騰後定以一百
普爾爲一格騰直
銀一兩定爲制

(沿革)溫宿國治溫宿城東至都護治所 千 百里西至尉頭三百里北
至烏孫赤谷六百十里東通姑墨六百七十里王莽時姑墨國王殺溫宿王
并其國三國以後不詳於史北魏時並屬龜茲唐貞觀中以溫宿置溫州府
又曰溫宿州魏姑墨即漢姑墨唐初稱跋祿迦國後以其地置和墨州宋以
後併入回鶻大略與庫車同

(輿圖考證)溫宿在姑墨西二百七十里今阿克蘇東距雅哈阿里克二百八十五里道里相符以水道案之今喀什噶爾葉爾羌兩河自西而來至阿克蘇南阿克蘇郭勒南流注之與水經注河水暨於溫宿之南左合枝水上承北河之說合則阿克蘇之爲漢溫宿殆無可疑北魏溫宿役屬龜茲國猶存隋書稱龜茲西去疏勒疏勒東去龜茲皆一千五百里可知北魏以後溫宿爲龜茲所并尉頭爲疏勒所并是以龜茲疏勒兩國接壤唐書地理志安西出柘厥關渡白馬河一百八十里西入俱毗羅磧經苦井一百二十里至俱毗羅城又六十里阿悉言城又六十里至撥換城一曰威戎城曰姑墨州南臨思渾河又曰墨州唐時柘厥關在今阿巴特古之間庫車中乃其西境所謂白馬河者應即庫車城東之額什克巴什郭勒西一百八十里爲俱毗羅磧又西一百二十里至俱毗羅城庫車東白馬河至比三百里今賽喇木在庫車西南二百餘里方位正相當也拜城在賽喇木西八十里應即阿悉

言城又六十里至撥換城曰姑墨州南臨思渾河曰河墨州今雅哈阿里克在葉伊勒干西南五十里地濱木素爾郭勒南岸又南二百里至塔里木謂斯騰其左右境悉屬漢姑墨地唐之置州皆仍舊名更覺爽然不失從此南行循和闐達里雅經千里至六城從此北行踰山入伊犁東西路即漢書所謂南至于窶馬行十五日北與烏孫接者形勢尤可證也曰跋祿迦唐以之爲姑墨州即附屬龜茲爲撥換城者曰大石城即唐溫肅州治在今爲阿克蘇城溫肅即溫宿姑默即姑墨史書互異猶之龜茲爲邱茲耳若拜明史載奉貢小部稱地面有名擺音者富近是

烏什東至噶斯干接阿克蘇界 南至庫珠克達巴踰山接葉爾羌和闐界 西至色帕爾拜接喀什噶爾界 北至天山踰山通伊犁西路界

烏什漢尉頭城去阿克蘇西二百四十里距京師一萬一千三十里城之東北

五十里爲哈喇和卓

四面距河各二十里其東境爲阿察塔克又東八十里爲察哈拉 又克西北境濱河之地曰巴爾雅巴克河西流爲索特庫布拉克

東北四十里爲闢展

亦四面 距河 又東二十里爲雅爾又二十五里洋赫又折南

行二十里為噶斯干東南接阿克蘇界自雅爾西北行二十里為布干居兩河間北為教爾他克謬斯騰南

為托什干又折西少北二十里為罕都居兩河間北為托什干達里雅又西九十里

為迪木齊木居兩河間又西北為什木里有泉南流經此入教爾他克謬斯騰為烏什北境距城一百五十里自哈喇和卓

南行為森尼木踰河至其地又折東二十里為魯克察克又四十里為托克三森尼木迤

東一帶皆南臨大山至此東境亦面山為烏什東南境城之東北為英額阿里克迤東為雅木什東北行通伊犁西路及圖斯庫勒南岸迤

西為必特克里克又西為古古爾魯克又西為沙圖自英額阿里克至此為北境踰教爾他克謬斯騰至其地

西由必爾達行通布魯特界城西南九十里為巴什雅克瑪踰托什干達里雅至其地又迤二十里古木

克齊克又二十里為色帕爾拜為烏什西南境自此西南入額爾齊斯哈噶鄂拉

喀克沙勒鄂拉分支東南為庫珠克達巴山脈踰烏什而東始盡

白色帕爾拜帕南五十里至額爾齊斯哈噶鄂拉山形卑小當孔道又西南四十里

為松塔什塔克北當孔道因山名地亦稱松塔什又西南百里為固勒札巴什達巴連山不斷至此

百丈層峯插天漢書謂山道不通蓋指此也出谷西南行八十里為呼蘭齊克又六十里札木必勒阿

斯提又四十里爲齋都伯又四十里爲素袞又一百二十里爲巴爾昌

有水橫當

孔道自色帕爾拜西南入山徑崎嶇爲烏什境外之路其南則小山如屏直抵烏什南境東西千里沙磧彌望當屬古疏勒國東境

案回部役屬準噶爾舊曾遷關展于烏什遂以關展地名名其地至今彼此相同蓋以見其不忘故宇也

(建置)境在阿克蘇東城周二里三面踞山形勢絕勝乾隆二十三年八月將軍兆惠等兵至哲爾格哲克得和闐城舊伯克霍集斯及其長子烏什城阿奇木伯克漠咱巴爾等馳書詣軍門投誠霍集斯者回部望族也平伊犁時嘗從大兵擒達瓦齊隨偕霍集占奉使招撫回城霍集占叛脅之爲逆泊聞大兵至即有意歸化末由自拔霍集占自庫車逃敗道經烏什霍集斯父子將以計誘入城擒獻爲所覺未果因擊走霍集占固守烏什城以待及師至以城降霍集斯遂從軍而西尋設辦事大臣駐其地其設官管理事務如各城制三十年以駐劄大臣措置乖方擾累回衆伯克賴黑木圖拉等乘機煽亂伊犁將軍明瑞率師往討八月平之三十二年移駐喀什噶爾參贊大

臣於此管轄阿克蘇賽喇木拜城其各城重大機務皆俟參贊裁決城曰永寧 上賜名也是爲回部都會並設領隊大臣駐防三十五年由烏魯木齊撥派管理滿營協領一員佐領二員其自章京侍衛以下各員及阿奇木伯克皆如今制

城中無回人居住三十年叛亂人民誅戮殆盡嗣於阿克蘇葉爾羌四大城徙回民五百餘戶於城外耕種各就所耕之地分布散處無城堡村落

數年以後漸成樂土其境山場寬廣尤多葦蕩給布魯特住牧其中

(沿革)尉頭國治尉頭谷東至都護治一千四百里南與疏勒接西至捐毒馬行二十日三國屬龜茲隋時並入疏勒唐屬河西內屬諸胡州之一曰蔚頭州又曰鬱頭州宋屬疏勒國地

(輿圖考證)漢書溫宿西至尉頭三百里今烏什東去阿克蘇止二百里疑尉頭尙在烏什之西惟烏什以西在兩山之間又西踰山爲蕃屬布魯達蓋史家記里容有不必核其實者論其大較則溫宿東而尉頭西壤地相接今阿克蘇爲溫宿城自是西行得烏什城應屬當時尉頭城矣南與疏勒山道

不通後漢書疏勒傳東北經尉頭溫宿至焉耆則尉頭西南山道通於東漢
 可知今固勒札以西山徑崎嶇形勢猶可想見南山以南地面寬博而多沙
 磧唐書所謂多沙磧少壤土者也磧南喀什噶爾達里雅橫亘于前沙磧之
 西西山遙拱所謂南有黃河西帶葱嶺者也以今證古其烏什之西南境為
 古疏勒之東境灼然無疑惟建庭處所必居士沃水深之地應在今之喀什
 噶爾

喀什噶爾

東至阿喇古接烏什界 東南至赫色勒布伊接葉爾羌界 西北俱接葱嶺通藩屬

喀什噶爾漢疏勒地在烏什西南九百二十里距京師一萬一千九百五十五

里城之東北一十里為霍爾干

木什特們兩河之間

又折東南二十里為伯什克勒木

南

木什郭喇而至東北境為特們郭勒又東行五十里至伊克斯哈拉西距城三十里

又東南一十里為阿爾巴特

與喀什噶爾城同在木什赫色勒兩

河之間又東南一百一十里為赫色勒布伊

在兩河之間赫色勒雅

又南行六十里

阿汗里克自阿爾巴特東行踰河一百六十里為牌租阿巴特

在木什謬斯騰北

城

之東南少西三十里為哈喇刻爾赫色勒木什支又南三十里為提斯袞踰河而至

東南三十里為岳普爾和北傍雅滿雅爾謬又南行百十里為英噶薩爾即英

即沙爾城也踰庫森謬斯騰而至所屬之地東北境曰察木倫西北境曰沙瑪拉西境曰特斯比西南境曰額實資雅爾以方位考之自庫森謬斯騰以南在古為依附國地

又東少南七十里為托璞魯克其東為赫色勒察木倫城之北少東八十里為玉

斯屯阿喇圖什自此迤東一百里為阿喇古迤西八十里為阿斯屯阿喇

圖什又西北八十里為鄂什東南距城一百二十里又西北踰山通西布魯特界自玉斯屯踰山東北六十

里至烏什屬之巴爾昌城西南五里為塞爾們兩河環帶與哈喇刻爾東西相望又三十五里

為托克庫爾薩克在特爾墨楚克郭勒北岸又一水環其北境又南踰河一百一十里為塔什巴里

克傍山為城係給布魯特阿奇木管轄自托克庫爾折行八十里為勒坡勒自此入葱嶺

自鄂坡勒又西三百五十里為和什庫珠克在哈喇庫勒西北又西南三百里為阿

喇楚勒又二百里為葉拉什勒庫勒以上三處在葱嶺偏北境為境外地大兵追逆回及此乾隆二十七年建平定回疆勒銘紀功碑文

於葉什勒庫勒並以碑亭為界

〔建置〕舊對音哈什哈爾回酋大和卓木波羅泥都舊居城也乾隆二十三年七月霍集占棄庫車而西將軍兆惠率師追之抵葉爾羌波羅泥都自喀什噶爾以衆馳赴與霍集占負嶠固拒相持葉爾羌城下累月大兵還次阿克蘇整軍進逆酋懼師之復至也霍集占自葉爾羌遁而西波羅泥都復入喀什噶爾盡驅其男婦出城縱火燒廬舍城門於燬脅之偕行衆勿從競入城守賊乃盡掠牲畜驅丁男千餘人踰山而西與霍集占俱遁大兵方自阿克蘇進兵指喀什噶爾舊伯克回民及從逆酋行脫歸者迎謁途次以其城降時二十四年閏六月二十四日也嗣設參贊大臣駐此統轄各城並設佐領協領兵防及章京侍衛各員其阿奇木並各城伯克皆如制三十一年復移駐參贊於烏什改設辦事大臣協辦大臣二員專理本境以佐領移駐烏什改設參領二員

嗣復改設領隊大臣一員
其辦事協辦大臣均裁撤

所屬藩屬逆回霍集占西竄布魯特比率所部人戶悉力與拒頗著戰功上嘉許之加其比爲散秩大臣授職塔什巴里克伯克即以其地賜之回民亦歸管轄其部下頭目賞賚有差令各散處於

什噶爾烏什葉爾
卷四山之中游收

〔沿革〕漢疏勒國治疏勒城有列市西當大月氏大宛康居道東漢永平中龜茲攻殺其王立龜茲左候兜題爲疏勒王漢更立疏勒故王兄子忠爲王後莎車屬疏勒疏勒以強北魏文成末遣使貢佛衣國內有大城十二小城數十隋大業中入貢唐貞觀九年內附置都督府領州十五修列四鎮西域傳一曰法沙王姓裴氏自號阿摩支居伽師城突厥以女妻之儀鳳時吐蕃破其國開元中冊其君安定爲疏勒王宋疏勒國元至元十一年詔慰喀什

噶爾

舊音合
失合兒

明永樂時朝貢依耐三國屬疏勒後史不著其國

〔輿圖考證〕漢時南北两大山中近葱嶺者南則莎車爲大北則疏勒爲大兩國對待其東西境必廣今自烏什南抵喀什噶爾達里雅西盡喀什噶爾諸城西北至鄂什北倚天山當爲疏勒全境東境在今烏什說已見前若漢書所謂疏勒城後漢所謂磐橐城楨中城唐書所謂迦師城北史所謂都城

方五里大城十二小城數十當不在沙磧彌望之區今之喀什噶爾正當疏勒西境山環水帶土地肥腴城堡鱗次可想見當日建庭之舊自此逾天山西行入布魯特界即漢書所謂西當大月氏大宛康居道形執猶存唐都督府應亦建此以列四鎮今南踰庫森諤斯騰百餘里至英噶薩爾揆厥方隅乃屬漢依附國地依附界居疏勒沙車之間疏勒爲今喀什噶爾莎車爲今葉爾羌以史北至疏勒南接子合之文證之其爲西至無雷東至莎車可擬而得後漢并屬疏勒其皆在大城十二之數歟五代之際疏勒隔不復通宋時于寘通而疏勒無聞惟元史謂合失合兒明史舊稱哈實哈兒與今喀什噶爾音讀相通尋聲求之固當非此莫屬至三國志引魏略楨中國莎車國竭石國渠沙國西夜國依附國滿梨國倚若國榆令國捐毒國休修國琴國皆并屬疏勒是其西境兼涉葱嶺元明以來尙屬巴什伯里統焉耆龜茲爲一國疆域尤大是皆不得以今喀什噶爾所屬諸城盡之矣

又案喀什噶爾城西五百里爲和什庫珠克達巴舊音霍斯庫魯克又西三百里爲阿

勒楚勒舊音阿爾楚爾又西南二百里爲葉什噶庫勒淖爾舊音伊西洱庫爾入葱嶺中爲葱

嶺偏北境案阿喇楚勒北通布魯特南接拔達克山西行則踰葱嶺以漢書

無雷國南與烏秣北與捐毒西與大月氏之文證之則阿喇楚勒一路即屬

漢無雷國地無雷北魏爲鉢和魏書鉢和在渴槃陀西今葉爾羌西喀爾楚

一帶爲渴槃陀國而鉢和西與之接其地正當在葱嶺之中更以唐書護密

即元魏所謂鉢和橫一千六百里縱四五百里顯慶中爲烏飛州地當四鎮

入土火羅道之文推之則四鎮在葱嶺東火土羅在葱嶺西魏鉢和唐護密

固屬葱嶺中往來當道之國其即今入和碩庫珠克達巴一道正不必定其

方隅之何在也漢難兜國在無雷西魏書波知國在鉢和西南正與今葉什

勒庫勒方位相合波知傳云國有三池大池有龍王次者有龍婦小者有龍

子今之淖爾廣數十里或即三池之舊歟

葉爾羌

東北至察特西林接阿克蘇界 東南至皮雅勒阿勒瑪接和闐界 北至喀什噶爾達里雅接喀什噶爾界 西至喀爾楚入葱嶺南通拔達克山界

葉爾羌漢莎車地在阿克蘇西南一千三百五十里距京師一萬二千一百四

十里城之東五十里為伯什恰特又東北五十里拜林城西北一十五里為

密什雅爾又折東北一十八里為搭噶爾齊自密什雅爾西南行一十里為

諤爾多諤斯騰又二十里為阿喇勒城東北為葉爾羌諤斯騰哈喇烏又環繞其南以上諸處皆在兩河之間自密什雅

爾踰河北行三十里為阿汗里克又東北二百六十里為庫勒塔里木城南距

百里其東南境有回庄數處城之東北七百里為巴爾楚克喀什噶爾達里雅經流其南自葉爾羌東行七百里為愛吉特呼又東

北一百二十里賴里特又九十里邁納特又九十里阿朗格爾又六十里阿克薩克瑪拉爾又八十

里畢薩里克又七十里賽爾固努斯又七十里哲克得里克託海又一百里踰喀什噶爾達里雅至

此又東北八十里庫克轍爾又七十里汗阿里克又六十里烏圖斯克瑞又五十里伊拉都接阿克

蘇界又自巴爾楚克西行通喀什噶爾樹木叢茂小山如屏逆會霍集占自庫車亡命道經其間有

牲畜之民驅脅以去餘遭殺戮殆盡逆會伏誅後始遷回民居此又東北一百里為察特西林葉爾羌東北盡境其自巴爾楚

克西南一百二十里為呼拉瑪在喀什噶爾達里雅南岸城之南四十里為鄂端楚里克

踰哈喇烏蘇至其地迤東為雅哈阿里迤西為喀瑪喇克阿喇勒踰河二又東五十里喇

蘇至其地

巴特齊又西一百十里喀喇古哲什當喀喇烏蘇雙流交會之地又西南二十里和什阿喇

布自雅哈阿里克迤西一帶俱北傍哈喇烏蘇又折東南一百里為伊奇蘇寧阿勒斯在喀瑪喇克之南東北距城一百里

自和什阿勒布又西一百里為色勒克郭勒地以水名為葉爾羌西盡境自此入葱嶺中自雅哈阿

里克南行三十里為坡斯恰木隴河至其地又迤西南一百二十里為呼木什恰

特南距葉爾羌大河五里其西南十里為舒帕俱在兩河之間又南行隴河七十里為裕勒阿里克自是西南為漢西夜國地又西

五里為庫克雅爾又折西北行二百里為塔克布伊又西南一百里為英額

齊盤依山為庄東北距城四百里自坡斯恰木迤西南一帶皆傍葉爾羌郭勒兩河之間自呼木什恰特東南行隴河二十五里為

沙圖又東少北五十里為伯什阿里克又東五十里為托古斯恰特東行有沙磧又東南行十里為

哈爾噶里克隴提斯衰謬斯騰而至又東南七十里為楚魯克隴庫森謬斯騰至其地六十里皆沙磧至此有水草其西南十里為

貝又東十里為皮什南有河出南山下北流饒水草又東七十里固璠隴河又東南八十里為

水濟東距庫什勒庫勒五里西距北城四百六十里又東南四十里為恭得里克又六十里為都窪又折

東北行一百六十里為皮雅勒阿勒瑪東境為黃水溝有鼠壤遺蹟距城六百六十里自木濟南行四十

里為章固雅東傍庫什勒庫勒當孔道又南行二十里為薩納珠古吉良鎮西南行自木濟東

北行二百里為阿克阿里克東傍庫什勒庫勒不當孔道為葉爾羌東盡境

自色勒克踰齊齊克里克達巴西南八十里為塞爾勒克又西南一百五十

里為喀爾楚東距葉爾羌城五百里東北至喀什噶爾亦如之以上兩處為葉爾羌東盡境

〔建置〕西域以葱嶺為西屏葱嶺之東南北名城相望有若對待葉爾羌地近南山尤為極西門戶舊音葉爾奇木亦謂葉爾欽規模宏廠甲于他部居民以土垣屏蔽穴垣為戶偃僕出入屋宇毗連村庄最多康熙二十八年回酋阿布都里什特為準噶爾所執至三十五年大兵破準噶爾阿布都里什特偕妻子來朝賜冠服遣送歸國後為準噶爾所阻不獲內附乾隆二十三年八月大兵次烏什霍集斯告將軍兆惠曰喀什噶爾西通布魯特安集延皆賊仇也必不往賊將往葉爾羌東南聯和闐以為援西南通拔達克山痕都斯坦哈喇圖伯特以為窟進退有所據勢難拔不能徑趨葉爾羌招徠和

闔要截拔達克山路一舉而克擒賊必矣兆惠從其計率師進霍集占聞之即擁馬步萬計保葉爾羌城其兄波羅泥都亦率兵往會近城多爲大坎兼築高臺以資守禦十月初六日大兵抵葉爾羌陣於城東賊與大兵三戰皆辟易自卯及申賊及敗軍中得值者言賊俱在城南英額齊盤山舊音英徙營轉攻城南師濟哈喇烏蘇甫四百騎橋斷賊乘機發兵繼進將軍明瑞兆惠分列三隊所當者破殺賊千人賊再敗軍自庫車遠至馬力不支且阻於泥淖引兵躡河退保大營賊衆四集合圍接戰五晝夜軍中羸糧足資三月守於是掘濠築壘以待援師二十四年正月富德統新訓兵來援阿里袞解馬千匹遂馳至乃振旅以還阿克蘇自是滿漢索倫察罕爾官兵皆星馳而至副將軍富德尙書舒赫德阿里袞領兵進勦至喀什噶爾城俱降逆回兄弟度大兵必再至必成擒棄城踰山遁于是葉爾羌之舊伯克回民等以全城降將軍留鄂對守之師進和闐凱旋將軍至葉爾羌設防兵均徭賦

定儼伯克奏于 朝遂 簡設葉爾羌辦事大臣一員各回城同時派設兼領隊事協

辦大臣一員印房章京二員辦理糧餉官一員初由本處補用無則廢員內由京揀發筆帖式三

員置滿營兵防管營佐領二員驍騎校二員卡倫侍衛共十三員並授鄂對

為葉爾羌三品阿奇木伯克其分理各城阿奇木及伯克遞相等差先是將

軍兆惠被圍愛隆阿據河駐後都統納本札爾副都統三泰奉命往代兆惠

馳至葉爾羌過愛隆阿營猝陷賊遇害至是勅于葉爾羌城南建雙義祠祀

之

案嗣改設鎮守葉爾羌等處地方總理回疆事務參贊大臣一鎮守葉爾羌等處兼管和闐事務協辦大臣一

〔沿革〕漢莎車國由鄯善傍南山北波河西至莎車為南道王莽之亂匈奴

略有西域惟莎車最強不肯服屬常勅諸子當世奉漢家建武五年立西域

大都護十四年莎軍與鄯善詣闕貢獻于是西域始通十七年賜莎車王賢

西域都護印綬遂攻殺龜茲後于寘王廣德攻莎車而并其國匈奴復立莎

車王宣帝時班超發諸國兵攻之元和三年降漢三國時屬疏勒北魏時爲渠莎國居故莎車城隋以後并入于窰唐置毗沙都督府爲四鎮之一或曰斫句迦種或曰沮渠屬于窰地明始稱葉爾羌云

（輿圖考證）莎車爲漢古國東界于窰北連疏勒今和闐爲于窰采玉流證據猶在而喀什噶爾爲疏勒西境按諸史傳南有黃河西帶葱嶺之說合皆無可疑者今葉爾羌在喀什噶爾東南和闐西北應爲莎車故壤而又饒地利擅形勢儼然西域二大都會此莎車王所恃以憑凌與國者以莎車疏勒兩國全勢論之莎車在疏勒南范史稱東北至疏勒前漢書則云西至疏勒五百六十里者疏勒東西境廣各就邊界言之故不同也而前書稱自鄯善西行至莎車爲南道則莎車自屬南道極西附近葱嶺之國今葉爾羌城西直接葱嶺以是知爲莎車故城北魏號渠莎介於兩大漸就微弱周隋以來不著於史是爲于窰所并唐書疏勒東有斫句迦種一曰沮渠疑即北魏渠莎

之舊又地理志毗沙都督府注本于窠國是則莎車轉爲渠莎渠莎又轉爲毗沙故墟久屬于窠故直以毗沙名鎮也又載于窠由葦關西經勃野西北渡繫館河六百二十里至致支滿城一曰磧南州以道里計之自和闐西行諸郭勒以庫什勒庫勒爲大當即所謂繫館河者由葦關西六百餘里至致支滿城應即今葉爾羌城元世祖于鴉兒看城置水驛與于窠并列是屬葉爾羌對音之訛耳漢西夜皮山兩國今屬葉爾羌以南境地方位較然漢書西夜治呼隄谷北與莎車接則西夜在葉爾羌南境治以谷名當附葱嶺而居者以今求之乃屬裕勒阿里克西南之地北魏時爲悉居半唐爲朱俱波是也漢皮山國西北通莎車三百八十里今葉爾羌東南至皮什南三百一十里是已入皮山國界又東至都窪有城垣去和闐三百五十餘里漢書載于窠西通皮山國三百八十里與唐書地理志里數相合是其爲皮山城無疑況與都窪城毗連者左有皮雅勒阿勒瑪右有皮什南皆與皮山字音相

近應當時悉屬皮山國地至其東北境至巴爾楚克察特西林境地而止在喀什噶爾達里雅北岸以水經注北河自疏勒逕流南河之北東南流逕疏勒城下南去莎車五百六十里之文證之是屬古疏勒東境所謂疏勒城者指今巴爾楚克之南而東注者言蓋知當時城郭隨在而有者也

案塞爾勒克喀爾楚在葱嶺中爲蒲犁國故壤與漢書東至莎車北至疏勒之文道里相合後漢德若即蒲犁且云與子夜合魏略並載蒲犁德若二國北魏渴槃陀在朱俱波西此宜屬元魏克槃陀地唐書所謂西南入劍末國六百里即其國也由此西北行通阿喇楚勒葉什勒庫勒西南行通拔達克山咸在葱嶺環帶之間若葱嶺千有餘里境幽勢阻宅國非一在漢則東爲蒲犁西爲無雷難兜無雷爲捐毒其大較也傳稱俱有互文以今考之則西夜在蒲犁之東南無雷在蒲犁之西北無雷北與捐毒接捐毒西上葱嶺爲休循則難兜北與休循按可知難兜又在無雷之西

和闐 東至克爾雅郭勒入沙磧又東至阿底爾干 西至卓窪勒誇斯騰接葉爾羌界 南至南山 北盡和闐達里雅接阿克蘇界

和闐漢于窰 今額里 齊城 在葉爾羌東南六百五十里距京師一萬二千一百五十

里城之東南三十里為玉隴哈什 玉隴哈什郭勒環抱之內民物殷庶無城 垣居六城之一所屬有木普爾庄寶義莊 又東二

百里為爾車埽 民物繁庶無城垣居六城之一有河西北流入于沙磧 又東北二百里為克爾雅 有城垣居六城之一東傍克爾

雅郭勒為和闐最東境所屬有 自車埽東南一百八十里為塔克 民物繁庶無城垣居六城之一西有河發源南

峨和爾伊里庄哈爾魯克莊 山中北流 城之西北六十里為哈喇哈克 居六城之一東距郭勒二里 西距卓窪勒誇斯騰二十里 又西十里

為博羅齊又自哈喇哈什郭勒迤西二十里為卓窪勒 氏居稠密由是西行踰 黃水溝接葉爾羌界 城

西南一百二十里為皮什雅 有城垣不常孔道三面臨 河各二十里玉石所自出 城之南為哈朝歸塔克

地名 托蘇拉固葉城之西為博爾烏匝克吉爾布斯略藏城之北為瑪枯雅

爾烏哈什巴爾漢期伊克 諸村庄皆額 里齊所屬 自玉隴哈什城北行一百里為勒沁

託海 東傍玉隴 哈什郭勒 又北三十里為素勒坦雅伊拉克又七十里額克里雅爾又七

十里喀提里什 玉隴哈什疏勒經其東哈喇哈什疏勒經其西會 於其北入和闐達里雅西南距城三百三十里 又二十五里為塔喀

克又北六十五里爲瑪爾占郭勒氏東傍和闐又二十里吉拉木雅伊氏又

五十里巴里布克色木又四十里鄂托拉布克色木又六十里愛雅克布克

色木又八十里伯得里克鄂托克又九十里伯什阿喇勒又六十里齊克齊

鄂托克又一百二十里波斯湯托郭喇克西南距城九百四十里又北行七十里至哈喇烏蘇交阿克蘇界自和闐東北至阿克蘇

界幾及千里由阿克蘇南行至和闐亦如之自塔克東南行二百七十里爲阿勒屯郭勒地以水名又東

南一百里爲蘇格特爲漢渠勒國地又東二百里爲巴爾呼都克左右境山水環抱爲漢戎

與渠勒接僻南不當道又東北四百里爲阿氏爾干險沙磧至此一水雙流環其境西距克爾雅郭勒約七百餘里皆沙磧爲漢精絕國地

(建置)額里齊舊對音伊立齊境內村庄櫛比最著者凡六城向受回酋和

卓木約束乾隆二十三年駐劄阿克蘇尙書舒赫德遣侍衛齊凌扎布噶布

舒及回長鄂對等傳檄往撫時逆回霍集占遣使在其地六城伯克聞有朝

使將至遂擊逐逆黨迎使臣入城傾心降服留鄂對等以鎮撫之後逆賊復

遣衆來攻鄂對等鼓勵降回分守三城相持兩月會兆惠自葉爾羌旋兵阿

克蘇統兵千名援赴和闐方困于賊而大兵適至偵知賊駐營哈喇哈什城時值大霧瀰漫遂乘霧薄賊營奮勇衝擊賊驚潰追數十里殲其渠魁阿布都海里克及和集雅斯二人鄂斯滿被創竄去和闐復定事在二十四年三月和闐回長漠咱爾巴霍集斯伯克長子也霍集斯以擒達瓦齊功得懋賞大兵討回部復自烏什赴軍營投誠從軍自効至是遣其子漠咱爾巴入覲西域既平設和闐辦事兼領隊大臣二員以下各官如今制授漠咱爾巴爲三品阿奇木伯克管理回民並設分理各城伯克遞相等差田賦與各部畧同惟和闐舊無商賈無雜稅徵收兩河產玉聽駐劄大臣採取量其所得入貢無定額嗣復改設辦事大臣一員

(沿革)于窰漢古國治西城南與婁羌北與姑墨接西通皮山國三百八十里東漢建武中莎車王賢攻并于窰永平中于窰將休莫霸反莎車自立後遂滅莎車而鄯善亦始強盛自葱嶺以東惟此兩國爲大魏黃初內附扞彌

國渠勒國皮尤國皆并屬焉周隋時入貢唐置毗沙都督府本于窠貞觀十二年內附初置州五高宗上元二年置府析州爲十宋時猶通中國明永樂中于窠來朝

案和闐爲于窠轉音西域諸國列代分併更置稱名不常惟和闐之爲古于窠自漢迄明猶存舊號

元史缺明永樂中入貢則其國存于元代明甚

列史多稱其奉佛教由晉以

來莫能訂其訛我朝西域列于版圖如前史所載地有河源山多美玉者歷歷可尋而回俗相沿不奉佛法和闐千古未易亦無所謂辟支舊跡者蓋史所稱釋經奉佛則當爲鄂翌荅乃天竺之印度其地迥不相涉自水經注始稱釋法顯自烏帝西南行得達其地國多大乘學城南十五里有利刹寺寺中有石靴石上有足跡俗言是辟支佛跡魏收以下考史者遂據爲故寔

唐書謂老子化胡成佛之所

然辟支佛跡爲法顯佛國所未載道元已疑其無

據伏讀

純廟御製于窰考辨尤爲千古發蒙

（輿圖考證）考和闐在葱嶺東自葉爾羌至克爾雅東西千有餘里爲古于窰全境南山峙其南瑪雜爾塔克繞其北連山相次形勢猶存所屬舊有五城及鎮城爲六唐屬四鎮其地當吐蕃之衝是以假道勃律以取四鎮于窰乃首受其敵唐書指南山爲葱嶺謂在葱嶺北至明史尤沿其訛回人名玉爲哈什產南山者最良河發源於南山爲玉河因名曰哈什庫勒今額里城西南一百六十里至皮什雅其南爲玉隴哈什哈喇哈什兩郭勒發源處三面距河河以外連山環抱即漢書所謂南山玉石之所出也又西北爲皮雅勒阿勒馬今葉爾羌境距額里齊城一百九十里唐西域記瞿薩旦那王城西一百六十里大砂磧正路中有堆阜並鼠壤墳接其里數應尙在東境若以哈喇哈什爲王城西行一百六十里正在於是和窰東境至克爾雅而直北接阿蘇後漢書熹平中于窰攻拘彌殺其王戊己校尉西域長史各發

兵輔拘彌侍子定興爲王時人衆裁有千口其國接于窶三百九十里魏略
扞彌國并屬于窶今克爾雅以東爲于窶并有扞彌舊壤無疑以唐書于窶
東有建德力河河之東有汗彌居建德力城亦曰汗彌城之文證之其國猶
存于唐惟漢書始稱扞彌後漢曰拘彌魏謂扞彌唐又爲汗彌自扞至汗晉
釋遞變耳又漢書姑墨南至于窶馬行十五日姑墨在今阿克蘇東所謂十
五日而至者即今自哈喇烏蘇南循和闐達里雅以南千餘里之路而唐書
自撥換南而東經崑崙渡赤河又西南經神山唯陽鹽泊又南經疏樹九百
三十里至于窶鎮城唐撥換城在今阿克蘇西循阿克蘇鄉勒東南行波喀
什噶爾達里雅葉爾羌謂斯騰即自撥換南而東經崑崙渡赤河者也神山
唯陽疏樹當在今波斯湯托郭喇克至勒沁托海南北千里間唐書地理志
于窶東凡三城東三百里曰坎城屬今車埒最東六百里曰蘭城當屬今克
爾雅則坎城當屬今塔克皆在六城之數城郭依然道里不爽又云故且末

城西經悉利支祆井勿遮水五百里至于窠東蘭城守捉則蘭城爲于窠東界可知今克爾雅屬和闐最東境是爲唐之故址也塔克河發源南山西北流經車埒磧入於砂磧應即唐之媼摩川

又案漢書渠勒治都犍城東與戎盧北與扞彌接戎盧治卑品城東與小宛西與渠勒南與媼羌接今克爾雅東境爲漢扞彌國地則阿勒屯蘇特格皆在克爾東南境應漢渠勒國地蘇特格爲漢渠勒又東巴爾呼都克西與之接自當屬漢戎盧國地所謂都犍卑品兩城亦于是乎在阿氏爾于在巴爾呼都克西扎四百里踰沙磧至此一水雙流環帶其地西距克爾雅郭勒約七百餘里皆沙磧漢書精絕國南至戎盧四日行地扼隘西通扞彌四百里今巴爾呼都克爲漢戎盧正當其南境道里亦適相符通扞彌四百里者指界壤而言唐西域記汗彌爲瞿薩旦那東境從此東行入大流沙聚散隨風人行無跡遂多迷路行四百里至都貨邏國國久空曠城皆荒蕪阿氏于爾

正在和闐東沙磧之外以道里方向考之是屬漢之精絕唐之都貨邏國地無疑由是而東南爲礪什達爾烏蘭布遜塔克應屬古小宛地又東北五百里抵安西屬敦煌縣界則正漢書所謂出陽關最近自婁婁始而小宛東與羌婁接者也今以大較求之白出和闐境其偏東南之國爲古渠勒戎盧小宛正東之國爲扞彌精絕且末樓蘭攷證略見安西南路

道里記下

天山北路

鎮西廳

東至圖古里克接喀爾喀界 西至乾溝接阜康縣界 西至天山踰山接哈密北
至哈布塔克接北山路 乾隆中領縣二今改廳裁省宜禾縣

鎮西廳漢匈奴東蒲類茲力支地在哈密北三百二十里距京師七千三百二

十四里治之東五十里為石人子

經固原堡大泉至其地

又東南四十里奎蘇

當巴爾庫勒發源左右雨

河之 又東南九十里為松樹塘

東南境南踰庫舍圖達巴經長山子黑帳房至哈密城松樹塘蒙古語招摩多舍庫圖達巴譯言碑嶺也

自石

人子東北行三十里為沙山子

經三河源至其地

又東二十里為呼爾濟台

其東南踰山十

里有 又東北行十里為哈喇和屯

縣東北境唐伊吾舊治地居鹽池之北又東北為阿濟

自呼濟爾台折東南

一百四十里為圖古里克

自此東南一百二十里至多都摩垓又南行經塔勒納沁至蘆岡泉接安西州境

治之北少東五

十里為五墩又東為樸城子

屯田處凡四莊

自五壑西行北十里為鏡爾泉

自此折西南二

十里至三個壑又西南行繞巴爾庫勒之

西五十里為上肋巴泉會哈密入開展路

治之北九十里為禾城

西南境有石城子

又東北行

七十里為三塘

禾城二十里至柵門口又踰山五十里而至

治之西少南九十里為瘦濟

濟一作集東尖山西

獨山西南六十里接托來達巴 又西三十里庫爾墨圖又西北六十里為肋巴泉塘 哈畢爾噶布拉

克出 西又西北五十里為西薩 一作里克拜姓 西有塘烏爾圖布拉克出其地為宜禾 西北境元和志伊吾甘露川或其遺址 又

西南九十里為噶順溝 溝一作塘有泉出山下南流其北四十里為鄂隆吉有舊城接奇臺縣界距府治三百四十里 自瘦濟西南行

七十里為上肋巴泉 東南踰山接哈密之橙槽溝 又六十里為洮資台 在托來達巴北麓 又南行八

十里為洮資井 踰山而至其東為七個井卡倫又南行一百十里與關展之茈茈槽接 又西南六十里梧桐窩 踰山北至白山

子 又七十里惠井又南五十里為鹽池 自瘦濟至此為臺路皆循山徑而行距治四百八十里又一百八十里為關展之七克騰木臺

俱係亂山戈壁 治之西北九十里駱駝巷又西北為亂泉子 經空心壑至其地 又西為條湖

數處皆山谷間 自此踰山北行為黑子山 即鉛廠距治四百餘里東戈壁西拜塔克黑二百餘里北至扎哈沁四百餘里 又西七十里

為大泉又為羊圈灣 宜禾西北盡境滿漢卡倫設此 自黑子山北行至都蘭哈喇 距治六百餘里在雪

山西麓每年南北官兵會哨之所

廳治之北境有曰蘇博阿拉 奇臺縣西北境都爾伯勒津東北二十里又東北行二百餘里至拜塔克舊為準噶爾東南界 曰阿濟地

山名宜禾縣東北境哈喇和屯 曰必濟 地以山名在阿濟西其台為華烏里雅蘇台 曰華烏里雅蘇台 在必濟山北西

南北三面環山泉池不一東至烏里雅蘇軍台營五百餘里由烏里雅蘇台北山曰阿拉克椿西北行岡巒層沓千有餘里直至古爾畢達巴阿勒坦鄂拉舊為準噶爾東境

集宜禾縣東北曰額林椿集在阿拉克椿集西北五十里曰奎屯郭勒圖在額林椿集西北五十里地饒水草曰蘇海

圖奎屯郭勒圖西北五十里又自西里克拜牲北踰哈套鄂拉北行三十里為烏爾圖又北二十里為布渾又北三十里為博羅鄂博又東北五十里亦至其地曰色爾克

在蘇海圖西北七十里又西北為昭達木濟呼又西北至里布塔克曰哈布塔克地以山名府西北四百里踰此至青吉勒郭勒南岸舊為準噶爾東南界曰拜塔

克地以山名在哈布塔克西青吉勒郭勒南自此西南三百里至奇臺縣境曰察罕察奇爾圖奇臺縣木城北一百八十里踰北

察奇爾圖又西六十里為哈喇察奇爾圖

（建置）巴爾庫勒舊音巴里坤康熙五十四年內屬城在巴爾庫勒東南雍

正九年與木壘城同築乾隆二十七年設安西府以安西同知駐防其境初

為巴爾庫勒廳進討準噶爾駐營木壘築木壘新城烏蘭烏蘇即準噶爾東

境為扎爾沁游牧之地大兵甫入境扎爾沁宰桑敦多克及其德木齊巴

罕漫濟等來降率所屬一千五百餘戶內附此諸部落歸誠之始西域平設

奇台堡二十四年設巴爾庫勒提督別於城東築新城為兵弁駐防之所二

十九年提督移駐烏魯木齊改設總兵一員三十八年置鎮西府治巴爾庫勒廳裁改設宜禾縣建府學始設知府統宜禾縣迪化州昌吉縣是年秋升迪化州爲直隸州析昌吉爲州屬領縣宜禾縣與府同四十一年分宜禾西境設奇台縣屬焉領縣二參贊大臣一員三十九年設以下協領佐領防禦驍騎校筆帖式如今制皆自京調往三年更換今改府爲直隸廳宜禾縣省奇台縣改屬迪化州整飭巴里坤巡道兼兵備糧務駐鎮西嗣移駐鞏寧城餘訓導照磨巡檢如今制

按今巴里坤參贊大臣改領隊大臣一

考試初制准聽文武童就肅州試與安西州同三十九年設府後學政按臨肅州之前密封試題行鎮西府並巴爾庫勒道局試四十一年巴爾庫勒道移駐迪化州改鎮迪道即行鎮西府局試四十四年改由學政將試題送駐防大臣同鎮迪道考試卷封送學政按額取進武童由駐防大臣同道考試分別次第造冊同內場試卷送學政按額取進

(沿革)漢匈奴東蒲類竝力支地後漢爲伊吾邏魏爲蠕蠕所併隋屬伊吾郡尋入突厥唐置伊吾縣屬伊州五代及宋因之明屬哈密地陷入吐蕃

(輿圖考證)漢蒲類部落一名竝力支者爲東蒲類其治天山西疏榆谷者在卑陸且彌之西爲西蒲類故西域傳稱蒲類治天山西也又後漢書西域傳蒲類本大國其王得罪單于徙蒲類人六千餘口內之匈奴右部阿悉地右部當居西鄙則其國本在東陲可知惟得罪則西降都護既降居烏訾訾離地在今關展之西北東蒲類當在關展之東北正當府境班超傳注蒲類海在敦煌之北則正當府境今之巴爾庫勒即漢之蒲類海今之鎮西即漢東蒲類竝力支故地元和志鹽池在伊州南六十里伊吾縣南二十里周圍十餘里無魚水自生如海鹽若以宜禾縣境求之方位不合又舍此無所謂鹽池者伊州伊吾縣史傳本無明文據此則今之哈喇和屯適居鹽池之北疑即唐之縣治蓋漢伊吾舊城唐伊吾新城皆在哈密至唐景龍四年始於伊州西北三百里外置伊吾軍乃或疑移建縣治于此今哈喇和屯即其遺址與元志稱南有鹽池形勢相合耳

迪化州

東至得勒呼蘇台接奇台縣界
喇烏蘇界 西南接伊犁東路

東南踰山接關展界
北通塔爾巴噶

西至安濟哈雅接庫爾喀

州東至博克達鄂拉
番北至葦湖 東北接阜康縣界

西至頭境屯接昌吉縣界
南至根特克接土爾

迪化州漢蒲內地 在鎮西廳西一千三百九十里距京師八千八百九十里州

城之東北四十里為古木

地建輯懷城 城北有塘

城之北二十五里為頭道灣

阿勒塔齊郭勒北行分流

處又東有二三四道灣莊

又折東行十里為五道灣

踰郭勒至其地在屢豐堡 東又東有六七八道灣莊

又東十里九道灣

東有熱水泉

自五道灣迤北行十里為卡子灣

博克達時其東南流泉環帶庄戶鱗比致為深秀

又東北為輯懷

城 又北接阜康縣境

城之西二十里為鞏寧城

今知州治踰郭勒至其地北為地窩堡有塘

又西北三十里

為土墩子又十里三二個泉莊

其南二十里有西三個泉莊 泉皆匯入烏魯木齊郭勒

城之西南二十里為

大西溝

西北距鞏寧城三十里當郭勒發源處居民比備 又東十里有河出南山麓居民依之稱南山戶莊

城南少東五十里為鹽池墩

阿勒坦齊郭勒流其東有塘東又南踰郭勒循南山麓稱達巴根戶莊

迤東為柴窩堡又

自此入山谷行又東南為土墩子又東

行為喀喇巴勒喀遜

在天山南麓有城為糧員守 備駐防距州城二百三十里

又東南為多倫達巴

土名七個打坂 踰山而南有白

楊河入南行為哈畢爾噶布拉克

地以永名土稱三個 泉是為關展河源

又東少南一百里為根特

克在金嶺北麓接土爾番界距州城四百三十里

(建置)治在烏魯木齊東接鎮西廳屬之烏蘭烏蘇得勒呼蘇台白烏蘭烏蘇以西舊皆為準噶爾游牧之所乾隆二十年進討準噶爾噶勒丹多爾濟率其屬望風降皆內屬有舊城賜名迪化設提督駐防別於城北建新城在阿勒塔齊郭勒東支流環抱之內二十五年置迪化廳駐同知輯懷城地名地吉名二十七年築三十八年裁廳改迪化州屬鎮西府是秋升為直隸州隸縣昌吉於城西三十里建鞏寧城為知州治四十一年四十四年先後分置阜康綏來兩縣皆隸焉初設迪化寧邊兩廳學三十四年設設縣後以兩廳學歸迪化昌吉復設阜康綏來兩學安西道初駐哈密二十四年設三十八年改鎮迪糧餉兵備道駐鎮西府四十一年亦移駐鞏寧城統轄鎮西府安西州迪化州並哈密闢展兩廳駐防都統大臣一員管理滿洲綠營事務以下佐領協領防禦驍騎校筆帖式皆自京調往如今制

按以上乾嘉間舊制今闕展只巡檢一烏魯木齊增領隊大臣一員而迪化州領縣四奇台改隸焉同治六年補記

(漢蒲)漢蒲類國三國稱蒲陸晉屬高車尋入于蠕蠕至隋爲西突厥地唐初置後庭屬西州後改隸北庭大都護府天寶末貢道中絕陷入吐蕃伊西以外皆非唐有元爲回紇五城明屬衛拉特

(與圖考證)天山自托克喇鄂拉至博克達鄂拉百餘里之間南北綿亘迪化州當其西境漢書西域傳獨於蒲類國曰在天山西者其即今之州境是也又傳稱東蒲類王茲力支降都護分車師後王之西爲烏貪訾離地以居之是蒲類故地初在東陞旣降始遷在山以西也漢書烏貪訾離國與蒲類並載而不啻一國在今則爲迪化州阜康縣境地二國分界處不可得而考唐後庭縣注本蒲類國是兼有西蒲類地也

奇台縣東至噶順舊宜禾縣界 西至乾溝接迪化州阜康縣界 南至天山 北至葦湖

奇台縣漢金滿城地在鎮西府西六百九十里治之東九十里爲濟爾瑪台又

東北十里為木壘

乾隆十九年大兵駐營於此有舊城木壘布拉克出南山下過舊城西東環繞新城東環繞堡之左右有屯田其東境有塘

又東北

四十里伊勒巴爾和碩

其南有泉出北山麓名一灣泉

又東五十里為阿克塔斯

天山北麓泉源迭發其西南有地名

烏里雅蘇台

又折東南行九十里為烏蘭發蘇

舊為扎哈沁游牧處又東六十里為庫克車勒有泉名色必特又東六十里至噶順接宜禾縣

界治之西南四十里為格根

東西三堡俱有泉北流西渠之西有泉名碧流溝

又二十里吉布庫

堡之東曰永豐

溝西曰永泰溝又北十里

又有地名一顆樹有泉

又二十里鏗格爾

堡西別有泉土名達巴罕溝 治之西北九十里為古

城

南北二城

又西行六十里為乾溝

縣西境北接阜康縣界

自古城東行十里為都爾伯勒津

自此東北行三百里至拜塔克

(建置)奇台地廣饒水草宜耕牧東扼巴爾庫勒西通烏魯木齊雍正間設

木壘堡築城為聲援要地乾隆十九年征準噶爾大兵駐營於此復築新城

伊犁平于烏蘭烏東百里設奇台堡駐通判後屬宜禾縣西境四十一年復

分置奇台縣屬鎮西府官制學校如今制嗣改屬迪化州

(沿革)漢車師後王國尋降匈奴東漢居務塗谷置戍部候有金滿城建武

中遣子入侍後屬匈奴永元九年漢斬其王涿鞮立農奇爲王復內屬三國時爲車師後部併有蒲陸且彌烏貪諸國地魏屬蠕蠕隋爲東突厥地鐵勒屬焉唐初爲處月部後置金滿州貞觀十四年改縣宋爲高昌北廷元屬回鶻五城明爲衛特舊音瓦刺

按元史地理志回鶻五城唐號北廷又西北行至阿爾穆爾則迪化州右左境固爲回鶻五城伊犁以西乃屬阿爾穆爾地明之瓦刺即衛拉特舊對音之訛準部以烏蘭烏蘇拜塔克爲東界過此以西則爲四衛拉特之地尤屬較然

（輿圖考證）後漢書伊吾五百里通車師前部又五百里通後部金滿城今哈密爲漢伊吾關展爲漢車師前部則後部金滿城正在天山以北唐爲金滿州又爲金滿縣今奇台縣屬之木壘以西迄阜康縣之特納格爾以西正當關展北境應皆金滿城地唐分金滿州與沙陀州境地毗接皆以處月氏

置金滿即今奇台西境則沙陀又當在奇台阜康二縣北金滿州既南近天

山則沙陀自北連大磧今自都爾伯勒津迤北一帶戈壁東屆哈布塔克拜

塔克疑即沙陀州舊壤其方位適當伊州之西北金滿縣之正北也

阜康縣 東至得勒呼蘇台接鎮西府奇臺縣界 西至甘泉堡接迪化州界 南至天山 北至鞏湖

阜康縣漢車師後國地在迪化州東北一百一十里治之西四十里為甘泉堡

其西南為黑溝 接迪化州界 治之東六十里為賽因塔喇 南距博克達鄂拉八十里又 東三十里為淤泥泉有塘 又六十里

為庫里葉圖 察罕烏蘇 在其東 又二十里為納里特又東南一十里為三台塘又東七

十里為濟木薩 踰雙岔河至其地愷安城今為參將 縣丞駐防漢金滿城唐置金滿縣 又東北四十里為伯什特勒克

又折南行五十里為得勒呼蘇台 踰大泉至其地在天山之陰東接奇 臺縣界其西二十里為伊克呼蘇台

(建置)地名特訥格爾舊為準噶爾部圖爾古特游牧之所乾隆二十年始

入版圖建阜康堡二十五年屬迪化廳駐縣丞愷安城三十七年築三十八

年屬迪化改州判四十一年分置阜康縣設縣學隸迪化直隸州官制學校

如今制

(沿革)阜康全境漢爲烏貪訾離單桓二國地北魏入於蠕蠕周隋間突厥浸強統爲西突厥地唐初屬瑤池都督府顯慶二年禽賀魯分處月部置金滿洲都督府屬輪臺貞觀十四年大都護府長安二年改北庭都護府以金滿爲縣即漢金滿地舊地漸亦淪棄元明所隸與迪化州同

(輿圖考證)漢書西域傳烏貪訾離東與單桓南與且彌西與烏孫接且彌在金嶺北爲山北六國之一烏貪訾離南與之接可知其國在博克達鄂拉之北與今阜康縣治方位正合單桓國西與烏貪訾離境界毘接今阜康縣之東境賽因塔喇應即其地傳稱單桓戶止二十七國甚小始如今縣屬之一塘耳又漢書由前部高昌壁通後部金滿城路而所謂金滿城者與今之濟木薩近似關展北倚天山踰山爲唐西突厥地葉護屯可汗浮圖城與高昌相影響其地必與高昌北境相屬故得藉爲聲援今濟木薩與東北境之

伯什特勒克皆有舊城疑漢之金滿城唐之浮圖城故址於是乎在也唐初處月內屬即其地置金滿沙陀二州金滿在西又改金滿縣隸北庭都護府皆以漢城得名則漢之前國後國即唐之前庭北庭大畧可證然唐北庭四縣疆域甚廣以地理志考之後庭縣注本蒲類是兼有蒲類國輪臺縣本漢輪臺地是兼有焉者國惟金滿縣即金滿城祇為車師後國之地是不得謂唐之北庭即漢之後國者要不得謂漢之後國非唐之北庭矣

昌吉縣 東至頭屯河接迪化州界 西至呼圖克拜郭勒接綏來縣界 南至天山 北至葦湖

昌吉縣漢蒲類後國地在迪州化西北九十里治之東二十里為頭屯河 河之東為

頭屯接迪化州界 治之西二十里為羅克倫又西五十里為蘆草溝又西北二十里

為呼圖克拜 舊對音呼圖壁有城自此隴河接綏來縣界

(建置) 治西二十里之羅克倫舊為札納噶爾布游牧之所二十年三月進討準噶爾噶勒丹多爾濟偕其兄子札勒噶爾布以二千二百餘戶降時呢

瑪與噶勒丹多爾濟不協說札納噶爾布叛二十二年二月殺噶爾丹多爾濟於安濟哈雅札納爾布據其餘衆與呢瑪札克沁爲一欲據準噶爾爲臺吉乃移博羅塔拉而去旋爲布爾吉特臺吉渾齊所擒斬以獻所部乃定始設昌吉堡在昌吉郭勒之西二十七年建邊城置邊廳通判駐防二十九年築景化城于呼圖克拜三十四年設廳學三十八年改設昌吉縣以廳學改縣學初設縣屬鎮西府尋隸迪化直隸州官制學校如今制

（沿革）昌吉漢蒲類後國東漢爲移支國三國爲蒲陸晉屬高車北魏蠕蠕主社崙與高車戰於伊吾山北高車主西走三百餘里社崙深入其地遂併諸部則高車東境已併入蠕蠕至周則統爲西突厥唐屬後庭縣地餘同前（輿圖考證）漢書西域傳蒲類前國去長安八千二百六十里後國去長安八千六百三十里則後國當居前國西北今昌吉縣東南與迪化接壤迪化爲前國則昌吉爲蒲類後國可知也又羅克倫與樓蘭對音相近疑即其國

地然考樓蘭改名鄯善在今敦煌西境外色爾騰海者是南北相去千餘里無涉或當時有樓蘭人徙居於此以有是名耳

綏來縣 東至圖古里克接昌吉縣界 西南至安濟哈雅 接庫爾喀喇烏蘇界 南至天山 北至葦湖

綏來縣後漢移支國地在昌吉縣西北二百四十里距州城三百十三里治之

東四十里為陽巴勒噶遜 陽回語謂新巴勒噶遜額魯特 語謂城肅州志指謂陽關者非 又五十里為圖古里克 塘有

東接昌吉縣界去 呼圖克拜六十里 治之西四十里為巴克呼蘇 南距哈屯博克達鄂拉一百里當孔道西有破城子塘 又四十里

烏蘭烏蘇 靖遠關在其西北 又十里和爾郭斯 舊音和 落霍漸 又十里博羅特克圖魯庫 和爾郭斯

郭勒 自此西南行五十里為安濟哈雅 南北有山形勢緊嚴宜耕牧東曰巴哈西曰伊庫與庫爾喀喇烏蘇接舊為扎納噶爾布

游牧處

(建置)地名曰瑪納斯舊為準噶爾呼拉瑪游牧處納木齊之昂吉乾隆二

十二年將軍策布登扎布追準噶爾從賊布庫察罕哈薩克薩喇等至和爾郭斯賊衆千餘據險設伏大兵至賊蜂聚四起將軍奮勇突圍擒其宰桑渥

赭特殲衆四百賊潰散時扎納噶布已被擒所部悉定二十八年以瑪納斯地建綏來堡屬邊廳三十八年屬昌吉縣駐縣丞四十二年建左右兩城左曰綏寧右曰康吉兩城南北相倚西面設關曰靖遠四十四年分置綏來縣設學隸直隸迪化州官制學校如今制

(沿革)綏來漢烏孫地東漢移支國晉爲高車周則統爲西突厥處密部胡祿屋闕部皆其境入唐爲鹽泊都督府隸北庭宋元爲回鶻城明爲衛拉特

(輿圖考證)漢書西域傳宣帝即位公主與昆彌皆遣使上書言匈奴復發兵侵擊烏孫取車延惡師收人民去水經注焉耆之北敦薨之山在匈奴之西烏孫之東是匈奴烏孫交壤處在焉耆之北自山南哈喇沙爾北路論天山是其地也今迪化州昌吉縣爲漢時蒲類前後國其直北當屬匈奴西境由是以西爲烏孫東境南與焉耆相直是伊犁東南路即漢時烏孫之東境

也後漢書移支國居蒲類地應在今昌吉西與綏來治全境相合考當時五咄陸部俱屬西突厥東境而葛邏祿胡屋鼠泥施三部於聖歷四年內屬境地毘連以今地位考之葛邏居北當在塔爾巴噶台納林和博克一帶與處木昆部雜居鼠泥施為處半部在裕勒都斯一帶則所謂胡祿屋闕部者應在今額彬格遜淖爾南境諸河環抱之間應即今之綏來全境所謂唐得之以為鹽泊都督府也又突厥北庭與處月處密諸種雜處又咄陸以處月處密兵圍天山而不克孝恪追北抵遏索山斬千餘級降處密部而歸遏索山即今哈屯博克達鄂拉處密部在其北當即今之巴克呼蘇境也

庫爾喀喇烏蘇東至奎屯接綏來縣界西至托和木圖接伊黎東路呼蘇圖布拉克台南接天山東北接塔爾巴噶台界

庫爾喀喇烏蘇在迪化州西五百十里距京師九千四百二十里城之東五十

里為奎屯東有長河路當孔道東南接綏來屬之安濟哈雅自此折北行九十里為庫爾郭勒郭勒東境又

七十里沙拉烏蘇額魯特游牧西界又七十里鄂倫布拉克北接塔爾巴噶台界城之西六十

五里爲布勒哈齊西濱濟爾噶朗郭勒又西六十里爲達木達喀喇烏蘇額布圖郭勒經流其地又

西南五十五里爲古爾圖喀喇烏蘇又折西北六十里爲托克多有泉三道其南境五十里

爲阿克塔木又西四十里鄂壘扎拉圖又三十里噶順布勒哈齊淖爾瀦其北哈喇古顏鄂拉峙其西南又七

十里烏里雅蘇圖有土城向爲西路大兵駐營之所又三十里爲晶河地以河名土膏饒沃有屯田又六十里

托里地有小水清圓如鏡西南地有名古爾班呼蘇台又五十里爲察罕拜牲有舊城西境接察罕爾卡倫又西南二十

里爲托和木圖踰庫色木蘇克郭勒至其地自此入博羅布爾噶蘇鄂拉東谷口行三百餘里出山其西南接哈什圍場

(建置)地當孔道舊爲古爾特臺吉呢瑪游牧處與安濟哈雅昆連爲一部

呢瑪內附授職從征二十一年冬阿睦爾薩納之叛呢瑪附逆劫將軍和起

時準噶爾舊宰桑等俱爲煽惑將軍兆惠以偏師往守伊犁甫至鄂壘扎拉

圖突與達付策凌等賊遇乘夜出殲賊千餘而逆酋復合兵邀我師歸路適

圖倫楚亦至并力夾攻賊解圍潛遁我爾還巴爾庫勒二十二年將軍成袞

扎布追呢瑪于阿爾濟圖山口擒之伏誅二十三年兆惠擒布爾古特臺吉

渾齊于晶河初渾齊以扎納噶爾布首級來獻及是降之東西境俱入版圖

二十七年設辦事大臣一員其管理糧餉臺站各員或除派或調撥咸如制

二十八年於晶河建豐潤堡於庫爾喀喇烏蘇建遂成堡設兵屯田除安設兵屯外民無

土著又非商賈輻湊之地初制獨無賦稅所屬夷人土爾扈特班巴隨渥巴錫歸誠封郡王安置部落于布勒哈齊布拉克地方居住去烏魯木齊馬行十日

莫們圖封爲濟爾噶朗貝勒安置部落于伊犁居住去伊犁馬行四日

(沿革)漢屬烏孫國地北魏屬高車尋爲蠕蠕所侵蠕蠕微而突厥遂併其地爲西突厥攝舍提噠入唐爲雙河都督府宋元屬回鶻明屬衛拉特地

(輿圖考證)焉耆之北爲烏孫匈奴交壤自是以西悉屬烏孫地後漢書山北止載車師後國及移支國偏西則無所紀北魏爲高車時蠕蠕漸大自博克達鄂拉之西爲高車境高車傳社崙使高車深入其地遂併諸部是高車東境已入蠕蠕而高車仍居其部迄隋突厥強而併有蠕蠕地則高車亦統爲突厥也西突厥五咄陸部其今在庫爾喀喇烏蘇一帶應屬攝舍提噠部

東境而伊犁左右為索葛莫賀部方位較然唐北庭即宋元回紇五城史稱西北行四五千里至阿爾穆爾則以天山北迪化州迤西一路為回紇五城以伊犁西北路為阿爾穆爾庶得其槩云

塔爾巴噶臺

東至額爾齊斯接喀爾喀界 西至雅爾齊爾 接哈薩克界 南至南山 北界俄羅斯

塔爾巴噶臺漢烏孫匈奴交壤處臺之東為奇爾噶遜齊布哈達遜

在朱爾庫

朱鄂拉西舊為包沁部游牧處

迤東南行為烏蘭呼濟爾

北倚朱爾庫朱鄂拉舊為布庫努特鄂托克游牧之所

又西為綽爾

郭鄂爾和楚克時其南地饒水草舊為阿睦爾薩納游牧之所

又西北為察罕呼濟爾

在鄂爾和楚克鄂拉北舊為達瓦齊之昂吉

又西

南為額敏

烏里雅素臺郭勒南岸額敏郭勒發源地饒水草 西北距城二百里自此南行入哲克得里克境

臺之西北為愛呼斯

愛呼斯淖

爾發源北接左哈薩克

又西北為雅爾

地建肇豐城烏里雅素郭勒雅爾郭勒經流其北又西北入愛呼斯淖爾土壤膏沃水草滋豐東南距城二百里舊為阿克明阿特

游牧之所自烏蘭呼濟爾東行為額爾齊斯

在金山西南東西七百里南北二百里給都爾伯特部游牧之處

其西南為

吉勒青

青吉勒郭勒北岸地以河名東為布拉青吉勒西為哈達青吉勒皆青吉勒郭勒發源

〔臺卡〕臺之南少東七十里為色特爾莫多又七十里踰河為沙拉烏蘇

臨台

台臨額敏河 又南行九十里雅瑪圖又七十里烏爾圖布拉克又八十里至鄂

倫係庫爾喀喇烏蘇所屬其迤北腰站沙拉拉克為交壤處臺之西三十里為巴克圖山名又四十里為喀通果

爾又西八十里至裕勒爾郭勒臺之西南七十里為瑪尼圖其了為革塘子卡又西

南一百十里為察罕托輝又一百二十里為巴爾魯克地以山名北即哈薩克境又南行四

十里為莫多圖巴爾魯克入南山谷口為哈爾海圖小卡又折西六十里為阿魯沁達蘭東接伊犁北路

察罕爾卡倫自沙拉和洛素迤東南為納木經鄂倫雀圖哈拉布拉克東與勒郭勒接壤夏季設於此臺之北為楚

呼楚迤東北為錫伯圖東西南距台八十里又八十里為博勒奇爾自此入谷口行又北一百

四十里烏蘭布拉其南境七十里為布爾噶蘇又折東行七十里為察罕鄂博東與土爾扈特接是為接遞公

文之 自烏蘭布拉東北行三百里至瑪尼圖干都爾汗自烏蘭布拉七十里為額通果爾又七十里烏里雅

素圖又北少東八十里鄂倫布拉克里又八十里至此又北接俄羅斯界以上十一處為冬季卡倫由夏季安設至冬初哈薩克來牧各住本處防察俟其夏初展出之時有挪進數十里及數百里不

等所有阿布達爾莫多錫伯圖布爾噶蘇三處俱撤臺之北少西七十里為烏里雅素圖中有哈拉布拉克小卡由此西北

行五百二十里至輝邁拉呼自烏里雅素七十里為濟穆爾色多又七十里博爾巴又七十里博霍錫又八十里阿布達爾莫多又八十里霍通哈爾

海又七十里扎哈蘇淖爾又八十里至此又北接俄羅斯界以上八處爲夏季北卡春深之際哈薩克全行出境其東北冬季十一卡除撤回三處外亦隨即展至夏季安設處所共西北一路俱隣接哈薩克住牧地

〔建置〕迪化州北五百里當準噶爾東北境舊爲伊克明阿特游牧處巴雅爾達瓦齊之昂吉乾隆二十年進討準噶爾巴雅爾以其屬降及阿木爾撒納之叛以奇徹布監其衆先是包泌部司炮者宰桑阿克諸爾等附逆以兵圍軍營奇徹布單騎突圍射殺十餘人衆乃潰闌出卡倫竄走北路喀爾喀札薩克巴札爾錫弟等窮追至奇爾哈遜齊布哈達遜擒之所部乃定時巴雅爾授爵從軍追逆至喀爾喀尋自潛回游牧地煽惑爲逆二十二年五月富德追阿睦爾撒納至塔爾巴噶鄂拉賊潛山谷間納門德勒奇徹布追殺甚衆并獲其妻子巴雅爾以餘衆匿塔爾巴噶山谷間護軍校占頗圍馬甲海蘭察擒之於是塔爾巴噶臺左右境俱入版圖二十九年設參贊大臣一員領隊大臣二員其印房章京筆帖式卡倫侍衛各員如今制二十八年築肇

豐城于雅爾三十二年復於楚呼楚建綏靖城設兵屯田賜名塔爾巴噶臺
 管轄額魯特總管一員副總管一員佐領驍騎校各四員初由伊犁撥派烏
 魯木齊二十四年復自烏魯木齊移住其額魯特民人三千五百六十戶舊
 土爾扈特一百四十戶咸歸統屬

所屬蒙古各部落都爾伯特者四衛拉特之一舊時部落居額爾齊斯阿睦爾薩納始與達瓦齊共
 謀篡奪繼而有隙遂與班球爾扎納哈查及都爾伯特將額敏(舊名額米爾)一帶住牧者肆行擄
 掠且耕種額爾齊斯為自固計達瓦齊領兵三萬至額爾齊斯蹙之阿睦爾薩納勢不敵始與都爾
 伯特等共議投誠乾隆十八年臺吉策凌伍巴什策凌孟克率所屬五千六百餘戶內附編設旗分
 錫親王爵俾還游牧故地厥後綽羅斯和碩特輝特以肆惡淪亡惟都爾伯特恪守臣節承襲勿替
 云扎哈沁者準部之鄂托克謂防守邊界坐卡倫也舊在宜禾屬之烏蘭烏蘇左右境游牧乾隆
 十九年大兵入境扎哈沁率屬內附是為各部
 落歸誠之始大功底定移其部落於阿勒坦山
 土爾扈特渥巴錫來歸封為汗以下錫爵授封俱歸伊犁安置其屬下二十九鄂托克民人八百三
 十八戶四十一二年卒移住於塔爾巴噶臺東境今額爾齊斯河以東至烏里雅蘇臺迤西皆屬都
 爾伯特土爾扈特部落散處其間鎮西府兵防北與之接其扎哈沁阿明特部落北
 連科布多界在鎮府界黑山子之北四百餘里每年冬南北官兵至都蘭哈喇會哨一次

〔沿革〕漢匈奴右地單于迭居於此三國鮮卑右部北魏高車地為蠕蠕所
 併隋為西突厥唐初葛祿邏三族始內屬曰謀落曰熾俟曰踏寔力本突厥

諸族居東西突厥間後稍南徙自號三姓葉護至德後與回紇爭強徙十姓可汗地五代宋不通中國在元則與回紇五城相近明稱瓦剌即衛拉特舊對音之訛今改正史云元亡強臣分其地爲三是也

〔輿圖考證〕漢烏孫即爲準噶爾康居即爲哈薩克而準噶爾東境猶屬匈奴水經注云敦薨之水出焉者北在匈奴之西烏孫之東以此求之今哈喇沙爾北踰天山爲迪化州又直北爲塔爾巴噶臺當屬漢烏孫匈奴交壤處今自迪化州北抵塔爾巴噶以東之境均應屬漢匈奴右地呼揭車犁烏借閏振郅支伊利目互相角逐而郅支西北走康居即今塔爾巴噶臺西北與哈薩克交壤處其形勢灼然可見魏書蠕蠕傳西則焉耆之地北渡沙漠則今塔爾巴噶臺諸境在魏皆蠕蠕地隋書突厥阿史那以五百家奔蠕蠕居金山迨後東西突厥分烏孫故地而有之則蠕蠕舊地即烏孫東境突厥滅蠕蠕而分治其地蓋無可疑者當時賀魯居多邏斯川統葛邏祿諸部多邏

斯川即今額爾齊斯郭勒三葛祿與車鼻接壤車鼻竄金山之北西統葛祿則知葛祿本在金山之西高侃擊車鼻則三族始內屬是以統于賀魯賀魯敗以三族為都督府唐書跨振僕固水即今烘和圖淖爾天寶中立拔悉密可汗葛邏祿自立為右葉護拔悉密在今納林和博克一帶葛邏祿又在其西境蓋自突厥漸微而三族境壤正與今塔爾巴噶臺全境相合若漢書所稱蒲類王得罪單于內之匈奴右部阿惡地去車師後部馬行十餘日今以方位求之在今塔爾巴噶台南境呼濟爾近是由而南入于沙磧

哲克得里克東至薩里鄂拉接青吉勒 西至布勒哈齊 南臨沙磧接迪化州葦湖 北踰南山至塔爾巴噶臺 西南至鄂倫接庫爾喀喇烏蘇界

哲克得里克古沙陀突厥地東西北去臺三百四十里城之西北八十里納林和博

克北倚鄂爾和楚克鄂拉山下有泉南 迤西南為納木 在哲克得里克西北倚南山自此迤流舊為布庫努特鄂托克游牧之所 西至尼楚滾布古圖舊為阿克巴集

賽游牧之所 又西四十里為穆呼勒戴鄂多特又四十里為達爾達木圖又三十

里為蘇海圖以上數處皆北倚南山山麓有泉南 又西南三十里為謨多圖布古圖流入沙磧又南為額彬格遜淖爾

又西南三十里為尼楚滾布古圖有泉南流出谷入于砂磧其西有鄂倫布拉克是為庫爾喀喇烏蘇東北界又西四十

里為伊奇爾山麓有泉南流入於沙磧迤西一帶為塔爾巴噶台西南境舊為伊克呼拉爾集賽游牧之所又四十里為布爾噶爾蘇

臺又四十里為察拉垓舊為賽嗎里木集賽游牧之所又四十里綽爾北倚巴爾魯克鄂拉自此折東北行

五十里為齊爾踰山而至東北距額敏三百里地饒水草城之東北為克特和博克

在納林和博克東南其西三里許有古廟是為準噶爾境內舊蹟又東十五里為烘格爾鄂籠又東北一百里為什

巴爾圖西倚山岩南臨沙磧又東北五十里為鄂爾圖烏爾圖布拉克經其南薩里鄂拉環其北又五十里為薩

里地以山名北磧薩里鄂拉有泉東流入沙磧自納林和博迤東為格爾鄂格爾舊謂會長所居之地曰鄂格爾或部會會建庭

于此故名

哲克得里克在塔爾巴噶爾東南境南至迪化州三百里其東南南境沙漠瀾望東西五百里南北

二百里所謂沙陀是也其西境舊為準噶爾五集賽游牧地乾隆二十年大兵進剿五集賽宰桑

達什策凌等以其地內屬其兵屯悉統屬于塔爾巴噶台

所屬蒙古乾隆三十六年土爾扈特歸誠封策伯克多爾濟為親王安置部落于塔爾巴噶台城東南四站和博克薩里等地方居住俾得資游牧

〔沿革〕漢烏孫地北魏屬蠕蠕隋突厥強分治烏孫故地與處月處密雜居

而西突厥初建庭於此唐滅賀魯以處月地置沙陀都督府尋改沙陀州處其部者爲沙陀突厥貞元中回紇漸盛沙陀部以七千帳附吐蕃元和三年悉衆款靈州塞徙鹽州其部遂空宋入於遼明稱瓦剌云

〔輿圖考證〕沙陀爲西突厥別部突厥治烏孫故地準噶爾屬漢烏孫即今塔爾巴噶台境其南太磧綿亘乃爲沙陀故蹟無疑後漢書車師後部有金滿城唐北庭以其地設金滿州北倚沙磧則知金滿居南附山而沙陀居北境地毗接以地處沙磧故名賀魯居多邏斯川即今之額爾齊斯蓋建庭於此而南統沙陀諸部賀魯叛沙陀不從遂置金滿沙陀二州于處月之地以賀魯所授統之者蓋又建庭于南而北統多邏斯川諸部也迺回紇強而沙陀南附于吐蕃貞元中東款靈州塞范希朝料其勁卒爲沙陀軍更號陰山沙陀是仍其名而非其地已又唐書焉耆八日行得西突厥北庭今自哈喇沙爾踰山北行至納林和博克一帶六百餘里應即當時建庭之地自泥

概處羅可汗朝隋不遣而國人別立射匱可汗徙庭三彌山統葉護可汗在今伊犁西境非復北庭之舊今克特和博克西里許有古廟爲準噶爾境內舊跡其建置之始不可得考宋入于遼明人瓦剌即準噶爾之衛拉特舊對音之訛我朝康熙間噶爾丹博碩圖既敗策妄始自西藏還和博克薩里收其舊族及噶爾丹之衆自據汗位準噶爾汗之外爲台吉台吉各有昂吉其鄂托克爲汗之部屬鄂托克之外又有五集賽其略具詳平定準噶爾紀略額爾齊斯

案額爾齊斯東界烏里雅蘇與焉科布多所屬接東南接鎮西府之宜禾正南接奇台縣境西南接迪化州與哲克得里克西北可通哈薩克界北方即爲科布多軍台與俄羅斯接壤實爲天山北路一大部落惟原稿於道理建置各條均已闕失僅存沿革及考證二條今以第於哲克得里克之後孫錄附記

〔沿革〕漢匈奴右地三國屬鮮卑北魏蠕蠕那蓋出自金山稱汗尋滅高車國遂大魏太祖時阿那史以五百家奔蠕蠕世居金山至大邏便與

有隙分爲二東距都斤西起金山得匈奴地是爲西突厥隋有薛延陀陸勒兒十槃達契諸國爲鐵勒部屬突厥唐賀魯居多邏斯川封瑤池都督府統諸部初太宗册拜回鶻薛延陀夷男爲眞珠毗伽可汗東靺鞨西葉護突厥南沙磧北俱倫水頡利滅夷男稍東徙退保都尉犍山獨邏水之陰至德後突厥大亂葛邏祿奉回紇骨力裴羅定其國史稱薛延陀回鶻裴羅迭居於此

〔輿圖考證〕金山以西漢屬匈奴右部西接烏孫者也北魏蠕蠕出自金山而有其國漸併高車而始盛以高車傳彌俄特與伏圖戰於蒲類海之文證之在伏圖時已有金山西南境壤魏太祖滅沮渠氏突厥阿史那氏以五百家奔蠕蠕世居金山是突厥臣於蠕蠕隋書傳突厥而不詳蠕蠕是突厥邏

便西越金山盡有匈奴則蠕蠕爲突厥所併可知回鶻薛延陀者匈奴之苗裔本與薛種襍處西突厥處羅可汗之殺鐵勒諸酋也其下往往叛去奉薛延陀乙失鉢爲野啞可汗在金山西役葉護可汗乙失鉢孫夷男攻頡利太宗册拜爲眞珠毗伽可汗樹牙鬱督軍山東鞞靺西葉護突厥南砂磧北俱倫水頡利旣滅夷男率其部稍東保都撻尉山獨邏水之陰考葉護可汗建廷伊列河薛延陀西與爲鄰則其地由額爾齊斯以西接伊犁南砂磧指沙陀所處之大磧北俱倫水即多邏斯之分支當薛延陀未徙之前境界如是夷男東徙乃與回紇均以金山爲西界焉阿史那賀魯居多邏斯川統有諸部永徽四年賀魯亡尋以所部置濛池都督府與崑陵都督府南北分治今按烘和圖淖爾額爾齊斯郭勒以南至沙磧竟六里當時統馭所及方隅較然當薛延陀欲殺車鼻車鼻竄金山之北自稱乙注可汗西葛祿北結骨皆併統之延陀衰車鼻益肆高俾擊車鼻葛祿三姓始內附封都督詔

處其衆於金山以其部統于賀魯則知三姓在多邏斯川北是以南統於賀魯及殺悉拔密可汗奉回紇骨立裴羅定其國明年殺白眉可汗自號葉護遂得兼有賀魯地可知然自是回鶻之地與衆亦漸歸回紇史又稱裴羅西越金山者也列史記載自漢匈奴魏蠕蠕以迄突厥而隋唐之鐵勒薛延陀回鶻葛祿邏諸夷皆以金山爲望鎮而迭居於今之額爾齊斯之地

伊犁東路 東至博羅圖塔克踰接關展界 東南至登努勒臺接哈喇沙爾界 東北接庫爾喀喇烏蘇晶河界 西接伊犁西路

伊犁漢烏孫地在汗騰格里鄂拉之陰距京師一萬八百二十里伊犁郭勒

西北曰惠遠城 城周十八里在察罕烏蘇西南距河里許 迤東南七十里曰惠寧城 地名巴顏臺左右有屯田 又南行

少東曰寧遠城 回城地名曰固勒札舊有佛廟喇嘛坐床爲鄂托克輪值供養之所 惠遠城以西曰綏定城 地名烏哈爾里克有河爲

察罕烏蘇支流北爲蘆草溝喇嘛寺俱有屯田 又西北爲阿里瑪圖 有城阿里瑪圖鄂勒發源北山西南流經其地入伊犁鄂勒 惠寧城東北

一百里爲塔勒奇 即郭拉西南谷外地有小城西北爲獨山子清水河西爲察罕烏蘇有屯田 又東踰北山九十里爲幹

珠罕 在察罕賽喇木淖爾北自此西北踰郭勒六十里爲碩波圖又西北二百里爲庫克托木又自幹珠罕東行一百八十里爲莎達巴又東行五十里爲達蘭沁俱在博羅塔拉郭勒北

境列山如屏豁谷深
遼察罕爾設卡於此
迤東北為博羅塔拉
西南距伊犁三百里四面皆河山環水
繞形勢殊勝今屬察罕爾總管統轄
自固

勒札踰河二十里為海努克
舊有佛廟與固勒扎廟俱為喇嘛坐
床之地其河三面環繞是謂伊犁口
迤東北行為烏爾

圖古爾畢
南距喀什鄂勒北距庫色木蘇克郭勒西南
又東北六十里為博羅布爾噶

蘇
即鄂拉西谷口外地又北行少折而西當庫色木蘇克郭勒發源處自此入口行九十里為塞
特爾臺哈喇海又北九十里額博爾濟達巴又東北一百十里覺林托海又三十里出東谷口

接品河界是伊犁東境門戶舊
為輝特台吉唐古忒游牧之所
海努克東行一百二十里為都爾伯勒津
三面濱
河空格

斯郭勒自東南來喀什郭勒自東北
又東南三百二十里為空格斯
地勢平寬氣候溫暖
饒水草為伊犁東南

最近要地其全境形勢烏得音達巴繞其東納喇特巴時其南阿布喇鄂拉障其北三面峰巒環抱
空格斯郭勒環帶南北山北一大都會也自都爾伯勒津行經喀什又經納喇特至其地舊為烏魯

特鄂托克
其西北為喀什
有城為伊犁東境最要地與空格斯唇齒形勢殊勝
喀什之南
游牧之所
阿睦爾撒納叛將軍班第參贊鄂容安死節於此

為納喇特
即納喇特達巴北麓地在
又折東北五十里為烏努特固
地當險要伊犁東
南境卡倫設此

自空格斯東南行二百里為裕勒都
踰山而至為伊犁東南屏障其境東西六百里南
北二百里四面皆山地饒水草東境有地曰阿勒

坦烏遜西境有地曰哈爾克朗圖舊為克里雅特鄂托克
迤東一百八十里為哈布齊坎
游牧處其東境為庫本諾雅特部係達什達瓦之昂吉

自此東北行
又東南為登努勒臺
在天山南麓又東入阿拉葵谷口東行三百里出谷接關
入迪化州境
展界勒自裕勒都斯以東至登努勒臺統稱裕勒都斯在

古為膺沙川榆溪地南北皆山河流環繞其間水之出谷曰海都郭勒在哈喇沙爾城東北適居東西裕勒都斯之中今和碩特土爾扈特住牧以海都郭勒為界地與回城相錯是以歸烏什參贊統

轄 海努克之西南九十里為索郭爾又南少西七十為博爾又九十里

為和納海又百里為特克斯 汗騰格里鄂拉東南麓特克斯郭勒發源 又八十里為沙圖阿瑞又西

南至噶克察哈爾海 在木素爾鄂拉東南為阿克蘇北境軍臺俗稱冰山雪海即此 海努克西南一百四十里為

沙布爾託海又西八十里為托里 又西南八十里為春濟入伊犁西路伊犁口西南境地山谷聯延西至察林河波口有八堡是為錫伯總

管專轄設卡於此 自沙布爾託海西南行一百里為達爾達木圖 係回庄設回卡一處

(建置)伊犁山川形勢甲於諸部氣候和暖人民殷庶物產饒裕西陲一大都會也其俗逐水草無城郭惟所屬回人因其舊俗築城以居乾隆二十年

二月大兵進討準噶爾二十四鄂托克二十一昂吉五集賽爭先迎降師抵

伊犁達瓦齊以萬餘眾西走保格登鄂拉官兵整陣以待十四日翼長阿玉

錫額魯持章京巴圖濟爾噶爾宰桑察哈什等以銳兵二十二入夜擊達瓦

齊將及阿玉錫突其營出賊不意賊大潰亂黎明悉收撫之達瓦齊僅以身

免是役也以二十五人收四千餘衆阿玉錫之功爲最 純廟壯其勇作阿玉錫歌製紀功碑文勒石山岩越旬日回人阿奇木伯克霍集斯擒達瓦齊以獻伊犁平阿木爾撒納叛其黨阿巴噶斯等附爲逆將軍班第參贊鄂容安死之大兵窮追至塔勒奇阿睦爾撒納奔哈薩克初準部臺吉呢瑪哈薩克沙喇以內附故授職從征二十年十一月與內附之巴雅爾莽噶里克等搆亂將軍和起死之將軍兆惠駐劄伊犁甫聞亂東援巴爾庫勒二十二年朝命富德副兆惠軍進討時阿睦爾薩納自哈薩克歸與富德軍遇復奔哈薩克富德追及又逃奔俄羅斯餘黨以次擒滅二十四年伊犁復定當瓦齊就擒四衛拉特各封一汗餘皆受封授職仍安游牧至是一苞三孽漸即誅夷特派設滿洲蒙古各部兵暨錫伯索倫達呼爾察罕哈爾額魯特兵分旗駐防各隸以領隊大臣綠營兵防則以總兵統之設將軍以總統新疆各地方其回民屯種照回疆各設阿奇木伯克等員管理二十七年於烏哈爾里

克建綏定城綠營官兵駐劄於固勒扎建寧遠城回城為台吉各伯克駐劄城東岡建前後平定準

噶爾銘勒紀功碑恭勒 御製文四體字書於其上二十九年復建惠寧

惠遠兩城惠遠城為將軍建牙各領隊大臣均隨將軍駐劄三十一年設撫

民理事同知一員巡檢二員副添設和爾郭斯一員屯鎮兵防如今制

(官制兵防) 將軍一員參贊大臣一員印房糧餉處駝馬處司官各二員

筆帖式四員卡倫侍衛十一員以上皆自京調往三年更換撫民同知一員惠寧惠遠和爾

郭斯巡檢各一員以上由甘肅派往

分統滿洲蒙古錫伯索倫達呼爾察罕爾額魯特官兵游牧諸務領隊大臣

六員今設五員惠遠協領八員惠寧協領四員佐領防禦驍騎校各八員

惠寧城滿營兵專轄卡倫七處錫伯總管一員副總管一員佐領驍騎校各八員錫伯官兵駐伊犁河南岸專轄卡倫

八索倫達呼爾總管一員副總管一員佐領驍騎校各八員索倫官兵駐防和爾郭斯專轄卡倫

察罕爾總管二員副總管二員佐領十六員驍騎校十六員察罕爾官兵駐防博羅塔拉專轄

倫十額魯特總管一員副總管二員佐領驍騎校各十員

錫伯卡倫之南圖斯庫勒迤東悉屬額魯特民

人游牧專轄卡倫十七處其游牧之東南西北設卡八處界于裕勒都斯空格斯之間

總理回務一等臺吉二品阿奇木伯克一員協理地方四品伊沙噶伯克一

員以下五品至七品伯克二十一員

分職與回部同凡耕種回人悉歸管理其達爾達木圖回庄專轄卡倫一處

(沿革)漢烏孫治赤谷城東至都護治所一千七百里東與匈奴西北與康居西與大宛南與城郭諸國相接昭帝時車師與烏奴共侵烏孫宣帝初匈奴復擊烏孫遣校尉常惠使持節護烏孫兵哀帝元壽二年大昆彌伊秩彌與單于並入朝魏略車師後部轉西北則烏孫本國無增損也北魏時屢爲蠕蠕所侵西徙葱嶺中悅般國初爲烏孫國在龜茲北地方數千里與蠕蠕相仇敵數相征討眞君九年遣使朝貢隋西突厥浸盛徙庭三彌山是爲射匱可汗南庭五咄陸部處碎葉東曰突騎施索葛莫賀部曰攝舍提曠部曰鼠泥施處半部皆伊麗水以東境界唐顯慶二年禽賀魯於伊麗水以攝舍

提陝置雙河都督兩都督均隸北庭都護府傍白山則有回鶻契苾等族貞觀六年來歸徒居甘涼以其地為榆溪州至德後葛祿邏徙十姓可汗地盡有碎葉怛邏斯諸城五代及宋聲教勿及宋末烏孫故地入於遼元初諸王海都行營於阿爾穆爾舊音阿力麻失蓋其分地至元五年海都叛世祖追至阿爾穆爾令勿追以北平王統軍於此以鎮之明稱衛拉特蒙古部落舊音瓦刺在韃靼西土爾番北為準噶爾舊庭云爾

伊犁西路東至伊犁東路西至吹郭勒塔拉斯連沙磧北臨沙磧俱接右部哈薩克東

巴爾喀什淖爾古熱海在惠遠城西北其西南為庫克車勒伊犁郭勒自此東北匯入淖爾阿勒坦額墨爾鄂拉在其

南又西南一百里為圖古里克西傍伊犁郭勒迤東為托博隴又東為達蘭呼都克

又東為哈拉塔爾以上數處皆北傍淖爾南臨格登鄂拉又東北為察臣哈喇在淖爾之東兩河之間自批折東

南五十里為雅木勒克又六十里哲克得又八十里摩垓圖在庫克烏蘇哈拉塔勒兩河之間西

南倚烏庫隴奎鄂拉又折西南行一百里為哈討在庫隴奎鄂拉北五十里伊犁郭勒北岸又東南一百五十里

為和爾郭斯 伊犁西路門戶距惠遠城一百四十里有屯田自此西北行六十六里為奇齊克里為惠番又西南九十里為烘和爾鄂籠皆在伊犁郭勒北岸 自庫克車勒西行踰河層山枕疊地當險要是為索倫達呼爾總管專轄設卡於此

三十里為庫爾圖 踰伊犁郭勒下流而至 又折東南三十里為古爾班阿里瑪 舊為布庫斯游牧處

圖 舊為庫諾木雅特部鄂齊爾烏巴什之昂吉 又四十里塔拉噶爾又三十里圖爾根 舊為果魯特鄂托克游牧之處 又

三十里古爾班察畢達爾迤東三十里為沙際垓 地有三泉自庫爾圖至此皆在伊犁郭勒西南岸 自此

南行少東二百里為塔拉錫克 踰阿克固雅斯塔拉錫克兩郭勒至其地迤東八十里至布喀郭勒 又南行六十里為

沙圖 東為鄂台郭勒西為烏蘭烏蘇 又折西行三十里為庫墨圖又三十里為古爾班呼蘇臺

又三十里為古爾班薩里 自沙圖迤西一帶為圖斯庫勒北岸地

圖斯庫勒 古碎葉水周廣六百餘里在他巴爾遜達巴之西 在伊犁郭勒西南東距惠遠城二百五十里其

東南岸為阿爾沙圖 凡圖斯庫南岸地總名曰特穆爾圖 又西三十里野特庫斯 東傍哈喇郭勒 又三十

里招哈又三十里伊勒噶齊又四十里塔瑪哈又二十里托薩爾又一十五

里通又二十里阿克賽二十里烘格爾鄂籠又折西北行為科什噶爾 踰烏布什

布拉鄂鄂拉鄂勒而至自阿爾沙圖至此東西三百里間水草豐饒地宜畜牧舊為和碩特部沙克多爾曼濟之昂吉

又西北五十里為裕勒阿里克圖斯庫勒西北岸圖斯庫勒之東北岸為什巴爾圖和什自此迤西至克敏三百里水草之利迤於南岸自阿

爾沙圖迤東南為古爾斑哲爾格斯有三泉地在阿爾圖東支河南岸其南境為天山正幹之木素爾鄂拉薩爾瓦達巴又東

南五十里為圖爾根阿察又東北二十里為濟爾哈朗踰一支河而至又北行十里

為烏蘭哈勒噶踰一小嶺至其地西北距圖斯庫勒一百里又踰山東行二百里為庫勒薩爾特克斯郭拉發源處

西望他爾巴遜達巴東北距海努克二百里海努克之西南二百里為春濟東北距托里八十里又西八十里察

林自春濟北行一百里為沙喇托羅垓在伊犁郭斯南岸又北踰河接惠番境自春濟西南六十里

為塔木哈又南行一百里為特木爾里克西倚他爾巴遜達巴東距庫分薩爾百餘里又南行四十里

為格格根又折西四十里為哈爾奇拉在天山北麓他爾巴遜之南又西踰山接回部賽喇木拜城界自春濟迤東南一路是為額魯特專

轉游牧山谷聯延並設卡倫於此自格格根南行一百里為鄂爾和珠

森格爾淖爾四圍皆山中亭大澤宅勢幽廠東西五百里南北三百里頗占形勝其南一百里踰山至托什于達雅通回部之什城自圖斯庫勒西南

行二百里為英噶爾踰山而又西南一百里為伯得里烏又西南三百里至淖

至其地

爾是為布魯特游牧處

吹古細葉川在吹郭勒南自圖斯庫勒西北行二百里為薩勒奇圖

自此西北行五百餘里統名之

曰又西二十里沙木什

在吹郭勒南岸其東境為渾多賴鄂拉

又西北二十里為格格圖布拉納南

呼巴海達巴又十里為阿什圖

近傍吹郭勒為漢烏孫赤谷

又西南二十里達布蘇圖

在支河之間

西北三十又為阿爾察克圖其西南五十里為伊蘭巴什

論一支河至其地又自阿爾

察克圖又北四十里為庫努克察爾又三十里索郭魯克

其西境支河為察罕烏蘇吹郭勒北岸分支東

流百餘里為諾渾津爾

又三十里為哈喇巴勒圖

自薩勒奇圖至此皆在吹郭勒南岸支河之間西

又西北為和爾袞

在吹郭勒下流東傍支河西連沙磧又西北入

哈薩克界

塔拉斯古恒邏斯地在圖斯庫勒西北

百里

地以水名在塔拉斯郭勒下流濱河之地舊為準噶爾都爾伯特游牧處

伯什阿哈什之昂吉

自此迤東南行為額得墨克

古千泉在圖斯庫勒西四百里塔拉斯郭勒上流發源處南臨阿得阿墨克達巴烏什阿克達

巴又西一百里為烏納木木納爾

在塔拉斯郭勒上流四百里間

又西一百里特木爾哈巴哈

納又西南一百里爲薩爾巴噶什

西北有小澤南踰山嶺入布魯特界

案伊犁西路漢唐以外史傳略而弗紀所謂地愈偏西聲教勿及者我

朝始入版圖兵民耕牧悉隸于東路管轄兵屯官制已詳於前其列代沿革亦與東路畧同

(輿圖考證)伊列河者今伊犁郭勒碎葉川者即今圖斯庫勒突厥傳沙羅

鉢陸利失可汗分國爲十部左五咄陸部右五努失畢部居碎葉東西是陸

利失初轄之境甚廣五咄陸居碎葉東部中兩都督府

三都督府已見前

曰噶鹿州都

督今屬伊犁口左右境曰絜山都督必與噶鹿相毗連今自哈討至古爾班

薩里凡屬伊犁郭勒下流左右環抱豐饒之境其爲絜山都督府可知西部

別立乙毗咄陸可汗因伊列河爲界乃約諸部河西受令於咄陸陸利失僅

主河東之地今之巴爾喀什淖爾爲伊犁郭勒東北境是在唐之伊列河東

者應爲西突厥分國後陸利失所轄之西境而附近西南岸自奎屯庫爾

圖至古爾班薩一里帶乃屬乙昆咄陸可汗所轄之東境也碎葉城當在今圖斯庫南勒水草豐饒之地賀魯跳伊麗水是以蘇定方追之於碎葉而奪其衆烏質勒突騎施攻得碎葉之後以碎葉水爲大牙伊麗水爲小牙似突騎施舊屯伊麗水上西攻得碎葉而徙其居以舊牙爲小牙突厥傳稱突騎施屯碎葉西北者則西字疑或東字之訛地理志渡伊列河至碎葉界又西行千里至碎葉城又碎葉川口八十里裴羅將軍城又二十里至碎葉城今伊犁河至圖斯庫勒南境幾及千里裴羅城正在水南宜與碎葉城相距不遠唐拔祿迦即漢姑墨在今拜城之西今自拜城北行至圖斯庫勒山徑紆回約五百餘里亦與西域傳跋祿迦西北五百里至碎葉水城之說相合王方翼爲安西都護築碎葉正指此也何以地理志誤入焉者

又案漢烏孫治赤谷城方位無考溫宿國爲今阿克蘇較然以溫宿北行六百十里至赤谷之文求之則今之呼巴海達巴應即赤谷地居吹郭勒南支

河環抱之間水草豐饒赤谷城亦當在是唐書西域傳細葉川長千里應即碎葉水之西北出者在今則爲吹郭勒經流千里入於和碩庫勒者也塔拉斯郭勒源出額得墨克達巴北麓北行與諸水滙合曰塔拉斯又西北行五百里爲小海在唐統名其地曰千泉突厥傳統葉護可汗控弦數十萬徙庭石國北之千泉是建庭之處當在塔拉斯郭勒下流之西南境故云在石國北惟碎葉城旣近碎葉水則怛邏斯城當近千泉怛邏與塔拉音亦相近其地應在今烏勒木納爾迤西一帶西域傳碎葉川西屬怛邏斯城西南二百里至白水城原隰膏腴又二百五十里至石國則怛邏斯城在烏勒木一帶適當碎葉川之西今之薩爾巴噶什正當其西南境二百里外爲白水故城無疑石國旣在塔拉斯西南則英噶爾在石國東南英噶爾西南至森格爾四百餘里山形合沓正合石國東南千里有柿桿者山四環之地膏腴多馬羊之文其爲故壤尤不誣也至額得墨先在圖斯庫勒西四百里與所稱碎

葉水西四百里至千泉相合而地處塔拉斯郭勒上游交會處南倚額得墨
克達巴烏可克達巴正所謂突厥避暑處南雪山而多泉池云

城郭記上

天山南路

伊吾廬

漢伊吾廬

今哈密在安西州西北

本匈奴呼衍王庭後漢永平十六年帝遣竇固耿忠等征

匈奴固至天山

章懷太子曰天山即祁連山今名折羅漫山在西域近蒲類國

折一作時擊呼衍王呼衍王走追至

蒲類海留吏士屯田伊吾廬城

章懷太子曰伊吾今伊州縣也本匈奴地名既破呼衍王即西其地置宜禾都尉以為屯田今伊州納職縣伊吾故小城是

域絕至復通章帝不欲疲敝中國乃迎還戊巳校尉罷屯田伊吾匈奴因遣兵

守其地永元初竇憲大破匈奴遣副校尉閻盤掩擊伊吾破之後匈奴復收諸

屬國共為邊寇元初六年遣行長史索班將十人屯伊吾以招撫之數月匈奴

攻沒索班敦煌太守曹宗請出兵擊之以報索班之恥鄧太后不許順帝永建

初班勇為西域長史屯柳中

車師地名

龜茲于窰莎車十七國皆來服從六年帝以

伊吾舊膏腴之地傍近西域匈奴資之以為寇暴復令開設屯田如永元故事

置伊吾司馬一人陽嘉以後烏桓鮮卑強盛漸并匈奴地呼衍王居蒲類元嘉

元年呼衍王入寇伊吾伊吾司馬毛愷遣五百人于蒲類海東與戰悉為所沒

呼衍王遂攻伊吾屯城自後遂絕後漢書西域傳自敦煌西出玉門關涉鄯善北通伊吾千餘里自伊吾北通車師前部高昌壁一千二百里自高昌

壁北通後部金滿城五百里此其西域之門戶也伊吾地宜五穀桑麻葡萄其北又有柳中皆膏腴之地

故漢常與匈奴爭之以通西域晉時張駿議治石田參軍索孚練之駿怒出孚

為伊吾都尉至蠕蠕強則敦煌大積之北為其所常會庭也李嵩守敦煌為沮

渠所滅唐和携嵩子寶避難之伊吾招集民衆二千餘家臣蠕蠕蠕蠕以和兄

契為伊吾王經二十年和與契遣使降後魏蠕蠕迫之至於高昌後魏書唐和傳蠕蠕遣部帥阿

若討和至白力城和率騎五百先攻高昌契與阿若戰沒和收餘衆奔前部王國時沮渠安周屯橫截坡和攻拔之斬安周兄子樹又克高寧白力二城斬其戍主遣使表狀後與前部王車伊洛擊破安周

太和初內屬始置伊吾郡高昌王馬儒求內徙世祖欲割伊吾五百里以居之

未果見高昌

隋初商胡襍居有勝兵千餘附於鐵勒人甚驍悍厥田良沃大業三年裴矩往敦煌遣使說伊吾吐屯設等陷以厚利導使入朝尋遣將軍薛世雄城伊吾裴矩共往經畧矩諷諭西域諸國曰天子爲蕃臣交易懸遠所以城伊吾耳咸以爲然不復來競天下亂又臣突厥唐貞觀四年突厥頡利破滅其酋舉其族七城降列其地爲西伊州同於編戶大歷中陷于吐蕃大中五年張義潮復以瓜州沙伊州來獻五代時曰胡廬磧仲雲族牙帳所居小月氏遺種其人勇而好戰瓜沙人皆憚之宋亦爲回鶻所據王延德使高昌歷伊州州將陳氏言自唐開元二年領州凡數十世唐時詔敕猶在也

哈密

宋州後亦屬輝和爾地元太祖征西域回回圍太子於哈密城

哈密舊音渴密力一作合迷里案元代人

地名互有異同而求之音義則一也

耶律薛闐引千軍救之丙戌蘇布台取馭薩里輝和特勒赤憫

等部憲宗立以特格穆爾長哈密里及曲先諸宗藩之地至元十八年設甘肅

行省其地亦隸焉二十四年以巴什伯里漢軍及新附軍五百人屯田哈密大德中詔諸路輝和爾哈密自相訟者歸亦都護府與民交訟者聽有司專決北山烏遮虜舊障迤邐而東至狼心山時爲往來通道種類襍居曰回回曰輝和爾曰哈喇灰皆不相統屬泰定初以威武王納忽里鎮之尋改肅王卒弟安克特穆爾嗣明洪武中輝和爾既定逼近哈密安克懼而納款永樂元年遣使來朝改封忠順王已而韃靼部鬼赤力毒死之三年以其兄子托克托舊音脫脫爲王四年立哈密衛帝眷托克托甚厚而托克托固凌侮朝使不恤國事帝怒遣官諭戒之未至托克托以暴疾卒子卜塔什里嗣尙幼宣德初遂封其從弟兔力特穆爾爲忠順王正統二年脫歡卒已而忠順亦卒封其子倒瓦塔什里爲王初成祖以哈密爲西域要道欲其迎護朝使統領諸番爲西陲屏蔽而其王率庸懦莫能節制及倒瓦塔什里立北衛拉特明吏音訛瓦刺西土爾舊音魯番東南赤金罕東諸衛悉與構怨鄰國交侵天順元年倒瓦塔什里卒弟卜列革嗣又二年卒無

子王母努溫塔失里主國事自是更益離散以酋亂亂乘隙襲破其城大肆殺掠王母率部落走苦峪尋還姑土國中政令無所出成化八年土爾番阿力乘機襲之執王母奪金印以去以牙蘭據之邊臣築苦峪城居哈密十八年春哈密部督哈森舊音罕慎糾赤全罕東二衛與已所部兵萬人夜襲哈密城牙蘭遁去乘勢連復八城遂還居故土宏治初封哈森爲王土爾番阿黑麻詭與結婚誘殺之五年以安定族人陝巴主哈密擢都督僉事阿木朗與同知阿奄克勃刺輔之阿木朗潛引夷人掠土爾番人馬阿黑麻復襲哈密七克力衛拉特二部來援俱敗去乃殺阿木朗執陝巴以歸時朝議革棄陝巴爵令奄克孛刺總理哈密事與回回都督寫亦虎仙哈喇灰都督拜迭力迷失等分領三種人以輔之陝巴未還不必索取於是邊臣棄陝巴逐其貢使閉嘉峪關馬文升銳意興復與巡撫許進偕大將軍劉寧彭清分數道進夜至羽集七川畢會又六日至城下拔之牙蘭遁去明初以來官軍無涉其地者至是番人知畏又二年阿黑麻送還陝巴乃復爵奄

克孛刺者哈森弟也與陝巴不相能而陝巴嗜酒搭克失衆心部下咸怨十七年奄阿孛刺陰搆阿黑麻迎其幼子真特穆爾主哈密而陝巴挈家走苦峪城奄克孛刺與寫亦虎仙在肅州邊臣令其二人均還輔陝巴百戶董傑偕行奄克孛刺抵哈密謀誅阿孛刺令陝巴還居哈密以真特穆爾居之甘州陝巴尋卒其子拜牙即襲正德初阿黑麻亦卒六年寫亦虎仙送真特穆爾還抵哈密奄克孛刺止之不聽寫亦虎仙早有異志至土爾番遂以國情輸滿速兒且誘敗牙即奄克孛刺因奔肅州八年秋拜牙即棄城走入土爾番滿速兒遣他只丁據哈密朝命彭澤往經略澤至謂番人嗜利遣人諭令還侵地與王予以重賞滿速兒僞許澤乞歸尋亦詔還而忠順不返寫亦虎仙又陷之入寇滿速兒喜遂相與遣人入貢以覘虛實邊臣知之悉羈之甘州而督寫亦虎仙出關不肯去他只丁復奪哈密地分兵脅據沙州擁衆入寇至兔兒壩官軍往禦遊擊芮寧先抵沙子壩遇賊賊悉衆圍寧所部皆敗沒賊薄肅州城兵備副使陳九

疇固守且絕其內應賊知事洩慮援兵至大掠而去賊至瓜州鄭廉合奄克孛刺兵擊敗之事平械寫亦虎仙赴京下獄時王瓊劾彭澤欺罔辱國斥爲民坐九疇等激變獲重譴明年寫亦虎仙亦減死遂資緣錢寧與其壻得侍左右帝悅之賜國姓授錦衣衛指揮世宗即位楊廷和以寫亦虎仙稔中國情實歸必爲邊患因於遣詔中數其罪并其子壻伏誅而用陳九疇爲甘肅巡撫嘉靖三年土爾番犯甘州九疇及總兵官姜奭力戰敗之斬他只丁賊乃却去九疇因言賊不可撫遂閉關絕貢明年復犯肅州時九疇已解職他將援兵至乃遁百戶王邦奇者素憾楊廷和彭澤因言今哈密失國番賊屢侵由澤賂番求和廷和論殺寫亦虎仙所致桂萼張璠輩欲藉此興大獄削廷和澤爲民九疇報捷時言滿速兒牙蘭已斃礮石下二人實未死帝固疑之因萼等議並疑邊臣欺罔遂逮九疇坐累者喇十餘人七年正月九疇既逮至萼等必欲死之并株連廷和澤尙書胡世寧力救免死而萼等又荐王瓊督三邊盡釋還九疇所繫番

使許之通貢番酋侮琉如故時以牙蘭獲罪其主率部帳來歸邊臣受之滿速兒怒令其部下虎力納咱兒引兵犯肅州初胡世寧之救九疇也言拜牙即久歸土魯番即還故土亦其臣屬其他族裔無可繼者回回一種早已歸之哈密灰畏吾兒二族逃附肅州已久不可驅之出關然則將安興復而霍韜力駁其非至是世寧上言哈密三立三絕今其王已爲我用民畏流亡借使更立他種難保爲不侵不叛之臣立之無益乞令守臣遣諭滿速兒詰以入寇狀倘委爲不知令其自贖否則發兵往討庶威信並行賊知斂戢更敕瓊爲國忠謀力求善後策帝深然之至明年唐澤亦以哈密未易興復請專圖自治之策瓊善之據以聞乃自是置哈密不問西陲借以息肩而哈密後爲失拜烟答子米兒馬黑木所有失拜烟答乃寫亦虎仙之黨以內應繫獄被捶死服屬土爾番朝廷猶令其比歲一貢異於他番迄隆慶萬歷朝入貢不絕然非忠順苗裔矣

東且彌

漢東且彌治天山東兌虛谷在今嶺北今迪化州東南戶一百九十西南至都護治所一千五

百七十里廬帳而居逐水草頗田作後漢時戶三千餘案後漢東西下彌並為一國所居無常

物產與蒲類同後漢書去長史所居八百里

西且彌

漢西且彌治天山東于大谷戶三百三十西南至都護治所一千四百八十里

卑陸

漢界陸國法天山東乾當谷戶二百二十西南至都護治所千六百七十八里

卑陸後國

卑陸後國治番渠類谷今關展北境戶四百六十東與郁立師西與劫國北與匈奴

南與車師接

劫國

漢劫國治天山東丹渠谷戶九十九西南至都護治所千四百八十七里

郁立師

漢郁立師國治內咄谷戶百九十東與車師後城長西與卑陸北與匈奴接

狐胡

漢狐胡國治車師柳谷今關展南磧口西至都護治所千一百四十里至焉耆七百七十里

車師前部

漢車師前部今關展全境治交河城今招哈和屯在土爾番西武帝天漢初以匈奴降者介和王為

開一作陵侯擊車師匈奴右賢王將兵救之漢兵不利而還征和二年重合侯

馬通兵出酒泉至天山虜已引去西遣開陵侯將兵北圍車師車師臣屬漢自

後貳師敗沒漢不復出兵而匈奴使四千騎田車師宣帝即位遣五將將兵擊

匈奴五將詳匈奴傳田者驚去匈奴召其太子軍宿欲以為質軍宿亡走焉耆車師更

立烏貴為太子烏貴結婚匈奴與之遮漢道通烏孫者地節二年城郭諸國擊

破姑師得其民人而去匈奴復以王之昆弟兜莫為王漢遣侍郎鄭吉校尉司

馬熹田渠犁積谷以攻車師至秋收穀吉熹共擊交河城

一作兜
營城

破之時王在

石城明年更攻石城其王北走匈奴求救匈奴未爲發兵王還擊匈奴邊國小

蒲類略其人民以降吉復自請擊破金附國以臣服漢漢分以爲車師前後王

及山北六國

師古曰合刼國郁立師前後卑陸東西且末彌爲六國欽定西域圖志前漢山北六國在天山之南跨金嶺南北凡五百里即後漢書自高昌壁北通金滿城之五百里也案

六國境在今多倫遠巴迤東山谷間若天山以北則皆屬後部王地

匈奴怒發兵攻車師王吉等引兵歸渠犁王恐匈奴

復至乃輕騎奔烏孫吉即迎其妻子置渠犁東於是始使吏率三百餘人別田

車師匈奴遣騎來擊田者漢田卒少不能當匈奴保車師城中吉上書言車師

去渠犁千餘里間以河山北近匈奴漢兵在渠犁者勢不能相救願益田卒公

卿議以道遠費煩可且罷車師田者車師王之走烏孫也烏孫留不遣遣使上

書願仍留車師王備國有急可從西道以攻匈奴於是詔故太子軍宿在焉者

立爲王徙居渠犁以車師故地與匈奴神爵間始置西域都護其前部治交河

城西南至都護治所一千八百里至焉耆八百三十里元帝初元中置戊己校

尉漢官儀曰戊己中央鎮覆四方開渠播種以為厭勝故稱戊己校尉屯田柳中今魯克察克王莽大擊北邊而西域瓦解焉

者叛殺都護西域遂絕後漢時合前部及東且彌蒲類移支卑陸是為車師六

國案後漢六國合車師前後部屬今迪化州關展廳全境北與匈奴接前部西通焉耆北道後部西通烏孫皆

附屬匈奴明帝永平十七年遣竇固等出塞擊走匈奴呼延衍王留吏士屯田

伊吾明年復出玉門攻西域詔耿秉劉張皆去符傳以屬固固出敦煌昆崙擊

破白山虜於蒲類海上遂破白山降車師漢復置西域都護戊己校尉乃以關

寵為戊己校尉屯前王柳中城今魯克察克明年秋焉耆龜茲攻沒都護陳陸悉覆

其眾匈奴亦圍關寵于柳中會帝崩救兵不至車師亦叛建初元年段彭等兵

會柳中遂擊車師交河城後漢書西域傳交河河水分流繞城下故號交河章懷太子曰去長史所居口口里降北虜驚走車師復

東觀記曰車師太子比持營降章帝不欲疲敝中國乃迎還戊己校尉時軍司馬班超留于窋綏集

諸國元和二年以超為西域都護復置戊己校尉領兵五百人居車師前部高

昌壁今哈喇和卓又置戍部候居車師後部候城相去五百里和帝永元三年前後王

各遣子入侍

章懷太子曰車師前王即後王之其庭相去五百里

孝和以後遂棄西域元初六年敦煌太守

曹宗遣長索史班將千餘人屯伊吾車師前王及鄯善來降數月匈奴復率車師後王攻沒班等遂擊走車師前王略有北道宗請出兵以報班恥鄧太后臨朝不許但令置護西域校尉居敦煌議者因欲閉玉門陽關以絕其患其後匈奴連與車師入寇河西延光二年以班勇爲西域長史出屯柳中明年勇發兵到車師前王庭擊走匈奴伊蠡王於伊吾谷於是前部始復開通還屯田柳中自建武至於延光西域三絕三通魏黃初中車師前部來貢賜其王亦多離守侍中號大都尉復置西域戊己校尉晉張駿守涼州本傳駿盡有隴西地雖稱西域臣於晉而不行中興正朔長史李柏請擊叛將趙貞爲貞所敗議者以柏造謀致敗請誅之駿以減死論而貞不附駿案李柏收後趙貞自稱戊己校尉駿既失河南地遂擊擒之以其地爲高昌郡十六國春秋太元末呂光僭位以高昌地居形勝外接胡虜易生翻覆光以子覆爲使持節都督玉門以西諸軍事鎮高昌李暹擊玉門以西諸城鄯善前部各遣使貢

獻後魏初本通使交易其地北接蠕蠕世祖始遣王恩生等出使為蠕蠕所執

延和中封車伊洛為前部王沮渠無諱之渡流沙也鳩集遣人破車師案無諱守高昌

萬度歸討焉耆各命伊洛從征真君十一年伊洛上書云不能自存遂捨國

東奔三分免一已在焉耆東境幸垂賑救帝使撫慰開焉耆倉以給之自是車

師前部并入高昌車伊洛傳本焉耆胡世為東境部帥延和中授封前部王欲歸闕沮渠無諱斷路無諱卒其弟安周奪無諱子乾壽兵規領部曲伊洛招諭乾壽率戶五百餘

家來奔伊洛送之京師又招李寶弟欽等五十餘人送詣敦煌初伊洛征焉耆留其子歇守城而安周乘虛引蠕蠕三道圍歇連戰久之外無救兵為安周所陷歇走奔伊洛伊洛收集一千餘家歸焉耆鎮

正平初伊洛遣子歇詣闕二年伊洛朝京師拜上將軍王如故

高昌

魏高昌漢車師前王之故地世祖時有闕爽者自為高昌太守為沮渠無諱所

襲奪據之安周代立爽為李寶舅唐契所攻開無諱至鄯善遣使詐降欲令無諱與唐契相擊無諱留安周住鄯善從焉耆東北趨高昌會蠕蠕殺唐契爽拒無諱無諱

將衛與奴詐誘爽遂屠其城爽奔蠕蠕爽既奔蠕蠕安周乃為蠕蠕所並蠕蠕以闕伯

周為王其稱王自此始也其國東西二千里南北五百里四面多大山或云漢

武西討師旅頓弊其中困厄者因在焉地勢高廠人庶昌盛故云高昌亦云漢有高昌壘以爲國號國有八城皆有華人地多石磧氣候溫暖厥土良沃穀麥一歲再熟宜蠶多五穀北有赤石山七十里其山有積雪此山北鐵勒界太和初伯周子義成立歲餘爲其兄首歸所殺五年高車王可伏至羅殺首歸况弟以敦煌人張孟明爲王後爲孟國人所殺立馬儒爲王以鞏願禮麴嘉爲左右長史廿一年表求舉國內徙高祖納之遣韓安保率騎千餘赴之割伊吾五百里以居儒至羊榛水儒遣李禮嘉迎安保去高昌四百里而安保不至禮等還高昌安保亦還伊吾安保遣韓興安等十二人使高昌儒復遣願禮將其世子義舒迎安保至白棘去高昌二百六十里而高昌舊人皆不願東徙相與殺儒立麴嘉爲王初前部即車師胡人悉爲高車所徙入于焉耆焉耆又爲曠噠所破衆不自立請王于嘉嘉遣第二子爲焉耆王由是始大益爲國人所服國內有城十八置四十六鎮官有令尹有交河公田地公其爲交河田地皆其王

子也刑法風俗婚姻喪葬與華夏略同其人面貌類高麗辮髮垂之於背女子亦然文字亦同華夏兼用胡書俗事天神兼用佛法從武威西北有捷徑度沙磧千餘里四面茫然無有蹊徑欲往者尋無人畜骨骸雲路中或聞歌哭之聲行人尋之多致亡失蓋魑魅魍魎也故商旅往來多取伊吾路孝明時遣使奉表求借五經諸史并請國子助教劉燮以爲博士許之嘉死子堅立後關中賊亂使命遂絕梁大統十四年詔以其世子元嘉爲王恭帝二年又以田地公茂嗣位隋開皇中突厥破其四城有二千人來歸中國隋書高昌橫八百里縱五百里凡廿一城王都交河城其田地城戍已校尉所治也大業五年麴嘉之孫伯雅來朝因從擊高麗還尙以宇文氏女號華容公主八年歸蕃詔賜衣冠車服然伯雅先臣鐵勒而鐵勒恒遣重臣在高昌商胡往來則稅之送于鐵勒雖取悅中華然竟畏鐵勒而不敢改也伯雅死子文泰立唐武德初遣使來告貞觀四年伯雅來朝有詔賜氏李更封長樂公主後興西突厥連結諸國朝貢路出高昌咸見虜拐伊吾內屬文泰與突厥葉護共

擊之又與乙昆設破焉者三城虜其人焉者王訴諸朝又詔薛延陀破漢璽書

示以禍福使促入朝文泰稱疾不至乃拜候君集為交河道大總管發兵討之

主師至磧口文泰悸駭無他計發病死君集奄攻田地城一作田北智盛降乃下其

三州五縣二十一城披其地皆州縣之號西昌州尋改西州唐書地理志以交河城為交河縣始昌城為天

山縣田地城為柳中縣東鎮城為蒲昌縣高昌城為高昌縣更置安西都護府歲調千兵謫罪人以戍初文泰與

西突厥欲谷設約有急為表裏使葉護屯兵可汗浮圖城案浮圖即漢務塗之轉音今濟木薩境與高

昌為影援及君集至不敢發遂來降以其地為庭州并置蒲類縣焉者請歸高昌所

奪城留兵以守君集勒石紀功凱旋而俘徙高昌豪傑於中國智盛拜右武衛

中郎將天山郡公麴氏傳國九世一百廿四年而亡智湛中為西州刺史

子昭歷司膳卿中封交河郡公安史之亂其地陷沒後復自為國語訛亦曰高

廠然其地多回鶻時謂之西州回鶻案唐大中間吐蕃陷北庭回鶻稍南其部落以避之自是多散處山南宋初西州回

地數貢獻太平興國六年其王始稱西州外甥案回鶻其先尚公主故後世猶自稱外甥師子王阿厮

蘭漢遣都督麥温來時遣王延德使高昌延德能道其所見云

宋王延德高昌記行初自夏州歷玉亭鎮次歷黃羊渡沙磧乏水行人皆載水凡二日至都囉囉族漢使過者遺以財寶謂之打當歷女蝸子族臨河以羊皮為囊吹氣實之浮于水或以橐駝牽木筏而渡次歷茅女王子開道族行入六窠砂磧深三尺馬不能行行者皆乘橐駝不有五穀砂中生草名登榻收之以食次歷樓子山無居人行砂磧中以日為占旦則背日暮則向日日中則止夕行望月亦如之歷臥梁劾特族地有都督山唐回鶻之地也次歷太虫太子族族接契丹界人衣尚錦繡器用金銀馬漣釀酒飲之亦醉次歷屋地因族蓋達達于越王了之子次歷達達于越王子族此九族隄翹中猶尊者次歷拽利王子族有合羅川唐回鶻中公主所居之地城基尚在有湯泉傳云契丹舊為回鶻牧牛馬回鶻徙甘州契丹靺鞨遂各爭長攻戰次歷阿墩族經馬驥山望鄉嶺嶺上石菴李陵題字處次歷格羅美源西方白川所會鷗鷺鳥雁之類甚多次至托邊城亦名李僕射城城中首領號通天王次小石州次伊州州將陳氏其先自唐開元二年領州凡數十世唐時詔敕尙在地有野蠶有大羊尾重者三斤小者一斤肉如熊白而甚美有礪石剖之得寶鐵謂之吃鐵石又生胡桐樹經雨即生胡桐律次歷益都次歷納職城在大患鬼魅磧之東南望玉門關甚近無水草載糧以行凡三日至鬼谷口避風驛俗法出禦風風乃息凡八日至驛田寺高昌遣人來迎次歷寶莊又歷六鍾乃至高昌即西州也其地南距于闐西距天竺路涉雪山葱嶺皆數千里地無雨雪而極熱每盛暑皆穿地穴以處氣鳥羣萃河濱或起飛即為日氣所燦墜而傷翼屋宇覆以白堊開寶三年雨及五寸即蘆舍多壞有水出企嶺導之周圍國城以溉田園作水磴地產五穀貴人食馬餘食羊及鳥雁樂多琵琶箏篪出貂鼠白氍毹花藥布俗好騎射婦人帶油帽謂之蘇幕遮用開元五年歷以三月九日為寒食二社冬至亦然以水交潑為戲謂之壓陽氣去病好遊賞必抱樂器佛寺五十餘區皆唐朝賜額寺中有大藏經唐韻玉篇經音居民春月群聚遊樂于其間遊者馬上持弓矢射諸物謂之禳災有敕書藏唐太宗明皇御札詔敕絨鎖甚緊復有摩尼寺波斯僧各持其法佛經所謂外道者也所統有南突厥北突厥大衆憇小衆樣制摩祿夏點斯永蠻格哆族豫龍族之名甚衆國中無貧民絕食者共賑之人多壽考絕無天死時四月師子王避暑於北庭以其男

阿多於越守國先遣人致意於延德曰我王舅也使者拜我乎曰持王命來禮不當拜復問曰見王拜乎曰禮亦不當拜阿多於越復數日始相見然禮甚恭師子王邀延德至於北庭歷交河州凡六日至金嶺口寶貨所出入兩日至漢家寨又五日上金嶺過嶺即多雨雪嶺龍堂刻石記云小雪山也嶺上有積雪行人服毛罽度嶺一日至北庭憩高臺寺其王烹羊并馬以具膳地多馬王及王后太子各養馬牧於平川中彌亘百餘里以毛色分別爲羣莫知其數北庭川長廣數千里鷹鷂鷓鴣之所生多美草不生花其王遣人來言擇日以見使者願無訝其淹久至七日見其主王及王子侍者皆東向拜受賜旁有持磬者擊以節拜王聞磬聲乃拜既而王之兒女親屬皆出雜拜委以受賜遂張樂宴飲爲優戲至暮明日泛舟於池中池四面作鼓樂又明日遊佛寺曰應運太寧之寺真觀十四年造北庭北山中出礪砂山中常有煙氣湧起如雲霧至夕火焰若炬火照見禽鼠皆赤采礪砂者著木底鞋若皮爲底者即焦下有穴生青泥出穴外即變爲砂土人取以治皮城中多樓臺并木人白哲端正性工巧善治器及攻玉善馬直絹一疋其駑馬允食者纔直一丈貧者皆食肉西抵安西即唐之西境七月令延德先還其國其王九月始至亦聞有契丹使來使者缺唇以銀葉蔽之謂其王云聞漢遣使入鞬靺而道出王境誘王窺邊宜早送至鞬靺無使久留因云高廠本漢土漢使來覘視封域將有異圖王常察之延德偵知其語因謂王曰犬戎素不順中國今乃反間我欲殺之王固勸乃止自六年五月離京師七年四月至高昌所歷以詔賜諸番君長襲衣金帶絹帛八年春與其謝恩使凡百餘人復循舊路而還雍熙元年四月至京師延德初至鞬靺之境頗見晉末陷虜者之子孫咸相率遮迎獻飲食問其鄉里親戚意盛悽感留旬日不得去

輝和爾

宋輝和爾

舊音畏吾爾亦作畏兀爾今遵欽定譯音改正

本魏高昌地五代時爲回鶻所據

案畏吾爾疑即回鶻轉訛

宋

末曰輝和爾其國南距于闐西南距大食波斯西距西天竺三路涉雪山葱嶺皆

數千里有水源出金嶺今土爾番北迤邐而東至關展三百里導之周圍國城以溉田西契丹強威制

輝和爾遣使監其國元興輝和爾主計殺契丹使歸附太祖遂設達魯花赤以

監之至元十五年立提刑按察司於輝和爾分地界內計畝輸稅尋置北庭都

護府而立輝和爾境內交鈔提舉司十八年改輝和爾斷事官為北庭都護陞

從二品又立四處驛站及交鈔庫遂罷和州和州疑即火州轉音輝和爾按察司海都之叛

遣兵千人戍其境大德中詔輝和爾哈密舊作合迷里自相訟者歸都護府與民交

訟者聽有司專決泰定元年遣諸王闊闊出鎮輝和至順初復立總管府于哈

喇和卓元史舊作哈喇火州明史仍襲其訛今遵欽定譯音改正後至元十年西番盜起陷其城殺其使臣遂

命桑格鎮之十二年桑格率領亦都護輝和爾等軍同守襄陽明太祖定河西

輝和爾先遣使貢方物後無聞焉永樂四年以綵幣賜柳城酋長柳城以漢柳中得名訛音魯克

沁又曰魯克摩今改正魯克察克明年其萬戶瓦赤刺遣使來貢迄正統朝入貢不絕

柳城者唐置柳中縣西去哈喇和卓七十里東去哈密千里經一大川謂砂磧道

旁多骸骨相傳有鬼魅行旅早暮失路迷死出大川渡流沙在火山下有城屹然廣二三里即柳城也四面皆田園土宜稌麥豆麻有桃李棗瓜之屬而葡萄最多小而無核者名鎖子葡萄節候常溫土人純樸男子椎結婦人蒙皂布其語音尤類輝和爾地近哈喇和卓土爾番凡其酋長入貢多與之偕土爾番強則柳城與和卓皆爲所并

亦都護

元高昌國主亦都護先世輝和卓

舊作爾之和林有二曰圖忽畏吾爾

曰不可罕者遂有

其土田人民而爲人君長傳三十餘世是爲玉倫的斤數與唐人相攻戰數以

公主妻玉倫之子葛厲的斤居和林之汗騰格里鄂拉

元史作天哥里于答哈今遵譯音改正

言天靈

山也南有石山曰鄂拉

舊作胡力答

言福山也元使相地者至求其山的斤許之石

大不能動令人以烈火焚之沃以濃醋其石碎乃輦而去國中鳥獸爲之悲號

越七日玉倫卒災異屢見民弗安居于是遷於交州交州即和卓

元史作火州舊對音之訛今遵

譯音統有巴什伯里舊音別之地其國南接酒泉北至阿朮河東至元敦里石哈

西至西蕃居是者又數百餘載案王延德使高昌應即其地而至阿爾朮阿爾忒亦都護臣於

契丹契丹主鞠兒遣使據有其國時元太祖起北方阿爾朮計殺其太師僧少
監等官歸之朝太祖於怯綠連河後從征皆有功既卒次子玉古倫赤的斤嗣
卒馬木刺的斤嗣將探馬赤軍萬人從憲宗伐宋合州攻釣魚山有功還和卓
卒至元初世祖命其子火塔爾嗣爲亦都護海都之亂輝和爾之民遭亂解散
遂命亦都護收而撫之其民人在宗王近戚之境者悉遣還其部輝和爾之衆
復輯十二年都哇卜思巴率兵十二萬圍和卓凡六月不解都哇索其女火塔
爾以女縋城而下與之乃解去其後入朝帝嘉其忠以公主妻之還鎮和卓屯
於州南哈密里之地北方兵忽至其地大戰力盡而死子紐憐的斤尙幼詣闕
請兵北征以復父讐師出河西俟北征軍齊發遂留永昌會吐蕃作亂詔領本
部探馬赤軍鎮吐蕃宣慰司武宗詔還嗣爲亦都護復署其部押西護司部押

西護司之官仁宗始稽故實封爲高昌王別以金印賜之設王傳之官其王印行諸內郡亦都護印行諸輝和爾之境領兵哈喇和卓復立輝和爾城池子二人長曰特穆爾補化次曰錢吉一作藏吉補化尙公主領大都護事延祐五年乃嗣爲高昌王泰定中分鎮襄陽文宗召至京師佐平大難遂知樞密院事拜承相其弟錢吉嗣爲亦都護高昌王卒其弟太平努襲天順以後無聞焉明永樂初劉特穆爾護巴什伯里使者歸因齎彩幣賜其王子哈散五年哈喇和卓明史火州遺使貢方物十一年偕失刺思俺的干九國來貢正統十二年復貢後遂絕其地東接柳城西連土爾番城一十里僧寺多於民居東有荒城即高昌國都今關展城西北連巴什伯里國小不能自立後爲土爾番所并

土爾番

明土爾番舊音土魯番今遵欽定譯音改正在唐交河縣之安樂城去哈密城千餘里嘉峪關二

千六百里元屬輝和爾國設萬戶府明永樂五年其萬戶賽因貼穆爾遣使朝

貢達京師明年其國番僧清來率徒法泉等朝貢帝欲令其化導番俗授爲國師徒七人並爲僧綱司二十年其酋尹吉爾密與哈密共貢馬已而尹吉爾察爲巴什伯里歪思所逐走歸京師帝命爲都督僉事遣還故土自是洪熙宣德正統朝都督指揮來朝不絕初國甚微弱後漸侵并柳城和卓舊音火州日益強其酋野密力火者遂僭稱王天順初進秩者二十四人成化初阿力始控弦五萬自稱速檀時哈密削弱阿力欲并之九年春襲破其城執王母奪金印以去朝命李文等經略無功而還明年遣使來言已得哈密城池及瓦刺即衛拉特奄檀王人馬一萬又收捕曲先并亦思渴頭日倒刺火者迄朝廷遣使通道往來帝賜敕諭之十八年哈密都督哈森潛師直擣哈密克其城牙蘭遁去阿力子阿黑麻頗懼乃詭與哈森結婚宏治元年躬至哈密邀哈森盟執殺之復據其城四年以城印來歸六年復襲哈密執陝巴以去張海等遵朝議却其貢羈前後使人於邊閉嘉峪關永絕貢道其邦鄰邦胥怨阿黑麻十年冬遂送還陝巴款關

求貢許之阿黑麻卒諸子爭立相仇殺已而滿速爾嗣爲速檀明年哈密陝巴亦卒子拜牙即襲昏愚失道國內益亂而滿速爾桀黠變詐踰於父復有真鐵穆爾在甘州邊臣奏送還還以邊情告其兄共謀爲逆九年誘拜牙即走入土爾番復據哈密彭澤贖還城印其部下他只丁復據之且盜滿速爾犯肅州自是哈密不復得而患且中於甘肅會中朝自相傾陷滿速爾覘知之益肆讒搆其腹心哈密回人寫亦虎仙得侍天子中國體大虧賊勢益熾世宗立寫亦虎仙伏誅失所恃再謀犯邊嘉靖三年寇肅州掠甘州四年復寇肅州皆失利去於是卑詞來貢會張璉桂萼等起封疆之獄遂陰莒滿速爾再許之貢牙蘭者本曲先人幼爲番掠長而黠健阿力以妹妻之握兵用事久爲西陲患至是獲罪率所部人來降滿速爾怒使其部下虎力納咱兒寇肅州不勝則復遣使來貢自是哈密存亡置不復問而滿速爾桀傲益甚矣然自寫亦虎仙誅他只丁斬于陣牙蘭又降失其依賴而部下各自雄長稱王入貢者多至十五人政權

不一滿速爾死長子沙嗣為速檀其弟馬黑麻分據哈密已而兄弟讐殺馬黑麻結婚瓦刺以抗其兄且懇田沙州謀入犯其部下來告馬黑麻乃叩關求貢復求內地安置邊臣諭止之乃還故土與兄同處詔又許其人貢隆慶四年馬黑麻嗣兄職遣使謝恩其弟瑣非等三人亦各稱速檀遣使來貢禮官請其犒賜許附馬黑麻隨從之數可之迄萬歷朝奉貢不絕

焉耆

漢焉耆

今哈喇沙爾

治員渠城西南至都護治所四百里南去尉犁國百里

尉犁今哈勒噶瑞在

焉耆西南案焉耆正南皆水必無容國之地漢書南字上恐有脫誤

北與烏孫接近海水多魚

後漢書焉耆居南河城去長史所居八百里四面有大山國與

龜茲相連道險阨易守章懷太子曰東去交河城唐郡九百里

焉耆地近匈奴王莽時焉耆先叛殺都護但欽莽不能

討天鳳五年遣九威將王駿西域都護李崇戊己校尉出西域諸國皆郊迎焉耆詐降而聚兵自備駿等將沙車龜茲兵七千餘人分數部入焉耆伏兵要遮駿及姑墨尉犁危須國為反間還共襲駿等皆殺之惟戊己校尉郭欽別將兵

後至焉耆兵未還擊殺其老弱引兵還李崇收還餘士保龜茲數年崇沒西域因絕後漢永平中始置都護會明帝崩焉耆乘中國大喪遂與龜茲攻沒都護陳睦副校郭恂殺吏士二千餘人至永元六年班超發鄯善八國兵討焉耆到尉犁界焉耆王廣遣兵左將北鞬支奉迎超賜而遣之廣迎超於尉犁奉獻珍物焉耆有葦橋之險廣乃絕橋不欲令漢軍入國超更從他道厲渡爾雅自帶以爲厲自膝以下七月晦到焉耆止營大澤中廣出不意大恐乃欲悉驅其人共入山保超爲揭乃期大會諸國王因揚聲當重加賞賜於是焉耆王廣尉犁王汎及北鞬支等相率詣超其國相腹久等皆亡入海而危須王亦不至超怒遂收廣汎等於陳睦故城斬之乃立焉耆左侯元孟主其國尉犁山國皆更立超留焉耆半歲撫慰之安帝時西域復叛超子勇爲西域長史討定諸國惟焉耆王元孟與尉犁危須不降口口二年勇上書請攻元孟漢遣敦煌太守張朗將河西四郡兵配勇分騎爲兩道擊之朗先期至爵離關遣司馬將兵前戰虜二千餘人元孟

遣使乞降張朗徑入焉者受降而還魏興遣使貢獻時中道西行尉犁又作危

須山國皆并屬也晉武帝太康中其王龍安遣子入侍安子會少而勇傑安病

篤謂會曰我嘗爲龜茲王白山所辱汝當雪之及會立襲滅白山遂據其國遣

子熙歸本國爲王會有膽氣籌略遂霸西胡葱嶺以東莫不率服然恃勇輕率

嘗出宿於外爲龜茲國人羅雲所殺其國剪髮以爲飾婦人衣襦著大褲死者

皆焚而後葬俗事天神並崇佛法尤重二月八日四月八日國中咸依釋教齋

戒行道焉楊宣經理疆域還攻焉者與熙戰於賁命城先鋒張植又擊敗之進

據尉犁熙率羣下四萬人肉袒降於宣呂光討西域度流沙進兵焉者其王泥

流率其旁國請長西夷傳及光僭位又遣子入侍案熙歸本國在晉初至東晉隆安中呂光僭位已越一百二十餘年熙字必誤當以呂光傳泥流爲是後魏世

祖遣萬度歸討焉者人東界擊其邊守左回今梵尉犁二城拔之進軍員渠城

其王鳩尸卑那單騎入山中猶覬城不拔得還其國既見盡爲度歸所尅乃奔

龜茲度歸屠其城四部諸戎皆服焉者不亂日久獲其奇珍異玩殊方詭譎

難名之物以獻唐貞觀六年龍突騎支遣使來朝

隋書其王姓龍名突

自隋亂磧路閉西域

朝貢皆導高昌突騎支請開大磧道以便行人帝許之高昌怒大掠其邊西突

厥復攻之與高昌陷其五城遣使言狀詔侯君集討高昌突騎支引兵佐唐高

昌破歸向所俘及城遣使入謝後與西突厥相約爲輔車勢不朝貢乃命郭孝

恪爲西州道總管出銀山

今稱庫木什阿克瑪塔克

道率兵討之孝恪倍道絕水夜傳堞遲曙

譟而登國人擾敗斬千餘級執突厥騎支更以粟婆準攝國事始帝語近臣曰

孝恪八月一日詣焉耆門二旬可至當以二十二日破之使者即至矣俄而遽

以捷布聞囚突騎支送洛陽其從兄薛婆阿那支自立執粟婆準獻龜茲殺之

阿史那社爾討龜茲阿那奔爲社爾所禽斬之乃立婆伽利以其地爲焉耆都

督府婆伽利死之國人請還突厥支許之歸國死龍嬾突立開元七年龍嬾突

死立吐拂延於是十姓可汗請居碎葉安西節度湯嘉惠表以焉耆備四鎮詔

焉耆龜茲踈勒於闐征西域賈各食其征由北道者輪臺征之迄貞元中陷於

吐蕃回鶻衰亂有厖特勒西奔西安居焉者城既而回鶻為張仲武所破厖特勒乃自稱可汗居甘沙西三州懿宗時僕固俊自北廷擊吐蕃斬論尙熱盡取西州輪臺諸城

危須

漢危須國

今察罕通格境

治危須城西至都護治所五百里至焉者百里事具焉者傳

魏時并屬焉者後魏之左回城

今楚輝

元之獨山城皆其地也

尉犁

漢尉犁

一作黎今哈勒噶阿瑞

治尉犁城西至都護治所二百里南

疑上脫東字

與鄯善且末接

山

漢山國西至尉犁二百四十里西北至焉者一百六十里至危須二百六十

里東南與鄯善且末接山出鐵民居山

師古曰常在山下居不為城治也

寄田糴穀於焉者危須

烏壘城

漢烏壘城今策特爾爾壘

什郭勒至其地

屬龜茲東北與尉犁東南與且末南與精絕接至龜

茲五百八十里東去陽關二千餘里於西域為中其南三百三十里至渠犁宣

帝遣侍郎鄭吉田渠犁一作黎

一作黎

因發兵攻破車師遷衛司馬使護鄯善以西南道

神爵間匈奴日逐王先賢擇欲降漢使人與吉相聞吉發兵迎之送詣京師漢

封日逐為歸德王自是威震西域并護車師以西北道督察烏孫諸國故號都

護上封吉為安遠侯於是中西域而立莫府治烏壘城鎮撫之漢之號令班西

域矣後漢建武中莎車王賢攻并龜茲自立其子則羅為龜茲王後以則羅年

少仍分其地為烏壘國

後漢書在尉犁西二百里

徙媯塞王駟鍵為烏壘王數歲龜茲國人殺

之乃復入龜茲唐河西諸胡內屬置州一二曰烏壘州

案河西謂今海都郭勒以西

渠犁

漢渠犁今額爾古

郭勒境

亦小國在烏壘城南李貳師征伐之後初置校尉屯田渠犁至

宣帝時鄭吉以侍郎田渠犁積穀因破車師漢以後其名不著唐置渠犁都督

府即故地也

輪臺

輪臺初名侖頭漢李貳師復行大宛兵多而所至小國莫不迎出食給軍至侖頭侖頭不下攻數日屠之前漢書曰輪臺武帝征和中貳師以軍降匈奴帝既悔遠征伐而搜粟都尉桑宏羊上言故輪臺以東捷枝渠犁皆故國地廣饒水草有漑田五千頃以上處溫和田美可益通溝渠種五穀與中國同時熟臣愚以爲可遣田卒詣故輪臺以東置校尉三人分護各舉圖地形通利溝渠務使以時益種五穀田一時可積穀募民壯健有累重敢徙者請田所就蓄積爲本業益墾漑田稍築列亭連城而西以威西國輔烏孫爲便帝深陳既往之悔乃不聽昭帝復用宏羊議以扞彌太子賴丹爲校尉田輪臺與渠犁地相連也後魏龜茲國東有輪臺唐永徽中平賀魯置輪臺都督府長安二年置北庭以其地析置輪臺縣隸焉

案漢輪臺并屬龜茲

即今玉古爾地唐置輪臺都督府為二十三都督之一地尙小而輪臺縣與金滿後庭西海並列境地殊廣當屬今哈布齊塔西境皆是

大歷六年置靜塞軍其西

三百里有清鎮軍即鷹姿川境

唐地理志自庭州西延城西六十里有沙鉢城守捉又有馮洛守捉又八十里有耶勒城守捉又八
十里有俱六城守捉又百里至輪臺縣自輪臺縣百五十里有張堡城守捉又渡里移得建河七十
里有烏宰守捉又渡白楊河七十里有清鎮軍城又度葉河葉七十里有葉河守捉又度黑水七十
里有黑水守捉又七十里有東林守捉又七十里有西林守捉又經黃草泊大漠小磧渡石漆河踰
車嶺至弓月城過思澤川蟄失密城渡伊麗河一名帝帝河
至碎葉界又西行千里至碎葉城水皆北流逾磧入夷播海

默爾奇斯

默爾奇斯舊音蔑里乞亦回鶻部在焉耆西為唐榆溪州輸臺縣境元太祖初起沙漠伐默爾奇

斯與其部長托克托戰于莫那察山掠其資財田禾以遺汪罕元本紀克烈部長名托里受金封爵

為王番言音重故稱汪罕或云汪罕始居謙州居亡何汪罕自率兵復攻默爾奇斯部人敗走托克托奔伯

爾呼濟之隘汪罕大掠而還已而太祖復攻默爾奇斯托克托奈奈曼舊音迪乃蠻

延汗舊音太陽可汗之兄博伊嚕汗元本紀相傳乃蠻部始居青吉斯其屬達勒烏遜獻女迎降俄復叛

去帝至泰寒寒遣博羅干領右軍往平之元年太祖即位發兵往奈曼遇博伊

嚙汗獵于烏魯特山擒之以歸迪延汗予楚察里與托克托奔葉爾特木什河

上舊音也兒的石河今海都郭勒

三年再征托克托及楚察里時鄂囉洛部不戰而降因用爲向

導討默爾奇斯部滅之楚察里奔西遼托克托中流矢死其子四人以父屍東

涉葉爾特木什河奔輝和爾國先使人告亦都護殺之四人者至亦都護與大

戰蟾于河

唐交河在今土爾番

使其國相報太祖太祖遣蘇布特征之軍至蟾河戰敗盡降

其衆尋以帕克呼圖領輝和爾默奇斯阿刺溫帕克巴西四部憲宗時分遷諸

王于葉爾特木什河

獨山城

元哈喇亦哈赤北魯者畏吾爾人從太祖征西域至巴什伯里東獨山城城空無人太祖問此何城對曰獨山城歲飢民皆流移至他所然地當北來要衝宜耕種以爲備昔在唆里迷國有戶六十願移居此帝遂命其子月朶失野訥往取之父子皆留居焉後六年太祖西還見田野懇闢民物繁庶問哈喇亦哈赤

北魯則已死矣乃賜月朶失野訥都督印章兼獨山城達魯花赤卒子乞出察
忽爾襲太宗賜號答刺罕子四人曰月爾思蠻事憲宗襲父爵兼領僧人後因
軍帥扎忽爾臺據巴什伯里盡室徙居平涼

巴什伯里

元史作別失八里明永樂中改亦力把里今遵欽定譯音改正案元代初平西域盡
以諸王駙馬爲之君長易前代國名以蒙古語如地理志西北附錄中名號錯出概
難指實惟畏吾兒別失八里二國散見
於本紀列傳茲就所見者編次之

元巴什伯里在龜茲國東宋時統爲輝和爾

舊音畏吾兒

地太祖西征始收巴什伯

里巴什喇等城西域既定置達魯花赤以監之憲宗初立以訥懷塔哈喇麻速
忽等充巴什伯里等處行尙書省事明年分土諸部乃建哈丹於此尋以哈丹
爲達魯花赤至元十五年授巴撒察爾虎符掌巴伯伯里輝和城子里軍站事
又二年命萬戶綦公直巴戍什伯里分劉恩所將屯兵肅州漢兵五千人入之
自泰和嶺至巴什伯里置新站三十從諸王阿只吉請也二十年立巴什伯里
和州等處宣尉司阿只吉言元隸只必特穆爾二十四城之中有察帶二城置

達魯花赤就付幹端又請於所分地立拘權稅課所二十二年西北諸王背叛引兵來侵伯答爾軍於亦里渾察罕爾之地與禿哈布早麻戰大敗之時宗王阿只吉失律以巴顏舊音伯顏總代其軍朝議巴什伯里軍事凡軍行並聽巴顏節

制其留務委博羅臺及諸王阿只吉官屬統焉未幾遣侍衛蒙古及千戶庫出等督兵屯田設元帥府以兵總之明年海都兵至綦公直李進從丞相巴顏拒戰於洪水山直父子皆陷進被賊擒至操一作昌巴里案操巴里即今昌吉縣遁還又二年哈

丹又叛大軍敗之于貴烈河

本紀詔諸王摘蒙古軍萬人分戍雙城及婆娑府以防哈丹兵

巴特穆爾率諸師往納

河東等處招集其黨乞塔真一千戶令甘肅發粟以賑二十九年巴什巴哈噶孫盜起明安率軍戰於圖爾古特敗之再合于哈喇遜明安方略與戰悉獲其衆自是兵備始撤泰定初給諸王巴什伯里印其地南接于闐東抵和卓舊音訛火州東西二千里統古焉耆龜茲疏勒爲一國而統屬之城不一設官分戍同於內地迨其季亦各自爲分據焉明洪武中藍玉征沙漠卒摸魚兒海獲撒

瑪爾罕商人數百太祖遣官送之還道經巴什伯里其王黑的爾火者即遣千戶哈馬力丁等來朝貢馬及海青以二十四年七月達京師九月命主事寬徹御史韓敬評事唐鉅使西域以書諭之徹等既至王以其無厚賜拘留之敬鉅二人得還三十年復遣官齎敕往諭之未幾黑的爾火者卒子沙迷查干嗣時哈密安克特穆爾爲可汗鬼力赤毒死沙迷查干率師討之成祖嘉其義遣使齎以綵幣永樂四年入貢因言撒瑪爾罕本其先世故地請以兵復之命中官巴泰等齎敕戒以審度而行毋輕舉並厚賜之泰等還言沙迷查干已卒弟馬哈麻詞十一年馬哈麻卒無子從子納黑失只罕嗣十六年貢使速格來言其王爲從弟歪思所弑而自立從其部落西去更號國曰亦力把里仍舊音帝以其番俗不足治遂授速格爲都督僉事而遣中官楊忠等賜歪思弓刀甲冑及文綺綵幣自時奉貢不絕宣德元年入貢授其正副使爲指揮千戶其後使臣多授官歪思卒子也先不花嗣卒也密力火者嗣景泰三年貢玉石三千八百斤

禮官言其不堪用詔悉收之每玉二斤賜帛一疋至成化初禮官定西域朝貢期令其三歲五歲一貢使者不過十人自是朝貢亦稀國無城郭宮室隨水草畜牧人性獷悍君臣上下無體統飲食衣服多與衛拉特舊音瓦刺同地極寒深山窮谷六月亦飛雪東南距嘉峪關三千七百里或曰焉耆或曰龜茲

龜茲師古曰音邱慈

漢二茲今庫車治延城東至烏壘城都護治所三百五十里南與精絕東南與且

末西南與扞彌北與烏孫西與姑墨接西域傳武帝通西域初分南北二道元始以後有三道玉門關西至過龍堆轉西詣龜茲是為中道

初貳師將軍李廣利擊大官還過扞彌扞彌太子賴丹為質於龜茲廣利責龜茲曰外國皆臣屬于漢龜茲何以得受扞彌質即將賴丹入至京師昭帝乃用桑宏羊前議以扞彌太子賴丹為校尉將軍田輪臺輪臺與渠犂地皆相連也龜茲貴人曰賴丹本臣屬吾國今佩漢印綬來迫吾國而田必為害王即殺賴丹而上書漢獻漢末能征宣帝時常惠使烏孫還便宜發諸國兵攻龜茲責以

前殺校尉賴丹龜茲王曰時爲貴人姑翼所誤執姑翼詣惠惠斬之後龜茲王絳賓尙烏孫公主女公主上書願令女比宗室入朝而絳賓亦愛其夫人上書言得尙漢外孫爲昆弟願以公主女俱入朝元康元年來朝賀王及夫人皆賜印綬留且一年厚贈送之其後數來朝賀樂漢衣制服度歸其國治宮室作微道周衛出入傳呼撞鐘伐鼓如漢家儀外國胡人皆曰驢非驢馬非馬若龜茲王所謂羸也絳賓子承德自謂漢外孫往來尤數漢遇之亦甚親厚光武末莎車王賢攻殺龜茲兼其國自立其子則羅爲王數歲國人共殺則羅而向匈奴請立匈奴立龜茲人身毒爲王由是服屬匈奴明帝時龜茲王建爲匈奴所立依恃虜勢據有北道永平十七年龜茲與焉耆共圍車師攻沒都護陳睦和帝永元初班超起西域發龜茲鄯善八國兵討焉耆于是龜茲姑墨溫宿皆降帝以超爲都護徐幹爲長史拜白霸爲龜茲王遣司馬姚光送之白霸至光廢其王尤多利送詣京師班超住龜茲它乾城六年超

降焉者西域悉定旋復叛遂罷都護及屯田卒西域無漢吏者十餘年延光二年超子勇爲西域長史勇至樓蘭鄯善王歸附而龜茲王白英猶自疑未下勇開以恩信白英乃率姑墨溫宿自縛詣降魏黃初中遣子入侍時姑墨溫宿尉頭皆并屬龜茲俗有城郭其城三重中有佛塔千所王宮壯麗煥若神居晉武帝太康中其王遣子入侍惠懷末以中國亂遣使貢方物於張重華符堅時堅遣呂光率衆七萬伐之白亦作帛純拒郡不降光軍其城南五里白純驅徙城外入于城中附庸侯王各嬰城自守光攻城既急白純乃請救猶胡猶胡弟訥龍侯率騎二十餘萬并引溫宿尉頭等國合七十餘萬以救之光戰於城西斬萬餘級白純收其珍寶而走王侯降者三十餘國呂光傳光攻龜茲城夜夢金像飛越城外光曰此謂佛神去之胡必亡矣諸國憚光威名歎貢屬路乃立純弟震爲王以安之後魏太武初詔萬度歸率千騎擊龜茲大獲駝馬而還時其王頭繫爲帶垂之於後坐金獅子牀俗多置女子市收男女鐵以入官土多孔雀群飛山谷間人取養而食

之孳乳如鷄鶩國西北大山中有如膏者流出成川行數里入地如餽餽服之

愈人疾云

魏書龜茲在白山之南一百七十里隋西域記
白山一名阿羯山常有火及烟即爛砂之所

隋大業中其王白蘇尼咥來朝

言國中勝兵可數千人

隋書漢時舊國東去焉耆九百里南去于闐千四百里西去疏勒
千五百里西北去突厥牙六百餘里東南去瓜州三千一百里

唐高

祖受禪蘇伐勃駛遣使入朝會死子蘇伐疊立貞觀四年來獻馬太宗賜璽書
撫慰後臣西突厥郭孝恪伐焉耆乃遣兵與焉耆影援自是不朝貢疊死弟訶
黎布畢立二十一年遣使來朝帝怒其佐焉耆叛命阿史那社爾爲崑邱道部
兵十萬討之乃立其弟葉護主其國凡破大城五諭降小城七十餘社爾執訶
黎布失畢那利羯獵顛獻俘帝赦其罪始徙安西都護於其都統龜茲於闐碎
葉疏勒號四鎮高宗復封訶黎布失畢爲龜茲王與那利羯獵顛還國久之王
來朝那利烝其妻王不能禁左右請殺之由是國中猜忌使者言狀帝詔至京
師囚那利護遣王還羯獵顛拒不納遣使降賀魯王不敢進悒悒死詔左屯衛
楊胄發兵擒羯獵顛窮誅部黨以其地爲龜茲都督府更立其子素稽爲王是

歲徙安西都護於其國以故安西為西州都督府西域平儀鳳時吐蕃攻焉者
以西四鎮皆沒王孝傑復其地仍置安西都護府於龜茲以兵鎮守於是砂磧

荒絕民供貲糧甚苦議者欲棄之武后不聽都護以政績稱者田揚名郭元振

張孝嵩杜暹云 方鎮表景雲元年置安西都護四鎮經略大使開元六年置副大都督護治西州

二十九年復分安西四鎮治安西都護府北廷伊西節度治北廷都護府至德二年更安西曰鎮西又

地理志安西大都護府初治西州顯慶二年平賀魯析其地置濛池崑陵二都護列置州縣西盡波斯

國皆隸安西又徙至高昌故地三年徙治龜茲都督府而故府復為西州咸亨元年吐蕃陷都護府長

壽二年收復安西四鎮至德元載更名鎮西後復為安西吐蕃既侵河隴惟李元忠守北廷郭昕守安

西與沙陀回紇相依吐蕃攻之久不下建中二年遣使間道入秦各以為大都護並 開元七年其

為節度貞元三年吐蕃攻沙陀回紇北廷安西無援遂陷注有保大軍屯碎葉城 王白莫苾死于多市立改名孝節十八年遣弟孝義入朝神龍以後黑衣大食

強盛漸並諸國

唐安西入西域道 安西西出柘厥關渡白馬河百八十里西入俱毗羅磧經苦井百二十里至俱
毗羅城又六十里至阿悉言城又六十里至撥換一曰城威戎城曰姑墨州南臨思渾河乃西北河
百二十里至小石城又二十里至於闐境之葫蘆河又六十里至大石城一曰于祝曰溫肅州又西
北三十里至粟樓烽又四十里度撥達嶺又五十里至頓多城烏孫所治赤山城也又三十里渡真
珠河又西北渡乏驛嶺五十里渡雪海又三十里至碎卜戊傍碎卜水五十里至熱海又四十里至
凍城又百十里至賀獵城又三十里至葉支城出谷至碎葉川口八十里至裴羅將軍城又西二十

里至碎葉城城北有汗葉水水北四十里有羯丹山十姓可汗每立君長於此自碎葉西十里至米國城又三十里至新城又六十里至頓建城又五十里至阿史不來城又七十里至俱蘭城又十里至稅建城又五十里至恒羅城自換撥西南渡渾河百八十里有濟濁館故和平鋪也又經故達幹城百二十里至謁者館又六十里至據史德城龜茲境也一日鬱頭州在赤河北岸孤石山渡赤河經岐山三百四十里至葭盧館又經達漫城百四十里至疏勒南北西三面皆有山城在水中城東又有漢城亦在灘上赤河來自疏勒西萬羅嶺分流城至西合於城東北入據史德界自撥換南而東經崑岡渡赤河又西南經神山睢陽鹽泊渡南經疎樹九百三十里至于闐鎮自西州西南平安昌二城百二十里至天山西南入谷經礪石磧二百二十里至銀山磧又四十里至焉耆界呂光館又經盤石百里有張三城守捉又西南百四十五里經新城館渡淡河至焉耆西城自焉耆西五十里過鐵關又二十里至于術守捉城又二百里至榆林守捉又五十里至龍泉守捉又六十里至東夷僻守捉又七十里至西夷僻守捉又六十里至赤岸守里又百二十里至安西都護

宋龜茲回鶻別種大中祥符三年龜茲可汗遣使獻方物自天聖至景祐入貢者五最後賜以佛經一藏其國主自稱師子王衣黃衣寶冠與宰相九人同治國事西至大食國六十日東至夏州九十日或稱西州回鶻或稱西州龜茲或稱龜茲回鶻宋史其國有市井而無錢貨紹聖初使大首領阿連羅等三人以表章及玉佛至洮河西熙河經略使以其罕通使請令於熙秦等州博買而佔所賣物價答賜遣還從之元起沙漠攻汪罕部汪罕出走路逢乃蠻部將爲其所殺汪罕子亦

刺哈走西夏既而走至龜茲國龜茲王討殺之太祖平西域其地悉統於別失八里而龜茲之名遂絕

養夷

明養夷在賽藍東三百六十里城居亂山間東北有大溪西流入巨川行百里多荒城蓋其地介居巴什伯里蒙古部落之間數被侵擾以故民人散亡止戍卒數百人居孤城破廬頽垣蕭然榛莽永樂時陳誠至其地

溫宿

漢溫宿今阿克蘇治溫宿城東至都護治所一千三百八十里西至尉頭三百里北至烏孫赤谷六百二十里土地物類與鄯善諸國同東通姑墨東二百七十餘里後魏時役屬龜茲案隋時疏勒龜茲二國接壤則溫宿已為龜茲所并可知唐置溫肅州在大石城一日于祝乃屬河西內屬諸州之一又名溫州府

姑墨

漢姑墨今雅哈治南城東至都護治所一千二十里南至于賓馬行十五日北

與烏孫接出銅鐵雌黃東通龜茲六百七十里王莽時其王承殺温宿王并其

國後魏亦曰姑默屬龜茲唐又稱亟墨即拔祿迦國自龜茲羸六百里踰小沙

磧而至橫六百里縱三百里風俗與龜茲同語言小異貞觀中置姑墨州國中

出細甃褐西三百里度石磧至凌山為葱嶺北原也水東流春夏山谷多積雪

西北五日里至素葉水城比國商胡襍居素葉以西數十城皆立君長役屬突

厥素葉水城西四百里至千泉今阿得地羸二百里南雪山三垂平陸多泉池

因名之突厥可汗歲避暑其中羣鹿飾鈴環可狎也西羸百里至怛邏斯今塔

城亦比國商胡襍居有小城皆華人尙華語為突厥所掠群保此西南羸二百

里至白水城原隰膏腴南五十里有笈赤建國地沃宜稼多蒲陶又二百里即

石國

塔什罕

宋塔什罕

舊音尋斯干今遵欽定譯音改正餘倣此

本大食國地其部通貢於遼契丹宣和間遼亡林

牙達什

舊音大石林牙遼稱翰林之謂

自立率鐵騎宵遁

案達什西奔在遼保大三年為宋徽宗宣和五年又二年遼為金所滅

北行過

墨永

河源記黃河自東受降城折而正南流過東勝州與黑河合又正南過保德州

見白達達詳穩綽和爾獻馬駝若干西至

哈吞城

舊音可敦城地理志中受降城遼初改雲內州有古可敦城

駐安北都護府會

大黃室韋白達且敵烈王紀刺茶赤刺也喜鼻古德尼刺達刺乖達密兒

紀合主烏古里阻卜普速完唐古胡母思奚的紀兒畢

十八部衆遂得精兵萬餘置官吏立兵甲具器仗明年

以青牛白馬祭天地整旅而行將西至大食國回鶻王伯勒格迎至邸大宴三

日送至境外至塔什罕城西域諸國舉兵十萬號呼爾察來拒戰達什率兵大

敗之駐軍九十日回回諸國王來降又西至克埒木

舊音起而漫

遂止焉以甲辰歲

二月五日即位國號西遼三年班師東歸馬行二十日得善地遂建都城曰呼

遜鄂爾多尋諭衆曰朕率爾衆遠至朔漢期復大業以光中興此非與爾衆世

居之地遂率七萬騎東征行萬餘里無所得牛馬俱死勒兵而還又十年卒在

位二十年子伊埒幼后權國政在位七年伊埒立在位十三年卒子幼以妹普

蘇完權國後與駙馬蕭都爾伯弟布古濟蘇莎喇通殺駙馬駙馬父烏拉琳○

兵圍其宮射殺普蘇完及布古濟蘇莎喇普蘇完在位十四年伊埒次子古勒

古舊音直魯古元立史稱鞠兒可汗在位二十年元太祖之征奈曼也迪延汗子楚察里舊音屈奔

默爾奇斯又二年討默爾奇斯部滅之楚察里奔西遼秋遇卓勒古出獵楚察

里伏兵八千擒之遂襲遼衣冠尊事卓勒古朝夕問起居以侍終焉達什建號

西域寡母弱子更繼迭承幾九十年卓勒古死遼絕太祖十五年庚辰親征西

域時附西遼之谷則鄂爾多柯敢帕克巴舊音可散等城酋長迎降太祖命哲伯

曷里默斯征楚察里楚察里拒執斬之以徇其地若喀什噶爾葉爾羌舊音可失

牽幹端諸城皆望風降服又諭下爾沙布爾城兵至塔什罕城曷里默斯與其

主札蘭迪音舊音札刺丁合戰于月亦心揭赤之地敗之又追襲于阿刺點城戰

于圖瑪溫山又追至愁顏城西寨敗之札蘭迪音逃入海收其珍寶以還取玉

爾德痕兩城繼而愁顏城亦下是秋太祖駐蹕葉爾特木什河攻鄂托洛爾舊音

幹脫張榮傳從太祖征西域諸國庚辰八月至莫蘭河不能涉太祖召問濟河之策榮明羅兒城克之請造舟太祖復問濟師當在何時榮請以一月為期乃督工匠造船百艘遂濟河

年弗祭國惟算端罕據塔什罕城太祖復親攻之聞帝將至棄城南走入鐵關屯大雪山郭寶玉追之遂奔印度帝駐大雪山前時雪深一丈乃封山川神以遷耶律阿海者本遼人以功拜太師從征西域留監塔什罕專任綏撫之責未幾卒子綿思格襲久之請還內郡至元十七年置巴什伯里行尙書事省其他皆統屬焉明稱達失干即塔什罕音訛西去賽瑪爾堪七百里城居平原周二里外多林園饒果木土宜穀五民居稠密李貴陳誠之使皆至焉

賽藍

賽藍在塔什罕之東西去賽瑪爾堪千餘里有城周二三里四面平曠居人繁庶五穀茂植亦饒果木夏秋間草中生小黑蜘蛛螫徧體痛不可耐必以薄荷枝掃痛處又用羊肝擦之誦經一晝夜痛止體膚盡蛻凡止宿必擇近水地避之元初薛塔喇海從征賽藍諸國以礮立功又云賽夷乃西域之族長即此地

也

博哈爾

博哈爾

元稱蒲華城地與塔什罕相接太祖攻克之明作卜花兒今改正

在賽瑪爾堪東七百餘里城居平川周十餘

里戶萬計市里繁華號為富庶地卑下節序常溫宜五穀桑麻多絲綿布帛六畜亦饒永樂十三年陳誠自西域還所經哈烈賽馬爾堪俺都淮八達克商迭里迷巴什伯里沙鹿哈雅塔什罕博哈爾舊音達失干卜花兒渴石賽藍養夷火州柳城土爾番鹽澤哈密凡十七國悉詳其山川人物風俗為使西域記以故中國得考焉宣德中命李達撫諭西域博哈爾亦與焉

尉頭

漢尉頭

今烏什

治尉頭谷東至都護治所千四百一十里南與疏勒接山道不通

後書疏勒東北經尉頭溫宿至龜茲漢案尉頭山道在東漢時則已通

西至捐毒千三百里後魏役屬龜茲後亦無聞焉

唐河西內屬諸州州又曰尉頭州又曰鬱頭州在赤河北岸石山

沙鹿哈雅

明沙鹿哈雅西去賽瑪爾堪五百餘里城居小岡上西北臨河河名火車站水勢衝急浮梁以渡亦有小舟南近山城多因崕而居園林廣茂西有大沙洲可二百里無水間有之鹹不可飲地多生臭草葉如蓋糞之成膏即阿魏又有小草叢生秋深露凝養之如蜜糞為糖番名達郎古賓永樂中李達陳誠使其地其酋即遣使奉貢宣德七年命中使李賞齋敕諭賜其酋金織文綺綵幣

樓蘭

漢樓蘭今色爾騰海

治扞泥城去陽關千六百里

前漢書樓蘭最近漢東陲當白龍堆路後漢書玉門關西行為鄯善西北至車師隋地理

志鄯善郡有蒲昌海唐西域傳陽關故城西至蒲昌海南岸千里西經七屯城又西八十里至石城鎮漢樓蘭也在蒲昌海南三百里案白龍堆在今敦煌縣西百里蒲昌海即今羅布淖爾東距敦煌八百里陽關在今敦煌縣西南百二十里故地今名考之列史方位皆合西北至都護治所千八百

則前漢陽關至樓蘭安得有千六百里之隔六百字乃傳寫之訛

西北至都護治所千八百

里前漢書神爵間鄭告始為西域都護治烏壘城西至龜茲三百五十里案龜茲今庫車烏壘城今庫車東策特爾是屬哈喇沙爾至山國千三百六十里

至車師八百九十里地沙鹵少田寄田仰穀旁國人隨畜牧逐水草能作兵器

武帝因張騫言甘心欲通大宛諸國使者相望於道樓蘭姑師當道苦之因攻
劫漢使王恢等又數爲匈奴耳目令其兵遮漢使帝遣趙破奴率屬國騎及郡
兵數萬擊姑師王恢數爲樓蘭所苦上令恢佐破奴破奴與輕騎七百人先至
虜樓蘭王遂破姑師於是漢列亭障至玉門矣貳師擊大宛匈奴遣騎因樓蘭
候漢使後過者欲絕弗通時任文將兵屯玉門關爲貳師後距得生口以聞上
詔便道引兵捕樓蘭王詣闕薄責王對曰小國在大國間不兩屬無以自安願
徙國入居漢地上直其言遣歸國樓蘭最在東陲近漢當白龍堆路爲吏士所
懲艾後又爲匈奴反間數遮殺漢使元鳳四年其弟尉屠耆降漢言狀漢遣傅
介子往刺其王介子費金帛揚言以賜外國爲名既至樓蘭王來見介子使壯
士二人從後刺殺之乃立尉屠耆爲王更名其國曰鄯善尉屠耆自請曰身在
漢久今歸單弱而前王有子在恐爲所殺國中有伊循城其地肥美願漢遣一
將屯田積穀令臣得依其威重於是遣司馬一人田伊循以鎮撫之其後更置

都尉伊循置官始此

婁羌

漢婁羌王號去胡來王師古曰言去離胡戎來附漢也去陽關千里去長安六千三百里辟在西南不當孔道戶四百五十西與且未接隨俗逐水草不田作仰鄰善且末穀山有鐵自作兵西北至鄰善乃當道云

鄰善

鄰善當漢道衝西通且末七百二十里宣帝時遣衛司馬使護鄰善以西諸國西域始通至王莽篡位西域怨叛與中國遂絕光武中皆遣使求內屬願請都護帝以天下初定未遑外事不許會莎車王賢攻滅諸國更相侵伐而鄰善亦兼并諸國與莎車爭盛建武十四年鄰善王安與莎車王賢詣闕貢獻西域復通後數歲莎車王遣安書令絕通漢道安不納而殺其使莎車王怒發兵攻鄰善安迎戰兵敗亡入山中莎車殺略數千人而去時焉耆鄰善侍子久留敦煌

皆愁思亡歸鄯善王復遣子入侍請都護都護不出而鄯善與車師復附匈奴
明帝永平十六年班超使西域到鄯善詐斬匈奴使者三人以首示鄯善王鄯
善一國驚怖遂納子爲質魏黃初中鄯善王與龜茲于資各遣子入侍帝遣使
撫勞之西域遂通置戍己校尉時南道西行且末戎廬小宛精絕樓蘭皆并屬
也太康四年鄯善遣子入侍假其王爲歸義侯晉中興時張駿西平公使其將楊
宣率衆越流沙伐龜茲鄯善王獻女駿本傳駿號曰美人立資退館以處之李嵩爲敦煌太守擊下
玉門以西諸城遂屯玉門陽關爲東伐之資鄯善前部謂車師使貢方物案史稱晉
祚中微擊雄割據惟二涼累世不失蕃臣禮二涼謂張駿李嵩也後魏大延初鄯善王遣弟素延者入侍太祖既平涼
州沮渠無諱西涼家遜子度流沙襲高昌遣弟安周擊鄯善其王比龍拒之安周連
戰不能克退比龍懼率衆西奔且末其世子乃應安周令不得通後世祖詔萬
度歸發兵討焉耆度歸到敦煌留輜重以輕騎三千至其境鄯善人皆望旗降
服乃使韓牧爲征西將車領西戎校尉以鎮之賦役其人比之郡縣然其後部

落役屬于且末

唐西域記沙州壽昌縣西十里至陽關故城又西至蒲昌縣海南岸千里西經七屯城漢伊修城也又西八十里至石城鎮漢樓蘭國也亦名鄯善在高昌海南三百里康輿典爲鎮使以通西域者又西二百里至新城亦謂弩支城輿典所築又西經特勒井渡且末河五百里至播仙鎮卽故且末城也

吐谷渾

吐谷渾本遼東鮮卑姓慕容氏西晉時號北燕其酋徒何涉歸又名奕洛干有二子嫡曰苦洛廐庶長曰吐谷渾渾與廐分部牧馬馬鬪相傷廐怒渾遂擁馬西行附陰山永嘉之亂始度西隴止于枹罕自枹罕暨甘松南界昂城隴澗從洮水西南極于白蘭在益州西北逐水草廬帳而居有青海周迴千里餘里海中有小山青海聰出焉渾六子長曰吐延爲昂城酋長姜聰所殺子葉延頗識書記自謂祖奕洛干始封昌黎公吾蓋公子之孫也禮以王父字爲氏孝始初始以吐谷渾爲姓辟奚葉延子遣使貢獻符堅堅拜爲安遠將軍子視連通聘于西秦乞伏氏拜爲白蘭王視連弟曰視羆曰烏紇提視羆性英果有雄

略自號將軍視熊死子樹洛干尙幼弟烏紇提立烏紇提妻樹洛干母生二子
田慕瓚利延屢抄乞伏境乾歸討之奔南涼卒于胡樹洛干年十六嗣率所部
居莫賀川自稱大單于土谷渾王時晉義熙元年也乞伏歸乾甚忌之兵至赤
水大敗之樹洛干降其後人又爲熾磐所擊保白蘭死樹洛干阿豺立命以
慕瓚繼臨死事慕瓚討禽赫連定魏太武拜爲大將軍西秦王大延二年死慕
利延立太武征涼州利延懼西奔白蘭攻于賓南依屬賓七年乃還故土卒樹
洛干子拾寅立始邑于伏羅川竊擬王者受魏正朔又南通宋封爵爲河南王
泰和五年拾寅卒子度易侯立度易侯子伏連籌始修洮陽泥和二戍宣以後
關徼不通伏連籌子夸呂始號可汗居伏侯川在青海東一十五里地方數千
里其南界隴澗城去成都千餘里大戎有四一在清水川一在赤水一在繞河
一在吐窟真川皆子弟所理其主慕容賀一作莫何川西有黃沙雖有城郭不居而
隨俗逐水草其俗與北狄同齊神武作相徵其朝貢乃遣使人趙吐骨真假道

蠕蠕頻來後周武成初寇涼州賀蘭詳討破之又攻拔其洮陽泥和二城置洮

川而還

周書武帝遂吐谷渾而得其地置洮陽郡尋立為洮州

天和初其隴涸王莫昌降以其地為扶州

通考

氏羗之地為吐谷渾所據西魏遂吐谷渾于此始置鄧州隋初置扶州又改同昌郡

二年宇文貴度青海至伏俟城夸呂遁走隋

開皇中侵孔州遣元諧擊之夸呂發國中兵自曼頭至於樹敦甲騎不絕諧頻

擊破之其名王十三人各率部落而降夸呂在位百年死子世允立國人殺之

又立其弟伏允煬帝初鐵勒襲吐谷渾伏允東走保西平宇文述復大破其衆

伏允懼南遁于山谷間其故地皆空自西平臨戎城以西且末以東祁連以南

雪山以北皆為隋有置郡縣置戍發天下輕罪徙居之伏允以數千騎客十黨

項子順初為質于朝至是立以為主送出玉門順不果入而還

隋地理志大業五年平吐谷渾置鄯善在鄯善城即古樓蘭城也有蒲昌海西海郡在古伏侯城吐谷渾國都有西王母石窟青海鹽池河源郡在古赤水城有曼頭城積石山河所出且末郡在古且

末城總四郡

隋亂復其故地唐初順自江都還長安會李軌據涼州高祖約伏允和令擊李

軌自効當護送順還伏允喜遂擊敗李軌順至號爲大寧王太宗初吐谷渾寇
鄯州俄寇涼州時伏允不能事其相天柱王用事帝遣使曉敕無悛言九年
詔侯君集李靖等擊之伏允西遁順之質隋伏允立其弟爲太子順歸快快自
詔侯位欲以功結天子乃斬天柱來降伏允遁積中自死國人立順爲君稱臣
內附詔封西平郡王十年卒子諾曷鉢立封河源郡王自是衰微而吐蕃強盛
與相攻咸亨元年薛仁貴郭待封討吐蕃王師敗于大非川舉吐渾地皆陷諾
曷鉢與親王三千帳纔免徙之浩亶河南通志浩亶河源自塞外東至允吾界入湟水
後以吐蕃勢盛又徙靈州安樂川帝復爲置州即拜刺史欲其安且樂云諾曷
鉢孫超聖歷三年拜大將軍襲可汗號數傳至兆立吐蕃復取安樂州而殘衆
徙朔方河東語謬爲退渾吐谷渾自晉永嘉時有國至龍朔三年吐蕃取其地
凡三百五十年及此封嗣絕矣

且末

漢且末國今噶斯治且末城西北至都護治所一千二百五十里北接尉犁東與

白提西通精絕一千里南至小宛可三日行建武中且末為鄯善所并東晉時

復自為國後魏大延中鄯善王比龍率國人之半奔且末其部遂役屬焉梁曰

且末國勝兵萬戶北與丁零東與白題接普通七年其王安末染盤始通江左

後人吐谷渾且末以其地置且末郡地理志有薩毗澤且末水旋廢唐有播仙城即且末故城

高宗上元初更名口口中亦陷入吐蕃天寶末西安節度高仙芝與于闐王尉

遲勝擊破澤昆澤播仙城西域記古折摩那即古且末宋元間為輝和爾馭撒里之地明置曲

先衛即在故城東北也

乙弗敵

唐乙弗敵在吐谷渾北國有屈海千餘里衆萬落然不食五穀惟食魚與蘇子

蘇子狀如中國枸杞或赤或黑西有契翰一部風俗亦同土特多狼白蘭由吐在

谷渾西南西北有白蘭國目不識五色耳不聽五聲戶落亦可萬餘人頑弱不知鬪

戰見異人舉國便走性如野獸體輕遂不可得

精絕

漢精絕今阿氏治精絕城北至都護治所一本作千七百二十里南至戎盧四

日行地阨隘西通扞彌四百里案前漢西域都護治天山南烏壘城當日陽關以西為姑羌

治所也葱嶺之東為莎車為皮山為于寘為扞彌為渠勒在烏壘城西南境故皆東北境烏壘都護治

所也精絕在烏壘正南戎靈又在精絕之南故皆北至都護治所由斯以準則且未之北直尉犁皮山

之北直姑墨雖千古之方隅道里至今爽然不失 晉魏不著其沿革北魏都貨羅國在于寘東

戎盧

漢戎盧治卑品城東北至都護治所一千九百五十里東與小宛南與婁羌西

與渠勒接辟南不當道

渠勒

漢渠勒治犍都城東北至都護治所一千八百五十里東與戎盧西與婁羌

劉奉世曰按姑羗小國最近陽關在都護之東而此渠勒于真東北行數千里乃至都護安有西與姑羗相接必誤

北與扞彌城接

扞彌

漢扞彌

今和闐東克爾雅

治扞彌城東北至都護治所一千五百里南與渠勒東北與

龜茲西北與姑墨接西通于窰四百里亦曰寧彌後漢改其國曰拘彌居寧

彌城

去長史所居千九百里

建武中莎車王賢攻破拘彌以其兄子康為王後疑叛已召而

殺之拘彌又復自立順帝永建四年于窰改殺其王興自立而遣使者貢獻於

漢敦煌太守徐由遣疏勒王臣磐發兵擊破于窰更立興宗人成國而還陽嘉

中于窰又殺其王戊己校尉西域長史各發兵輔立拘彌侍子定興時人衆纒

千口永嘉初又為于窰所破殺掠殆盡其地遂并屬焉

唐漢彌國

轉案汗即扞音遞誤唐史汗音烏恐

居建德力城西有河在于窰之東亦曰拘彌即寧彌

故城也

于窰

漢于寘今和治西城東北去都護治所 千九百四十里北接姑墨西通皮山

國三百八十里于寘之西水皆西注西海其東水東流注鹽澤一名坳澤今羅布淖爾張騫

謂河源出于寘也建武末年莎車王賢攻并于闐以將軍居德爲于寘王永平

中于寘將休莫霸反莎車自立休莫霸死子廣德立後遂攻滅莎車其國轉強

盛從精絕西北至疏勒十三國皆服從而鄯善亦始強自是南道自葱嶺以東

惟此二國爲大後書于寘去長史所居五千三百里西經皮山至西夜子合德若焉班超自鄯善使于寘其王廣德素聞

超誅滅虜使大惶懼即降于是西域復通時戎盧杆彌精絕渠勒皮山五國地

皆并屬焉魏興西域不能盡至其大國于寘龜茲康居烏孫疏勒月氏鄯善之

屬無歲不奉貢獻畧如漢氏故事昔張駿據西于寘遣使貢方物後魏眞君

中太武討吐谷渾慕利延延入于寘殺其王死者甚衆而蠕蠕數侵于闐獻文

末遣使上書言西方諸國今皆已屬蠕蠕匈奴卅奉大國至今無異國中地方

亘千里連山相次有大城五小城數十山多美玉出好馬城東三十里有苜拔

河出玉石西城五十里亦有大水名達利水與樹枝水即首拔河合俱北流七百里

入計式水自高昌以西諸國人深目高鼻惟此一國貌不甚類胡頗類華夏隋

大業中使臣至于賓言其王錦帽金裝冠髮不令人見俗謂見則年必儉所居

曰西山城勝兵四千人俗尚機巧好夸大然貌甚恭謹相見皆跪凡得問遺書

戴於首乃發之自漢武以來中國詔書符節其王傳以相授人喜歌舞工紡織

西有砂磧鼠大如蝟色類金出入羣鼠為從云唐初王姓尉遲氏名屋密臣于

突厥貞觀十三年內附上元初擊吐蕃有功以其地為毗沙都督府析十州授

伏闍雄都督死武后立其子璿開元時璿死復立尉遲伏師戰為主賓尉遲珪

嗣死子勝立地當吐蕃之衝吐蕃假道勃律以取四鎮于闐于闐首受其敝肅

宗初其王勝率兵五千赴難使弟曜攝國事廣德中遣還勝固請留宿衛封武

都王因請授國於曜

尉遲勝傳曜上言國中以嫡承嗣今勝讓請立其子銳帝欲遣銳勝固辭以曜久行國事人安之銳生京華不習其俗不可遣當是時兄弟讓國人

莫不賢之帝從之以曜同四鎮節度副使權知本國事唐末河隴陷沒于闐亦不復

至于闐東三百里有建德河七百里有精絕國河之東有汗彌居建德力城即寧彌故城皆小國也

唐西域記于闐東有煇摩川度磧行二百里得尼壤城在大澤中地墊茹蘆茨荒茂行者鑿道趣城通于闐而于闐以爲東關又東行入大流沙人行無跡故往返輒迷聚遺骸以識道無水草多熱風觸人畜皆仆四百里至故都邏又六百里至故折摩馱那古且末也又千里至故納縛波古樓蘭也

晉天福二年其王李聖天者自稱唐之宗族遣使來貢詔遣張匡鄴高居誨入其國册聖天爲于闐王居誨還頗記其往來所見山川而不能道聖天世次也

高居誨使于闐記自靈州過黃河行三十里始涉沙入黨項界曰細腰沙神樹沙至三公沙宿月氏都督帳自此沙行四百里至黑沙堡沙尤廣遂登沙嶺嶺即黨項牙也渡白亭河至涼州西行五百里至甘州甘州同鶻牙也其南山百餘里漢小月氏之故地也有別族號鹿角山沙陀云朱耶氏遺族也自甘州西始涉磧載水以行甘州人教晉使者作馬蹄木澁四竅馬蹄亦作四竅而綴之駝蹄則包以瑩皮乃可行西北五百里至肅州渡金河西百里出天門關又西百里出玉門關經吐蕃男子冠國中帽婦人辮髮帶瑟瑟云珠之好者一珠易一良馬至西瓜州沙州二州多中國人聞晉使者來其刺史曾元深等郊迎使者問天子起居瓜州南十里鳴沙山云冬夏殷殷有聲如雷即禹貢流沙也又東南十里三危山云三苗之所也其西渡都鄉河曰陽關沙州西曰仲雲族其牙帳居胡盧磧云仲雲者小月支之遺種也其人勇而好戰瓜州之人皆憚之胡盧磧漢明帝征匈奴屯田於吾盧蓋其地也地無水而常寒多雪每天暖雪消乃得水匡鄴等西行入仲雲界至火屯城仲雲遣宰相四人都督三十七人候晉使者匡鄴等以詔書慰諭之皆東向拜自仲雲界西入蟻磧無水掘地得濕沙人置之胸以止渴又復渡陷河伐檉置水中乃渡不然則陷又西紕至州于闐所置也在

沙州西南云去京師九千五百里矣又行二日至安軍州遂至于闐聖天衣冠如中國其殿皆東向曰金冊殿有樓曰七鳳樓以葡萄酒爲酒又有紫酒青酒不知其所釀而味尤美其食粳沃以蜜粟沃以酪其衣布帛有園林花木俗喜鬼神而好佛聖天子居處常以紫衣僧列侍年號同慶廿九年國東南曰銀州曰瀘州曰涓州其南二千三百里曰玉州云漢張窰所窮河源出于闐而多美玉者此也

宋建隆二年聖天遣使貢圭一以玉爲柙使者言國城東有白玉河西有綠玉河次西有烏玉河源出崑崙山去國城西一千三百里秋水小後國人取玉於河謂之撈玉以葡萄醞爲酒味極甘美開寶四年上書言破疏勒國得舞象一欲以爲獻詔許之大中祥符二年其國黑韓王遣回鶻羅廝溫等以方物來貢上詢其道路曰涉道一年不知里數昔時道路嘗有剽劫今自瓜州至于闐道路清謐行旅如流願遣安撫遠俗嘉祐八年以其王特進歸忠保順斫麟墨韓王于闐謂金翅鳥爲斫麟黑韓使言其王乞此號云國中產乳香來輒羣負私與商賈牟利不售則歸諸外府得善價元豐中詔不許貢神宗時使來言去國四年道塗居半歷黃頭回紇達靺靱青唐惟懼契丹抄掠耳因使之圖上諸國距漢境遠近爲書以授李憲紹聖中其王又言緬藥家作過別無報効已遣兵攻甘肅沙三州詔

厚答其意焉元太初定西域若于闐等城望風降附巴什伯里統轄二十四城而于闐獨自爲國至元十二年與鴉爾看城同置水驛十三時諸王背叛世祖遣薛徹干使于闐宗王阿魯忽所以通好阿魯忽留之弗遣數年乃得歸具白世祖遂命元師布哈特穆爾征之十七年于闐幹端置宣慰司又二年以達魯花赤治之元季其主暗弱鄰國交侵人民僅萬計悉避居山谷生理蕭條明永樂中西域咸修職貢不敢擅相攻于闐始獲休息漸行賈諸蕃復致富庶桑麻禾黍宛然中土初其酋打魯哇亦剌不金遣使貢璞玉朝命使者賚書幣往勞十八年偕哈烈八達黑商諸國貢馬自是常朝仁宗即位不務遠略而西域貢使漸稀國產美玉其隣亦多竊取來獻迄萬歷中亦間入貢回俗不奉佛法于闐之所謂譯經奉佛者蓋史家沿襲之訛俗言辟支足跡又謂老子化胡成佛之所皆未有據也

皮山

漢皮山國今都窪治皮山城東北至都護治所二千二百九十里西南至烏耗一

千三百四十里南與天竺接北至孤墨一千四百五十里西南當屬賓烏弋山

離道西北通莎車三百八十里晉為皮國

後魏蒲山故皮國居皮城其國西南三百里有凍凌山後屬于窋

莎車

漢莎車今集爾羌治莎車城前漢書從鄯善傍南山北渡河西至莎車為南道北至都護治所二千一百餘里西

至疏勒五百六十里南至蒲犁七百四十里有鐵出青玉宣帝時烏孫公主子

萬年在莎車王愛之莎車王死無子國人請立萬年漢許之萬年初立暴惡國

人不悅莎車王弟呼屠徵殺萬年自立約諸國背漢會馮奉世送大宛客歸即

以便宜節發諸國兵擊之攻拔其城呼屠徵自殺更立他昆弟子為王是歲元

康元年也匈奴因王莽之亂畧有西域惟莎車王延最強不肯附屬常勅諸子

當世奉漢家不可負延死子康代立光武初康率傍國拒匈奴擁衛故都護吏

士妻子檄書河西問中國動靜建武五年竇融承制立康爲建功懷德王西域大都護五十五國皆屬焉康死弟賢立攻破拘彌西夜國皆殺其王而立其兄二子爲拒彌西夜王十四年與鄯善王安詣闕貢獻於是西域始通葱嶺以東皆屬賢十七年復遣使請都護帝因其使賜賢西域都護印綬以敦煌大守裴遵上言收還更賜以大梁軍印綬其使不肯易遵迫奪之賢由是始恨而猶詐稱都護服屬諸國二十一年西域十八國俱遣子入侍既見皆願得都護天子以中國初定皆還其侍子厚賜之是時賢自負兵強欲兼并西域又知都護不至遂遣鄯善王安書令絕通漢道安不納而殺其子賢發兵攻鄯善其冬復攻殺龜茲王兼其國於是鄯善車師復附匈奴而賢益橫遂自立其子則羅爲龜茲王以則羅年少乃分龜茲爲烏壘國徙媯塞王駟鞬爲烏壘王數歲國人并殺之匈奴立龜茲貴人身毒爲王龜茲由是屬匈奴賢攻大宛徙拘彌橋塞提爲大宛王又立其弟位侍爲于窋王歲餘賢疑諸國欲叛召位侍及拘彌姑墨

子合王盡殺之但遣將鎮守其國莎車將之在于窠者爲其國人所殺遂立廣德爲王匈奴與龜茲共攻莎車不能下廣德乘其敝將兵攻之賢連被兵革乃遣使與廣德利明年莎車相連等反降于窠廣德乃將兵攻莎車賢乃輕出遂執之虜賢妻子而并其國鎖賢將歸歲餘殺之匈奴發龜茲十五國兵攻廣德將賢質子不居徵爲莎車王廣德又攻殺之更立其弟齊黎爲王章弟元和三年班超將諸國兵擊莎車龜茲王率溫宿尉頭姑墨合五萬兵救之班與于窠王議曰兵少不敵莫若散去于窠從是而東長史亦於是西歸可須夜鼓聲而發龜茲王聞之大喜自以萬騎於西界遮超溫宿王將八千騎於東界邀于窠超知二虜已出密詔諸部勒兵雞鳴馳赴莎車營胡大驚亂由是莎車降漢魏曰莎渠國居故莎車城渠莎界於兩大漸就衰微周隋以來不著唐斫句逃種即故渠沙亦曰沮渠由疏勒東南五百里濟徒多水踰大沙嶺至其國地千里東踰嶺八百里于闐即也貞觀二十一年內屬上元初置毘莎都督府

爲四鎮之一領十州案莎車轉爲渠沙而渠沙又轉爲毗沙唐于此置鎮以其地名之耳蓋其境地統于于窠也地理志注

本于烏鍛國在其西南四鎮既陷漸爲大食所有元初定西域始謂爲葉爾羌

舊音鴉爾看一作押兒牽

幹端

元初太祖既定北部幹端諸城先附至元十二年詔慰幹端城時諸王背叛乃命速鐸忽別列伯都爾爲都元帥領蒙古等軍三千人守之十七年置宣慰司元帥府命四川西道劉恩進兵且只爾先以管軍千戶從征至甘州陞總管十九年從諸王合班元帥忙古台軍與叛王兀盧等戰從之明年伯巴又以兵來侵且只爾獨破其餘衆五百人拔亡卒三百餘人以出進副萬戶二十三年從別速台請立羅卜怯台闍幹鄜端等驛尋以達魯花赤督治屯田遂罷宣慰司元帥府元之諸王屬籍世次史臣莫能知其爲鎮守大概有事則置事已則罷焉

阿端衛

明阿端衛洪武初置在沙州西撒里輝和爾之地洪熙時曲光酋散即思劫朝使脅阿端指揮鎖魯丹偕行大軍出征鎖魯丹遠竄宣德初猶依曲先禩處帝宥其罪令復故業於是真只罕率所部遷居帖兒谷舊地真只罕入朝因言阿端即幹故地在回回境去帖兒谷尙一月程朝貢艱乞移本土爲便從之迄正統朝數入貢

失刺思

失刺思近賽馬爾堪永樂十六年遣使偕哈烈俺的干喀什噶爾等八國入貢方物宣德二年貢駝馬授使臣阿力爲都指揮俞事賜冠帶宏治初哈密陝巴與野乜克力結婚失刺思偕旁國亦不刺因遣人請頒賜財物助之成婚朝議義之厚賜陝巴並賜二國綵幣

亦思弗罕

亦思弗罕地近俺干的永樂十四年使俺都淮賽瑪爾堪者道經其地十七年

偕隣國失刺思共貢西馬文豹使臣還命魯安等送之有馬哈木者願留京師
從其請或亦云思巴罕

俺的干

俺的干西域小部落永樂十一年來貢逮魯安等使失刺思哈烈諸國復便道
賜其酋長文綺然地小不能常貢後竟不至

西夜

漢西夜國今葉爾羌西南
俗勒阿里克王號子合治呼隄谷東北至都護治所三千四十六里

東與皮山西與蒲犁西南與烏秣北與莎車接蒲犁依附無雷皆西夜類也其
種類羌行國隨俗逐水草往來

後漢西夜國一名漂沙子合亦有王而子合土地出玉石師古曰西夜子合
兩國疑前漢書誤

魏悉居半故西夜國一名子合北魏屬嚙嚙

唐朱居波波一作盤漢子合也直于窰西千里葱嶺北三百里西距喝盤陀北九

百里屬疏勒尙浮屠法文字同婆羅門

案西夜子合兩國分合各史互異至唐朱居波屬漢子合而境地殊廣又兼有漢依附西夜蒲犁德

若四國地

烏托

漢烏托

直加反

東北至都護治所

百里北與子合蒲犁西與難兜接山居

田石間有白草累石爲室出小步馬西有懸度去陽關五千九百里

北魏權于摩治烏托城即烏托故國在悉居半西南

蒲犁

漢蒲犁

今葉爾羌西塞爾勒克喀爾楚境

喝盤陀

後漢德若國東去長史居三千五百三十里東與子合接自皮山西南行經烏

托涉懸度歷罽賓六十日行至烏弋山離道

案後漢無蒲犁國而有德若國魏略並載滿犁億若二國滿億二字是傳寫之訛

魏克槃陀北魏曰渴羅陀大延中始通中國其國在葱嶺東朱駒波西河經國

中東北流有高山夏積雪亦事佛道附噉

唐喝盤陀

西域記
喝作竭

即渴羅陀又曰漢陀曰渴館檀由疏勒西南入劍末谷不忍

嶺六百里其國距瓜州四千五百里西北與護密接治葱嶺中都城負徒多河
戶二千其王本疏勒人世相承爲之人勁悍貌言如于闐葱嶺號極疑山環其
國直朱居波西懸度山在其西南貞觀四年來朝後遂絕開元中被平其國置
葱嶺守捉安西極邊戍也

俱蘭

唐俱蘭或曰俱羅弩與吐火羅接地三千里南大雪山北俱魯河出金精琢石
取之貞觀二十年其王遣使來獻書辭類浮圖吾劫者居葱嶺中西及南距賒
彌西北悒悒也

西域記有安咀羅縛彌悉多活種皆居吐火羅故地臣於突厥君亦突厥種主鐵門南諸戎遷徙不
常其東又有七種東南峽道甚險無慮三百里得俱蘭東北山行五百里即護密北識匿也南有商
彌地大二千里而麻多蒲萄生雌黃鑿石乃得又北踰山七百里至波繼羅川東西千里南北百里
春夏雨雪南有鉢露種多紫金行五百里有竭盤陀東行百里出葱嶺又百里至烏鐵環千里

出白蠟青三種玉其
君長世臣竭盤陀

除彌

後魏除彌在波知之南不信佛法專事諸神亦附噉啞東有鉢盧勒國路險緣
鐵索而度下不見底熙平中宋雲等竟不能達

通考懸度葱嶺迤邐相屬郵置所絕道
阻且長故行人由之莫能分別然法顯

宋雲所經
懸度也

烏菴

後魏烏菴在除彌南北有葱嶺南至天竺婆羅門胡為其上族國西有檀特山
山之上立寺以驢數頭運食山下無人控御自知往來也

唐烏菴亦曰烏茶曰烏伏那南直天竺地廣大東距勃律六百里西屬賓四百
里山谷相屬有五城東北有達麗羅川即烏菴舊地貞觀十六年遣使來朝至
開元中大食與烏菴東鄙接其數誘之君與骨咄俱不肯附元宗命使者册封
為王

附屬賓

漢屬賓不屬都護至都護治所 百里東至烏托 百里東北至難兜九日行
西北與大月氏西南與烏弋山離接大月氏擊塞王塞王南越懸度居屬賓天
竺塞教自此始 師古曰塞後世轉爲釋蓋語有輕重也 三國時爲大月氏所併
北魏屬賓在波路西南去代萬四千二百里居在四山中其地東西八百里南
北三百里

隋漕國在葱嶺西南其王姓昭武康國之宗族唐屬賓隋漕國也居葱嶺南距
京師萬一千里南距舍衛三千里王居修鮮城地暑濕人乘象俗治浮圖法傳
十二顯慶二年以其地爲修鮮州天寶四年册其君爲屬賓烏萇王

附小勃律

小勃律距京師九千里而羸東八百里屬烏萇東南三百里大勃律北五百里
當護密之娑勒城王居孽多城臨娑夷水開元初以其地爲綏遠軍國迫吐蕃

數為所困吐蕃曰我非謀爾假國道攻四鎮爾久之奪其五城其王沒謹忙求
 救北庭節度張孝嵩遣疏勒副使張思禮倍道出兵大破吐蕃復其城詔册為
 小勃律王沒謹忙之孫蘇失利之立為吐蕃陰誘妻以女故西北二十餘國皆
 臣吐蕃安西都護三討之無功天寶六載詔副都護高仙芝伐之遣將軍席元
 慶馳騎見蘇失利之曰請假道趨大勃律城中大酋五六皆吐蕃腹心元慶出
 詔書召慰賜繒綵縛酋領蘇失利之挾妻走仙芝軍至斬為吐蕃斷婆夷橋
婆夷河弱水也橋長度一是暮吐蕃至能救仙芝約王降遂平其國於是拂赫大食
諸胡七十二國咸震恐歸附執小勃律王及妻歸京師詔改其國號歸仁置歸
 仁軍以軍千人鎮之

疏勒

漢疏勒今喀什噶爾

治疏勒城東至都護治所二千二百里南至莎車五百六十里

有列市西當大月大宛康居氏道

後漢西域記去長史居千里東北經尉頭温宿姑墨龜茲至焉耆魏書南有黃河西帶葱嶺亦名雪山在國西北

龜餘里河所出東去百茲一千五百里 明帝永平中龜茲王建攻殺疏勒王自以龜茲左侯兜題爲疏

勒王明年春班超問道至疏勒去兜題所居槃橐城九十里遣吏士田慮往諭慮到兜題無降意慮因其無備遂劫縛之超召疏勒將吏說以龜茲無道之狀因立其故王兄子忠爲王遣兜題還龜茲疏勒由是與龜茲結怨十七年焉耆攻沒都護陳睦而龜茲姑墨發兵攻疏勒超守槃橐城與忠相首尾肅宗即位徵還班超超將發疏勒都尉葺犁曰漢使棄我我必爲龜茲所滅以刃自刎至于窶王侯以下皆號泣抱超馬脚不得行超亦欲遂其本志乃還疏勒疏勒兩城自超去後復降龜茲而與尉頭連兵超捕斬反者擊破尉頭殺六百餘人疏勒復安元初中疏勒王安國以舅臣磐有罪徙於月氏月氏親愛之安國死無子臣磐聞之請於月氏月氏乃遣還疏勒立爲王後勒車連畔于窶屬疏勒疏勒以強故得與龜茲于窶爲敵國焉永建初漢拜臣磐爲大都尉建寧二年爲其季父和得射殺和得自立明年戊己司馬曹寬西域長史張晏將諸國兵

攻楨中城四十餘日不能下其後連相殺害漢不能復禁已後魏復通中國文
 成之末遣使貢佛衣燒之三日不然其王帶金獅子冠每歲常供于突厥國內
 有大城十二小城數十勝兵二千人地多沙磧少土壤俗尚詭詐其人文身碧
 瞳唐曰佉沙國治迦師城王姓裴氏自號阿摩支突厥以女妻之貞觀九年內
 附遂置疏勒都督府領州十五為安西四鎮之一儀鳳時吐蕃破其國開元
 十六年復册其君安定為疏勒王五代及宋于竇通而疏勒無聞焉案宋季輝和爾國統
有疏勒莎車境地

依耐

漢依耐今喀什噶爾南英噶薩爾境 東北至都護治所二千七百三十里東至莎車五百四十

里西至無雷五百里北至疏勒六百五十里南與子合接寄田疏勒莎車案後漢不

著其名當為莎車所併

無雷

漢無雷今阿喇楚勒

治廬城東北至都護所治二千四百六十里南至蒲犁五百四

十里南與柘烏北與捐毒西與大月氏接

北魏鉢和在渴槃陀西其土寒人畜穴地而處有大雪山望若銀鋒有两道一道西行向噦噠一道西南趨烏菴亦爲噦噠所統

唐護密或曰達摩悉鐵即魏所謂鉢和者王居塞伽審城北臨烏濟河橫一千

六百里縱狹纔四五里堆阜曲折沙石流漫顯慶時以其地爲烏飛州

西域記稱波繼羅川

地當四鎮入吐火羅道故役屬吐蕃有連雲堡下據娑勒川南直小勃律五百里天寶初吐蕃以兵戍其城高仙芝分軍三道下勃律先破之

識匿

唐識匿東南直京師九千里東南史少南字五百里距葱嶺守捉南三百里屬護密

西北五百里抵俱密初治苦汗城後散居山谷有大谷五酋長自爲治謂之五識匿天寶初請絕吐蕃賜鐵券

難兜

漢難兜今葉什勒庫勒淖爾東北至都護治所 千 百五十里西東字之訛至無雷二百四十

里西南至屬賓三百三十里南與 北與休循西與大月氏接

北魏波知在鉢和西南土狹人貧依託山谷其王不能總攝有三池傳云大池有龍王次者有龍婦小者有龍子行人經之設祭乃得過不則遇風雪之困唐波知屬月氏去長安萬一百里

附大夏

大夏自漢通中國尙能自立於西域諸國之間至三國時大夏爲大月氏所屬月氏與烏孫疏勒歲復來貢如漢故事

北魏大月氏在弗敵沙西相去七百里北與蠕蠕接數爲所侵徙都薄羅城去弗敵沙千一百里小月氏在波路即波知西南城東十里有佛塔所謂百丈浮圖本大月氏王寄多羅子城也月氏爲蠕蠕所逐西徙令寄多羅守此城號小月

氏去代萬一千二百里噠自金山而南在于闐之西都烏濟河之南二百里
本滑國王姓噠後之子孫以姓爲國又訛爲悒悒俗同吐呼羅隋大業中貢
方物其國去曹國一千五百里東去瓜州五千八百里

其本原或云是車師種或云高車別種韋節西蕃記云親

問其國人並稱挹闐按漢書陳湯征鄯支康居副王挹闐抄其後種重此或康居之種類然傳自遼國夷語訛舛年代繇邈莫知根實不可得而辨也

吐呼羅東至范陽國西至悉萬斤相去二千里南至連山不知名北至波斯國
城南有大水西流名漢樓河

唐吐火羅或曰吐豁羅元魏所謂吐呼羅者居葱嶺西烏濟河之南古大夏地
與悒悒雜居永徽中以其地阿綬城爲月氏都督府析小城爲二十四州拜其
王爲都督天寶間册其君爲吐火羅葉護悒悒王乾元初與西城九國發兵爲
天子討賊肅宗詔隸朔方行營

捐毒 音篤

漢捐毒 今烏魯阿勒特

治衍敦谷東至都護治所二千八百里南至疏勒與葱嶺相屬

無人民西上葱嶺則休循也北與烏孫接衣服類烏孫隨俗逐水草依葱嶺木

塞種也

捐青即身毒漢書注李奇曰一名天篤則浮圖胡也師古曰即敬佛道者通考昔匈奴破大月氏大月氏西居大夏而塞王南居罽賓塞種分散往往為數國自疏勒以西北休循捐毒

之屬皆故塞種也

後漢天竺即身毒在大月氏東俗與月氏同修浮圖道不事殺伐遂以成俗

天案

竺在葱嶺西南幾二千里蓋自塞王為月氏所擊遂南越懸度山居罽賓後世其教漸盛拓地三萬里分東西南北中五天竺或曰摩伽佗曰婆羅門國中多佛跡其先則為漢身毒也

休循

漢休循東至都護治所二千八百里東去疏勒千里南與難兜西與大宛接三

國曰休循國為月氏所併北魏破洛羅那故大宛國也都貢山城在疏勒西北

唐撥汗一作叛汗

元魏時所謂破洛那者居西鍵城在真珠河之北姓昭武東去疏

勒千里西北去石國五百里東去瓜州五千五百里其王自晉魏相承不絕顯

慶三年以克鞞城為休循州開元中助平吐火仙冊拜奉化州天寶中改其國

曰寧遠其事唐最謹

附康居

漢康居東至都護治所 千五百里東與大宛西與粟弋伊接魏者舌故康居國在破洛那西北去代萬 千里隋康國大業中來朝貢其王姓溫月氏人也舊居祁連山昭武城自爲匈奴所破西徙葱嶺遂有此國支庶皆爲王其左右米曹安史何石那色波烏那曷穆凡九國並以昭武爲姓唐康國元魏所謂悉萬斤者其南距史五百里西北距西曹百餘里東南屬米百里在那密水南世謂九姓其俗尙浮圖法治祆神永徽時以其地爲康居都督府東曹居波悉山之陰漢貳師城也東北距俱戰提二里北至石西至康東至寧遠皆四百里許南至吐火羅五百里有夜叉城

史或曰佉沙居獨莫水南康居小王蘇薤城故地西北一百五十里距那色波北二百里屬米南四百吐火羅也有鐵門山左右巉峭石色如鐵爲關以限二國以金錮闔城有神祠每祭必千羊用兵類先禱乃行隋大業中始通中國顯

慶時以其地爲佉沙州 小史居吐火羅故地東阨葱嶺西接波斯

大食

大食本波斯國隋大業中有桀黠者因獸言詭衆哀亡命於恒曷水劫商旅保西鄙自王國人往討之皆敗還於是遂強唐永徽二年始遣使來朝自言王大食氏有國三十四年傳二世國與吐火羅康接直葱嶺西龍朔中并波斯破拂林勝兵至四十萬康石皆往臣之開元時中屢遣使貢方物使者謁見不拜有司將劾之使者辭曰國人止拜天見王無拜也有司切責乃拜始稱白衣大食自阿蒲羅拔之後謂之黑衣大食或言大食自孤列之後世爲酋長號白衣大食族有二姓一曰益尼二曰奚深益泥種有摩訶末者勇而智衆立爲主關地三千里傳十四世至末換殺其兄自立下怨其忍有呼羅珊木鹿人並悉波林將討之狗衆曰助我者皆黑衣俄而衆數萬即殺末換求奚深種阿蒲羅拔爲主更號黑衣大食國中男子鼻高黑而髻女子白皙出輒障面日五拜天神

不飲酒舉樂有禮堂容數百人率七日王高坐爲下說法俗勇於鬪暴斂諸國
開元末石國王伊擦吐屯上言今突厥已屬天可汗惟大食爲諸國患請討
之天子不許天寶六年安西節度使高仙芝兵至勃律斷娑夷橋以絕吐蕃諸
胡降附大食六國皆遣使入朝乃封爲王又二年仙芝襲石國王王子乞師大
食連兵攻四鎮仙芝深入爲大食所敗時已徙葱嶺以東六國者曰都盤日陀
拔斯曰阿沒曰羅刹支曰沙蘭曰怛滿怛滿居烏濟河之北平川中獸多獅子
其西北與史接以鐵門爲限大食西南與烏菴東鄙接代宗朝常取其兵平兩
京貞元中吐蕃陷北庭安西黑衣大食時與相攻吐蕃歲西師故鮮邊患而安
西以西悉爲黑衣大食所并已五代時未嘗與中國通契丹服屬回鶻踰流
沙盡取西鄙諸部大食亦爲其屬國軍宋乾德四年僧行勒奉命往西域因賜
其王書以招懷之太平興國二年大食國遣使貢方物其從者目深體黑世謂
之崑崙奴始而入貢路由沙州涉夏國抵秦州乾興初西夏趙德明請道其國

中不許天聖元年入貢恐為西人鈔略乃詔自今取海路由廣州至京師其部屬又各異名有勿巡陀婆離俞盧和麻囉拔等國悉皆冠以大食宣和中遼亡有林牙達什者西奔大食地自立號西遼服屬諸胡始有回回大食之名西遼建國幾九十年嶺北奈曼部楚察里襲之又九年元太祖攻克塔什罕城滅奈曼遂征回回塔爾寨擒其主瑪里可汗乃定西域元初征回回曰十二城曰二十四城然皆易以蒙古語固無史臣紀實世祖大一統悉以諸王駙馬統之史策概弗詳焉元本紀太祖十五年克蒲華城夏克等尋斯干城太宗十一年莽賚扣率師圍阿蘇默爾奇城三月拔之十二年庫由克克禾下諸城至元十一年立于闐鴉爾看兩城水驛十二夏四月詔慰幹端鴉爾看合失合兜等城

賽瑪爾堪

明賽瑪爾堪舊音撒馬兒罕今遵欽定驛音改正即回回大食國今屬喀什噶爾境其舊城方位莫可指實明史即漢屬賓誤也元太祖

平西域始有賽瑪爾堪之名元史作撒麻耳干元末為之王者駙馬特穆爾也太祖欲通

西域屢遣使招諭遐方君長未有至者二十年四月特穆爾始遣回回滿刺

哈非思等來朝貢馬元時回回徧天下及是居甘肅者尙多詔遣還之於是歸
賽瑪爾堪者千二百餘人帝遣傅安等至其國被留令人導安徧歷諸國以誇
其廣大至永樂五年始還特穆爾死其孫哈里嗣天順成化間其長稱瑣魯檀
猶蒙古稱可汗迄萬歷中朝貢不絕其國東西三千餘里地寬平土壤膏腴王
所居城廣十餘里民居稠密西南諸蕃之貨皆聚于此號爲富饒城東北有土
屋爲拜天之所規制精巧柱用青石雕爲花文中設講經之堂用泥金書經裏
以羊皮俗禁酒人物秀美工巧過于哈烈今葱嶺西回部而風俗土產多與之同其旁
近東有沙鹿哈雅塔什罕賽籃養夷西有碣石迭里密諸部落皆役屬焉

喀什噶爾

喀什噶爾

舊音可失合兒今遵欽定譯音改正

西域小部落耳永樂六年李達等資冊往賜即受命

十二年遣使隨白阿爾怡臺入貢方物天順七年命劉福普賢使其地其貢使
亦不常至

迭里迷

迭里迷在賽瑪爾堪西南有新舊二城相去十餘里其酋長居新城城內外居民僅數百家蓄牧蕃息城在阿尤河東多魚河東地隸賽瑪爾堪西多蘆林產獅子陳誠李達嘗使其地

渴石

渴石在賽瑪爾堪西南三百六十里城居大村周圍十餘里宮室壯麗堂以玉石爲柱墻壁窻牖盡飾金碧琉璃其先賽瑪爾堪酋長駙馬特穆爾居之城外皆水田東南近山多園林西行十餘里饒奇水又西三百里大山屹立中有石峽兩崖如斧劈行二三里出峽口有石門色似鐵路通東西番人號爲鐵門關設兵守之

城郭記下

天山北路

車師後國

漢車師後國今阜康縣境

治務塗谷

唐謂浮圖城務塗音之轉訛也

西南至都護治所一千二百三十

里武帝破姑師始分置其國戶六百北與匈奴接叛服不常平帝元始中車師後王國有新道出五船北通玉關往來差近戊己校尉徐普欲開道以省道里

避白龍堆之厄車師後王姑句音鈞

以道當為挂置心不便也

師古曰挂者支挂也言有所置立而支挂

於己故心不便也劉廠曰挂置猶言儲備

地又頗與匈奴南將軍接普欲分明其界召姑句使證之不

肯擊之姑句與其妻謀遂馳突出高昌壁

車師前王地

入匈奴又去胡來王唐兜國

比大種赤水羌數相鬪告急都護但欽不以時救唐兜怨欽東守玉門關不訥即將妻子亡降匈奴單于受之遣送到國漢使以聞帝怒命會西域諾函斬以

示之建國二年車師後王須置離復謀降匈奴都護但欽收斬之其弟狐蘭支復將二千人亡入匈奴時王莽易單于璽單于怒遂受狐蘭支降遣兵共擊車師殺後成長車師小國傷都護司馬戊己校尉刁護遣陳良屯桓且谷備匈奴寇自後良等謀殺刁護蓋協校尉吏士降南將軍而匈奴大寇北邊西域亦瓦解建武中皆遣使求內屬願請都護光武不許諸國更相攻伐郁立單桓狐胡烏貪訾離爲車師所滅永平十七年夏漢詔竇固耿秉合兵出白山擊車師後王時前王即後王之子其廷相去五百餘里固以後王道遠山谷深士卒寒苦欲攻前王秉議先赴後王以爲并力根本則前王自服乃奮身引兵先入衆軍並進後王安得震怖從數百騎出迎其前王亦歸命漢始置戊己校尉以耿恭爲戊己校尉屯後部金蒲城前漢書金蒲城後漢書金蒲城案金蒲即金滿今口口府屬之濟木薩境明年三月匈奴左谷蠡王擊車師殺後王安得進攻金蒲城恭以疏勒城傍有水可圍乃引兵據之七月匈奴來攻圍疏勒城案疏勒城即後王所屬當附近金蒲城城名疏勒與疏勒國無涉舊史皆指屬疏勒國誤遂於城下擁絕澗水

城中渴乏穿井十五丈不得水恭整衣冠拜井拔刀刺山飛泉湧出恭以示賊

賊驚退其冬車師亦叛與匈奴共攻恭恭厲衆擊走之

後漢書後王夫人先世漢人常私以虜情告恭又給以糧

餉數月食盡糞鏝努食其筋革恭推誠同死生士無二心而稍稍死亡匈奴知恭困遣使招恭降恭誘其使上城手擊殺之

建元初年敦煌太守段彭等

率兵擊柳中北虜驚走時關寵已沒諸將欲引兵還諸羌固請乃分兵二千人從山北迎恭遇大雪軍僅能至城中恭隨俱歸發疏勒時尙有二十六人隨後死沒三月至玉門唯十三人自是迎還戊己校尉和帝永元二年竇憲擊北匈奴車師震懼前後王復遣子入侍明年置戊己部候居車師後部八年長史王林發兵討後部王涿鞮涿鞮入匈奴漢軍迎擊斬之乃立涿鞮弟農奇爲王元初六年長史索班屯伊吾數月匈奴率車師後王軍就攻沒班等繼又叛殺後部司馬司馬即屬戊己校尉所統也延光四年班勇發鄯善諸國兵擊捕軍就及匈奴使者將至索班沒虎斬之率農奇子加特奴及八滑等擊破呼衍王於是立加特奴爲後王八滑爲後部親漢侯冬單于自將萬騎入後部至金且谷司馬曹俊救之

單于引去陽嘉初加特奴擊北匈奴於閩吾陸谷自是車師無復虜跡永興二
 年後部阿羅多與戊部侯嚴皓不相得遂叛攻嚴屯田且固城殺傷吏士後部
 侯炭遮領餘人叛阿羅多詣漢吏降阿羅多卒百餘騎亡走北匈奴中漢立故
 王軍就質子卑君為後部王阿羅多復從匈奴中還與卑君爭國戊己校尉閻詳
 慮其招引北虜乃許復為王阿羅多詣詳降於是更立阿羅多仍將卑君還敦
 煌以後部人三百帳帳猶戶數也別役屬之案西域古蹟惟李廣利懸泉及耿恭拜井為最著拜
 井一條如一統志元和志皆載入疏勒國疏勒今喀
什噶爾皆彙集車師後部事始悟恭為戊己校尉守車師後國未曾到疏勒拜井在疏勒城城雖名疏
 勒實屬車師後國之地就耿恭傳後王夫人常以虜情告恭又給以糧餉旬後王夫人豈有越數千里而
 告之給之耶 羗從山北迎恭恭拜疏勒城疏勒國豈在山北邪正月
 疏勒城回三月即至玉門正與今迪化至敦煌行期亦合因附記之

烏貪訾離欽定西域圖志烏貪訾離
與今烏魯木齊音猶相近

漢烏貪訾離國治于婁谷今特納格爾在
阜康縣西北西南居都護治所一千二百里東與單

桓南與具彌西與烏孫接蒲類木東陞其王茲力支降都護分車師後王之西
 為烏貪訾離地以居之單桓國在東南戶二十七

西蒲類

漢西蒲類今迪化州竟治天山西天山指今博克達鄂拉踰疏榆谷在卑陸且彌西西南至都護

治所一千三百八十里後漢書東南去長史居一千一百二十里廬帳而居逐水草頗知田作蒲類本

大國也前西域屬匈奴而其王得罪單于單于徙蒲類人六千餘口內之匈奴

右部阿惡地因號曰阿惡國南去車師馬行 十餘日人口貧羸逃亡山谷間

故留為國又西二百六十里其後國也三國時謂之蒲陸後國今昌吉縣境

案天山山脈自葱嶺西來聯屬不斷至托克喇鄂拉勢若停蓄折而北行南北迤邐百餘里是為博克達鄂拉漢書於西蒲類曰天山里於且彌曰天山東天山者蓋指今博克達鄂拉言也

移支

後漢移支國居蒲類地今綏來縣境戶千餘其人勇猛敢戰以寇抄為事皆披髮隨

畜逐水草不知田作所出皆與蒲類同

東蒲類

漢東蒲類國今鎮西廳境屬匈奴右賢王地有蒲類澤師古曰近蒲類國去長安六千餘里案蒲類澤今巴爾庫勒淖爾舊音巴

下

里宣帝本始中五將出塞以趙充國為蒲類將軍應劭曰諸將分部充國當與烏

孫合擊匈奴蒲類澤烏孫先期至而至漢兵不與相及充國出塞一千八百里

西 侯山斬首捕虜得裨陰匈奴傳王以下八百餘級又三年常惠將兵與烏

孫入匈奴右地於是蒲類王得罪單于單于怒徙之阿惡地而茲力支者降漢

都護都護居之後王之西後漢稱蒲類既遷匈奴呼衍王入居其地後漢永平

中寶固至天山擊呼衍王章懷太子曰天山在今西州交河縣東北呼衍王走追至蒲類海章懷太子曰蒲

蒲昌縣東南一名婆悉海案婆悉海即蒲昌海唐蒲昌縣因海以名在交河之南蒲類海在天山北章懷注誤明年破白山虜遂降車師耿秉傳乘

山擊車師後王又班超傳命將師擊右地破白山山臨蒲類取車師城郭諸國遂開西域置都護永元三年寶憲復出河西會北單于為

南匈奴所破被創遁走憲追至私渠海而還憲以北虜微弱欲滅之復遣耿

夔為大將軍將精騎八百出居延塞甘肅志居延海在張掖東北一千五百里新唐

海元志亦集乃路在甘肅州北一千五百里城東志合犁山傍河東北行千里有寧寇軍軍東北有居延直奔北單于金微山大破之單于與

數騎脫亡右鹿蠡王於除鞬復自立為單于衆八部二萬餘人來居蒲類海上

遣使款塞帝以耿夔爲中郎將持節衛護之陽嘉中北匈奴呼衍王侵車師後

郭敦煌太守發諸國兵及玉門關侯伊吾司馬合騎掩擊北虜於勒山後漢西域傳索班已

沒敦煌太守張常上言北虜呼衍王常展轉蒲類秦海之間專制西域今以酒泉屬國漢軍不利

吏士二千餘人集昆崙塞先擊呼衍王絕其根本因發鄯善兵脇車師後王此上記也

秋呼衍王復攻車師後部破之桓帝元嘉元年呼衍王寇伊吾伊吾司馬毛愷

遣五百人於蒲類海東與戰悉爲所沒遂進攻伊吾屯城敦煌太守馬達將敦

煌酒泉屬國吏士四千餘人救之出塞至蒲類海呼衍王聞而引兵去自後無

烏孫

漢烏孫大昆彌治赤谷城漢書溫宿傳西北至烏孫赤谷六百里案赤谷今伊犁西呼巴海達巴東至都護治所千七百

二十里西至康居蕃內地五千里師古曰居音集案康居今哈薩克地莽平多雨寒山多松栴田

作種樹隨俗逐水草與匈奴同俗國多馬民剛惡無信多寇盜最爲強國故服

匈奴師古曰故謂其舊時也東與匈奴西北與康居西與大宛南與城郭諸國相接本塞地

也師古曰塞即釋後世音重而義同大月氏案月氏本居敦煌南西破走塞王塞王南越縣度西域山名大月氏居

其地後烏孫昆莫擊破大月氏大月氏西臣大月而烏孫昆莫居之故烏孫民有塞種有大月氏種云始張騫言烏孫本與大月氏共在敦煌間今烏孫雖疆大可厚賂招令東居故地妻以公主與為昆弟以制匈奴武帝即位令騫齎金帛往時昆莫有十餘子中子大祿彊善將將萬騎別居太子子曰岑陬太子早死以岑陬為太子昆莫與萬餘騎亦令別居國分為三大總羈縻昆莫騫既致賜諭旨烏孫皆不願從乃發使遣騫報謝匈奴聞其與漢通怒欲擊之烏孫於是恐使使獻馬願得尚漢公主為昆弟元封中遣江都王建女細君為公主以妻焉公主至其國別治宮室而居歲時一再與昆莫會昆莫年老語言不通公主悲愁自作歌以述意歌曰吾家嫁我天一方遠託異國兮烏孫王穹廬為室兮旃為牆以肉為食兮酪為漿天子聞而憐之昆莫欲使其孫岑陬尚公主上書言狀天子報曰從其國俗欲與烏孫共擊胡岑陬遂妻公主公主死漢又

以楚王戍之孫鮮憂爲公主妻之岑陬死胡婦子泥靡尙小以國與大祿子翁歸靡曰泥靡大以國歸之翁歸靡號肥王復尙解憂公主公主生三男長元貴靡次萬年次大樂宣帝初匈奴連發大兵侵擊烏孫取車延惡師地收人民去使使謂烏孫趣持公主來欲隔絕漢昆彌上言欲發國中精兵自給人馬五萬擊匈奴漢使五將軍分道並出遣校尉常惠持節護烏孫兵昆彌從西入至匈奴右谷蠡王庭獲四萬級元康二年烏孫上言願以漢外孫元貴靡爲嗣會翁歸靡死國人共立岑陬子泥靡爲昆彌號狂王復尙解憂公主生一子鴟靡不與主和又暴惡失衆漢使衛司馬魏和意副候任昌送子侍公主公主言狂王爲烏孫所患苦易誅也遂謀置酒會罷使壯士拔劍擊之劍旁下狂王傷上馬馳去其子會兵圍和意昌及公主於赤谷城數月都護鄭吉發諸國兵救之乃解去烏就屠翁歸靡胡婦子狂王傷時驚與諸翁候俱去居北山中衆皆歸之後遂襲殺狂王自爲昆彌漢遣辛武賢將兵至敦煌遣使者案行表穿卑鞬候井以西

孟康曰井大道渠也下流湧出在白龍堆東土山下欲通渠轉穀積居廬倉以討之烏就屠恐願得小號詔令

詣長羅候赤谷城遂立元貴靡

公主子初不得立者

爲大昆彌烏就屠爲小昆靡皆賜印綬

烏就屠不盡歸諸翎候民衆復遣長羅候惠將三校屯赤谷因爲分別其民人地界然衆心皆附和小昆彌元貴靡鴟靡皆死公主上言年老土思願得歸骸骨葬漢地天子憫而迎之時甘露三年也元貴靡子星靡代爲大昆彌星靡死子雌栗靡代立小昆彌烏就屠子拊離立爲弟日貳殺之漢遣使者立拊離子安日爲昆彌日貳亡阻康居漢徙戊己校尉屯姑墨欲侯便討焉元壽二年伊秩摩同匈奴單于入朝自烏孫分立二昆彌後漢用憂勞且無寧歲魏興烏孫歲朝貢自車師後王轉西北於烏孫本國無增損也晉代聲教弗及後魏太延初散騎侍郎董琬等出鄯善過九國北行至烏孫其王得朝廷所賜拜受甚悅使琬等往破洛那者舌烏孫王爲發導譯達二國其後每使朝貢蠕蠕數侵迫烏孫於是西徙葱嶺山中

匈奴

漢匈奴夏后氏之裔曰涇維殷時奔北方至周末七國時與燕趙秦爲隣趙王

使李牧備匈奴始皇使蒙恬將數十萬衆北擊胡悉逐出塞收河南地渡河以

陰山爲塞築四十四縣城臨河徙謫戍以充之自九原至雲陽因邊山險塹谿

谷可繕者繕之起臨洮至遼東萬餘里匈奴世傳不可得考至冒頓宋祁曰冒音

音突而匈奴最強大盡服從北夷而南與諸夏爲敵國單于姓孛鞮氏謂賢曰屠

耆故常以太子爲屠耆王左王將居東方直上谷以東右王將居西方直上谷

以西延安藏寧郡之西而單于庭直代雲中匈奴父子同穹廬臥父死妻其後母兄弟

死盡妻其妻無寇帶之飾闕庭之禮逐水草遷徙無城郭耕田之業然亦各有

分地左右賢王左右谷蠡師古曰谷音最大其貴族則有蘭氏須卜氏呼衍氏

師古曰今鮮卑有姓呼延者是歲正月諸長少會單于庭祠天五月大會龍城在朔方祭其先天

地鬼神秋馬肥大會蹕林課校人畜單于朝出營拜日之始生夕拜月其坐尙

左而北向日上戊己高祖愚冒頓乃使劉敬奉宗室女翁主爲單于闕氏

師古曰翁

主諸王女言其父自主婚闕氏單于妻之號也音煙脂

約爲兄弟以和親文帝即位三年右賢王入居河南地

爲寇詔發車邊吏車騎八萬擊之右賢王走出塞帝幸太原歸罷擊胡之兵明

年單于上言今以小吏之敗約故罰右賢王使至西方夷滅月氏

師古曰氏音支

明

蘭烏孫呼揭及其旁二十六國皆已與匈奴諸引弓之民并爲一家北州以定願寢兵休士求和親養馬復故約以安邊民以應古始書至公卿議和親甚便漢許之會冒頓死子稽粥米號爲老上單于復遣宗人女爲翁主爲單于闕氏孝文末軍臣單于立復絕和親漢使三將軍軍長安西細柳渭北棘門霸上以備胡寇景帝復與和親時時小入寇邊故無大寇武帝即位匈奴自單于以下皆親漢往來長城下馬邑軍後匈奴侵盜漁陽鴈門衛青出雲中以西至隴西擊取胡之樓煩白羊王於河南於是漢遂取河南地築朔方復繕故秦時蒙恬所爲塞因河以爲固時元朔三年也其後復侵朔方青將六將軍出朔方高闕

師古曰山名也一曰塞名在朔方之北

出塞七百里夜圍右賢王右賢王逃亡明年再出定襄擊之

而前將軍趙信失利降匈奴元狩二年春漢使霍去病將萬騎出隴西過馬支

山千餘里得休屠王祭天金人

孟陽曰匈奴祭天處本在雲陽甘泉山下秦擊取其地西夏從休屠右地故休屠有祭天金人像也師古曰即今佛像

復與合騎侯出隴西北地二千里過車延

漢帝紀武帝使伏波將軍路博德築遮虜障於居延城章懷太子曰居延匈奴中地名韋昭以

爲張掖縣失之居延縣者以所獲居延人而置此縣

攻祁連山

師古曰即天山匈奴稱天曰祈連

得胡虜二萬級裨小王以上十

餘人其秋單于怒昆邪王屠休王居西方爲漢所殺虜數萬人欲召誅之昆邪

休屠恐謀降漢漢使票騎將軍迎之昆邪殺休屠並將其衆降漢漢徙關東貧

民處所奪匈奴河南地新秦中以實之而滅地以西戍卒半元封中匈奴求和

親漢使楊信使於匈奴時西置酒泉郡以隔絕胡與羌通路又西通月氏大夏

以公主妻烏孫王以分匈奴西方之援又北益廣田至眩雷爲塞

服虔曰眩雷在烏孫北也眩音

郡都之縣

自是匈奴單于益西北左方兵入雲中右方兵直酒泉敦煌太初三年匈

奴使右賢王入酒泉張掖會任文擊救盡失其所得而去貳師破大宛還單于

欲追之不敢時且鞮侯單于初立恐漢襲之盡歸漢使之不降者路充國等於

漢漢遣中郎將蘇武厚幣賂遺單于而單于益驕非漢所望也明年使貳師將

二萬騎出酒泉擊右賢王於天山今哈密北山得首虜萬級而還使騎都尉李陵將

步兵五千人出居延北千餘里與單于合戰陵所殺傷萬餘人兵食盡欲歸單

于圍陵降匈奴其兵得脫歸漢者四百人單于乃貴陵妻以其女且鞮立五

年死其子狐鹿姑單于立時太始元年也征利三年匈奴入五原酒泉殺兩部

都尉漢遣貳師等出塞匈奴使大將與李陵三萬騎追漢軍至浚稽山今武威北合

轉戰九日至蒲奴水虜不利還去合重候軍至天山匈奴使偃渠與左右呼衍

王要漢兵見漢兵強引去是時漢恐車師兵遮重合侯西遣闔陵侯將兵別圍

車師盡得其王民衆而還二師將軍出塞匈奴使衛律要擊漢軍於夫羊句山

狹二師遺屬國胡騎二千與戰虜兵壞散漢軍乘勝迫北至范夫人城應劭曰本漢將築此

城將亡其妻率餘衆完固之因以爲名或云范氏能胡詛者匈奴莫敢拒會二師妻子坐巫蠱收聞之憂懼欲深入

要功遂北度郅居水單于自將五萬要遮貳師貳師軍敗降單于素知其漢大將貴臣以女妻之尊寵在衛律上貳師在匈奴歲餘衛律害其寵會母闕氏病律飭胡巫言先單于怒曰胡故時祠兵常言得貳師以社今何故不用於是收貳師屠之會連雨雪數月畜產死人民疫病穀稼不熟單于恐爲貳師立祠室自貳師沒後武帝不復出兵昭帝始元初壺衍鞮單于立右賢王以谷蠡王以不得立怨望欲南歸漢恐不能自致即脇右賢王盧屠王欲與西接烏孫共擊單于盧屠王告之單于使人驗問右谷蠡不服反以其罪罪盧屠國人皆寃之於是二王去居其所未嘗肯會龍城師古曰各居其本處不復會龍城祭三年單于歸漢使不降者蘇武馬宏等以通善意時匈奴困于兵欲以漸致和親漢亦羈縻之又明年右谷蠡王死單于使犁汗王窺邊言酒泉張掖兵益弱出兵試擊冀可復得其地時漢先得降者聞其計天子詔邊警備無幾石賢王犁汗人日勒屋蘭番利師古曰皆張掖縣地番音盤張右太守屬國都尉發兵大破之匈奴寇邊少利又以兵擊烏孫取

車廷惡師地宣帝即位烏孫昆彌上書言連年爲匈奴所侵削願發國半精兵盡力擊匈奴惟天子出兵哀救公主本始二年漢遣祁連將軍田廣出西河度遼將軍范明友出張掖前將軍韓增出雲中後將軍趙充國爲蒲類將軍出酒泉雲中太守田順爲虎牙將軍出五原五將軍兵十餘萬騎出塞各二千餘里校尉常惠使護發兵西域烏孫昆彌亦自將五萬騎從西入匈奴聞漢兵已大出老弱奔走驅畜產遠遁蒲類將軍當與烏孫合擊蒲類澤烏孫先期至而去漢兵不與相擊及將軍出塞一千八百里捕虜得蒲陰王以下三百餘級虜皆引去其冬單于親擊烏孫頗得老弱欲還會天大雨雪深丈餘人畜凍死回者不能什一於是丁零乘弱攻其北烏桓入其東烏孫擊其西國大虛弱邊境省事矣壺衍鞬立十七年死其弟立爲虛閭權渠單于是歲地節二年也明年西域城郭諸國共擊匈奴取車師國得其王人衆而去單于復以車師王昆弟兜莫爲車師王收其人民東徙不敢居故地而漢益遣屯士分田車師以實之又明

年匈奴遣左右大將屯田右地欲以師侵迫烏孫西域後二歲遣左右奧鞬再擊漢之田車師城者不能下神爵二年單于死左大且渠謀立右賢王屠耆堂爲握衍胸鞬單于虛閭權渠子稽侯狁旣不得立亡歸妻父烏禪幕烏禪幕者烏孫康居間小國數見侵暴率其衆降匈奴狐鹿姑單于以其弟子日逐王先賢掾姊妻之俾長其衆居右地日逐與握衍胸鞬有隙率數萬騎歸漢封日逐王爲歸德侯單于更立其從兄薄胥堂爲日逐王明年單于又殺先賢掾兩弟烏禪幕請之不聽心恚單于旣立二年國中不附其明年烏桓擊匈奴東邊姑息王頗得人民單于怒姑息王恐即與烏禪幕及左地貴人共立稽侯狁爲呼韓邪單于發左地兵西擊至姑且水北握衍胸鞬兵敗走使人報其弟右賢王曰若不愛人殺昆弟若處母來汗我單于恚自殺左大且渠亡之右賢王所是歲神爵四年也其後有曰屠耆曰呼揭曰車犁曰烏藉凡五單于並立旣而車犁烏藉爲屠耆所擊敗烏藉呼揭皆去單于號其尊車犁單于屠耆擊車犁車犁

敗走其明年呼韓邪擊屠耆屠耆兵敗自殺子右谷蠡亡歸漢車犁東走呼韓邪李陵子復立烏藉都尉爲單于呼韓邪捕斬之於是復都單于庭屠耆從弟休循王殺左大且渠並其兵至右地自立爲閏振單于在西邊呼韓邪兄呼屠吾斯亦自立爲郅支骨都侯單于在東邊後二年閏振東擊郅支與戰殺之郅支遂進攻呼韓邪都單于庭呼韓邪敗走引衆南近塞遣子入侍郅支亦遣子入侍時甘露元年也又二年呼韓邪朝天子於甘泉宮寵以殊禮郅支以呼韓邪兵弱不能復自還即引其衆西欲攻定右地聞漢出兵穀助呼韓邪遂留居右地因北擊揭西破堅昆北降丁零數遣兵擊烏孫勝之堅昆東去單于庭七千里南去車師五千里郅支留都之元帝初郅支上書求侍子漢使谷吉送之郅支怨漢擁護呼韓邪潛殺谷吉而居不知其後呼韓邪歸北庭人衆稍稍歸之郅支自知負漢又恐呼韓邪襲擊會康居數爲烏孫所困欲倚匈奴取烏孫乃遣兵迎郅支郅支遂結兵詣康居都護甘延壽與副陳湯橋師古曰橋與矯同實不奉詔詐

以上命發兵 發戊己校尉屯田吏士及西域胡兵即康居斬之竟寧元年呼韓邪入

朝自言願增漢以自親元帝以後宮良家子王檣字昭君賜單于上書願保塞

上谷以西至敦煌傳之無窮平帝時王莽秉政會西域車師王姑句音鈞去

胡來王唐兜皆怨恨都護校尉將妻子人民亡降匈奴語在車師傳及莽之篡位也

遣五威將王駿往曉以受命代漢狀因易單于故印璽由是生又明年車師後

王降匈奴共殺戊己校尉刁護王莽怒於是大分匈奴爲十五單于初北邊自

宣帝以來數世不見烽火之警及莽擾亂匈奴與之構難邊民死亡係獲又十

二部兵久屯而不出吏士罷弊數年之間北邊空虛野有暴骨矣更始初匈奴

通使而單于驕倨自比冒頓數與虛芳共侵北邊吳漢等擊之經歲無功匈奴

左部漸復轉居塞內比者呼韓邪之孫烏珠留若鞮之子也建初二十二年蒲

奴比之從父弟立爲單于而比密遣漢人郭衡請河西太守求內附二十四年八部

大人共立比爲呼韓邪單于以其大父嘗依漢得安故襲其號於是款五原塞

願永爲番蔽光武用恥國議分立南北兩單于

東觀記曰十二月癸丑
匈奴治分爲中北單于 二十五年

遣左賢王莫將兵擊匈奴敗之匈奴震怖却地千里漢遣段彬等使南單于

立其庭

去五原西部塞八十里彬等反
命復詔聽南單于入居雲中

冬北匈奴來擊逆戰不利于是復詔南單于

徙居西河美稷南卑于亦列置諸部王助爲扞戍北地朔方五原雲中代郡雁門諸部皆領部衆爲郡縣偵羅耳目北單于惶恐頗還所掠漢人以示善意鈔兵每到南部下還過亭堠輒謝曰自擊亡虜輿鞬日逐耳非敢逆漢人也後北單于數遣使詣闕乞和親班彪曰今旣未獲助南則亦不宜絕北羈縻之意禮無不答詔彪立草告以前世呼韓邪郅支行事顯宗時北虜數寇鈔邊郡殺掠甚衆帝患之永平十六年遣諸將四道出塞征北匈奴南單于亦遣右賢王信從軍虜聞悉度漠去其冬入雲中遂至漁陽太守廉范擊却之建初八年北匈奴三木樓訾大人稽留斯等率二萬人款塞元和二年車利涿兵等亡來入塞凡七十三輩時北虜衰耗黨衆離畔南部攻其前丁零寇其後鮮卑擊其左西

域侵其右不復自立乃遠引而去章和二年鮮卑擊北匈奴大破之北庭大敗
斬優留單于取其匈奴皮而還章懷太子曰或云取其胸皮屈蘭等五十八部詣朔方北地降

永元中南單于求滅北庭以耿秉竇憲出朔方擊北匈奴單于遁走三年復爲
右校尉耿夔所破逃亡其弟右谷蠡王於除鞬自立將右溫禺鞬王骨侯己下
衆數千人止蒲類海遣使款塞竇憲請立於除鞬爲北單于袁安等以爲不可
朝廷不從帝遣耿夔即授璽綬賜劍具羽蓋使中郎將任尙持節衛護屯伊吾
如南單於故事方欲輔歸北庭會竇憲誅五年於除鞬自叛還遣將兵長史王
輔以千騎與任尙共追誘將還斬之破滅其衆元興元年北匈奴重遣使詣敦
煌貢獻辭以國貧未能備禮願請大使當遣子入侍時鄧太后臨朝亦不答其
使但加賜而已

鮮單

漢鮮單東胡之支別依鮮單山因號焉初亦爲冒頓所破遠竄遼東塞外與烏

桓相接建武二十二年鮮單與匈奴入遼東遼東太守祭彤擊破之斬獲殆盡
 二十五年鮮單始通驛使其後都護偏何等詣祭彤求自効功因令斬北匈奴
 三十年鮮單人於仇貴率種人來朝帝封於仇貴爲王永元中竇憲遣右校尉
 耿种擊匈奴北單于遁走鮮單因此轉徙據其他匈奴留者尙有十餘萬皆自
 號鮮單鮮單由此漸盛元初中鮮單一百二十部分處遼東遼西時匈奴南單
 于子逢侯率衆出塞漢兵不能追四年逢侯爲鮮單所破部衆皆歸之永寧九
 年遼西鮮單大人烏倫其至韃率衆詣鄧遵降詔封烏倫爲率衆王延光初其
 至韃分數道攻南匈奴於曼柏縣名屬五原郡奧韃日逐王戰死二年復寇高柳破南
 匈奴殺漸離王桓帝時檀石槐立乃建庭於彈汗山歆仇水去高柳北三百餘
 里東西部大人皆歸焉因南抄緣邊北掠丁零東劫扶餘西擊烏孫盡據匈奴
 故地時分地爲三部東接扶餘二十餘邑爲東部從右北平以西至上谷十餘
 邑爲中部上谷以西至敦煌接烏孫二十餘邑爲西部各置大人主之檀石槐

死子和連立和連死子騫曼年小兄子魁頭立後騫曼與魁頭爭國部衆遂離散魁頭死其弟步度根立魏文帝初步度根遣吏獻馬拜爲王數與軻比能相攻擊部衆稍弱將其衆萬餘落保太原鴈門郡黃初後一心守邊不爲寇軻比能本小部鮮卑初封爲附義王衆益強控弦數十萬然未能及檀石槐也明帝即位務欲綏和戎狄羈縻兩部青龍三年并州刺史王雄遣勇士刺殺比能更立其弟素利彌加厥機皆爲大人建安中貢獻通市皆表寵以爲王其後更相攻擊國亂離散如伏乞氏隴西鮮卑也秃髮氏河西鮮卑也慕容氏拓跋氏宇文氏皆別部鮮卑也

高車

高車初號爲狄歷北方以爲刺勒諸夏以爲高車丁零焉或云其先匈奴人也種有狄氏袁紇氏斛律氏解批氏異氏奇斤氏俗謂單于女爲狼妻而產子後遂滋繁故其人好引聲長歌有似狼嗥本無統率種各有君長黨類同心至於

寇難翕然相依婚姻用牛馬納聘俗無穀不作酒迎娶之日男女相將持馬酪熟肉即主人延賓亦無行位穹廬前叢坐飲宴終日其死亡葬送掘地作坎坐尸於中無異于生露坎不掩走馬遠旋多者數百市男女無大小皆集會之其遷徙隨水草衣皮食肉牛羊畜產盡與蠕蠕同惟車輪高大輻數至多後徙于陸渾海北一百餘里部落强大常與蠕蠕爲敵亦每侵盜於魏魏道武度弱洛水西行至陸渾海襲破之復討其餘種於狼山又自翬髮水西北徇略其部破其襍種三十餘部時蠕蠕社崙破敗轉徙廣漠之北侵入高車地掩殺其衆走脫者什之二三將軍伊謂北襲高車餘種袁紇烏頻破之太祖分散諸部惟高車以類粗獷不任使役故得別爲部落其後太祖征蠕蠕還至漠南聞高車東部在已尼陂相去千餘里遣騎襲破之降數十萬皆徙置漠南千里之地高宗時五部高車合聚祭天衆至數萬高車之族有十二姓先是副伏羅部爲蠕蠕所役屬社崙國部分散副伏羅氏阿伏至羅與從弟窮奇分部而立窮奇爲噉

嚙所殺阿伏至羅失衆心共殺之窮奇子彌俄突立遣使朝貢宣武詔扎曰嚙
嚙蠕蠕與吐谷渾所以交通者皆路由高昌特角相接今高昌內附遣迎引蠕
蠕既與吐谷渾往來路絕姦勢亦阻使今行途經由宜相供俟不得妄令羣小
擁塞彌俄突尋與蠕蠕主伏圖戰於蒲類海北今巴爾庫勒淖爾在鎮西府治西北爲伏圖所敗西
走三百餘里伏圖次子伊吾山北鎮西府南境初高昌請內徙世宗遣宗威迎之至
於伊吾伏圖見威軍怖而遁走彌俄突聞其駭散追擊大破之殺伏圖於蒲類
北海肅宗初彌俄突與蠕蠕主醜奴戰敗擒之擊其兩脚於馬上頓曳殺之漆
其頭爲飲器其部衆悉入嚙嚙數年彌俄突弟伊匐還國詔拜鎮西將軍高車
王復大破蠕蠕蠕蠕主婆羅門走投涼州其弟越居殺伊匐自立靜帝時伊匐
子比適又殺越居越居子去賓自蠕蠕來奔封爲高車王肆州刺史死於鄴至
隋有突越失國即後魏之高車矣

蠕蠕

蠕蠕姓郁久閭托跋主力微掠騎得一奴髮始齊眉忘本姓名其主字之曰木骨閭言首秃也音訛爲都久閭其子孫因以爲氏木骨閭既長免奴爲騎卒後亡匿廣漠間收合逋逃得百餘人依純突隣部其子車鹿會始有部衆自號柔然後魏太祖以其無知狀類如蟲故改其號曰蠕蠕傳至社崙兇狡有權略度漠北侵高車深入其地遂并諸部北徙弱洛水始立軍法其西北有匈奴餘種國尤富強部帥舉兵擊社崙社崙逆戰於額根河立破之盡爲社崙所并號爲強盛其西則焉耆之北東則鮮卑故地之西北則渡沙漠窮瀚海南則臨大磧其常所會庭則敦煌張掖之北於是自號可汗永興中犯塞太宗討之社崙遁走道死後蠕蠕頻擾北邊神廡二年太武率兵十餘萬襲之其主大檀震怖絕迹西走於是國落四散竄伏山谷畜產野布太武緣粟水西行過漢將寶憲故壘六月次於免園水去平城三千七百餘里分軍搜討東至瀚海西至張掖水北渡燕然山而高車都部又殺大檀種類八月親征已尼陂前後歸降三十餘萬先

是北鄙侯吳提者世祖遇之甚厚咸和中尙西海公主大延二年絕和犯塞車駕幸五原親征三道並出車駕出中道至浚稽山分中道復爲二道陳留王崇從大澤向涿邪山車駕至浚稽北向天山西登白阜刻石紀行不見蠕蠕而還眞君四年親征吳提至鹿渾谷與賊遇吳提遁追至額根河擊破之至石水而還吳提死子吐賀眞立又征破之自是邊疆息警吐賀眞子予成予成子豆侖太和二年立其部內高車阿伏至羅率衆十餘萬自立豆侖與叔父那蓋分二道擊之豆侖出自浚稽山北而西那蓋出自金山豆侖頻爲阿羅所敗那蓋累有勝捷國人以天助欲推那蓋爲主那蓋不從國人殺豆侖母子以示乃襲位那蓋死子伏圖立永平元年伏圖西征高車爲彌俄突所殺子醜奴善用兵大破高車擒其主彌俄突殺之盡誅叛者國遂強盛後高又侵醜奴醜奴軍敗爲母與其大臣所殺而立其弟阿那環立纔十日其族兄俟力發率衆伐之阿那環輕騎南走歸魏封朔方郡公蠕蠕王阿那環來奔從父兄婆羅門率衆討

俟力發破之衆推婆羅門爲主會婆羅門爲高車所逐率部落詣涼州降於是蠕蠕數萬相率迎阿那環尙書李崇泰曰臣等參議以爲懷朔鎮北土名無結山吐若奚泉敦皇北西海郡即漢晉舊障二處寬平原野彌沃阿那環宜置吐若奚泉婆羅門宜置西海郡冬令總率部落收離聚散時朝廷問安置之宜于涼州刺史袁翻翻表曰蠕蠕高車迭相吞噬始則蠕蠕衰微高車強盛及蠕蠕復振反破高車主散人離不絕如縆而令高車能終雪其恥復推蠕蠕者正由種類繁多不可頓滅故也今蠕蠕內爲高車所討滅外慰大國之威靈兩主投身一周而至蠕蠕存則高車有內顧之憂未暇窺窬上國蠕蠕全滅則高車跋扈之計豈易可知愚謂蠕蠕二主宜並存之居阿那環于東偏處婆羅門于西裔其婆羅門請脩西海故城以安處西海故城本屬涼郡在酒泉直北張掖西北千二百里高車所住金山千餘里正是北虜往來之衝要漢家行軍之要道土地沃衍野大軍耕殖非但今處婆羅門於事爲便即可永爲重戍鎮防西

北宜遣一良將監護且西海北垂即是大磧野獸所聚千百爲羣正是蠕蠕射獵之處殖田以自供藉獸以自給彼此相資足以自固時朝議是之詔安西將軍廷尉卿元洪超詣敦煌安置婆羅門尋與部衆謀叛投嚙唵仍爲州軍所討擒之五年婆羅門死於洛南之館惟阿那瓌部落既和士馬稍盛乃號可汗長子尙魏公主出帝又納阿那瓌女爲后又以其孫女妻齊獻武王子長廣公湛阿那瓌初復其國盡禮朝廷後頗強盛遂不復稱臣及齊受東魏禪後阿那瓌爲突厥所破自殺子庵羅辱奔齊文宣帝乃北討突厥而立之置之馬邑川後背叛文宣親征破之國人立鄧叔子爲主又爲突厥所破以西魏恭帝二年率部落千餘家奔關中突厥既恃兵強又藉西魏和好因請盡殺蠕蠕周文帝遂收縛蠕蠕主以下三千餘人付突厥使于青門外斬之中男以下免死配王公家爲奴隸

悅般

悅般其先匈奴北單于之部落爲漢寶憲所逐北單于度金微山西走康居其羸弱不能去者往龜茲北地方數千里衆可二十餘萬人涼州人猶謂之單于王其風俗語言與高車同而其人情潔於胡俗剪髮齊眉以飾鬪塗之昱昱然光澤日三澡漱然後飲食其國南界有大山山傍石皆焦鎔流地數千里乃堅凝人取以爲藥卽石流黃也與蠕蠕結好其王嘗入蠕蠕國欲與大檀相見入其界百餘里見其部人不浣衣不洗手不紮髮婦人口舐器物王謂其從者曰汝曹誑我我將入狗國中乃馳還大檀遣騎追之不及自是相讐仇數相征討後魏眞君四年使遣朝獻供貢幻人言其國有大術者蠕蠕來抄掠術人能作霖雨盲風大雪及行潦蠕蠕漂亡者什二三是歲求與官軍東西齊契討蠕蠕太祖嘉其意命諸軍戒嚴以淮南王他爲前鋒襲蠕蠕還有司以其鼓舞之節施之於樂府自是每使朝貢

鐵勒

鐵勒之走匈奴之苗裔也自西海之東依據山谷往往不絕獨洛亦作河北有

僕骨同羅韋訖投野古覆羅並號俟斤蒙陳吐如訖斯結渾斛薛等姓勝兵可

二萬伊吾以西焉耆之北傍白山則有契弊亦作薄落職乙啞蘇婆那曷烏譚

訖骨也啞於尼謹等姓勝兵二萬金山西南有薛延陀啞勒兒十盤達契等萬

餘兵康國北傍阿得水則有訶啞曷截撥忽咄干具海曷比悉等三萬兵得麟

海東西有蘇路羯等姓八千餘拂赫東則有恩屈阿蘭等近二萬人北海南則

都波等雖姓氏各別總謂爲鐵勒並無君長分屬東西突厥隨水草流移近西

邊者頗爲藝植多牛羊而少馬自突厥有國東西征討皆資其用以制北荒本

謂勅勒十六國慕容垂塞北後魏末河西並云有勅勒也鐵勒蓋言訛也情開皇末晉王北征大破步迦可

汗鐵勒於是分散大業元年突厥處羅可汗擊鐵勒諸郡部厚斂其物又猜忌

薛延陀等爲變遂集其魁帥數百人盡誅之由是一時反叛拒處羅遂立俟斤

契弊歌楞爲易勿真莫何可汗居貪汚同山復立薛延陀內俟斤魏書赤石山北有貪汙山

字七咥為小可汗處羅敗莫何始大伊吾高昌焉者悉附之俗與突厥同惟丈夫婚畢就便妻家待產乳男女然後歸舍死者埋殯之此其異也大業三年貢方物自是不絕

薛延陀

薛延陀

隋書作陁

鐵勒之別部

通考前燕慕容雋時匈奴單于賀賴頭率部二萬五千來陀蓋其後

與薛雜居後滅延陀部

有之號薛延陀姓壹利吐氏在鐵勒諸部最雄隋大業初共奉乙失鉢為小可汗保燕末山而突厥射匱復彊延陀黜可汗號往臣之回紇拔野古阿跌同羅僕骨白霫在鬱督軍山者東屬始畢乙失鉢在金山者西役葉護可汗貞觀中葉護死其國亂乙失鉢孫夷男率部帳附頡利突厥衰夷男反攻頡利弱之太宗册拜夷男為真珠毗伽可汗樹牙鬱督軍山直京師西北六千里東鞞鞞西葉護突厥南沙磧北俱倫水地大眾附於是回紇諸部莫不伏屬頡和既滅塞隧空荒毗伽率其部稍東保都尉樅山獨邏水之陰遠京師纔二千里而

羸東室韋西金山南突厥北瀚海蓋古匈奴地也以二子六度談突利失分將之爲南北部十五年帝以李思摩爲可汗始度河牙於漠南延陀惡之帝幸洛陽延陀勒兵二十萬南絕漠壁白道川擊思摩思摩走朔方旣而延陀使求與突厥平帝曰我約漠以北延陀制之漠以南突厥專之與突厥和乃故約也尙何請不報夷男死子拔灼立爲可汗性卞克多殺舊時貴臣而任所親昵國入不安後諸部潰亂可汗去依那史那時健俄爲回紇所殺盡屠其宗衆奔西城立眞珠毗伽可汗昆弟子咄摩支爲可汗上言願保鬱督軍山詔崔敦禮與李勣慰安之勣至咄摩支陰欲拒戰勣縱兵擊斬五千餘級遂滅其國時蕭嗣業在回紇咄摩支詣嗣業降遂入朝帝以延陀滅欲并契苾等降之遣江夏王道宗阿史那社爾窮討帝幸靈州節度諸將於是鐵勒十一部皆歸命天子請吏內屬帝割其地爲州縣北荒遂平後三年餘部叛以右領軍執失思力討平之至永徽時延陀部亡散者悉還高宗置嶧彈州安處之

同羅

同羅亦鐵勒部在薛延陀北多覽葛之東距京師七千里初臣突厥太宗時遣使內附以其地置龜林都督府泊天寶初其酋帥阿布思以衆來降處之朔方河南之地至十年背叛擊掠諸部落還漠北遂爲回紇所破阿布思奔葛邏祿北庭節度程千里購之以獻安祿山反劫其兵用號曳落河曳落河者猶健兒云

僕骨

僕骨亦曰僕固在多覽葛之東帳戶三萬地最北俗梗頑難召率與同羅夙敦隣好突厥政亂附薛延陀及延陀之敗也其大酋婆旬詣闕內附以其地爲金微州拜歌濫拔延爲都督開元初爲首領所殺詣朔方降有司誅之子曰懷恩

至德初以功至朔方節度使

僕固懷恩傳懷恩世襲都督安祿山反從郭子儀討賊雲中破之肅宗赴靈武時同羅部落叛祿山北掠朔方子俄率懷恩迎

擊懷恩子玢戰敗降虜已而自拔歸懷恩怒叱斬之將士股栗皆死戰遂破其衆擊史朝義平河北以功授節度廣德初進太保後懷恩反誘吐蕃入塞帝下詔親征懷恩至鳴沙病死始懷恩立功門內死

王事者四十六人及拒命士不弛甲凡三年帝隱忍數下詔未嘗聲其反及死爲之惻然曰懷恩不反爲左右所誤耳俄而從子名臣以千騎降

多覽葛

多覽亦作濫葛在薛延陀西境東濱同羅水延陀滅其酋俟斤多覽葛末與回紇

來朝以其地爲燕然都督府授其酋世爲都督

斛薛

斛薛在多覽葛北境兩姓合居既來朝列其地爲州縣

阿跋

阿跋在多覽葛西北隋代號訶陁部遷徙無常所唐初來朝以有地爲雞田州

其後即李光顏光進光顏光進唐書皆有傳皆以戰功賜姓李氏

契苾

契苾亦曰契苾羽在焉耆西北鷹娑川多覽葛之南其酋哥楞自稱可汗弟莫賀咄勒皆有勇莫賀咄死子何力紐率其部來歸時貞觀六年也詔處之甘涼

間以其地爲榆溪州永徽四年以其部爲賀蘭都督府隸燕然都督府何力大有戰功忠節士也大和中其種帳附于振武云

拔野古

拔野古或爲拔曳固漫散磧北地千里直僕骨東境貞觀二十一年來降其地東北有川曰康干河投松木入水三年化爲石色蒼緻然節理猶在世謂之康干石初與僕骨奚霫同入朝內屬置幽陵都督府顯慶時復叛鄭仁泰討之斬其渠帥天寶間來朝

白霫

白霫居鮮卑故地與同羅僕骨接避薛延陀保奧支水冷陁山南契丹北烏羅渾東靺鞨西拔野古地圓袤二千里山繚其外其部有曰居延曰無若沒曰潢水其君長臣突厥頡利爲俟斤貞觀中列其地爲資顏州以別部爲居延州即用俟斤爲刺史顯慶時授其酋長李含珠爲居延都督後無聞焉

北突厥

唐車鼻亦阿史那族東突厥頡利部人也名斛勃代爲小可汗牙在金山

今阿勒坦

鄂拉在鎮西府北

之北頡利之敗北荒諸部欲共君長之會薛延陀爲可汗遂率所部

歸焉其爲人有智數衆頗便附延陀惡而將誅之車鼻知其謀竄歸舊所金山之北陡絕一隅惟一面可容車騎壤土夷博即據之自稱乙注車鼻可汗西葛邏祿北結骨皆統隸之延陀衰車鼻執張貞觀四十一年遣子沙鉢羅獻方物且請入朝帝遣韓華安調遮往迎之至則車鼻偃然無入朝意華謀與葛邏祿共劫之車鼻覺華與其子陟苾特勒鬪死調遮被殺帝怒遣右驍衛郎將高侃潛引回紇僕骨兵擊之其大酋葛邏祿泥孰闕俟利發處木昆莫賀咄俟斤等相繼來降永徽元年侃師次阿息山車鼻見部落皆不肯戰遂携妻子從百騎遁追至金山護之送京師高宗赦之賜宅長安處其餘衆於鬱督軍山置狼山都督府以統之車鼻子羯曼陀先統拔悉密部諫車鼻請

歸國不聽乃遣子鑠菴入朝至是來降詔拜爲左屯衛將軍建新黎州使領其衆於是突厥盡爲封疆之臣始分置單于瀚海二都護府二十二州各以其首領爲都督刺史

單于領狼山雲中桑乾三都督蘇農等十四州
瀚海領金微新黎等七都督仙萼賀蘭等八州

麟德初改燕然爲瀚海都督府徙故瀚海都督府于古雲中城號雲中都護府磧以北蕃州悉隸瀚海南隸雲中雲中者隋義成公主所居也頡利滅李靖徙突厥羸破數百帳居之以阿史德爲之長稍盛即建言願以諸王爲可汗遙統之帝曰今可汗古單于也乃改雲中府爲單于大都護府調露元年單于府首領阿史德溫傅奉職二部落相率叛立那史那泥孰匄爲可汗二十四州皆叛應之裴行儉李思文等統衆戰黑山大破之泥孰匄爲下所殺并擒奉職而還餘衆保狼山永徽二年溫傅部又迎頡利兄子伏念於夏州度河立爲可汗諸部響應又令行儉率師討之伏念北走保黑沙行儉縱單于府兵躡之伏念惶駭不得戰遂問道詣行儉降伏念敗頡利部人骨咄祿吐屯鳩集亡散保總材山又治黑山城有

衆五千抄盜九姓漸至強盛乃自立爲可汗以其弟默啜爲殺咄悉匄爲葉護阿史那元珍者習中國風俗知邊塞虛實常坐事爲單于長史王本立所拘執因便投骨咄祿遂以爲阿波大達干專統兵馬事骨咄祿天授中卒子尙幼默啜遂篡其位默啜攻討契丹契丹部衆大潰盡俘其家口自此兵衆漸盛武后册拜頡利利施大單于默啜殘破州郡負勝輕中國有驕志大抵兵與頡利時略等諸蕃悉與聽命初咸亨中突厥諸部來降附者多處之朔代豐勝靈夏六州謂之河曲降戶默啜至是索此降戶及單于都護府之地姚璹請許其和親默啜寢強由此也武后朝連歲寇邊殺掠不計中宗始即位入攻鳴沙靈武軍總管沙叱忠義與戰不勝詔左屯衛大將軍張仁愿本名仁實爲朔方道大總管屯邊朔方軍今定邊縣北與突厥以河爲界河北岸拂雲堆有祠突厥將入寇必先詣祠祭酬求福因牧馬料兵候合冰渡河景雲初默啜西擊娑葛仁愿乘虛奪取漠南之地築三受降城絕其南寇之路盡力六旬而三城成以拂雲祠爲中城

南直朔方西城南直靈武東城南直榆林相去各四百餘里據津濟其北皆磧也拓地三百里而遠又於牛頭朝那山北置烽堠一百八十所自是突厥不敢度山放牧朔方減鎮兵數萬人開元二年默啜使子移涅及同俄特勒等率騎圍北庭都護郭虔瓘兵擒同俄特勒于城下斬之衆奔解默啜年老昏暴部落怨叛離散於是十姓左五咄陸左五弩矢畢及俟斤等相繼降葛邏祿胡屋鼠泥施三姓大漠陰山謀落匐雞元池都督踏實力胡鼻等相率內附詔處其衆於金山其高麗跌跌吐谷渾郁射施大酋等合萬餘帳相踵歛邊令居河南之舊地其秋默啜與回紇九姓酋無陷思布戰於磧北九姓大潰思結等部來降帝悉官之詔金山大漠陰山元池都督共圖取默啜四年默啜又北討九姓拔野古戰於獨樂河一作洛河拔野古大敗默啜負勝輕歸不設備道大林中拔野古歿衆突出擊默啜斬之骨咄祿子闕特勒鳩合故部攻殺默啜子及諸親信畧盡立其兄默棘連爲毗伽可汗闕特勒爲左賢王專掌兵馬噉欲谷者亦默

噉用事之臣以女爲默棘連可敦得免廢後突騎施蘇祿自爲可汗突厥部種多貳默棘連乃召噉欲谷爲謀主八年朔方大總管王峻等悉發蕃漢士集稽洛水上迺西徵拔悉密東發奚契丹期以秋初引朔方兵入掩厥突牙帳默棘連大恐後拔悉果臨突厥帳知王峻兵及兩蕃不至拔悉密懼而引退突厥欲擊之噉欲谷曰此衆去家千里必將死戰不如躡之邀近而取之時拔悉在北庭距北庭二百里噉欲谷分兵由他道襲拔其地即擊拔悉密衆走趨北庭無所歸盡擒之噉欲谷回兵出赤亭今敦煌縣西境掠涼州官軍勒兵討捕爲所敗默棘連由是益振盡有默噉餘衆比年遣使入朝吐蕃以書約同寇邊默棘連不敢從封上其書帝嘉之詔朔方西受降城許互市默棘連死國人立其子爲伊然可汗立八年卒其弟苾伽骨咄祿可汗立爲其左殺判闕特勒所殺遂立苾伽可汗子又爲骨咄葉護所殺立其弟又殺之葉護乃自爲可汗天寶初回紇葛邏祿拔悉密並起攻葉護殺之尊拔悉密之長爲頡跌伊施可汗於是回紇葛

邏祿自爲左右葉護國人奉判闕特勒子爲烏蘇米施可汗以其子葛臘哆爲西殺帝使諭令內附不聽其下又與拔悉密等三部共攻烏蘇米施米施遁亡其西葉護阿布思及葛臘哆率五千帳來降又三年烏蘇米施爲拔悉密所殺其弟白眉特勒繼隴匄立是爲白眉可汗朔方節度使王忠嗣以兵乘其亂抵薩河內山擊其左阿波達干十一部破之獨其右未下而回紇葛邏祿殺拔悉密可汗奉回紇骨力裴羅定其國明年殺白眉可汗始定突厥國於後魏大統時至是滅後或朝貢皆舊部九姓云其地盡入回紇始其族分國於西者曰突厥

拔悉密

唐拔悉密一名幣刺國在北庭北海南結骨東南依山散尼去敦煌三千餘里戶二千餘其人雄健皆獵國多雪恆以木爲馬雪上逐鹿其狀似楯而頭高其下以馬皮順毛衣令毛著雨雪而滑如著屨屐縛之足下若下阪走過奔鹿若

平地履雪即以杖刺地而走如船馬上阪即手持之而登其所居以樺皮爲舍
丈夫翦髮以樺皮爲帽貞觀二十二年來朝天寶初與回紇殺突厥可汗立其
大酋阿史那施爲賀臘毘伽可汗遣使者入謝不三年爲葛邏祿回所殺奔北
庭後朝京師拜武衛將軍地與衆歸回

葛邏祿

唐葛邏祿

一作葛祿

本突厥族在北庭西北金山之西跨僕固振水

今烘和圖淖爾

包多怛

嶺與車鼻部接

西突厥

有三族一曰謀落或爲謀刺二曰熾俟或爲姿匄三曰踏

實力永徽初高俾伐車鼻可汗三姓皆內屬顯慶二年以謀落爲陰山都督府

熾俟爲大漠都督府踏實力爲元池都督府用其酋長爲都督

初以其部南統于賀賀魯叛以三姓爲都

魯府

又分熾俟部置金附州三族當東西突厥間視其興衰叛服不常也後稍

南徙自號三姓葉護庭州以西諸突厥皆畏之天寶間與回紇拔悉密攻殺烏
蘇米施可汗又三年擊悉密走其可汗於北庭奔京師葛邏祿與九姓復立回

紇裴羅定其國於是處烏德鞬山者臣回紇在金山北庭者自立葉護久之葉護頓毗縛突厥叛酋阿布思進封金山郡王至德後葛邏祿寢盛與回紇爭強徒十姓可汗故地盡有碎葉恆邏斯諸域然梗回紇朝貢不能自達

回紇

回紇其先匈奴也俗多乘高輪車元魏時號高車部又曰勅勒後訛爲鐵勒其部落曰袁紇薛延陀契苾羽都播骨利幹多覽葛僕骨拔野古同羅渾思結斛薛奚結阿跌一作跋白霽凡十有五種皆散處磧北袁紇者亦曰烏護曰烏訖隋曰韋紇初無酋長臣於突厥大業中突厥處羅攻鐵勒集其桀豪數百悉斬之韋紇乃併僕骨同羅拔野古叛去自爲俟渠之切斤稱回紇姓藥羅葛氏居薛延陀北娑陵水上距京師七千里衆十萬勝兵半之有時健俟斤者衆始推爲主其子菩薩材勇有謀下皆畏服時健死部人賢菩薩立之回紇寢盛與薛延陀共攻突厥北邊頡利遣欲谷設領騎討之菩薩破之馬鬣山追北至天山大俘

其部人聲震北方由是附薛延陀相脣齒樹牙獨樂水上

唐回鶻道烏德隄山左右有溫昆河獨羅河案羅或

今樂又作樂洛作烏里雅蘇圖

貞觀三年遣使獻方物突厥已亡惟回紇與薛延陀最强盛雄強

菩薩死其酋胡祿俟利發吐迷度與諸部共攻薛延陀歿之併有其地遂南踰賀蘭山境諸河遣使者獻款太宗爲幸靈州次涇陽受其功於是鐵勒十一部皆來言各有分地願歸命天子請置唐官時官之凡數千人明年乃以回分部置州以回紇爲瀚海以多覽葛爲燕然以僕骨爲金微以拔野古爲幽陵以同羅爲龜林以思結爲廬山皆號都督府以渾爲臯蘭州斛薛爲高闕州阿跌爲雞田州契苾羽爲榆溪州奚結爲雞鹿州思結爲蹕林州白霫爲資顏州其西北結骨爲堅昆府骨利幹爲元闕州東北俱羅勃爲燭龍州皆以酋領爲都督刺史長史司馬即故單于臺置燕然都護府統之其六都督七州皆隸屬焉以李素立爲燕然都護詔磧南鵬鵠泉之陽置故郵六十八所具羣馬湏肉以待使客乃拜吐迷度懷化大將軍兼瀚海都督然私自號可汗阿史那賀魯之

叛其子婆閏助契苾何力等擊破之收北庭又從伊麗道行軍總管任雅相再
 破賀魯金牙山婆閏死子比栗嗣龍朔中以燕然都督府領回紇更號瀚海都
 護府以磧爲限大抵北蕃皆隸之武后時北突厥默啜方強取鐵勒故地故回
 紇與契苾思結渾三部度磧南徙甘涼間唐嘗取其壯騎佐赤水軍比栗死子
 獨解支嗣獨解支死子伏帝匐嗣助唐攻殺默啜於是別部移健頡利發與同
 羅白鬻等來詔置其部於大武軍北伏帝匐死子承宗嗣涼州都督王君奭誣
 暴承宗罪流死灑州時回紇稍不循法族子瀚海司馬護輸乘衆怨共殺君奭
 梗絕安西諸國貢道久之奔回紇故地承宗子骨力裴羅天寶初會突厥亂
 裴羅與葛邏自稱左右葉護助拔悉密擊走馬蘇襲可汗未幾襲破拔悉密
 遂自稱骨咄祿毗伽闕可汗天子以爲奉義王南居突厥地徒牙烏德韃山昆
 河今鎮西府之間南距西城西受千七百里西城漢高闕塞也北盡磧口三百
 里巴爾庫勒悉有九姓地九姓曰藥羅葛曰胡咄葛曰峒羅勿曰貂歌息訖曰阿勿啗與僕骨渾拔野
曰葛薩曰斛嗚素曰藥勿葛曰奚邪勿藥羅葛皆回紇姓也

古同羅思結契苾六種相等夷不列於數後破有拔悉密葛邏祿總十一姓並置都督號十一都落自是戰常以二客部爲先鋒有詔拜裴羅爲懷仁可汗明年攻殺突厥白眉可汗斥地愈廣東極室韋西金山南控大漠盡得匈奴故地裴羅死子磨延啜立肅宗即位可汗自將與郭子儀合討同羅蕃破之河上與子儀會呼延谷又令太子葉護從王進討賊香積之戰詭伏騎于王師左將襲我僕固懷恩有傳磨回馳之盡翦其伏乃出賊背與鎮西北庭節度李嗣業夾彥尺氏切之賊大敗進攻長安及嚴莊挾安慶緒棄東京北度河回紇大掠東都廣也三日廣平王欲止不可而耆老以繒錦萬疋賂回紇乃止葉護還京師帝錫宴甚厚乾元元年回紇使者多彥阿波與黑衣大食酋閣之等俱朝爭長有可使異門並進又使請昏許之帝以寧國公主下嫁可汗使王子骨啜特勒等率騎三千助討賊詔命僕固懷恩總之又遣使謝婚并告破堅昆功俄而可汗死葉護太子前得罪死故次子移地健立號牟羽可汗其妻懷恩女也寶應初以史

朝義未滅，敕雍王爲元帥，會陝州懷恩與回紇可汗及諸將擊賊，戰橫水，進收東都。可汗遣使賀天子獻朝義旗物。雍王還靈寶可汗屯河陽，留三月。屯旁人困於剽辱，僕固瑒懷恩子率回紇兵朝義，戰蹀血二千里，梟其首河北。悉平，初回紇至東京，放兵剽掠，至是益橫，民困虐於賊。已永泰中，懷恩反，誘回紇吐蕃入寇，未幾懷恩死。二酋爭長，回紇首領潛擬涇陽，見郭子儀，請改事之。子儀易服詣其營，其酋長相顧曰：「真是公矣。」子儀遂遺以纏頭綵三千，且讓之。酋長驚服，曰：「懷恩詭我，我等願還擊吐蕃以報厚恩。」子儀持酒與胡祿都督盟，回紇與唐兵擊退吐蕃，俘獲甚衆。僕固名臣降懷恩兄子銳將也，合胡祿都督等二百人皆來朝。賜予不可紀。大歷十三年，回紇襲振武，攻東涇，入寇太原，代州都督張光晟破之。虜乃去。德宗初立，使中人告喪，且修好時，九姓胡勸可汗入寇，可汗欲悉師向塞，見使者不爲禮，宰相頓莫賀達干言之不聽，因擊殺可汗，并屠其支黨及九姓幾二千人，即自立爲合骨咄祿毗伽可汗，使使入朝。始回紇至中國，常參

以九姓胡留京師至千人居貲殖產甚厚會酋長突董等歸國裝橐係道留振武三月光晟爲軍使陰伺之皆盛女子以橐光晟使驛吏刺以長錐然後知之已而聞頓莫賀立多殺九姓胡人懼不敢歸往往亡去突董察視嚴亟群胡獻計於光晟請悉斬突董諸人光晟許之即上言其狀乃勒兵盡殺回紇羣胡帝召光晟還以彭令方代之遣中人與回紇使往言其端後三年可汗求和親帝以李泌言乃許之詔咸安公主下嫁明年可汗上書甚恭請易回紇爲回

驢

西突厥

西突厥者居烏孫故地西魏末東突厥木杆可汗舍其子大邏便而立弟他鉢爲可汗他鉢立以攝圖爲備伏可汗小可汗也木杆兄乙息記可汗之子統東面以爲步離可汗但釋可汗子居西方他鉢死先戒其子菴羅必立大邏便國人以其母賤不得立而菴羅讓攝圖立之號沙鉢略可汗治都斤山以菴羅居獨洛水稱第二可汗大

羅便乃謂沙鉢略曰我與爾俱可汗子今爾獨尊我無位何也沙鉢略以為阿

波可汗自鎮所部未幾沙鉢略襲擊之殺其母阿波西奔達頭漸以強盛自立

龜茲鐵勒咸附之于是突厥分為東西二國達頭者名玷厥沙鉢略之從父也

舊為西面小可汗既而亦怒沙鉢略授阿波兵十萬使攻東突厥而阿波竟為

沙鉢略所擒國人共立鞅素特勒之子為泥利可汗魏書突厥土門始稱可汗其別部

官曰葉護曰屈律噉曰阿波曰俟利發曰土屯曰俟斤曰洪達曰頡利發貴賤官兵凡二十等泥利立與沙鉢略子雍虞閭連隋開皇中

雍虞閭約達頭舉兵攻染干沙鉢略弟尚公主是為啟人可汗染干偕使臣長孫晟歸朝楊素史

萬里頻擊雍虞閭破之達頭敗敗吐谷渾泥利子達漫其母向氏本中國人生

達漫而泥利率向氏又嫁泥利弟婆實特勒婆實後與向氏詣長安遇達頭敗

亂遂留京師達漫立號泥橛處羅可汗治烏孫舊地又立二小可汗分統所部

一在石國北以制諸胡一在龜茲北其地名鷹娑川今裕勒都斯娑一作婆當大業初處羅

可汗撫馭無道其國多叛與鐵勒屢相攻大為鐵勒所敗裴矩在西域召處羅

會兵攻吐谷渾國人不從適其酋長達頭之孫射匱遣使來求婚帝以裴矩言令發兵誅處羅然後爲婚射匱聞之喜興兵襲之處羅東走高昌保時羅漫山高昌王麴伯雅上狀因命裴矩將向氏親要之遂入朝國人乃立射匱爲可汗

達頭助雍虞閭兵得罪於隋乃奔吐谷渾死之其孫射匱微弱服屬處羅不得爲可汗至是立之

處羅後以從征高麗功賜號曷薩那可汗煬帝將復其故地以遼東之役未遑也射匱始開土宇建庭龜茲北之三彌山

三彌山今汗騰格里鄂拉在伊犁河南

東至金山西至雷

翥海南至疏勒北至瀚海自焉耆西北八日行至其南庭自南庭又正北八日行至其北庭鐵勒龜茲及西域諸國皆附之與都陸弩矢畢葛羅祿處密處月伊吾諸種襍射匱卒弟統葉護可汗立統葉護男而有謀遂北并鐵勒西下波斯南接尉賓控弦數十萬霸有西勒城據舊烏孫之地又徙庭於石國北之千泉其西域諸國各命土屯一人監統之督其賦入唐武德初北突厥作患高祖厚加撫結與之并力以圖北蕃貞觀初爲其諸父莫賀咄所殺莫賀咄自立爲

屈利俟毗可汗初分統所既爲可汗國人不附弩矢畢共推泥熟莫賀設爲可汗泥熟不從時統葉護子啞力持勒亡在康居泥孰迎立之是爲乙毗鉢羅肆葉護可汗與俟毗分主其國衆悉附肆葉護雖俟毗之部亦稍稍去共以兵擊俟毗俟毗遁於金山爲泥孰所害衆奉肆葉護爲大可汗肆葉護大發兵征薛延陀反爲所敗心憚泥孰陰圖殺之泥孰遂入焉耆未幾沒卑達干與弩矢畢部謀廢肆葉護遁於康居憂死國人迎泥孰於焉耆立之是爲咄陸可汗泥孰父莫賀設本隸統葉護者死泥孰代之或曰伽那設立一年卒其弟同俄設立是爲沙鉢羅啞利失可汗九年遣使請婚帝慰而不俞俄而其國分爲十部號十設每設賜以一箭亦曰十箭又分十箭爲左右廂左五咄陸部置五大噉居碎葉東右五弩矢畢部置五大俟斤居碎葉西碎葉川今圖斯庫勒在伊犁河西號爲十姓部落然不爲衆所悅賴國人謀立欲谷設爲大可汗以啞利失爲小可汗未果十二年西部自立欲谷設爲乙毗咄陸可汗與啞利失中分自伊列河以西受

命於咄陸以東屬陞利失主之自是西突厥又分兩國矣乙毗咄陸又建庭於

鏃曷山西

案鏃曷山無攷今布喀鄂拉東薄伊犁河而又近北應即其境

謂之北庭厥越失拔悉密駁馬結骨火燾

觸木昆諸國皆臣之明年陞利失爲吐屯俟利發作難奔於鏃汗而死國人立其子爲乙屈利失乙毗可汗踰年死弩失畢大酋迎伽那設子畢賀咄葉護立之是爲沙鉢羅葉護可汗葉護立太宗詔使持節册命賜鼓纛建庭雖合水北

今哈屯博

謂之南庭東薄伊列河龜茲鄯善且末吐火羅焉耆石史康諸國皆隸屬

是時乙毗咄陸寢盛二國交戰帝敕以敦睦令各罷兵乙毗咄陸不聽遣石國吐屯攻葉護殺之并其國弩矢畢不服叛去乙毗咄陸乃入寇伊州安西都護郭孝恪率精騎二千自烏骨狙擊敗之乙毗咄陸以處月處密兵圍天山而不克孝恪追北拔處月俟斤之城抵遏索山

今哈屯博克達鄂拉在綏來縣南

斬千餘級降處

密部而歸後乙毗咄陸又殺部將泥孰啜爲其下胡祿屋所襲衆多亡逸畧盡乃保可賀敦城自輕出招叛亡阿悉吉爾俟斤逆擊之既敗襲取白水胡城以

居弩矢畢不欲乙毗咄陸爲可汗遣使者至闕下請所立帝詔與國大臣擇可汗子孫賢者授之乃立乙屈利失之子爲乙毗射匱可汗射匱立發兵就白水胡城西城傳但羅斯城西南擊戰殺獲甚多乙毗咄陸自知不爲衆所容遂西走吐火羅國射匱遣使求婚帝令割龜茲于闐疏勒朱俱波葱嶺五國爲聘禮不克婚於是賀魯叛盡并可汗部落

賀魯者室黠米可汗

土門子

五世孫曳步利設射匱特勒却越之子也貞觀初彌

射步貞先後入朝乙毗咄陸可汗以賀魯代爲葉護居多斯川

今額齊斯河

直西州

北千五百里統處月處密姑蘇葛邏祿弩矢畢五姓之衆咄陸西走射匱立遣兵迫逐賀魯無常居部落散亡二十三年內屬詔拜瑤池都督處其部於庭州莫賀城 宗初遣子唃運入宿衛帝遣還唃運勸賀魯引而西取咄陸故地建牙於雙河顯慶中置雙河都督府今博羅塔拉及千泉自號沙鉢羅可汗統攝十姓尋以唃運爲莫賀咄葉護遂寇庭州敗數縣詔遣梁建方契苾何力等合同紇五萬騎討之處

月朱邪弧注者附賀魯引兵據牢山建方等攻之衆潰斬弧注永徽四年罷瑤

池都督府即處月地置金滿州

漢金滿州

又遣程知節爲葱山道行軍大總管率諸

道進討是歲乙毗咄陸死其子真珠葉護與五弩矢畢請擊賀魯自効爲賀魯

所拒不得前明年知節令前軍蘇定方擊賀魯別帳於鷹娑川斬獲甚衆賊棄

鎧帳彌野怛篤胡城來降副總管王文度取其財屠之知節不能制顯慶二年

擢定方伊麗

同列

道行軍大總管率燕然都督護任雅相副護蕭嗣葉瀚海都

督回紇婆閏等窮討乃使彌射步真持節爲安撫大使分出金山道定方以精

騎萬人至埜河

今額彬格遜埜河爾在綏來縣北

西擊處木昆部敗之賀魯率十姓兵十萬來拒列

陣而待定方與之交戰大敗之斬其首領二百餘人賀魯躡北九弩矢畢五咄

陸皆降定方命嗣業婆閏趨邪羅斯川雅相踵後會大雪晝夜進至雙河與彌

射步真會軍飽氣張距賀魯牙二百里陣而行抵金牙山賀魯真適臘定方兵

縱其牙俘數萬人賀魯跳渡伊列水嗣業次千泉彌射至伊麗處月處密部皆

下次雙河賀魯先以步失達干據柵拒戰彌射攻之潰定方追賀魯至碎葉水盡奪其衆賀魯陞運將抵鼠縛設至石國

今森葛爾境屬布魯特

北蘇咄城旁被執至京

師賀魯已滅列其地爲州縣以處諸部又置崑陵濛池二都護府以統之以應射爲興昔亡可汗兼崑陵都護領五咄陸部以步眞爲繼往絕可汗兼濛池都護領五弩矢舉部其役屬諸胡皆分置州西盡波斯並隸安西都護府濛射亦室黠米可汗五世孫在本蕃爲莫賀咄葉護與步眞有隙貞觀九年率所部處月處密入朝步眞自立爲咄陸部落不服去之亦攜族人來朝顯慶二年平賀魯彌射步眞皆爲可汗是歲彌射擊眞珠葉護於雙河斬之殺闕啜二人彌射步眞無撫馭材下多怨於是思結多曼率疏勒朱居波喝槃陀三國叛擊破于闐詔將軍將蘇定方討之都曼兵保馬頭川五年定方傳其城據降之龍朔初彌射步眞俱率所部從颶海道總管蘇海政討龜茲步眞誣言彌射欲反海政盡收殺之乾封時步眞死咸亨二年以西突厥部酋阿史那都支爲左驍衛大

將軍兼匄延都督以安輯其衆儀鳳中都支自號可汗與吐蕃連和寇安西詔
裴行儉討之行儉計擒都支召執諸渠長降別帥李遮匄以歸時調露元年
也西姓自是益衰其後兩部人日離散遂擢彌射子元慶爲左衛將軍步眞子
步利失斛瑟羅爲右衛將軍盡襲其父所領及可汗號長壽中元慶爲來俊臣
搆謀反被誅流其子獻於振州明年其部人立佞爲可佞汗元慶子與吐蕃寇
武威道王孝傑與戰破之聖歷二年以斛瑟羅兼平西道總管令鎮撫國人是
時突騎施烏質勒兵盛斛瑟羅不敢歸與其部入內徙死長安擢其子懷道爲
右武衛將軍長安二年以獻襲可汗兼北庭都護四年以懷道爲十姓可汗兼
濛池都護未幾擢獻磧西節度十姓部落都擔叛獻擊斬之收碎葉以西帳落
內屬突騎施陰伺邊隙故獻乞身入朝元宗不許方冊拜突騎施都督車鼻施
噉蘇祿爲順國公而突騎施已圍撥換大石城將取四鎮會湯嘉惠拜安西副
都護即發兵與獻共擊之終以蘇祿彊狠不能制亦歸死長安吐火仙敗始以

懷道子所爲十姓可汗濛池都護所至碎葉西俱蘭城爲突騎施莫賀達干所殺西突厥遂亡

突騎施烏質勒西突厥之別部初隸斛瑟羅下爲莫賀達干後諸胡歸附帳落寢盛乃置二十都督督兵各七千常屯聚碎葉西北漸攻得碎葉徙其牙居之謂碎葉川爲大牙弓月城

在伊列水東今哈什

爲小牙其地東鄰北突厥西諸胡東直庭

州斛瑟羅入朝其部爲烏質勒所并卒子娑葛代統其衆詔立爲金河郡王旣而與其弟遮弩分治其部景三年遮弩叛歸北突厥默啜默啜自以兵二萬來討擒娑葛歸與弩遮俱殺之默啜兵還娑下都督蘇祿自立十姓部落悉歸附有衆二十萬遂雄西域之地開元三年册立爲忠順可汗乃以懷道女爲金河公主以妻之後蘇祿陰結吐蕃分寇四鎮而安西僅全始蘇祿愛治其人每有所得盡以予下故諸族附悅之爲盡力晚年愁窶不聊故鹵獲稍留不分下始貳矣又病風一支孿不事事於是有大首領莫賀達干都摩支兩部爲強盛

而種人自謂婆葛後者爲黃姓蘇祿部爲黑姓互相猜讐二十六年莫賀達干都摩支勒兵夜攻蘇祿殺之都摩支又背達干立蘇祿子吐火仙爲可汗居碎葉城引黑姓爾微特勒保怛羅斯城今塔拉斯共擊莫賀達干達干使告都護蓋嘉運率兵共討大破都摩支之衆臨陣擒吐火仙並收金河公而還以懷道子祿爲十姓可汗領突騎施所部莫賀達干曰平蘇祿我功也今立祿謂何即誘諸部叛詔嘉運招慰之遂命統其衆數年復以昕爲可汗祿至俱蘭城爲莫賀達干所殺自立安西節度收斬之天寶初突厥騎施部更以黑姓伊里底密施可汗至德後突騎施衰黑姓黃姓皆立可汗自相攻殺各遣使降附中國多故不暇治也乾元初黑姓可汗阿多裴羅猶能遣使者入貢大歷後葛邏祿盛徙居碎葉川二姓微至臣役葛邏祿斛瑟羅餘部附回鶻及其破滅有厖特勒居焉耆城稱葉護餘部保金沙領衆至二十萬唐末爲諸蕃所侵部族雖微亦常來朝貢五代之際最微又來不數故其長君史官皆不能紀

杜瓊紀行碎葉國從安西西北千餘里有勃達嶺嶺南是大唐北界嶺北是突騎施南界西南至葱嶺二千餘里其水嶺南流者盡過中國而歸東海嶺北流者盡歸胡境而入北海又北行數日度雪海其海在山中春夏常雨雪故曰雪海有細道傍往往有水孔嵌空萬仞轉墮者莫知所在勃達嶺北行千餘里至碎葉川其川東頭有熱海茲地寒而不凍故曰熱海西有碎葉城天寶七年北庭節度王正見薄伐城壁摧毀邑居零落昔交河公主所居止之所建大雲寺猶存其川西接石國約長千餘里川中有異姓部落有異姓突厥各有兵馬數萬城堡間雜日尋干戈凡是農人皆擐甲冑轉相虜掠以為奴婢其川西頭有城曰怛羅城斯城石國人鎮之即天寶十年高仙芝軍敗之地從此至西海以來自三月至九月天無雲雨皆有雪水種田

石國

隋石國

今哈喇布拉克境

亦曰柘析本漢大宛北鄙東北至西突厥西北至波臘西南至

康國南至率都沙那界

即東曹國

東南去鐵汗五百里去冬州六千里王姓石氏城

之東南立屋置座於中正月六日七月十五日以王父母燒餘之骨金甕盛之置床上巡繞而行散以香花襍果王率臣下設祭焉禮終王與夫人出就別帳臣下以次列坐而饗宴國之右涯有素葉水而南有藥殺水入國中名真珠河亦名質河地方千里土地平散多果實有粟麥多良馬南有大山生瑟瑟其君長嘗貳於突厥大業中突厥射匱破滅之以特勒匱職攝其國事唐貞觀間數

使朝貢顯慶二年拘送賀魯內屬以其地爲大宛都督府授其長爲都督開元
初封石國王二十八年磧西節度使蓋嘉運率其王莫賀咄吐屯擊吐火仙破
碎葉城以功册封順義王明年請討大食不許天寶初封王子那俱車鼻施爲
懷化王久之安西節度使高仙芝劾其無蕃臣禮請討之王約降仙芝遣使者
護送開遠門斬關下於是西域咸怨王子走大食乞兵攻怛邏斯城敗仙芝軍
自是臣大食

沙陀

唐沙陀今迪化州北境以沙磧爲名西突厥別部處月種也貞觀七年太宗立泥孰爲可汗而族
人步真缺望謀并其弟彌射自立彌射懼率處月等入朝步真自爲葉護勢窮
亦率衆歸朝其留者乙毗咄陸可汗以賀魯代爲葉護統之時咄陸建庭鏃曷
山而處月處密又隸屬之處月居金婆山之陽蒲類之東有大磧名沙陀號曰
沙陀突厥咄陸寇伊州引處月處密兵圍天山郭孝恪擊走之拔處月俟斤之

城迫咄陸敗奔吐火羅賀魯來降處月朱邪闕俟斤阿厥亦請內屬始置瑤池
 都督府以賀魯爲都督永徽二年賀魯叛而朱邪孤注亦殺招慰使都尉單道
 惠據據牢山以守今阜康縣北山是時射脾俟斤沙陀那速不從高宗以賀魯所統授
 之明年弓月道大總管梁建方率契苾何力等引兵斬孤注俘九千人又明年
 廢瑤池都督即處月地置金滿沙陀二州皆領都督賀魯敗彌射爲安撫大使
 次伊列水而處月來歸乃置崑陵都護府統五咄陸部以彌射爲都護龍朔初
 處月酋沙陀金山從薛仁貴討敗鐵勒九姓長安二年進爲金滿州都督金山
 卒子輔國嗣先天初避吐蕃徙部北庭率其下入朝開元二年復領金滿州都
 督累爵永壽王卒子骨咄支詞天寶初回紇內附以骨咄支兼回紇副都護從
 肅宗平安祿山特進驍衛上將軍卒子盡忠嗣至德寶應間中國多故北庭西
 州閉不通朝奏使皆道出回紇而虜多漁擷尤苦之雖沙陀倚北庭亦困其暴
 斂貞元中沙陀部七千帳附吐蕃與共寇北庭陷之吐蕃徙其部於甘州以盡

忠爲軍大論吐蕃寇邊常以沙陀爲先鋒久之回紇紇改取涼州吐蕃疑盡忠持兩端議徙沙陀于河外舉部愁怨盡忠與朱邪執宜謀曰我世爲唐臣不幸陷汚今若走蕭關不愈于絕糧乎執宜曰善元和三年悉衆三萬落循烏德鞬山而東吐蕃追之行且戰旁洮水奏石門轉鬪不解部衆略盡盡忠死之執宜衷廢傷士裁二千騎七百歛靈州塞節度使范希朝以聞處其部於鹽川置陰山府以執宜爲府兵馬使盡忠弟葛勒阿波率殘部七百叩振武降授左武衛大將軍兼陰山府都督執宜朝長安議者以靈武迫吐蕃恐後反覆頃之希朝鎮太原因詔沙陀舉軍從之希朝乃料其勁騎千二百號沙陀軍置軍使而處餘衆於定襄川執宜乃保神武川之黃花堆更號陰山北沙陀是仍其名而實非舊地也

執宜禦邊素立功授招撫使卒子赤心嗣賜姓李名國昌國昌子克用封晉王克用子存勳滅朱友貞復唐祚是爲唐莊宗

回鶻

唐回鶻本回紇建中間頓莫賀立易名回鶻言捷鷲如鶻然安西北庭自天寶

末失關隴朝貢道隔伊西北庭節度使李元忠四鎮節度使郭昕遣使奉表皆不至貞元二年元忠等所遣假道回鶻乃得至長安帝進元忠爲北庭大都護昕爲安西大都護自是道雖通而回鶻求取無厭沙陀別部六千帳與北庭相依亦厭哀索王三葛祿白眼突厥素臣回鶻者尤怨苦皆密附吐蕃六年吐蕃因沙陀共寇北庭回鶻酋頡于迦斯與戰不勝北庭陷都護楊襲古引兵奔西州回骨以壯卒數萬召襲古將還取北庭爲吐蕃所擊大敗土死大半襲古奔還迦斯又給襲古至帳下殺之葛祿又取深圖川深是淨字之訛回鶻大恐稍南其部落以避之是歲回鶻又擊吐蕃葛祿於北庭勝之來獻俘元和中回鶻使來請婚未報可汗以三千騎至鷓鴣泉於是振武以兵屯黑山治天德城備虜穆宗立詔以太和公主下降册拜回鶻爲可敦如后稱也是時裴度方伐幽鎮回鶻使渠將李義節以兵三千佐天子平河北不聽兵已至豐州厚賜而還開成四年其相握羅勿作難引沙陀共攻可汗可汗自殺國人立區馭特勒爲可汗未即命

武宗即位以嗣澤王溶告乃知其國亂俄而渠長句錄莫賀導黠戛斯合騎十萬攻回鶻城殺可汗誅掘羅勿焚其牙諸部潰其相馱職與厖特勒十五部奔葛祿殘衆入吐蕃安西於是可汗牙部奉烏介特勒爲可汗南保錯子山黠戛斯已破回鶻得太和公主又自以李陵後與唐同宗故遣使者達干奉主來歸烏介追擊達干殺之劫主南度磧進攻天德城振武節度劉沔拒却之宰相李德裕言回鶻曩有功今饑且亂可汗無歸不可擊宜遣使贍安之帝用李拭行邊刺狀於是其相赤心與王子嗚沒斯特勒那頡斫將其部欲自歸而公主亦遣使來言烏介已立因請命又大臣頡于伽思頡于迦斯又一人表假振武居公主可汗帝不可詔使者持册往潛稽其行明年回鶻奉主至漠南入雲朔剽橫水殺掠甚衆轉側天德振武間乃召諸道兵合討嗚沒斯以赤心奸桀難得要領密約天德戍將田牟誘赤心斬帳下那頡斫收赤心衆東走振武大同因室韋黑沙南闕幽州節度使張振武破之悉得其衆那頡斫走烏介執而殺之然烏介

兵尙強駐牙大同北閭門山而特勒厖須遮阿敦寧等四部因仲武降噶沒斯亦附使者送款帝欲使回鶻復國而烏介已攻雲州劉沔戰敗之噶沒斯率部衆及特勒大酋二千詣振武降詔拜噶沒斯爲懷化郡王以天德軍爲歸義軍即拜歸義軍使其下並爲將軍有差命李德裕采秦漢以來興殊俗効忠卓異者凡三十人爲異域歸忠傳寵錫之噶沒斯請留族太原帝命劉沔列舍雲朔間處其家烏介遣使者藉兵欲還故庭且假天德城帝不許烏介恚進略大同川轉戰攻雲州詔發諸鎮兵屯太原以北賜沒斯旣朝賜姓李皆氏名噶沒斯曰思忠於是詔劉沔爲回鶻南面招撫使思忠爲西黨項都大將西南招討使又詔銀州刺史何朝清兵出振武與沔仲武合稍逼回鶻思忠數深入以諭降其下沔等與回鶻屢戰破之天德行營副使石雄擊追烏介至殺胡山遇公主奉主還降特勒以下衆數萬烏介往依黑車子爲其所殺其下又立其弟遏捻特勒爲可汗是時思忠等以國亡皆願入朝見德遂罷歸義軍而遏捻特勒哀

其殘衆五千仰食於奚大中初仲武討奚敗之回鶻寢耗滅所存名王貴臣五百餘轉依室韋遏捻懼夜馳九騎委衆西走部人皆慟哭諸蕃自給稍歸厖特勒是時厖特已自稱可汗居甘州有磧西諸城宣宗復册拜回鶻可汗懿宗時大會僕固俊自北庭擊吐蕃斬論尙熟論吐蕃官屬尙熟名盡取西川輪臺諸城使米懷玉來獻俘昭宗幸鳳翔靈州節度韓遜表請回鶻率兵赴難帝以韓偓言遂不報偓曰虜自會昌時向邊羽翼未成不得逞今乘我危以冀幸端不可開也然其國卒不振時時以王馬與邊州相市云五代之際有居甘州西州者嘗見中國而甘州回鶻數至其俗可汗尙樓居妻號天公主國相號媚祿都督見可汗則去帽披髮而入以爲禮婦人總髮爲髻高五六寸以紅絲絹囊之既嫁則加氈帽又有別族姓龍家俗小異自後唐明宗時以馬市中國其所齎寶玉皆鬻縣官而民犯禁爲市者罪之周太祖弛其禁民得與回鶻私市宋太平興國中使招諭沙州回鶻可汗外甥賜以器幣招致名馬美玉以備車騎琮璜之用天禧二年高昌都督安信等來朝四年又遣使偕

龜茲國來貢方物

自端拱至天禧間有甘州回鶻秦州回鶻又有賀蘭山四族並夜落紇者朝貢不絕

初回鶻西奔族衆散處故

甘州有可汗王西州有克韓國新復州

子有黑韓王皆其後焉宣和中因入貢

散而之陝西諸州公爲貿易留久不歸朝廷慮其習知邊事且往來經夏國非

便乃立法禁之

唐中受降城入回鶻道

中受降城正北如東八十里有呼延谷谷南口有呼延柵谷北口有唐歸

柵車道也入回鶻使者所經又五百里至鷓鴣泉又十里入磧經鹿山鹿耳山錯里山八百里至

山燕子井又西北經密粟山隄且泊野馬泊可汗泉橫嶺綿泉橫泊七百里至回鶻牙帳又別道自

鷓鴣泉北經公主城眉間城怛羅斯山赤崖鹽泊渾義河爐門山木燭嶺千五百里亦至牙帳東有

平野西據烏德隄山南依噓昆水北六七百里至仙娥河河北岸有富貴城又正北如東歷雪山松

樺林及諸泉泊千五百里至骨利幹又西十三日行至都播部落又北六七日堅昆部落有牢山

劍水又自牙帳北渡仙娥河東北二千里至室韋回鶻有延陞伽水一曰延特勒泊亦曰延特勒那

海烏德隄山左右噓昆河獨羅河皆屈曲東北流至牙帳東北五百里合流泊東北千餘里有俱倫

泊泊之四面皆室韋

黠戛斯

黠戛斯古堅昆國地當伊吾之西北白山之旁其種襍丁零乃匈奴西鄙也匈

奴封漢將李陵爲右賢王衛律爲丁零王後郅支單于破堅昆於時東距單于

庭七千里南車師五千里郅支留都之後世得其地者訛爲結骨或曰居勿亦曰紇圻斯衆數十萬南依貪漫山地夏沮洳冬積雪人皆長大赤髮皙面綠瞳以黑爲不詳黑瞳者必曰陵苗裔也唐初號強國地與突厥等突厥以女妻其酋豪東至骨利幹南鐵勒西南葛邏祿薛廷陀強以頡利發一人監其國未始與中國通貞觀二十二年聞鐵勒等臣服遂入朝帝以其地爲堅昆府拜其酋長失鉢屈阿棧爲都督隸燕然都護自是朝獻不絕乾元中爲回骨所破不能通中國後狄語訛爲黠戛斯蓋回鶻謂之若曰黃赤面云然常與大食吐蕃葛邏祿相依仗吐蕃之往來者畏回鶻剽劫必住葛邏祿以待黠戛斯護送回鶻授其酋長阿熱爲毗迦頓頡斤阿熱駐牙青山至回鶻牙所橐駝四十日行使者道出天德右二百里許抵西受降城北三百里許至鸞鷲泉泉西北至回鶻牙千五百里許而有東西二道泉之北東道也回鶻牙北六百里得仙娥河河之東北曰雪山地多水泉青山之東有水曰劍河偶艇以渡水悉東北流經其

國合而北入於海東至木馬突厥三部落曰 播曰彌列哥曰餓支其酋長皆
爲酷斤樺皮覆室多善馬俗乘馬馳冰上以板籍足屈木支腋蹴輒百步執迅
激夜鈔盜晝伏匿黠夏斯得以役屬之回鶻稍衰阿熱即自稱可汗回鶻遣帥
伐之拏鬪不解阿熱恃勝肆詈之曰我將於爾帳前馳我馬植我旗能抗爾亟
來不能當疾去阿熱自將焚其矛乃得太和公主遂徙矛牢山之南牢山亦曰
賭蒲距回鶻舊牙度馬行十五日阿熱以公主唐貴女遣使衛送還朝回鶻烏
介邀取之并殺使者會昌中遣使上書言狀行三歲至京武宗大悅詔宰相就
鴻臚寺見使者使譯官考山川國風以上命趙蕃持節臨慰其國是時烏介收
餘衆託黑車子東奚部阿熱願乘秋馬肥擊取之表天子請師且言攻取安西北
庭帝亦以河隴四鎮久淪戎狄幸回鶻破弱吐蕃亂相殘齧可乘其衰朝議皆
不可乃止

李德裕傳帝欲從黠夏斯求安西北庭地德裕曰不可安西距京師七千里北庭五千里異時由河
隴右抵玉門關我郡縣往往有兵故能緩急調發自河隴入吐蕃則道出回鶻回鶻今破滅未知黠

憂斯果有其地耶假令安西可得即復置都護以萬人往戍何所興發何道饋輓
彼天德振武於京師尤苦力不足况七千里安西哉臣以爲縱得之無用乃止

大中咸通間三來朝然卒不能取回紇後之朝聘册命史臣失傳

回紇五城

謙州

謙州今今古在吉里吉斯東南謙河唐書作劍河西南唐嶺麓之地相傳汪罕始居

地克烈部汪罕名托里受金封爵爲王蕃音重稱爲汪罕居民數千家悉蒙古回紇人有工匠數局蓋元初所

徙漢人也地沃衍宜稼夏種秋成不煩耘耔云

益蘭州

益蘭蛇之稱初州境山中居人見一巨蛇長數十步從穴中出飲河水腥聞數
里因以名州至元初劉好禮爲吉里吉斯謙州等處五城斷事官即於此修庫
廩置傳舍以爲治所民俗皆以杞柳爲杯皿剝木爲槽以濟水不解鑄冶好禮
聞於朝乃遣工匠教爲陶冶舟楫焉

吉里吉斯

吉里吉斯南去大都萬有餘里相傳奈曼舊音部始居此元初析其民為九千

戶其境長一千四百里廣半之謙河今額爾齊斯郭勒經其中西北流又西南有水曰

阿蒲東北有水曰玉須皆巨浸也會於謙而注於昂可刺河昂可刺水名即以名其國在吉里斯北唐骨利

也幹北入於海俗與諸國異其言語則輝和爾同廬帳而居隨水草畜牧頗知田

作遇雪則跨木馬逐獵土產名馬白黑海東青至元二十六年以吉里吉斯戶居和林七月帝親征海都發所屯吉里吉斯軍

北征

烏斯

烏斯以水名在吉里吉斯東謙河之北其俗每歲六月上旬刑白馬牛羊灑馬

漚成就烏斯沐以祭河神為其始祖所從出故也

撼哈納

撼哈納猶言布囊也蓋口小腹巨地形類此因名在烏斯東謙河之源所從

出其境上惟有二山口可出入叢山林樾險阻爲甚野獸多而畜字少民無恒產以樺皮作廬帳取鹿乳採松實及剛山丹藥芍根爲食月亦乘木馬出獵

嶺北行省

元和林西有哈喇和屯河以名城太祖十五年定河北諸郡建都於此太宗七年乙未春城和林築萬安宮南有涼樓曰托古斯西有金山曰按台山

阿勒坦訛音

丁酉築掃鄰城作迦堅茶寒殿戊戌營圖蘇湖作迎駕殿憲宗即位於鄂倫淖

爾

舊音幹難河今迪化州

乃以旺綽爾

舊音晃兀兒

留守和林中統以前五朝都焉世祖都中興

開平郡

阿里克布克

世祖弟

搆亂遂僭位於和林城西按台河帝親將征之始于和林

置宣慰司元帥府

耶律希亮傳憲宗在六盤山希亮詣行在所已而交鑄扈從南伐希亮從行明年憲宗崩于蜀希亮將輜重北歸陝右又明年爲中統二年世祖即位阿里克布克及遣使召主將渾都海鑄說渾都海入朝不從鑄棄妻子歸大都渾都海遣騎追之不及乃使百人監視希亮母子迫脅使從行自靈武過英吉利城至西涼甘州阿里不哥遣將阿拉克岱爾自和林帥師至焉支山希亮見之阿蘭荅爾

免其監位既而阿蘭荅爾渾都海為大兵所殺其殘卒北走衆推哈喇布哈為帥希亮潛匿甘州北黑水東沙陀中殿兵已過十餘里有尋馬者至老婢漏言衆奄至驅至肅州哈喇布哈與鑄有舊釋希亮縛及摘沙州北川希亮與兄弟徒步負乘不火食者數日是冬涉雪踰天山至北庭都護府三年至昌巴里城夏踰瑪納斯河摘葉密里城乃定宗潛邸湯沐之邑也時六皇后之妹主后位與宗王呼喇特皆欲東觀希亮母密知之擄希亮入見已而事不果冬至于和博克口口口口之地四年定宗子大名王憫其不能歸遣以幣帛鞍馬乃從大名王至誅阿里不哥所用鎮守之人蘇爾哈欲附世祖復從二王還至葉密里城五月又為阿里不哥所驅西行一千五百里至博勒克薩里口口口口之地六月又西至口口口口之地又從至布喀口口城又西行六百里至哲爾格鄂拉后妃輜重皆留於此希亮母及兄弟亦在焉希亮單騎從行二百餘里至察畢圖爾城又百里至阿里瑪圖口口城而哈喇布哈兵奄至希亮又從二王與師還至布喀城與哈喇布哈戰大敗之盡殲其衆二王乃函其首遣使報捷十月至于阿斯哈庫勒五年至哈什哈里阿里不哥兵復至希亮又從征呼巴什時希亮母從后避暑于阿里巴什哈雅先是鑄嘗言于世祖臣之妻子皆在北邊世祖遣使至二王所召希亮詣闕六月由庫森城至哈喇和卓出伊州涉大漠以還八月入覲于上都之大安閣所著有從軍紀行錄

至元八年立轉運司以小雲什伯為使兼提舉交鈔十二年海都叛奔以皇子

北平王統罕 舊音南 尤合 建幕于和林北之阿穆爾 舊音阿 力麻里 其明年昔里吉劫北平

以叛率西道諸王至和林城右丞相伯顏軍往禦之私立元昌路十八年分元

帥府於金山之南和林止設宣慰司二十六年海都等復侵邊宣慰司怯伯同

知奈曼臺副使巴什伯爾乘間皆叛應之 元史西北附錄注阿特穆爾諸王海都行營憲宗二年分地自上都西北行六十里至回鶻五

城唐號北庭置都護府又西北四千里至阿特穆爾至元口口年都護叛世祖逆敗之于北庭又追至阿特穆爾則又遠通上令弗追以皇子納罕統諸軍于阿特穆爾以鎮之命丞相安童往輔之本紀至元十四年諸王悉昔里吉劫北平械擊安童脅諸王以叛使通好于海都海都弗納遂率諸王至和林十九年北平王仍鎮軍于阿特穆爾以禦海都昔里吉與托托穆爾撒里蠻謀劫北平以叛欲與托刺忽結援海都海都不從撒里蠻侮過北平遣扎刺忽以聞二十一年皇子納罕七月帝親征命至自北邊以至元十二年建幕于阿特穆爾留十年始歸二十六年海都復叛

伯顏出鎮和林伯顏尋以中書省右丞相知樞密院事將北邊諸軍和林始置知院元貞初選各衛精兵千人命孛羅喝荅將之戍和林城聽太師月爾魯節度三年而更大德二年復置宣慰司都元帥府武宗即位始置和林行中書省及稱海等處宣慰司都元帥府遂罷和林宣慰司而立總管府初置行省右丞相以伊徹察喇舊音月察兒爲行省右丞相哈喇哈遜爲行省左丞相至大四年省右丞相

伊徹察喇傳初金山南北叛王海都篤哇據之垂五十年時入爲寇嘗命親軍統左右部宗王諸帥屯列大軍備其衝突大德五年伊徹察喇副娃王以督之是年海都篤哇入寇伊徹察喇先出敵背一軍隨之大軍五隊合擊大敗之海都篤哇遁去伊徹察喇亦罷兵歸鎮厥後篤哇來請臣附時武宗亦在軍從伊徹察喇議許之既遣始以事聞由是叛人稍稍來歸十年冬明哩特穆爾等屯於金山武宗師師出其不意伊徹察喇繼往壓之以威啖之以刑明哩特穆爾降部人驚潰遣圖滿將萬人深入其部人亦降察巴爾海都長子也海都死嗣領其衆至是掩取其部人凡兩部十餘萬

口至大元年伊徹察爾喇遣使奏曰昔者篤哇失衆請和雖死宜遣使安撫其子款徹使不我異又諸部既已歸附我之牧地不足宜處諸降人于金山之陽吾軍屯田金山之北軍食既饒又成重戍就彼有謀吾已擣其心腹矣奏入帝曰甚善鄉宜移軍口口口地伊徹察爾既移軍察巴爾喇古勒果奔款徹不見納去留無所相率來降于是北邊始寧詔立和林等處行中書省哈喇哈遜傳以太傅左丞相和林省事至鎮分使者賑降戶奏出鈔帛易牛羊以給之近水者教取魚食會大雪民無取得食命諸部置傳車相去各三百里凡十傳轉米以餉飢民不足則益以牛羊又度地置內倉積粟以待來者浚古渠溉屯田數千頃治稱海屯田

仁宗初改和林省為嶺北等處行中書省改和林總管府為和寧路統有北

邊等處皇慶初命行省右丞口口經理稱海屯田天歷二年明宗即位于和林之北四月以那海為

嶺北行省平章政事御史言嶺北行省控制一方廣輪萬里實太祖肇基之地

國家根本繫焉方面之寄豈可輕任塔即吉素非勳舊羅力又市井小人不諳

政務並宜罷斥帝甚嘉納遂命雅克特穆爾升用行省官吏八月帝次呼忽罕

察都爾舊音忽察多暴崩元本紀大德三年武宗總北軍邊戰海都死封為懷寧王十年北邊悉平帝自金山至于和林諸王畢會五月至上都即位明宗武宗長子也大德三年

命撫北軍武宗立乃立仁宗為皇太子命以次傳於帝仁宗延祐三年議立英宗為皇太子太后幸臣口口口等潛封帝為周王出征雲南帝至延安遇口口口等發兵自潼關至河中府帝遂西行至北邊金山西北率衆來附帝至所部與定約束每歲冬居口口夏居口口春則命從者耕于野泥十餘年邊境寧謐英宗至治三年鐵失等弑逆晉王依遜特穆爾自立改元泰定二年帝弟懷王出居建康三年

秦定崩燕特穆爾謀義迎立帝帝方在遠漠恐生變乃迎懷王於江陵九月懷王即位改元天歷遣使來迎則至金山嶺北行省撥皮武寧王察撒圖等繼至二年正月懷王遣撒廸等來迎帝即位于和寧之北四月立懷王爲皇太子以那海爲嶺北行省平章政事八月車駕次呼罕察都爾之地皇太子來迎入見是日晏諸王大臣於行殿越四日帝暴崩皇太子即位是爲文宗 文宗至順

元年以哈巴爾圖爲平章政事尋罷斥以上部留守奈曼臺行嶺北行省樞密

院事順帝後至元中兵起汝穎天下震動帝履詔宗王以北方兵南討阿魯輝

乘間擁衆數萬屯於圖爾古烏撒之地 舊音木兒 以叛命圖堅特穆爾等擊之

行至稱海起哈喇赤萬人爲軍其人素不習爲兵一旦驅之使戰兵猶未戰

皆脫其衣奔阿魯輝軍中圖堅敗績單騎還上都二十一年更命少保知驅密

院老章以兵十萬擊之且俾阿魯輝之弟和圖特穆爾從征大敗之阿魯輝謀

東遁其部將脫歡知其勢窮乃與宗王等擒送闕下于是加老章太傅以脫歡

知行省樞密院事仍以和圖襲封陽翟王 阿魯輝太祖子明哩大王之裔明哩三傳至圖

阿魯輝襲封尋又詔加老章和寧郡王以嶺北行省丞相知行樞密院事俾鎮北藩明

年初愛猷識理達喇北走和林 順帝擴廓特穆爾從之擴廓一名王保保健將

也數侵甘肅洪武五年徐達爲征虜將軍出鴈門趨和林擴廓與賀宗哲合兵拒達于嶺北達軍敗績詔還師擴廓從其主徙金山卒于哈喇那海之衙庭元國公脫火赤又屯和林擾邊十三年命沐英總領陝西兵出塞略亦集乃路

漢居延塞元于此置路有合即渠今甘州北一千五百里

登賀蘭山涉流沙七日至其境擒脫火赤護全部以歸

是冬愛猷識理達喇卒子抱古斯嗣帝遣使往弔爲文祭之二十一年藉玉等

擊托古斯于捕魚爾海托古斯西遁將依丞相咬住于和林行至圖古喇

舊音土刺

河爲其子雅素特爾所襲衆遂散咬住來迎欲共往依庫克特穆爾大會雪不得發雅素特爾兵猝至搃殺之并殺其子天保奴自托古斯五傳至坤特稱穆爾咸被殺不復知其名有鬼力赤篡立稱可汗遂號韃靼云

瓦剌

明瓦剌居嶺北全境東接韃靼元亡其強臣猛可帖木兒據之死衆分爲三其渠曰馬哈木曰太平曰把禿孛羅永樂初數使招諭并賜馬哈本等文綺有差

六年馬哈木等遣暖荅失隨亦剌思來朝明年乃封馬哈木爲順寧王太平爲賢義王托秃孛羅爲安樂王賜誥印自是名曰瓦剌歲一入貢時元裔本雅失里偕其屬阿魯台居漠北馬哈木以兵襲破之十年攻殺本雅失里尋以甘肅寧夏歸附韃靼者多其所親請給還帝怒命中官海童往輸責之冬馬哈木擁兵飲馬河將人犯而揚言襲阿魯臺開平守將以聞帝遂親征大軍至忽蘭忽失溫三部掃境來戰帝親馳擊大敗之斬其王子十餘人部衆數千追奔度兩高山至土刺河馬哈木遁乃班師明年馬哈木與阿魯戰敗走未幾死海童歸言瓦剌拒命由順寧順寧死賢義安樂皆可撫帝因復使海童往老太平把秃孛羅十六年馬哈木子脫歡襲爵自是瓦剌復奉貢其後瓦剌部屬賽因達拉來降命爲所鎮撫賜綵幣仍令有司給供具自是來歸者如例宣德元年太平死子捏烈忽嗣時脫歡與阿魯台戰敗遁母納山察罕腦爾問九年脫歡襲殺阿魯台遣使來告且請獻玉璽却之未幾脫歡內殺賢義安樂兩王盡有其衆

欲自稱可汗衆不可乃共立脫脫不花以先所併阿魯台衆歸之自爲丞相居漠北哈喇噶等部便屬焉正統四年脫歡死子也先嗣稱太師淮王是於北部皆服屬也先脫脫不花具空名不復相制每入貢主臣並使朝庭兩敕答之賜賚甚厚也先攻破哈密執王及王母旣而歸之又結婚沙州赤斤衛破兀良哈脅期鮮邊臣知必爲大寇疏入止敕防禦而已時也先求中國財物無不許故事瓦剌使不過五十人以利爵賞歲增至二千人至是來使三千人復虛其數以冒領餼廩禮部覈實予之也先大悲遂誘諸部分道入寇也先從大同入太監王振挾帝親征車駕于土木城陷焉六軍大敗死傷數十萬也先擁帝而去也先事備詳史傳不具錄郟王即位也先詭稱奉上皇歸由大同抵紮荆關直犯京師尙書于謙武清伯石亨都督孫鏗禦之也先戰敗大掠而去仍以上皇北行初也先有輕中國心及犯京師見中國兵威始大沮會中國已誘誅賊奄喜寧失其間謀而脫脫不花阿剌知院與朝廷和皆撤所部歸也先亦一意息兵景泰元年

迎上皇歸歲來貢獻帝絕之不復遣使也先與脫脫不花內相猜脫脫不花妻也先姊也先欲立其姊子不聽也先疑其將謀已遂攻殺脫脫不花執其妻子以其人畜給諸屬遂乘勝迫脅諸蕃四年冬也先自稱田盛大可汗以其次子爲太師來朝六年阿剌知院攻也先殺之韃靼部孛來復殺阿剌奪也先母妻并其玉璽也先諸子火兒忽答徙居干趕河其弟伯都王姪兀忽納等往依哈密伯都哈密王母之弟也英宗復辟三年哈密爲請封詔授伯都王都督僉事兀忽納指揮僉事也先旣死瓦剌衰部屬分散天順中阿失帖本兒屢使入貢其後有拜亦撒哈者有克捨者克捨頗強數糾韃靼小王子入寇尋卒養罕王稱雄擁精兵數萬克捨弟阿沙爲太師成化二十三年養罕謀犯邊哈密罕愼來告養罕不利去憾哈密兵還掠其大土刺宏治中稱太師者一日火兒忽力一日火兒古倒溫皆遣使朝貢土魯番據哈密都御史許進以金幣厚啗二部令以兵擊走之其部長卜六王屯駐把思關正德十三年土魯番犯肅州守臣

陳九疇使卜六王乘虛襲破土魯番三城殺擄萬計土魯番畏逼與之和嘉靖九年復以請婚相仇隙土魯番益強瓦剌數困敗所部又輒自殘多歸中國哈密復乘間侵掠而卜六王不支亦求內附朝廷不許遣出關

別記第一

回回事略

回回祖國曰墨克默迪納舊音墨克默克那在葱嶺極西境相傳排合木巴爾舊音派葛木巴爾自

祖國東遷至今山南庫車以西諸城皆其種也唐宋以來未著宋史於龜茲曰回鹘別種元太祖定西域始征回回滅里而喀什噶葉爾羌之名由此始然其後統於巴什伯里絕無紀聞康熙三十五年喀什噶爾回酋阿布都里什特率妻子來朝賜冠服遣使護送哈密俾歸國後阻于準噶爾不獲內附回人尊造化之主專以拜天爲禮每日對始生教主誦回經五次七日則羣赴禮拜寺誦經有通經典者稱曰阿渾猶番俗之喇嘛也男子削髮以布纏之女子編髮蓋頭不露其面相見時屈一足如著地狀以雙手撫尊長膝問安好尊長以一手撫其背而慰勞之尋常鞠躬而已謂拜跪則唯敬天以葡萄釀酒味極美不知斗斛止設權衡同姓者皆爲婚居喪擗踊號泣無常時亦無服制但去紅綠諸色

夫死則其妻散髮去簪環死之日以水浴尸入尸口曰滌胃腸始可見教主以白布裹尸而葬臨穴抽棺底墜尸土中因瘞之常於墓間設祭無干支朔望以教主初生之年爲元年每三百六十日爲一大年周而復始大年第一日如中國之元日交相叩賀里巷喧闐先期三十日必把齋日出閉齋星見開齋周月始茹葷大年前十五日謂教主是日下降鑒察善惡先一夜舉家晝夜誦經不寢大年後七十日爲小年祭天行禮如大年例是二年者爲排哈木巴爾所留遺傳其教而不變者也回俗尙耕耘勤紡織不事鬼神飲酒宴會有加禮饋遺以九爲數惟以豕性昏形穢忌不食人多善商賈故西域賈胡以及傍近諸國無不至各城市集曰八柵爾每當期會貨若雲屯奇珍異寶往往有之準噶爾強山南城郭皆其所役屬有和卓木墨特者時爲衆所推服準噶爾因執而囚之地牢數年釋之仍于伊犁禁錮和卓木墨特在伊犁生二子大兵討滅準噶爾和卓木墨持已死伊犁將軍始將其子波羅泥都霍集占二人釋歸故土並

令霍集占偕霍集斯鄂對等招撫回城逆酋霍集占狡猾不軌既歸盡逐舊時之伯克以其腹心佈置各城乾隆二十三年春將軍遣伊敏圖至庫車察其動靜逆黨布都克勒木遂誘殺伊敏圖以叛喀什噶爾葉爾羌逆酋兄弟巢穴也六月大兵圍庫車霍集占來援敗之于托和鼐殺戮五六千人賊逃入庫車城大兵攻圍一月不得出將軍雅哈爾善疎于事機致賊得乘黑夜遁還而阿克蘇烏什之舊伯克咸協力與賊拒戰逐其逆黨獻城降帝怒命兆惠往代其軍十月兆惠率師抵葉爾羌賊閉城固守城中時出賊兵抵戰屢殲敗之軍中得偵者言賊在城南英額齊盤遂移師濟哈喇烏蘇未濟橋斷遂引還渡河達城東大營賊等乘機四集合圍將軍接戰五晝夜賊乃退時大兵自庫車遠至兵疲馬乏於是掘壕築壘以待援師兆惠之懸師深入也參將舒赫德副將軍富德統兵赴援至廿四年正月六日次巴爾楚克兵會翌日次呼拉瑪賊擁兵迎拒大兵整隊前進轉戰沙磧中竟日夜不息兵士咸拾冰塊以咽是時馬兵纔

六百士多步行者賊故輕之比至葉爾羌渡口適阿里袞解馬千匹星馳來會遂分兵兩翼譟呼馳突賊衆驚潰乘勝直抵葉爾羌與兆惠夾攻破賊將軍復還至阿克蘇整軍進五月京兵齊集將行逆酋聞之遂從葉爾羌西遁波羅泥都亦自喀什噶爾驅其民人踰山而西與霍集占俱遁參贊明瑞以前鋒九百追擊賊衆于和碩庫珠克賊又西竄八月賊據阿喇楚勒兩山頂時富德將中軍明瑞領前隊阿桂阿里袞巴祿分領中後隊又設奇兵援兵爲左右翼四面應援如墻而進擒斬伯克數十人前後剿殺四千餘衆于是乘勝追至葉什勒庫勒賊憑高據險我師仰攻歷時未克將軍令樹回纛使新降回人傳諭招降俄而回衆數千人挈子女駝載牲畜號呼願降沸聲如雷漫山蔽野奔投而下霍集占禁之不能止而助逆渠魁如阿布都克勒木等並臨陣殲之霍集占遂乘夜以殘衆四五百人與波羅泥都奔拔達克山拔達克山汗素爾坦沙遂以兵圍霍集占于阿爾渾楚哈嶺擒之囚于柴札木初素爾坦沙以二酋與己同

派欲縛獻恐諸部不從難之富德以順逆利害之故委曲諭之遂感悟乃殺逆酋二人來獻西域遂定時乾隆己卯八月也其人云回疆紀年自排合木巴爾始乾隆己卯已一千一百九十三年矣回疆有六大城自是均隸職方特設總理回疆參贊大臣一員各城簡派滿洲都統辦事大臣一員凡兵防賦役錢法屯田牧場諸務一時建設回部舊有伯克等官我國家仍其舊名寵以天朝之品職自三品至七品不等其時從戎効力者如鄂對則授葉爾羌色提巴爾第授喀什噶爾鄂斯滿授庫車漠咱爾巴授和闐噶達墨特授阿克蘇阿布都拉授烏什阿均封三品奇木伯克錫之土地是爲六城大伯克焉六城大伯克每年輪值一人領班各城有六品以上之伯克一員二員隨領班之大伯克入覲烏什者本雲集斯所居回疆旣平以其子漠咱爾巴爲和闐伯克霍集斯召入京阿布都拉哈密回子也以功封于烏什與駐防大臣蘇成貪酷兇淫致有三十年烏什之變事平復移駐喀什噶爾參贊于烏什所有附近葱嶺山場遊

牧咸屬布魯特回子亦以其比也即汗効力行間有功以塔什伯里克城賜之為喀

什噶爾九城之一凡山場回子皆其管轄是屬回回別種

準噶爾事略

準噶爾本蒙古苗裔準謂東噶爾謂手準人又謂南為東蓋蒙古迤南部落也其始為脫歡什蒙古稱釜為脫歡獨準人避之改稱釜為海蘇脫歡傳至孛汁世有部落至巴圖魯渾臺吉者自孛汁以來又十四傳矣巴圖魯渾臺吉子十人長策臣次巴圖爾五僧格六噶勒丹博碩克圖僧策臣巴圖爾所殺噶勒丹博碩克圖初居西域後歸嗣為汗康熙年屢侵喀爾喀部 聖祖仁皇帝親統六師一出拖諾山敗之于昭摩多譯音松樹塘 一出狼居胥山獲其塞卜騰班碩爾以歸噶勒丹博碩克圖抑藥死諸部乃定僧格有子二索諾本阿勒布坦先為噶勒丹博碩克圖所殺策妄阿勒布坦率僧格舊臣七人以逃至是始歸自西藏復成部落反俗為汗當時曾受梵封為額爾得尼卓里克圖洪臺吉譯言寶

權大慶王達喇嘛賜鐵印衛拉特部分之謂舊音訛爲瓦刺蓋其族有四曰都爾伯特曰綽羅斯曰土爾扈特曰和碩特分統嶺北全部各有首領以雄據之而綽羅斯尤爲之長其輝特部本附庸于都爾伯特嗣土爾扈特與策妄阿勒布坦構釁率所部投俄羅斯乃復以輝特部實之仍稱四衛拉特四衛之大臺吉亦稱汗王小臺吉皆汗王之宗爲之二十四鄂托克爲準噶爾汗之部屬二十一昂吉爲各臺吉之戶屬而統屬於其汗鄂托克游牧之所環於伊犁昂吉游牧之所又環諸鄂托克之外集賽者專理喇嘛事務舊曰五集賽後增其四爲九集賽鄂托克領以宰桑各有游牧分地而集賽亦各有宰桑如鄂托克焉官屬自圖什墨爾以下凡十等準噶爾專尙黃教凡決疑定計必咨于喇嘛而後行人得其一撫摩一接手者爲大福伊犂河濱有佛寺二皆策妄阿勒布坦建河之北曰固爾札廟河之南曰海努克廟聚集喇嘛居之合五鄂托克輪值供養喇嘛中之坐床者名西勒圖即掌教都綱也禮佛之儀衆喇嘛禰袒脫

禪露肩以爲致敬人皆不事田作惟以畜牧爲業食其肉飲其酪衣其皮無一不取給于牲畜欲粒食則因糧於回部回部苦其抄掠歲納常賦因是不惟賦稅之且役屬之喜射獵放鷓鴣其居處雖冬夏遷徙而各有分地每歲分四節禮佛誦經不殺生最重者年元旦卑幼見尊長叩首抱膝指眉以爲禮四月造乳酒以祭天積年置閏亦同中國凡政事決於圖什墨爾圖什墨爾上之臺吉施行刑法輕則鞭腰重則割手足耳鼻以示懲然後斬首盜馬盜羊者償以妻子無妻子則給本身與事主爲奴有行軍失伍及逃回者游行狗衆後盛以革囊以錐錐之鮮不死者人歿則延喇嘛檢露珠海書有應用五行葬法者以法葬之不則撒蒙古包棄尸于道旁每遇草青思其祖父亦一酬奠焉雍正年策妄阿勒布坦卒子噶勒丹策凌嗣噶勒丹策凌卒子策妄多爾濟那木札爾嗣尋爲其庶兄喇嘛達爾札殺之喇噶達爾札自立後阿睦爾撒納與班珠爾欲誘立噶勒丹策凌幼子策旺達什爲汗爲喇嘛達爾札所害達瓦齊亦以喇

嘛達爾札之害其近屬達什達瓦也恐禍及遂偕阿睦爾撒約同逃哈薩克未幾阿睦爾撒納潛回伊犁殺喇嘛達爾札於帳中立達瓦齊爲汗達瓦齊者渾臺吉之孫布木之子於策妄多爾濟爲再從姪達瓦齊始與阿睦爾撒納同謀篡立繼而聽衆宰桑言與之生隙阿睦爾撒納遂據額敏河及額爾齊斯諸游牧處爲自固計達瓦齊以兵蹙之時準噶爾篡奪相仍諸部瓦解乾隆十八年十九年四衛拉特先後款關投誠求脫水火朝命將軍班第率師討之二十年二月將軍進至準噶爾二十四鄂托克二十一昂吉等爭先迎降達瓦齊以兵萬餘衆西走保格登鄂拉阿玉奇錫率健士二十五人追及夜突其營出賊不意衆大潰自相蹂躪擒獲甚多黎明悉收撫之達瓦齊僅以身免五月大兵抵伊犁回部伯克霍集斯擒達瓦齊以獻伊犁平先是都爾伯特部臺吉策凌等首先內附爲聞風歸來者倡乃移其部於阿勒坦鄂拉

即古金山鐵勒回紇皆以此爲望鎮阿勒坦蒙古稱金之謂

繼之綽羅斯部噶爾藏多爾濟和碩特部臺吉班珠爾輝特部阿睦爾撒納

先後來降咸封汗號並授扎薩克銜俾安游牧又和碩特部之沙克都爾曼濟爲盟長居其部於巴爾庫勒而綽羅斯之薩拉爾輝特之巴雅爾皆封爵有差時阿睦爾撒納覬覦爲總臺吉 高宗純皇帝察其狡猾不許阿睦爾撒納遂煽惑其黨爲亂而巴雅爾噶爾藏呢瑪等漸附爲逆惟都爾伯特守臣節不從於是四載天戈犁庭掃穴一苞三葉盡就芟夷讀平定準噶爾紀略則四衛拉特失國之由實以無人致敗大哉王言昭鑒千古矣

準噶爾舊疆考附

烏孫居天山北與匈奴接壤南臨城郭諸國即舊準噶爾部也至元魏時爲高車隋爲鍊勒唐爲回鶻回鶻自唐末散處山南即今回部也至蠕蠕突厥並屬胡種與高車鍊勒回鶻異族魏書稱烏孫在龜茲西北是烏孫於元魏時已西遷龜茲以東爲匈奴餘部高車所據蠕蠕主社淪亡依高車旋破其部復西侵烏孫拓地至龜茲西北此蠕蠕盛時與今準噶爾全境相倣

突厥世臣蠕蠕至元魏末木杆可汗又擊蠕蠕滅之後分東西突厥割據烏孫故地是準噶爾全境盡爲西突厥地東境則猶屬東突厥也天寶初東突厥地入回紇五代及宋聲教弗及元代西北最廣應屬諸王行營統軍之地明時衛拉特當韃靼西巴什伯里北南與于闐相直與今準部方位悉合伊犁舊屬準噶爾庭爲疏其全境沿革大略系此以備考又按赤谷在今伊犁西路烏孫東境與匈奴接魏書稱烏孫在焉耆西北是其東境已削悅般即烏孫國又稱在龜茲國北則悅般之在伊犁較然突厥射匱可汗徙庭三彌山即今汗騰格里鄂拉南去庫車三百餘里北二百里即伊犁與魏書北去突厥牙帳六百餘里之說合則伊犁又爲射匱可汗庭入唐爲隕鹿都督府蓋突厥未滅蠕蠕之前伊犁爲悅般國地後其國爲蠕蠕所滅是以并滅烏孫拓地至龜茲西北而蠕蠕尋爲突厥所滅射匱乃建庭於此唐之突厥南庭應在伊犁東境所謂由焉耆西北七日行今伊犁東南之空格斯東南

之哈喇沙爾六百里山朝水東爲伊犁形勝之冠正當其地賀魯盜北庭又
建牙于伊犁麗永蘇定方逐賀魯至雙河二百餘里抵其牙賀魯西跳伊麗
水今伊犁東北二百里博羅塔拉爲伊犁東境門戶地有鄂托克賽里庫色
木蘇克河水會合故稱雙河唐之雙河都督即其地也又唐書回鶻傳契苾
在焉耆西北鷹沙川多覽葛之南貞觀六年來歸以其地爲榆溪州裕勒都
斯即鷹沙川今自空格斯迤東南輸山而止適當哈喇沙爾西北境唐以之
爲鷹沙都督府而契苾故地當其南境鐵勒傳稱鐵勒自西海之東依據山
谷伊吾以西焉耆之北傍白山則有契弊薄落職乙啞蘇婆那紇骨也啞於
尼謹等按鐵勒在天山一帶山谷之間此隋書所云在伊吾西焉耆北者契
弊疑隋時正居焉耆之北至唐稍西遷近鷹沙川唐以其地爲榆溪州者專
指契弊而言以今焉耆北境登努勒臺求之方位更不爽也苾弊音同而字

異

別記第二

徽縣略志

徽縣自晉以後爲揚氏專據南北分割所爭在此有宋南渡遂爲百戰之場其地形險要論史者所盡知也今叙錄新疆諸記訖復蒐集史乘綴錄前聞述徽縣略志一通亦欲俾讀史者於地方沿革及兵事人物有所考鏡也志沿革第一兵事第二人物第三雜記第四

徽縣沿革第一

禹貢雍梁之交春秋時氏羌侵之秦隴西郡地漢置河池縣屬武都郡

王莽改樂平亭

東漢因之三國時屬蜀漢晉武都郡河池縣如漢永嘉後沒於氏羌元魏置廣化縣於縣置廣化郡西魏置思安縣隸落叢郡隋改鳳州爲河池郡開皇初廢廣化郡仍改縣名河池省思安縣入之統於郡唐仍河池縣屬山南西道鳳州河池郡五代之亂岐與前後蜀割據無常宋開寶三年移河池治於固鎮屬鳳

州金史稱固鎮紹興中金人爭地南宋憑河池仙人關以固蜀今縣四十里為鐵山上為虞關沿江岸十里抵

仙人關吳玠吳璘築壘於此金兵自鐵山鑿石開道而下不能攻劉子羽曰蜀有鐵山棧道之隘史有明據秦州志鳳縣亦有仙人關考漢中志鳳縣即鳳州河池正其所屬意謂吳玠吳璘駐兵或即是鳳

縣仙人關辭意糾轢益令後元初置南鳳州以永寧兩當為屬邑至元元年改徽州人支離其說故亟為辨證

七年省永寧縣入州州志有河池縣同省又誤領兩當一縣屬鞏昌路明仍之而屬鞏昌府

國初亦因舊制雍正七年降州為縣改隸直隸秦州今詳列自漢以來郡縣

之源流如下

西漢

武都郡武帝元鼎六年置應劭曰故白馬氏羌武都縣天領九縣上祿武都故道沮

嘉陵道池大澤在縣西師古曰以有天池大澤故謂之都河池泉街水南至沮入漢行五百二十里師古曰華陽國志河池地方百里

下辨道地有羌夷曰道

案武都九縣武都有天池大澤在其西今階州是已上祿與氏道為界今西

和縣故道與陳倉為界今鳳兩二縣沮以水名今略陽縣東河池即今縣治

外此則有四道循成道今成縣平樂道即白水上流下辨道即嘉陵江嘉陵白水合而南出爲嘉陵道今略陽寧羗州地王莽改河池爲樂平亭光武復置武都郡無平樂道則其併入河池可知傳曰地有羗夷曰道以武都郡言之或以大河經流謂道歟

東漢

武都郡

七城

武都道 上祿 羗道 沮 上辨 河池 故道

河池

下辨

凡屬古縣在今界域之內特爲標列若稍涉界外概不闌入後倣此

漢書地理志沮縣沮水水經注沮水出東狼谷南至沙羨南入江河池縣泉街水南至沮入漢後漢虞詡傳詡爲武都太守按行山谷由沮至下辨數十里翦木開道以通水運案東狼谷今鳳縣紫柏山沮即鐸水俗稱黑河今略陽縣東北百餘里所謂南至沙羨南入江是也泉街水今思義川

見鞏昌舊志秦州志

為嘉陵江南出支流今徽縣東南七十里泉街至沮僅五十里所謂南至沮入漢是也江漢指漢水互文耳虞詡翦木開道即穿治泉街水路云自沮至下辨數十里者蓋謂直達嘉陵江以通運爾

晉

武都郡

五縣

武都沮河池下辨故道

河池

下辨

晉壽郡

孝武太元十五年周馥表立晉壽郡分_辛潼北界置

四縣

晉壽白水興安邵款

白水

南宋

武都郡

三縣

上祿下辨陳倉

下辨

沈注曰晉永初郡國志有河池故道二縣南宋無

白水郡 仇池氏流寓立 六縣 闕

白水

南齊

武都郡 與南宋同

下辨

仇池郡 四縣 上辨倉泉白石夷安

白石

思安郡 廣長郡 郡荒無民戶

白水郡 氏羌楊後起據白水居晉壽上流西接涪界東帶益路北連陰平葭蘆為形勝地

後魏

南秦州 真君中置 郡六 天水漢陽武都武階仇池修武

武都郡 四縣 石門白水東平孔提

白水

修城都

四縣

平洛廣葺
下阪柏樹

平洛

廣葺

郡治

柏樹

下阪

下辨
改名

案今縣之疆域在漢則為河池下辨二縣地河池僅百里耳嘉陵緣江而下乃屬下辨道階成舊志指成縣為漢下辨道明一統志沿襲書之獨不考自漢至晉下辨一縣未有改易元魏大統末始以下辨改下阪尋即併入廣葺縣歷代職方原委可溯也又有可證者南宋武都郡領縣三河池故道併入下辨齊因之後又置仇池郡別置上辨縣辨有上下之分更覺方隅之判然已成境謂為上辨則有據謂為下辨則未有說也

南岐州

治梨泉

三郡

廣化固道

廣業

廣化郡 初不領縣

廣業郡 延興中與固道同置寰宇記魏定仇池治白石栗亭二縣廣業郡領之

白石

栗亭

西魏

東益州 大統末置 七郡 治武興

廣業郡 二縣 廣業 廣化

廣業 舊白石縣改名 栗亭併入尋廢

廣化 舊廣化郡改縣名後周復置郡又置思安縣 思安

落叢郡 亦作一二縣 武都 洛聚 明水

明水 白水縣改名

榮頭郡 舊修城一二縣 武縣 郡分置 葭舉

葭舉

廣萇郡 舊修城廣萇下阪 郡改置柏樹

廣萇

下坂

柏樹

舊縣後周邵廢以縣併入廣 柏或誤和

仇池郡

後元元年平氏復置治上祿 三縣 上祿西鄉 白石

白石

後周復置郡尋改名同谷

同谷

見上後周又置泥陽縣尋併入 泥陽

隋

河池郡

後魏南岐州 三縣 梁泉河池 後周改鳳州 同谷

河池

舊化郡仁壽初郡廢改縣大業初以思安縣省入有河池水

同谷

舊白石縣隸廣業郡西魏復仇池郡改縣名同谷後周改西康州大業初州廢復置

案同谷後魏以白石改名今縣屬之泥陽周時又置泥陽縣尋即併入同谷則知泥陽同谷必分兩地以後魏論之已有疑義置後周以同谷改西康州隋大業初廢州復置同谷縣史雖無遷徙明文然仍指白石為同谷必非也

順政郡

後魏東益州西魏改興州

四縣

順政鳴水葦舉修城

鳴水

舊落叢郡開皇初郡廢六年改縣曰厨北八河又改明水

叢舉

舊樂頭郡後周郡廢入落叢郡開皇初仍縣名有鳳溪水

修城

舊修城郡西魏改廣葦郡縣曰廣葦後周郡廢又省下阪縣入之仁壽改縣名

唐

鳳州河池郡

三縣

梁泉河池兩當

河池

興州順政郡

長舉

舊縣郡又領明水縣
長慶元年省入有錄

案唐興高祖改郡為州以太守為刺史置都督府以統之然天下初定州縣權置者多太宗始命併省分天下為十道鳳州河池郡隸山南道開元中分山南為東西遂隸西道天寶盜賊起隴右沒於吐蕃而成州河池為唐邊境矣興鳳隴節度使上元元年始設尋號保義節度使自方鎮盛而州縣漸廢大中以後史錄無存雖咸通吐蕃執衰復收秦武二州故地置官守而宣懿之世正不暇經理疆域也

五代

鳳州

秦成階鳳四州梁為岐有後即入唐
劉氏之初入於蜀周世宗復取之

雄勝軍

本鳳州固
鎮周置軍

成州

栗亭軍

後唐置

宋

鳳州河池郡 初置防禦使開禧
中降為團練使 一縣河池兩常

河池 開禧三年移治固鎮其諸縣
河池為緊有水銀務則置丞

沔州順政郡 本興州吳曦
叛後改沔州 一二縣 順政開禧三年改路陽
長舉

長舉 有濟衆監
鑄鐵錢

成州同谷郡 本成州寶慶初
升同慶府 縣二 同谷 栗亭

栗亭

案宋代鳳州初隸秦鳳路經略安撫使紹興中屬利州路後改隸四川西路迨宋之季則為關外四州之一是其大略也攷自建炎紹興間金人爭地河池縣乃遭殘破吳玠胡世將為宣撫使居河池自茲以往河池為蜀口鎮將守之而令尉遂不復設

元

徽州

元兵入蜀鳳州首降以鳳州仍治梁泉別置南鳳州於河池至元中更名徽州

二縣

永寧
兩當

南鳳州

元初置本河池縣尋改徽州

永甯

元初以永寧鄉置縣至元中併入徽州

栗亭管民司

案栗亭入徽州史無明據考口口間永昌寺碑記則云徽州栗亭

明

徽州

屬鞏昌府隴右道洪武七年省長舉縣入州

領兩當縣

國朝

徽縣

順治康熙朝仍徽州領兩當縣雍正七年改縣與兩當同隸秦州

徽縣兵事第二

東漢光武九年隗囂使王元與領軍環安據河池帝遣馮異擊敗之十一年公孫述使王元據河池來歙蓋延擊破之述使盜刺殺來歙用馬成代之冬十月馬成等破河池

建寧二十年曹操征張魯至陳倉將自武都入氐人塞道先遣張郃等攻破之四月曹操自陳倉以出散關至河池氐王寶茂恃險不服五月攻屠之遂入漢中

漢略陽氐羌楊氏世居隴右武帝遣中郎將衛廣滅白氏以其郡地爲武都郡獻帝建安中楊騰爲部落大帥騰子駒始居仇池傳至飛龍受晉封爵還居略陽飛龍無子以令狐茂搜爲子復保百頃群氏推以爲王

晉愍帝以令狐茂搜爲驃騎將軍左賢王子難敵襲爵與弟堅頭分部曲難敵自爲左賢王屯下辨堅敵頭爲右賢王屯河池難敵卒子毅立自號下辨公堅頭子槃號河池公咸康初稱藩朝獻數傳皆篡弒無常

孝武帝太元八年苻堅敗於淮南關中擾亂楊佛奴子定將家治歷域城在西縣去仇池百二十里置倉儲於百頃招合夷蠻得千餘家自號龍驤將軍仇池公上表稱蕃帝以其自號假之求割天水之西縣武都之上祿爲仇池郡許之其年進平天水略陽郡遂有秦州之地十九年定攻乞佛乾歸軍敗見殺無子其弟盛先守仇池至是襲號分四山氐羌爲二十部護軍各爲鎮戍不置郡縣隆安三年以盛爲輔國將軍平羌校仇池公

宋受晉禪封楊盛爲武都王盛子元拜爲梁州刺史南秦王卒子保宗立初元授國事於弟難當難當固辭保宗既立難當廢之自立爲大秦王拜秦州刺史保宗與兄保顯降魏次年難當傾國南寇梁州刺史劉道正率龍驤將軍裴方明等合兵討之難當奔仇池平以胡崇之爲秦州刺史守仇辨至白水去仇池八十里遇魏將拓跋齊戰敗奔漢中前鎮東司馬符達等舉義立難當兄子德爲王屯白水求宋援兵拓拔齊遂遁追斬之因據白崖分平諸砦

德既受朝命進戍茄蘆城會南郡王義宣反德以不同見殺孝建二年以保宗子元利爲征虜將軍以堅頭爲輔國將軍繼楊氏正統其後立元利武都王治白水太守元利不能自立復奔魏其從弟僧嗣戍茄蘆僧嗣卒從弟文度立元徽四年文度遣弟文宏伐仇池破戍兵于蘭臯帝甚嘉之其年魏破茄蘆文度見殺以文宏襲封武都王北秦州刺史退治武興

南宋元嘉十年蕭思話平梁州楊難當遣使奉表謝罪十一年難當遣從子保

定鎮童鎮保宗奔魏拓拔

拓拔氏
魏本姓

燾遣將襲上邽難當子順失守退保下辨

十八年楊難當舉國南寇規有蜀土太祖遣龍驤將軍裴方明積弩將軍劉

康祖後軍參軍梁坦等討之俱受劉真道

魏書作
道正

節度十九年五月方明至

漢中長驅而進真道到武興攻難當將符隆克之安西將軍韋俊建武將軍姜道盛別向下辨真道又遣司馬夏侯穆季西取白水難當子順等拒之並望風奔走閏月方明至蘭臯戍離當列陣拒戰方明擊破之斬符宏祖等二

千人天水任愈之率部曲歸順難當子和據修城方明又遣軍率愈之攻和大破之於是難當子率妻子奔魏初難當遣第二子虎守陰平至是虎還至下辨方明使子肅之要之生擒虎傳首京師仇池平

後魏眞君中宋將裴方明擊楊難當克仇池立楊元庶子保熾難當請救兵於是假古弼宋書作吐奚弼節都督隴右諸軍事宋遣秦州刺史胡崇之屯仇池弼與元齊邀崇之於蜀水即白水擒之弼復與東道將軍皮豹討仇池仇池平皮豹子爲仇池鎮將白水太守郭啟立啟立走還漢中興安二年宋遣楊文德率氏羌圍武都遂軍於覆津宋增兵將晉壽白水送糧覆津以武興運粟甘泉皆置倉儲豹子上表乞師宋師乃退殷孝祖修兩當城於清東以逼南境封敕交擊之不克豹子助擊之宋遣步卒五千攻兩當去城八里與豹子前鋒相遇豹子軍繼至縱騎追擊大破之至於城下其免者千餘人而已孝明正光五年秦州城人莫折念生僭立遣其兩督楊伯年樊元張朗等攻

河池仇鳩兩戍東益州刺史魏子建遣將擊之斬樊元念生遣其兄天生下隴東寇元志大敗于隴東退保南岐州其都督竇雙攻槃頭郡子建遣將擊斬之天生攻陷岐州子建招降南秦氏民復六郡十二戍

齊太祖即位拜楊文宏征西將軍北秦州刺史以楊廣香爲征虜將軍梁州刺史廣香親將李烏奴叛文宏納之太祖以文宏背叛進廣香爲持節都督西秦州刺史其子炆靈爲武都太守以難當正裔楊後起爲北秦州刺史武都王鎮武興即文宏從兄子也三年文宏歸降復以爲北秦州刺史先是廣香死氏衆半歸文宏文宏遣從子後起據白水居晉壽上流世祖即位進後起冠軍將軍永明四年卒進楊集始輔國將軍武裔王以後起第後明爲龍驤將軍白水太守集始弟集朗爲寧朔將軍

十年集始反率氏衆寇漢川官軍內外奮擊集始大敗十八營一時潰散隆昌元年集始入武興以武城降魏

建武二年氏魏寇漢中梁州刺史蕭懿遣前氏王楊後起弟子元秀收合義兵氏衆響應斷魏連道即舉衆攻破虜歷城蘭臯駱谷仇池平洛蘇勒六戎魏郡王元英遣副軍楊靈珍據泥功山武興城主楊集始遣弟集朗與歸國氏楊馥之及徐曜甫迎戰于黃亘大敗奔歸英退保濁水聞氏衆盛與楊靈珍復俱退入斜谷會天大雨至下辨靈珍弟婆羅阿珍反襲擊英衆散射中英頰悅楊生領鐵騎救之得免四年楊靈珍與二弟婆羅阿珍率部曲三萬人舉城歸附遂攻集始於武興殺其二弟集同集衆集始窮急諸降以靈珍爲仇池公武都王

永元二年復以集始爲平羌校尉北秦州刺史靈珍後爲魏所殺

後魏楊難當廢保宗自立爲大秦王守上邽稱藩於宋保宗與兄保顯歸京師世宗封保宗爲武都王保顯爲晉壽公尋而招諭難當難當遂攻涪城伐巴西獲流人七千還仇池宋將裴方明伐之敗奔上邽世祖迎之赴行宮先是

詔保宗鎮上邽時又詔鎮駱谷復其本國保宗弟德先逃氏中乃說保宗令

叛事泄執保宗送京師詔難當殺之氏羌立德於濁水

白水魏書稱濁水

自號仇

池公求援於宋宋封爲武都王陰平氏多歸之詔淮陽公皮豹子率諸軍討

之德走漢中收其僚屬妻子送京師保宗之執也子元和奔宋以爲武都王

白水太守元和據城歸順高宗嘉之拜武都王內徙京師

景明初楊集始來武

文宏子後起集始

授爵位守武興卒子紹先立拜南秦州刺史

紹先年幼委事二叔集起集義二人見梁益既定不得久爲外藩遂煽動諸

氏推紹先僭大號外引蕭衍爲援安西將軍邢巒遣傳豎眼攻武興克之執

紹先送京師遂滅其國以爲武興鎮復改鎮爲東益州正光中魏子建爲東

益州刺史遠近欵附後以唐永代之氏人悉反自此復爲氏地紹先奔還武

興復自立

西歧周文定秦隴楊紹先稱藩送妻子爲質大統元年紹先卒子辟邪立四

南歧州氏苻壽反攻陷武都詔大都督侯莫陳順與長孫澄討平之十一年於武興置東益州以辟邪爲刺史十五年趙昶爲郡守復攻安夷叛氏於是以昶行南秦州事氏帥蓋開作亂昶討平之興州叛氏復侵逼南歧州刺史叱羅協遣使告急昶起救又大破之廢帝二年楊辟邪據州反群氏復與同逆詔叱羅協與趙昶討平之周文乃以大將軍宇文貴爲大都督興州刺史貴威名先著群氏頗畏服之恭帝末武興氏反鳳州固道氏魏天王亦聚衆響應大將軍豆盧寧等討之

周明帝初鳳州人仇周貢魏興等反破廣化郡攻沒諸縣分兵西入圍廣業修城二郡時昶趙爲武州刺史廣業郡守薛爽修城郡守杜果請昶爲援昶遣使報果爲周貢黨樊伏興所獲興等知昶將至解修城圍據泥功嶺設六伏以待昶昶至遂遇伏合戰敗之廣業之圍亦解昶追至泥陽川而還

周明帝時興州人段叱及下辨柏樹二縣人反相率破蘭臯戎氏酋姜多復率

厨中氏攻陷洛聚群以應之趙昶討平二縣并斬段叱而陰平葭蘆氏復往屯聚于厨中相應昶乃簡精騎出其不意徑入厨中至大竹坪連破七柵誅其渠帥二郡並降及昶還厨中群氏復爲寇掠又遣儀同劉崇義宇文琦入厨中討之於是群氏並平

隋煬帝十三年隴右盜起薛舉盡有隴西之地自稱秦帝使其子仁越掠河池蕭瑀拒却之丞相李淵使姜暮竇軌出散關安撫隴右漢陽諸郡相繼來降姜暮竇軌至長道爲舉所拒引還河池太守蕭瑀以萬郡降

王鎮兵鎮始州隋文以梁睿爲行軍元帥便發利鳳文秦成諸州兵討平之

唐開平中岐王李茂貞舉兵犯興州山南節度使李道襲率衆固守青坭嶺扼塞險要茂貞不能達遂引衆還

後唐莊宗三年征蜀以康延孝爲先鋒排陣斬砍使破鳳州取固鎮降興州與

王衍戰三泉衍敗走

後梁乾化元年蜀城西縣置安遠軍岐王使劉知俊擊蜀與王宗侃戰於青泥嶺蜀兵敗績宗侃走保安遠軍王建自將擊之岐兵敗光孝五年蜀遣王宗儔攻岐取其秦鳳階成四州至於大散關

北漢乾祐元年蜀宣徽使韓保貞至秦州雄武軍節度何重建以秦成階三州附于蜀攻下鳳州悉并王衍故地

周師伐蜀孟昶遣高彥儔李廷珪出堂倉以拒周師彥儔大敗走青泥於是秦鳳階成入於周

宋乾德二年冬詔命王全斌伐蜀由秦鳳路進討召示川陝地圖授以方略十二月遂下興州敗蜀軍七千人進拔石圖魚關白水二十餘砦

元豐五年鳳州團練使种諤以行軍道路降授文州刺史

紹興元年張俟承制以吳玠爲諸路部統制又使劉子羽留河池調護諸將

冬僞齊劉豫秦鳳經略郭振以數千騎掠白石鎮王彥與關師古併兵禦之賊大敗獲復秦州

三年金將撒離曷克饒風關入興元吳玠退屯仙人關

四年金人犯兩當縣入仙人關吳玠率揚政吳璘田晟王喜等與烏珠戰七日大敗烏珠遁去追至河池而還

十年宣撫使吳世將居河池遣涇原經略使田晟以兵三千迎敵又移陝西之右護軍還屯蜀口

十一年春金人內侵胡世將召郭浩吳璘楊政會仙人原秋九月璘克復秦州金將胡蓋走保臘家城璘圍而攻之城垂破詔班師璘即自臘家城還河池

三十一年金兵扼和尚原吳璘駐青野原遣將高松援之

三十二年三月吳璘復德順軍六月璘自河池如鳳翔巡邊

隆興初史浩欲棄陝西朝臣有言西事者詔官軍進討東不可過寶雞山北不可過德順且欲用忠義人守新復州郡而官軍退守蜀口吳玠遂自德順歸河池金人乘其後亡軍三萬餘陷新復十三州軍

乾道二年十二月命全斌為四川行營兵馬都部署武信軍節度崔進彥副之將步騎三萬出鳳州道以伐蜀開禧二年金兵入鳳州吳玠表以鐵山為界三年曦叛轉運使安丙居河池遂謀誅之三月忠義統領張翼復鳳州

嘉定十一年金人陷成階及河池守將楊九鼎樊城遁沔州都統

吳曦叛後改興州為

沔州以順政縣改略陽縣

王大才馬蹶死於河池十二年金人焚成州犯河池守將張斌遁

去

寶慶四年元兵攻仙人關破蜀口御前統制張宣戰青野原有攻詔授璘州都

統

嘉熙元年八月詔蜀雞冠隘都統王宣戰沒其總管吳桂棄所守又縱部伍剽

劫削三官勒停

金天會八年

宋紹興二年

十月宗弼

烏珠本名

與吳玠戰於和尚原敗績

睿宗已定陝西請收劍外十三州

杲撤離曠本名

與宋將王彥軍遇於沙會獲敗之

遂破饒風關取真符洋縣入興元府敗吳玠兵於固鎮擒其兩將破宋兵盡下諸砦及仙人關

大定元年吳玠侵固鎮分據散關和尚原神义口玉女潭大蟲嶺石壁堡寶雞縣兵十餘萬陷河州鎮戎軍

興元府統制姚仲攻鞏州不下退守甘谷城吳玠次大蟲嶺柳檄仲至軍前下河池獄命夔路安撫使李師顏代將其兵

興定四年

宋嘉定十一年

四月完顏白撒敗宋兵至雞公山毀其諸隘營屯遣習涅阿

不趨成州宋統制李大亨棄城遁河池縣守將楊九鼎亦焚縣舍走保青野原統制高干據黑谷關以守習涅阿不襲之干遁去

元太宗二年

宋紹定元年

世子拖雷分兵由山南入金境按竺邇爲先鋒趨散關

宋兵已燒絕棧道復由兩當縣出魚關入武休破興元遂侵仙人關十月北兵入鳳州略河池曾友聞部分諸將却之北兵入沔州又分軍自嘉陵江木皮口突出宋將何進敗死曾友聞遣白再興趨雞冠隘力戰乃解

八年闊端率汪世顯等入蜀取宋關外數州斬宋將曾友聞於雞冠隘冬闊端入成都

憲宗五年四月軍四萬分三道入蜀帝由隴州入散關諸王穆格由祥州入米倉關李里察由漁關入沔州

明洪武五年馮勝出西安擣定西破廓擴特穆爾分兵與徐達梅思祖自秦州又自徽州南出一百八渡循略陽擒元平章蔡縑爾沔州

二十五年耿東文帥兵平陝西徽州妖人之亂

正統治七年蜀盜攻陷徽州城邑焚掠殆盡是時徽無城郭又人不知兵倍遭其慘

八年夏六月蜀盜復至徽州南鄙按察使僉事李璋率三衛兵迎擊破之

嘉靖十四年階州徇賊馬興犯徽州殺指揮王煦秋七月巡撫黃臣駐節秦州

遣參將崔嵩韓選白浹指揮種繼討之遇賊於石門大破之斬興于陣

崇正七年洪承疇勦流賊于汧隴間賊復由徽州入兩當焚公私廬舍

九年五月洪承疇遣總兵柳紹宗從徽州往略陽勦李自成又遣兵往徽州

扼之七月自成復犯徽州

十一年春蜀寇復由徽州返秦

國朝順治三年賊武大定盤踞仇池山蕭王統京兵攻取駐秦州一載是年秋

流賊黎馬賀王等陷徽州城肆殺掠總督孟喬芳討平之

徽縣人物第三

後唐

李茂貞本姓宋名文通爲軍卒朱玫反僖宗出居興元玫遣王行瑜攻大散關茂貞敗行瑜于大唐峰以功拜節度賜姓名尋以殺李昌苻功拜鳳翔節度封隴西郡王晉王李克用舉兵昭宗出居石門還募軍萬餘以覃王將之茂貞謂唐將討已遂犯京師覃王軍潰昭宗遣孫渥討之韓建爲茂貞力請乃已久之加拜中書令封岐王其後昭宗謀誅宦者而中尉韓全誨等倚茂貞茂貞遺其子繼筠以兵數千宿衛京師宦者恃岐兵益不可制天復元年梁太祖軍至同州全誨懼與繼筠劫昭宗幸鳳翔梁軍圍之逾年茂貞與梁約和斬全誨等傳首梁軍圍解梁太祖即位諸侯之强者皆相繼稱帝獨茂貞不能但稱岐王視朝出入擬天子而已初茂貞破楊守亮取興元而邠寧鄜坊皆附之有地二十州其被梁圍也興元入於蜀開平以後邠寧鄜坊入於梁秦鳳陷成入於蜀當梁末年所有七州而已後唐莊宗破梁茂貞上表稱臣遣子從囑入朝改封秦王同光二年以病卒

前蜀

王建舞陽人唐天順初以建爲西川節度使其後韓全誨劫昭宗幸鳳翔梁兵圍之李茂貞距守力窘建間遣人聘茂貞許其出兵相援遣王宗滌將兵五萬聲言迎駕以攻興元并有山南西道茂貞自爲梁所圍地狹勢孤遂與建和因求山南故地建怒不與以王宗侃爲北路都統宗祐宗賀唐襲爲三面招討使以攻歧戰於青泥宗侃敗績退保西縣爲茂貞所圍建自將擊之歧兵敗解去建至興元而還光孝五年遣王宗儔攻歧取其秦鳳階成四州至於大散關又二年僭位稱國號蜀是年六月建卒子衍立

後蜀

孟知祥邢州人唐莊宗建號以知祥爲太原尹魏王繼岌莊宗弟伐蜀郭崇韜爲招討使崇韜臨行白曰臣等平蜀陛下擇帥以守西川無如孟知祥者已而唐兵破蜀即以爲劍南西川節度使明宗入立知祥乃訓練兵甲陰有王蜀

之志長興四年册封知祥爲蜀王明年知祥僭位國號蜀改元明德六月知祥卒次子昶立十一年漢高祖起於太原中國多故雄武軍節度使何建以秦成階三州附於蜀昶遣孫漢韶攻下鳳州於是悉有王衍故地十八年周世宗伐蜀攻自秦州昶以韓繼勳爲雄武軍節度聞周兵來伐嘆曰繼勳豈足以當周兵耶監軍使魏季札行至德陽聞周兵至遂還昶怒殺之乃遣高彥儔李廷珪出堂倉以拒周師彥儔敗績於是蜀兵守諸城堡者皆潰

宋

吳曦挺之中子開禧二年詔曦爲四川宣撫副使仍知興州聽便宜行事曦陰爲反謀遣客姚淮源獻關外四州於金求封爲蜀王韓侂胄日夜望曦進兵曦按兵河池不進潛爲金人地以困王師金人犯西河和王喜魯翼招之戰方急曦傳令退保黑谷軍遂潰乃焚河池退壁青野原時曦已布腹心于

金將士未之知曦退壁魚關招集忠義厚賜以收衆心金陷大散關曦退屯
置口金遣吳端持詔賚金印至密受之翌日召幕屬諭意衆失色王翼楊際
馬之抗言曰如此則相公八十年忠孝門戶一朝掃地矣曦曰吾意已決遣
徐景望爲四川轉運使褚青爲左右軍統制趨益昌總領所倉庫程松聞變
棄興元去三年曦遣將引兵入鳳州以四郡付之表鐵山爲界僭位興州即
治所爲行宮遣董鎮至成都治宮殿將徙居之二月甲戌夜漏盡楊巨源李
好義首率勇敢七十人斧門以入李貴即曦室斬其首裂其尸分遣將士收
其賊黨子弟皆誅之函首獻于朝詔曦妻子處死勒停吳璘子孫並徙出蜀
吳玠子孫免連坐通主璘廟祀

泰和六年吳曦出兵興元有窺關隴之志以利餌鳳翔卒溫昌結二虞侯爲
內應昌詣府上變曦遣諸將出秦隴完顏綱率軍拒之上聞韓侂胄忌曦威
名可以間誘致之梁益居宋上遊可以得志於宋封曦蜀國王鑄金印賜曦

詔綱經略之其賜曦詔曰宋自信桓失守構竄江表時則乃祖武安公玠捍禦兩川洎武順王璘嗣有大勳固宜世祚大昌遂荒西土長爲藩輔誓以河山後裔縱有變厲之汰猶當十世宥之然威略震主者身危功蓋天下者不賞自古如此非止於今卿家專制蜀漢積有歲年猜嫌旣盟進退維谷伐之而不受召之爾而不赴君臣之義已同路人譬之破桐之葉不可以復合騎虎之勢不可以中下矣此事流傳稔於朕聽每一思之嘗爲當饋歎息而卿尤偃然自安且卿自視翊贊之功與岳飛之威名戰功暴於南北一旦見忌遂被參夷之誅皆不畏哉又曰朕已分命虎臣臨江問罪飛渡有期此正豪傑分功之秋也卿必能深識天命洞鑒事機若按兵閉境不爲異同使我師併力巢穴而無西顧之憂則全蜀之地卿所素有當加封冊一依皇統冊構故事更能順流東下助爲犄角則旋麾所指盡以相付朕不食言綱被詔進至水洛訪得曦族人端遣持詔間行諭曦曦意動程松尙在興元未敢發兵敗曦

乃遣果州團練使郭澄仙人關使任辛奉表及蜀地圖吳氏譜牒來上頃之
安丙殺曦上聞之遣責綱曰曦之降自當進據仙人關以制蜀命且爲曦重
既不據關復撤兵使丙無所憚是宜有今日也於是詔贈曦太師命招魂葬
于水洛縣以其族兄端之子爲曦後

徽縣雜記第四

光武初帝使隗囂討蜀囂不行用王元計欲以自霸帝以囂子內侍公孫述遠
據邊陲乃謂諸將曰且當置此二子於度外耳會公孫述遺兵寇南郡乃詔囂
當從天水伐蜀因此欲以潰其心腹囂上言白水險阻棧道絕敗又多設支閼
帝知其終不爲用頗欲討之

魏志太祖自散關出武都討氐王寶茂至河池承涼州司馬武都降人說張魯
易攻陽平城下南北山相遠不可守也太祖信以爲然先遣張郃督部步卒五
千於前開路至陽平 漢書

裴方明立幼蜀土歷穎川南平諸郡元嘉二十一年方明與劉真道並坐破仇

池斷割金銀諸雜寶貨又藏楊難當善馬下獄死劉康祖等繫免各有差

南宋書

仇池武興郡氏數反西郡戍租運久絕正光中詔張普惠爲西道行臺給秦岐七州兵武三萬人任其召發送南秦東益二州兵租分付諸戍普惠至南秦召秦州兵四千分配四統令送兵租連營接柵相繼而進時楊公熙潛結氏豪吳富紛動群民吳富爲左右所殺而徒黨尤盛秦州所管武都武階租頗得達東益羣氏先歛順故廣業仇州河池三戍粟便得入其應入東益十萬石租皆稽留費盡升斗不至鎮戍兵武皆恨普惠經畧不廣

魏書

蕭衍爲衡州刺史張齊入寇晉壽圍東益州城乃徵傅豎眼於淮南旣出梁州蜀民聞豎眼爲刺史迎於路者日有數百至州白水以東民皆寧業先是蕭衍都統白水軍事楊興起李光宗襲據白水舊城豎眼遣郗虬與陰平王楊太亦率衆夜渡白水旦而交戰大敗斬興起首又遣統軍傅曇表大破王光昭于陰

平張齊仍阻白水屯寇葭萌豎眼分遣諸將水陸討之益州平靈太后璽書慰

勞 魏書

薛舉寇秦州姜暮山西豪望高祖詔姜暮安撫隴外乃與竇軌出散關下河池
漢陽遇薛舉與戰軌敗暮還河池後平仁杲舉子擢暮秦州刺史帝曰昔人稱衣
錦故鄉今以本州相授所以賞功 唐書

明皇西幸經河池斜谷左拾遺高適佐哥舒翰守潼關翰敗適走間道及帝於
河池因言翰忠義有素而病奪其明乃至荒踣監軍諸將不恤軍務以倡優蒲
塞相娛樂渾隴武士飯糲日不壓而責死戰其敗固宜又魯炅何履光趙國珍
屯南陽而一二中人監軍更用事是能取勝哉臣數爲楊國忠言之不肯聽故
陛下有今日行未足深恥帝頷之 唐書

車駕至河池劍南節度使崔圓馳奏蜀土腴穀羨儲供易辦帝嘆其忠即日拜
爲中書侍郎同平章事

李白隴西人常往還蜀隴間經青泥嶺作蜀道難詩以狀峻險時房瑄杜甫在嚴武幕下意爲房杜危之也 唐書

建中四年正月清水之盟隴右節度使張鑑給吐蕃尙結贊除地爲壇約唐地涇州右盡彈箏峽隴州右極清水鳳州西盡同谷劍南盡西山大度水於是升壇大享獻酬而還帝謂清水之盟疆場不定復令崔漢衝決於贊普乃克盟 唐書

岐王李茂貞以劉知俊爲涇州節度使攻興元取興鳳圍西縣已而茂貞左右忌知俊功以事間之茂貞奪其軍知俊奔蜀王建以爲武信軍節度軍使使返攻茂貞取秦鳳階成四州 五代史

紹興三年宣撫使分陝西之地自秦鳳至洋州以利州制置使吳玠主之屯仙人關 宋史

李顯忠至鄜州尙有馬步軍四百餘撒離喝在耀州聞顯忠一夕遁去宣撫使

吳玠遣使撫諭云兩國已議和不可生事可量引軍赴行在遂至河池縣見玠玠曰忠義歸朝惟君第一至行在高宗撫勞再三

四川宣撫使

本川陝宣撫使朝議主和始去陝字

舊居綿閬間及胡世將代吳玠就居河池 宋史

王綸撰吳玠神道碑稱上旨賜宸翰褒寵 宋史

鄭剛中爲四川宣撫副使治蜀頗有方略先是川口屯兵十萬分隸三大將吳璘屯興州楊政屯興元府郭浩屯金州皆建帥節而統制官知成州王彥知階州姚仲知西州程俊知鳳州楊從儀亦領沿邊安撫剛中請分利州爲東西路以興元府利閬洋巴劍州大安軍七郡爲東路治興元命政爲安撫以興階成西和文隴鳳七路州爲西路治興州命璘爲安撫而命浩爲金房達州安撫諸裨將領安撫者皆罷從之 宋史

新疆大記 終